

Prælectiones

DOCTISSIMI VI-
RI GVILIELMI WHITAKERI
NUPER SACRÆ THEOLOGIÆ
IN ACADEMIA CANTABRI-

*gienti Doctoris & Professoris Regij, & Collegij
S. Ioannis Evangelistæ in eadem
Academia Præfeli.*

In quibus tractatur Controversia de Concilijs con-
tra Pontificios, inprimis Robertum Bellarminum
Iesuitam, in sex Questiones distri-
buta, quas pagina sequens
indicabit.



*Edita opera & cura Ioannis Allenson sacre Theo-
logiæ Baccalauræi & Collegij præ-
dicti Socij.*

His adiecta est in fine alia eiusdem Prælectio alte-
rius argumenti, coram multis Nobilissi-
mis viris, & plurimis Gene-
rosis habita.

CANTABRIGIÆ

Excudebat Iohannes Legat. 1600.

Ordo Quaestionum.

- 1 *An sint cogenda Concilia.*
- 2 *A quo & cuius auctoritate cogenda.*
- 3 *Ex quo genere hominum constare debeant.*
- 4 *Cuius sit ijs praesidere.*
- 5 *An sint supra Papam.*
- 6 *An errare possint.*

342:99

Leſtori benevolo.S.

Pergo , quantum in me eſt , tuis commodis conſulere (amice leſtor) tuaqꝫ expectationi & deſiderio pro virili ſatisfacere. Poſt editas enim à me ſuperiore anno doctiſſimi Whitakeri Praelectiones in Cōtroverſiam de Eccleſia, en prodit tandem hic libellus, in quo Controverſia de Conciliis , qua loco & ordine proxima eſt , quemadmodum ex tabula Controverſiarum apparet, explicatur. Ex cuius certè lectione & diligenti obſervatione, eam uti ſpero, non utilitatem modo, verumetiam incunditatem percipies, ut te laboris tui nunquam proſectò panituerit. Hinc enim intelliges, quis Eccleſiae ſtatus fuerit ab initio ſub piis Imperatoribus, antequam Romanus Pontifex ad illud potentiae & dignitatis culmē aſpiraverit, ut non modo in univerſam Chriſtiani orbis Eccleſiam tyrannidem exerceret, verumetiā Imperatores & Principes Chriſtianos pro ludibrio haberet, & tantum nō ſub pedibus conculcavet; quātāqꝫ poſtea rerum omnium mutatio ſecat a eſt, ex quo omnia in Eccleſia Dei pro illius arbitrio geri, & ex illius nutu atqꝫ imperio pendere ceperunt. Eò enim res rediit, ut qui olim ad Imperatorum pedes proſolatus, humillimè ab illis petebat, ut Concilia Authoritate ſua indici curarēt, is nunc hanc omnē Concilia indidenti Authoritatē ſibi ſolū vendicet, & ad ſe ſolum pertinere putet; qui olim à Concilio in ordinem cogi & poterat & ſolebat, is nunc Conciliū cuiuſqꝫ habenas

nas quas manuteneat, eiusdemq; decreta pro suo
arbitrio rata vel irrita faciat. Quae etsi triste & ca-
lamitosam horum temporum, in qua nos incidimus,
cōditionē declarāt, tamē propter varias rerū muta-
tiones & vicissitudines, nō possūt nō legentiū ani-
mos mirifica quadā delectatione perfundere. Verūm
de his rebus omnibus malim te ab Authore ipso quā
à me certiores fieri. Ad illum igitur te remitto. Si
verò in rationibus & responsionibus nonnullis bre-
vior tibi videatur, quā tu fortasse cuperes & ex-
pectares, cogitare debes, hac ita à me edi, quemadmo-
dum sunt ab ore prælegentis excepta, quae ille procul
dubio, si ei Deus longiorem vitæ usuram concessis-
set, & pluribus dilatare, & limatiùs perpolire, in a-
nimo habuit. Ad me verò quod attinet, etsi poteram
fortasse multa multis in locis adijcere, tamen religio
mibi fuit ab Authoris vestigijs vel latū (quod aiunt)
unguem discedere. In testimonijs, quae citantur, exa-
minandis, quam potui operā & curam adhibui, si for-
tè alicubi lapsus fuero, (quod in tanta testimoniōrū
multitudine facile accidere potuit) tuam (humanis-
sime Lector) & in ignoscendo facilitatem, & in cor-
rigendo humanitatem imploro. Sic hunc libellum
tibi, te verò meq; item ipsum Deo cōmendo. Vale. E
Collegio S. Ioannis Evangelistae in Academia Can-
tabrigiensi. Aprilis 16. 1600.



TER T I A E C O N troverſiæ de (onciliis quæ-

ſtio prima, De neceſſitate Conciliorum.

*An ſcilicet cogenda ſint Concilia
omnino.*

*Caput primum, in quo Controverſia hæc omnis
in ſuis particulares Queſtio-
nes diſtribuitur.*



Vcas Evangeliſta, Act. 15. 6.
hæc verba habet. Συνήχθησαν
οὖν οἱ ἀπόστολοι καὶ οἱ πρεσβύτεροι πρὸς
τὸ λόγον τοῦτο. Congre-
gati ſunt igitur Apoſtoli &
Presbyteri ut diſpicerent hæc
de re. Inſtituenti mihi novam

de Concilij Controverſiam tractare, hæc ver-
ba in mentem veniebant, in quibus mentio fit
Concilij celeberrimi Hieroſolymis habitū ab
Apoſtoliſ & Presbyteris circiter annum deci-
mum ſextum aut decimum octavū poſt Chri-
ſti aſcenſionem. Cuius quidem Concilij con-
gregandi ea occaſio fuit, quæ totam Eccleſiam
illo tempore commoverat. Cum enim Paulus
& Barnabas regiones multas peragrâſſent, & E-

vangelij semen inter Gentes sparsissent, magnumque populum ad Christi nomen convertissent, & multas Ecclesias passim fundassent: exorti sunt nonnulli veterum ceremoniarum nimium studiosi, qui religionem Christianam præclare ab illis fundatam labefactare, & Ecclesiās ab illis recte constitutas perturbare conati sunt. Quare cum Paulus Antiochiam rediisset, discipuli quidā Hierosolymitani, qui sic Christum susceperant, ut Moysen retinerent, & utrique simul inservire cupiebant, Antiochiam profecti Paulo reclamare sanam doctrinam prædicati, & circumcisionem urgere incipiunt, palamq; & confidenter docere, nisi qui circumcidatur, servari non posse. Qua quidem in re tam acres fuerunt, ut non modo cum Paulo & Barnaba disputarent, sed gravissimam etiam in Ecclesia Dei contentionem ac seditionem excitarent. Sic semper Satanas invidia plenus conatur suum pestiferum lolium cum salutari semine Evangelicæ doctrinæ miscere. Itaque non plebeios quosdam homunculos, sed Phariseos, Christianos, Hierosolymitanos, cum Apostolis versatos, instigat atque impellit, ut Antiochiam proficiscerentur, quod cum fide atque auctoritate maiore Apostolicam sanamq; doctrinam impugnarent. Ergo post disceptationem diuturnam, cum illi emissarii in suscepta sententia persisterent, placuit ut res ad Apostolos Ecclesiamq; Hierosolymitanam referretur. Sic Paulus ac Barnabas Hierosolymā contendunt, & postquam

quàm narrâssent de suis laboribus, fructuq; maximo sui ministerij, deinceps exponunt, quemadmodum Pharisei quidam gravem contentionem excitaverant, aperteq; docuerant, oportere non modò circumcidi, sed uniuersam quòque Mosis legem servare, seq; venisse ut Controversiam ad Apostolos Ecclesiamq; deferrèt. His rebus expositis, Apostoli ac Presbyteri cōveniunt, ut de causa hac longè gravissima dispiacerent, ac statuerent, & multorum offensionì occurrerent. Augustum inprimis & nobile Concilium, cui ipsi Apostoli interfuerunt, & eximij illi Christi atque Apostolorum discipuli, in quo (si unquam in ullo Concilio) veritas vicit atque obtinuit, & Ecclesiæ fidei ac paci cōsultum est, quæ de causa legitima Concilia haberi solent, cuiusmodi multa habita sunt in Ecclesia, etsi non eiusdem generis omnia. Ergo de Concilijs dicturi, & Controversiam inprimis utilem explicaturi, videamus primò quæ sint huius loci ac Quæstionis partes, de quibus nobis disserendum est. Eâ verò diligentia utemur in hac Controversia, qua hætenus in alijs Controversijs usi sumus.

Sunt autem hæ quæstiones de Concilijs, quæ sunt à nobis sigillatim tractandæ. Congregati sunt Apostoli & Presbyteri &c. ergo primo loco quærendum est, utrum Concilia necessaria sint, & an sint cogenda omnino, de qua tamen quæstione non magna inter nos & Adversarios controversia est. Congregati sunt Apostoli

& Presbyteri : ergo proximo loco quærendum est, cuius sit Concilia congregare . Congregati sunt Apostoli & Presbyteri ; ergo tertio loco quærendum est, qui homines Concilij interesse debeant , & ex quo hominum genere debeant constare. Congregati sunt Apostoli & Presbyteri ; ergo quarto loco quærendum est, quis Concilij præesse & moderari debeat. Congregati sunt Apostoli & Presbyteri , ut dispicerent hac de re ; ergo quinto loco quærendum est , utrum Concilij an Papæ maior sit autoritas. Congregati sunt Apostoli & Presbyteri ; ergo sexto & ultimo loco quærendum est , utrum Concilia possint errare . Has quæstiones sic tractabo, ut a me propositæ sunt, quanta perspicuitate, diligentia, & fructu possum. Erit vero hæc tractatio Theologo utilis imprimis & necessaria. Continet enim & explicat historiam omnium seculorum de statu Ecclesiæ , quæ est imprimis cognitu necessaria. Nam in quacunque Republica vivimus , historiam eius scire , & qualis illius status fuerit , ab initio intelligere plurimum interest : quantò magis Ecclesiæ ?

CAPVT 2.

De Concilij definitione & distributione.

SEd antequam ad quæstiones istas accedo, sunt quædam præfanda, quæ ad harum controversiarum statum melius intelligendum, nostramque & Adversariorum sententiam cognoscendam

noscedam plurimum conducunt. Concilium verò dicitur, non à consulendo aut consentiendo, ut vult Festus, sed à concalando, hoc est, convocando, sive congregando, quod rei vim naturamque declarat. Concilium enim quid aliud est, si communem rei definitionem spectemus, quàm hominum cætus, aut concio, aut convocatio, aut conventus, aut multitudo collecta ac convocata ab aliquo ad consultandum aut dijudicandum de rebus communibus. Sic autem ipsa natura docuit, ut cùm occasio aliqua inciderit, quæ pertinet ad multos, quæque communem salutem ac commodum attingit, conveniant homines prudentes, qui provideant, quantum possunt, ne quid Respublica detrimenti capiat. Cùm enim homo animal sit ad societatem & communionem natus, quæ sine consilio contineri non potest; edocti homines à natura viderunt sibi necessarium esse, ut in communi conventu deliberarent. Nullus enim status diu conservari potest, nisi qui sapientia & consilio multorum nitatur: ut quanquam summum imperium sit unius, is multorum tamen consilio utatur.

Sunt autem hæc Concilia duorum generum, cùm duplex sit materia illarum rerum, de quibus homines consultare solent. Nam alia sunt politica, alia Ecclesiastica. Politica sunt, quæ de rebus ad statum externum Reipublicæ pertinentibus congregantur, ut quando leges sunt ferendæ, magistratus eligendi, bellum

gendum, aut communis aliqua calamitas depellenda: ut in nostra Reipublica, cum gravis aliqua deliberatio inciderit, publicum omnium ordinum Concilium convocatur, quod nos Parlamentum appellamus. Ecclesiastica verò Concilia sunt hominum piorum ac religiosorum de rebus Ecclesiæ consultantium, quorum omnis consultatio eò spectat: non ut huius vitæ commoda quarantur, sed ut Dei regnum amplificetur, & vera pietas ac religio ubiq; floreat. Nos de Ecclesiasticis tantum Concilijs dicemus, quæ sunt trium generum. Quædam enim sunt particularia, quando pauci homines ex vno loco colliguntur, ut res Ecclesiasticas cōstituant, aut aliquod consilium ineant, cuiusmodi fuit illud Concilium, de quo Lucas Act. 15. Non enim omnes undique Pastores, Presbyteri, Prophetæ, & Evangelistæ convenerunt, sed qui Hierosolymis tantum fuerunt, ubi quædam quasi religionis arx & caput Ecclesiæ fuit. Nec magnus ille cōventus esse potuit, propter Sacerdotes & Phariseos, quibus circum septifuerunt. Hæ *κατὰ τόμους σύνοδοι* dicātur, vel *σύνοδοι τομῶν*. Quædam sunt Provincialia aut Nationalia, quando vnus gentis Episcopi & Presbyteri congregantur, ut suis Ecclesijs consulant, ut leges Ecclesiasticas genti suæ salutares sanciant, & tollant ea quæ cum pietate pugnant; cuiusmodi olim in Africa & Hispania & alijs partibus orbis permulta habita sunt, de quibus in libris Conciliorum legimus. Hæ *σύνοδοι κατ' ἐπαρχίας* appellentur. Quædam

dam sunt vniversalia, cum non ex vna gente, sed ex toto orbe Christiano Episcopi ac Presbyteri propter maximas causas publica authoritate congregantur, vt olim à pijs Imperatoribus sæpe, ad quæ ex singulis ferè provincijs, Africa, Asia, Europæ, aliqui conueniunt. Non enim omnes ad eiusmodi concilia conuenire debent, ne greges passim deferantur. Hæ vocentur *oecumenici*, vel quia ex omni parte orbis ad eas conuenitur, vel quia, vt quidam volunt, ab Imperatore cōgregabātur, qui olim totius orbis Christiani imperium habuit.

Bellarminus lib. 1. de Concil. & Eccles. cap. 4. dupliciter partitur Concilia. Prior divisio est de varijs generibus Conciliorum, altera de varia illorum authoritate. Quod ad primam partitionem attinet, ait esse quatuor genera Conciliorum, Generalia, Nationalia, Provincialia, Diocesana. Trium priorum Augustinus meminit lib. 2. contra Donatist. cap. 3: membri verò quarti Concilium Toletanum quartum cap. 25. Hæc cuiusmodi sint, nunc audiamus. Diocesana Concilia sunt, in quibus Presbyteri vnus tantum Episcopatus conueniunt. Provincialia sūt, in quibus omnes Episcopi conueniunt sub vno Archiepiscopo aut Metropolitā. Nationalia sunt, cum omnes Episcopi & Archiepiscopi vnus regni conueniunt. Generalia, quibus interesse possunt ac debent Episcopi totius orbis, nisi legitimè impediuntur. Alterius quoq; distributionis quatuor membra

A 4

sunt,

sunt. Quædam enim ait approbata esse ab Apostolica sede, quædam omnino reprobata, quædam partim approbata, partim reprobata, quædam nec approbata, nec reprobata, cuiusmodi fuerunt minuta quædam Concilia particularia. Hæc cuiusmodi sint, paucis videndū est. Quartum membrum prætermittit; de reliquis sigillatim agit. Quod ad primum genus attinet, ea ait huiusmodi esse, quæ authoritate sedis Apostolicæ approbata sunt. Sed quænam illa tandē sunt? Sunt (inquit) numero octodecim hucusq;.

Primum fuit Nicenum primum contra Arium congregatum, omnium hæreticorū principem, qui Christi divinitatem negavit, in quo fuerunt Episcopi. 318. quo nullum certē augustius vel celebrius fuit.

Secundum est Constantinopolitanum primum contra Macedonium coactum, qui Spiritus sancti divinitatem negavit, in quo fuerunt Episcopi 150.

Tertium est Ephesium primum contra Nestorium coactum, qui duas in Christo personas contra fidem Catholicam constituit, in quo fuerunt Episcopi 200.

Quartum est Concilium Chalcedonense contra Eutychetem, qui vnicam tantum naturam in Christo statuebat, in quo fuerunt Episcopi 630. Hæc quatuor Concilia summæ semper authoritatis fuerunt in Ecclesia Dei, quæ Gregorius se venerari dixit, ut quatuor Evangelia.

Quintum est Constantinopolitanum secundum contra Originem, in quo fuerunt Episcopi 165. De hoc Concilio nō multa legimus, sed tamen

tamen huius quædam in historijs Ecclesiasticis
reperiuntur. *Sextum* est Cōstantinopolitanum
tertium contra Monothelitas coactum, qui vni-
cam tantum voluntatē Christo tribuerunt. Cō-
stabat verò ex Episcopis 289. *Septimum* nume-
rant Adversarij Nicenum secundum, contra I-
conomachos coactum, quod constabat ex 350.
Episcopis. De hoc postea plura dicentur. Fuit
certè impium & sceleratum Concilium. *Octavum*
est Constantinopolitanum quartum de causa
Photij, in quo fuerunt Episcopi 383. *Nonsim*
est Lateranense primum contra Saracenos pro
terra sancta recuperāda, in quo fuerunt Episco-
pi 900. & amplius. *Decimum* est Lateranense
secundum contra Antipapas, in quo fuerunt E-
piscopi 1000. *Vndecimum* est Lateranense tertiu
contra Waldenses, cui interfuerunt ferè 300. E-
piscopi. *Duodecimum* est Lateranense quartum
contra varias hæreses. & pro terra itidem sancta
recuperanda, in quo fuerunt Episcopi 472. &
Patres alij permulti. *Decimum tertium* est Lug-
dunense primum, contra Fridericum Impera-
torem à Papa coactum, & pro terra sancta.
De numero Episcoporum nil ait Bellarmi-
nus, sed fuerunt plus quàm 300. *Decimum*
quartum est Lugdunense secundum contra er-
rorem Græcorum, qui Spiritum sanctum à
Patre tantum non à filio processisse affirma-
bant. Constabat verò ex Patribus ferè mil-
le, eique Concilio Bonaventura interfuit. *De-*
cimum quintum est Viennense à Clemente
coa-

coactum contra varias hæreses, in quo fuerunt Episcopi 300. *Decimum sextum* est Florëtinum contra Græcorum errores, in quo fuerunt Patres 141. Non video quomodo generale dici possit. *Decimum septimum* est Lateranense quintum sub Iulio secundo & Leone decimo contra schismata, in quo patres fuerunt non admodum multi, nempe 114. Vix generale hoc fuit. *Decimum octavum* est Tridentinum contra Lutheranos, cui interfuerunt Cardinales sex, legati quatuor, Patriarchæ tres, Archiepiscopi triginta duo, Episcopi 228, Abbates quinque. In exitu forsan Concilij tam multi reperti sunt, sed in principio pauciores fuerunt, credo triginta aut quadraginta Episcopi cum Legatis Pontificis Romani. Sed postea magna accessio facta est. Nam novos quotidie Episcopos creavit Pontifex, eosque ad Concilium misit, ut maior esset illius dignitas & autoritas. Hæc ait omnia probari à Pontifice Romano, & recipi à Catholicis.

Iam verò Concilia generalia reprobata octo commemorat. *Primum* est Concilium Antiochenum, in quo Athanasius doctissimus fidei Catholicæ propugnator damnatus est. *Secundum* est Mediolanense, in quo fides Catholica oblique damnata est. *Tertium* est Ariminense, in quo nomen *homoion* sublatum est. *Quartum* est Ephesinum secundum, in quo Eutychiana hæresis confirmata est. Quod Conciliū appellatur *λειτουργικόν*, hoc est, Conciliū latronum, quia in illo Concilio per seditionē & vim gesta sunt omnia. *bi*

bi Flavianus occisus est. Quintum est *Constantinopolitanum*, contra imagines. *Sextum* est *Constantinopolitanum* aliud similiter contra imagines. *Septimum* est *Pisanum*, quod collectum fuit contra Iulium secundum. *Octavum* est *VVitembergense Concilium*, quod Lutherani (inquit) generale appellant, in quo pastores congregati sunt 300 præside Luthero. Quod si ita fuit, non video cur non possit illud Concilium cum multis generalibus Conciliis contendere. Hæc illa Concilia sunt, quæ reprobata & damnata esse ait.

Iam postremò illa videamus, quæ partim approbata, partim reprobata sunt. Ea verò sex numerantur. Quorum *primum* est *Sardicense*, in quo alij Catholici fuerunt, alij Ariani. *Secundum* est *Syrmienſe Sardicēſi simile*. *Tertium* est illud *Constantinopolitanum*, in quo canones *Trulani* sunt, quos Papa partim approbavit, partim reprobavit. *Quartum* est *Francofurti habitum*, in quo decretum est Christum non esse Dei filiū adoptivum, & hac quidem ex parte approbatur: reprobatur verò est, quod in eo *Nicæna synodus*, quæ imagines statuit & probavit, damnatur. Eiusmodi fuit *Concilium Constantiense* huius generis *quintum*, quod quatenus Concilium esse supra Papam decrevit, reprobatur, & *Basiliense*, quod *sexto* loco ab illo numeratur, cuius Concilii nihil ferè recipitur, nisi sanctiones quædam de beneficiis Ecclesiasticis. Hoc etiam Concilium decrevit, Concilium esse supra Papam.

pam. Sic ille quædam Concilia pia, quædam impia, quædam mista statuit.

Ex his igitur, quæ Concilia à Papistis recepta sunt, quæ reiecta, quæ partim recepta sunt, partim reiecta, intelligimus. Vnde hæc ego duo colligo, de quibus etiam postea erit dicendum. *Primum* est, Concilia generalia posse errare, & falsas opiniones amplecti, cuiusmodi nonnulla ab Adversariis nostris commemorantur, quibus illi tamen omnem authoritatem detrahunt. Nam Concilium Antiochenum veritatem damnavit, & hæresin apertam propugnavit: similiter Ariminense, & Ephesinum secundum. Ex quo patet veritatem non esse metiendam ex numero Episcoporum. *Secundum* est, Concilia generalia decrevisse quædam, quæ apertè pugnant cum Ecclesiæ Romanæ doctrina, cumq; sedis Apostolicæ authoritate. Ita decreverunt duo Concilia Constantinopolitana & Francofordiense cōtra imagines, & Constantiense ac Basiliense oportere Pontificem parere Concilio, & ab illo abdicari posse, atq; in ordinem cogi: ideoq; pars Concilii Constantiensis reiicitur, Basiliense totum. Hæc Concilia Papæ displicuerunt, ac proinde ab illo reiecta sunt. Tantum igitur Concilia valent, quantum Pontifici placent. De his Conciliis omnibus non attinet historiam contexere, aut contentionem aliquam de tempore vniuscuiusq; instituere. Nec certè de illis contentio aliqua est inter nos & Adversarios, præterquam de vno Concilio Niceno, quod illi sub
Sylve-

Sylvestro Papa habitum fuisse volunt, & ab illo indictum, sed falsissimè, cùm constet illū vita defunctum fuisse ante initium huius Concilij. Nos verò sub Iulio habitum fuisse dicimus, qui paucos tantum mēses illam sedem tenuit proximè post Sylvestrum. Senex admodum ipse fuit, ac propterea non potuit ad Concilium venire, sed misit Vitum & Vincentium Presbyteros suos. Sic scribit Sozomen. lib. 1. cap. 17. Sic Athanasius, qui eidem Concilio interfuit, Apolog. 2. Sic Nicephorus. lib. 8. cap. 14. Sic Beda in Chronicis.

CAPVT 3.

In quo prima quaestio tractatur, An cogenda sint Concilia.

Nunc ad primam quaestionem accedo, quæ tamen controversiæ nihil habere videtur, de utilitate, vel necessitate Conciliorum. Sed hac de re quædam dicenda sunt, ut quid de Concilijs statuendum sit, melius intelligamus. Quidam igitur solis Scripturis contēti & verbi prædicatione, Concilia non requirunt, imò ab ijs abhorrent. Nazianzenus in Epistola ad Procopium (quæ est numero 42.) rogatus ut ad Concilium veniret, se excusat, aperteque ait se εὐχόμενον πάντα σύλλογον ἐπισκόπων, id est, omnes Episcoporum conventus fugere. Cuius rei rationē reddit, quia nullius unquam synodi bonum & felicem exitum vidisset. Præterea attexit, non tam

οὐσιν κακῶν quam ~~αποδίδωμι~~ habuisse, hoc est, ma-
 lorum non tam remedia quam incrementa ex illis
 provenisse. Et tamen ante illum habita nonnulla
 Concilia sunt, Nicenum nempe primum, &
 Constantinopolitanum primum: in quorum
 priori Christi, in altero Spiritus sancti divinitas
 vindicata, & contra blasphemos hæreticos de-
 fensa fuit. Mirum ergo videri potest, quòd Na-
 zianzenus se alicuius Concilij bonum exitum
 vidisse neget. Nam in his duobus Concili-
 is vicit veritas, hæresis explosa est. Sed tamen
 certum est, post illam Synodum Nicenam, au-
 ctam & corroboratam fuisse Arii hæresin, &
 magis Ecclesiam perturbavisse, quam antea,
 quod quidem non Concilio tribuendum est,
 sed hominum φιλονεικία & εὐλαρχία. Nam vt Le-
 gi Dei agnitæ vitiosa nostra natura vehementi-
 us repugnat, & præeeps in peccata ruit: ita ve-
 ritati tum explanatæ & palam defensæ falsitas
 sese audaciùs opposuit, unde post Synodum il-
 lam, qua nulla melior fuit, ex hominum pravi-
 tate maiora incommoda nata sunt. De quibus
 Hilarius ad Constantiū Cæsarem in hunc mo-
 dum scribit. *Dum alter alteri anathema esse capit,*
propè iam nemo Christi est, Nil erat nisi pugna in
verbis, questio de novitatibus, de autoritatibus
querela, de studiis certamen, in consensu difficultas.
 Cum Nazianzenus tam improba hominum in-
 genia cerneret, totus à Conciliis alienus fuit.
 Quanquam ille sine dubio non rem ipsam, sed
 potius prava hominum studia improbavit. Si
 quis

quils autem hoc modo ratiocinabitur , Exitus Conciliorum non est bonus , vel incrementa malorum ex Conciliis sequuntur:ergo Concilia sunt fugienda;is à non causa vt causa,& ab accidente,& à consequente fallaciter disputabit Sed ignoscendum est Nazianzeno, quia pessimis & turbulentissimis Ecclesiæ temporibus vixit , in quibus propter averfam Valentis Imperatoris mentem à fide Catholica, hæretici plurimum valuerunt,& praviora hominum studia indies extiterunt.Synodos ergo omnes refugit,ne maiorum inde malorum occasio nasceretur. Tamen verissimum est , quod Augustinus in Epist. 118. ait,*Conciliorum in Ecclesia Dei saluberrimā auctoritatē esse*, quod ille certē nō dixisset, si cū Naziāzeno sensisset.Christus ipse pronūciat & promittit Mat. 18.20, *Vbi duo aut tres in nomine eius cōgregātūr, ibi se futurū in medio eorum.* Quibus verbis significat piorum ac religiosorum conventus & Concilia, propter causas pias suscepta atq; instituta, sibi minimē displicere. Et de Conciliis quidem tum in vetere tum in novo Testamento legimus.Moyse sibi vidit necessarium esse Concilium seniorum, itaq; monitus à socero suo viros prudentes & Deum timentes è toto cœtu Israelitarum elegit.Exod. 18. Sic David, Ezechias, Iosias, & alii pii Principes Israelitarum, nec sacras ceremonias instituerunt, nec religionem repurgârunt, absq; synodo Seniorum, Sacerdotum, Prophetarum, Levitarum. Et 1. Reg. 18. legimus de Concilio Carmelitico inter

ter Eliam & Pseudoprophetas, Baaliticos. Ita 1. Reg. 22. habetur Concilium Galaaditicum de repetenda Ramaoth, cui multi Pseudoprophetae interfuerunt; & vnus tantum verus Dei Propheta Micheas. In nouo vero Testamento Apostoli & tota Ecclesia comitia celebrarunt de eligendo Matthia in locum Iudae Act. 1. de electione septem Diaconorum Act. 6. de circumcisione, Act. 15. Et verissimum illud est, quod Hieronymus ait in comment. in Tit. 1. *Antequam instinctu Diaboli studia in religione fierent, & diceretur in populis, Ego sum Pauli, ego sum Cepha, ego sum Christi: communi Presbyterorum consilio Ecclesia gubernabatur.* Cum enim (vt Paulus ait Ephes. 4.) omnes nos corpus vnum simus, cumq; Ecclesia ex multis membris constet; nullum membrum ociosum debet esse, aut sibi tantum consulere, sed communem salutem & vtilitatem spectare. Et quemadmodum faces disiectae (quae est Chrysostomi similitudo) nihil aut parum caloris concipiunt, si vero in vnum conferantur, flammam excitabunt: sic homines pii congregati multum possunt, disgregati vero parum efficiunt. Et quemadmodum in iis rebus, quae viribus fiunt, & robore administrantur, vis unita fortior esse solet; sic in iis rebus quae consilio geruntur, si coniunctis studiis omnia agantur, facilius transiguntur. Recte Innocentius apud Gratianum distinguit. 20. capite, De quibus, *Facilius inuenitur, quod a pluribus senioribus* (i. sapientibus) *queritur.* Verus enim repromissor ait Matth.

18.10. Si duo aut tres congregati fuerint in nomine meo, ibi ego sum in medio eorum. Quare cum molestum esset Concilia generalia convocare; decretum olim est, ut in singulis provincijs bis quotannis aut semel ad minimum Cōcilia celebrarētur, ut habetur in Novell. Iustiniani Imperatoris constitut. 123. ἵνα δὲ πᾶσα ἡ ἐκκλησιαστικὴ κατὰ κράτος, καὶ οἱ θεῶν κατόντες ἐπιμελῶς φυλάττοιτο, καλεῖσθαι ἕνα ἕκαστον μακαριώτατον Ἀρχιεπίσκοπον, καὶ πατριάρχην, καὶ μητροπολίτην, τοὺς ὁποῖότας ὁποσάνας τοὺς ἐν αὐτοῖς τελεῦντας καὶ πλὴν αὐτὴν ἐπαρχίαν ὅσαξ ἡ δὲ καθ' ἕκαστον ἐκ τῶν αὐτῶν συζητήσιν.

Et si ergo Concilia non sunt simpliciter & absolute necessaria (nam sine his fides & Ecclesia incolumis esse potest, & diu fuit) tamen multum conferunt, & valde vtilia sunt, idq; propter multas causas. *Prima* causa est, siqua difficilis quæstio in fide orta fuerit, quæ multos exerceat, & de qua variaz hominum opiniones sunt; veritas melius & certius invenitur, quando pii & docti viri vndiq; conveniunt & congregantur, eamq; communi studio quærunt. Nam non omnibus omnia Deus revelavit, sed vni sæpe id revelat, quod ab altero abscondit. Si alteri patefactum fuerit aliquid, hic taceat. 1. Cor. 14. 30. Neq; enim omnia membra sunt manus aut oculus, sed alia sunt in corpore membra. Hinc piorum Cōciliorum causa nascitur. Ita factum legimus in Concilio Niceno. Intercedente enim Paphnutio, & matrimonium castum esse ex Scripturis probante, mutarunt continuo sententiam Patres

illius Concilij. *Secunda* causa est, ut abusus in Ecclesia tollantur, & vitia removeantur. Cùm enim abusus in Ecclesia invaluerunt, communi autoritate & consensu tollendi sunt. Debet Ecclesia honestati & pietati consulere, & quæ cum honestate ac pietate pugnant, ea ab Ecclesia longissimè remove. Atque ita in omnibus ferè Concilijs de abusu remedijs legimus. *Tertia* causa est, ut *εὐτοξία*, & ordo, & recta ac legitima disciplina tum constituatur, tum conservetur, & ut Canones condantur & confirmentur. Habuit enim Ecclesia semper auctoritatem leges Ecclesiasticas condendi & sancienti, easque alijs imperandi, & eos puniendi, qui non observarent. Et hæc auctoritas semper habita est necessaria. Sed videndum tamen semper est, ne Ecclesia ritibus minùs necessarijs urgeatur. Ita in Concilio Niceno factum legimus. Postquam enim Arium damnârunt Patres illius Concilij, tum Canones Ecclesiasticos condunt. Theodoret. lib. 1. cap. 8. *ἀλλ' ὁ ἐκκλησιαστικὸς πολιτείας νόμος ἔγραψαν εἰκοσι.* *Quarta* causa est, ut paci Ecclesiæ consulatur, & unitas conservetur. Sæpe enim inter Episcopos & Pastores nonnullæ dissensiones sunt, aut saltem non ea consensus, quam religio & charitas postulant. Hinc scandala & offensiones in Ecclesia nascuntur, quæ ut tollantur, Concilium cogi debet. Vt enim in Republica si civile bellum inter aliquos nascatur, nihil magis optandum est, quàm ut positis armis ad colloquium veniatur, & pacis conditiones statuuntur:

tuantur: ita in Ecclesia, si dissensio aliqua fuerit inter Episcopos, nulla commodior ratio est in-
eundæ pacis, & concordæ stabiliendæ, quàm
ut Episcopi conveniant, & inter se depositâ om-
ni hostili discordiâ pacatè & tranquillè confe-
rant, ut ita lis tota componatur. *Quinta* causa
est, ut ex ipso congressu & aspectu mutuo mag-
na consolatio & fructus voluptatis à piis homi-
nibus percipiatur. Ita legimus Constantinum
nihil magis optâsse aut in votis habuisse, quàm
ut eximios viros & sanctissimos Episcopos in
Concilio congregatos oculis suis aspiceret. Sed
maxima utilitas ad Episcopos ipsos redundat.
Possunt enim illi de Ecclesiarum suarum statu
mutuò inter se conferre, incrementa & progres-
sus religionis cognoscere, & ad pietatem ac dili-
gentiâ in officio suo sese mutuis colloquiis hor-
tari & excitare. Et hæc magna sanè ac iusta cau-
sa est. Concilium enim sanctorum doctorumq;
hominum est non modò imago quædam cœle-
stis Ecclesiæ, sed & monumentum ac pignus di-
vinæ de Ecclesia cōservanda promissionis. Nec
vox illa omnino reprehendenda est, Concilium
esse Ecclesiam repræsentativam, quæ non de
Ecclesia tantum in terris militante, sed de cœle-
sti etiam & triumphante Ecclesia intelligi potest.
Sexta causa est: Etsi nullum Concilium potest
novum aliquod dogma condere, aut in Ecclesi-
am inducere: tamen multum confert ut docti &
exercitati Theologi conveniant, & suum iudi-
cium de rebus dubiis interponant. Multum e-

nim valet fidem in talium hominum Concilio confirmari, ut qui infirmi sunt, aut putant Ecclesiam aliter sentire, quàm sentit, ij publica consensione corroborentur. Et ob eam causam Apostoli ac Presbyteri Hierosolymis conveniunt, & Concilium celebrârunt. Act. 15. Non enim aut Petrus, aut Paulus, aut reliqui Apostoli, nesciebant abrogatam esse circumcisionem, & reliquas Legis Mosaicæ ceremonias tollendas esse, sed rem in quæstionem deducebant, ut Ecclesiæ & infirmis fratribus passim satisfaceret. Quam etiam ob causam profectus est Hierosolymam Paulus, ibiq; cum Petro sermonem contulit, non quòd ipse de vlla parte doctrinæ suæ dubitaret, aut ut ab illo auctoritatem aliquam docendi acciperet, sed vt omnes intelligerent, preclare inter illos convenire, seque non aliter docere, quàm Petrus, & Iacobus, & reliqui Apostoli docuerunt, atque ita omnis scandali occasio tolleretur. *Septima* causa est, si fortè Episcopus aliquis & legitimus Pastor Ecclesiæ non potest locum suum tueri, nec Ecclesiam suam in pace conservare, propter audaces aliquos & impudentes Adversarios, qui Ecclesiam suis dissidijs lacerant, & schismata in Ecclesiam inferunt; tum necesse est vt reliqui Episcopi vicini tanquam ad commune incendium extinguendum concurrant, audacibus hæreticis & schismaticis resistent, & pio Episcopo laboranti succurrant: vt si vnus paterfamilias non possit per se flammam in ædibus suis ortam reslingue-

re

re, alii qui ei vicini sunt, debent illi succurrere, & nisi sponte accurrant, cogendi sunt à magistratu. Ita factum esse legimus, cum Arius voluit præ suo pastore eminere, cepitq; multitudinem ad se attrahere, & Ecclesiam discindere, & Alexandro Christi divinitatem defendenti reclamare, adeò vt pius ille Episcopus penè succumberet. Tum enim alii Episcopi convenerunt, vt illi quasi iunctis viribus opem ferrent. *Ostava*, & ultima, eaq; præcipua causa est, vt quæadmodum in iudiciis politicis & forensibus malefici quaestione habita accusantur, & condemnantur: ita in Ecclesia hæretici publico iudicio damnentur, & anathematizentur, & veritas ab illorum calumniis vindicetur. Sed vt illic, non ex arbitrio iudicis, sed ex iure iudicium fieri debet: ita hîc non nisi ex publico & Imperiali iure, id est, ex Scriptura hæretici, fidei ac religionis hostes, damnandi sunt. Est enim Concilium quasi publicum Consistorium, aut Imperialis Camera, aut Parlamentum, in quo iudices auditâ utrâq; parte ferunt sententias, & res longè gravissimas decernunt. Nam etsi possunt hæretici à singulis damnari: tamen quando ab vniversa quasi Ecclesia damnantur, solennior & gravior est sententia. Sic Arius damnatus est primò ab Alexandro & Concilio Alexandrino, sed postea maiore cum authoritate à synodo Nicæna est damnatus. Quando verò hæreticus aliquis in Concilio damnatur, non ipsius Concilii authoritate damnatur, sed authoritate Scripturæ, & Dei in

Scriptura loquentis, ministerio verò Concilii, si-
ve Ecclesiæ in Concilio congregatæ. Vt enim
in forensibus iudiciis non iudex sed lex damnat
maleficum: iudex enim tantum minister legis
est: ita in Ecclesia non Concilium ipsum sua
authoritate, sed Scriptura Concilii ministerio
hæreticum damnat. Atque hæ gravissimæ &
iustissimæ sunt habendorum Conciliorum
causæ.

Bellarminus lib. 1. cap. 9. de Conciliis & Ec-
clesia sex causas commemorat, propter quas
Concilia celebrari solent. *Prima* est nova hære-
sis. *Secunda* est schisma inter Pontifices Roma-
nos. *Tertia* est resistentia communi hosti totius
Ecclesiæ. *Quarta* est suspicio hæreseos in Ro-
mano Pontifice, vel tyrannis incorrigibilis.
Quinta est dubitatio de electione Romani Pō-
tificis. *Sexta* est reformatio generalis abusuum
& vitiorum, quæ in Ecclesiam irrepserunt. Pre-
claræ certè causæ, quarum nulla vim habet, aut
alicuius est momenti, præter primam & postre-
mam. Ex his causis ait iudicari posse, num Con-
ciliorum cōgregatio utilis an necessaria sit. Ex-
plica ergo iudicium tuum Bellarmine: quid tan-
dem statuis? Suntne Concilia necessaria, an non?
De generalibus Concilijs statuit, esse vtilissima,
& suo quodam modo necessaria. Sed num ab-
solutè necessaria sunt? Imò ob nullam harum
causarum (inquit) absolutè sunt necessaria. Sunt
ergo necessaria, id est, magnopere utilia. Et nos
quidem non putamus esse simpliciter necessa-
ria.

ria. Nam si simpliciter necessaria fuissent, Christus alicubi præcepisset celebrari, aut eius saltem Apostoli: quod tamen nusquam ab illis factum esse legimus. Præterea Ecclesia & fides incolumis permansit per trecentos annos sine Concilio generali. Nam ante Nicænam Synodum à tempore Apostolorum nullum Concilium fuisse ipsi fatentur, quæ trecentis post Christum annis habita fuit. Hoc enim inter Ecclesiam & Rempublicam interest, quòd Respublica humano consilio indigeat, nec sine huiusmodi consilio stare possit: at Ecclesia à Deo regitur & servatur, ut quanquam ad illius statum externum conferat Concilium, tamen vita & salus Ecclesiæ in Concilio non consistat. Sed Bellarminus causas suas percurrit sigillatim, & ostendit Concilia ob nullam harum causarum simpliciter necessaria esse. Primò enim quòd attinet ad primam & secundam causam, hæreses plures sublatae sunt, & plura etiam schismata sine Conciliis, quàm per Concilia. Quod ad tertiam causam spectat, nec ob illam ait Concilia necessario requiri. Non enim absolute necessarium est, ut còmuni hosti resistatur, quia Ecclesiam ait conservari posse etiam sub persecutionibus Tyrannorum. Deinde aliter etiam còmuni hosti resisti posse affirmat, quàm per Concilia, bello scilicet, quod sine Concilio dici potest. Quod ad quartam causam attinet, ait propter suspicionem hæreseos in Papa nunquàm aliquod hætenus habitum esse Concilium ge-

nerale. Cur igitur hanc in causis numerat, si nūquam ob eam Concilium aliquod habitum est? Accidere autem potest, ut non modò sit suspicio hæreseos in Papa, verumetiam certum crimen, utq; sit ipse non modò Tyrannus, verumetiam lupus; ergo quid tandē fiet, si meritò fuerit de hæresi suspectus? Dum est verè Pontifex (inquit Bellarminus,) qualis certè esse potest etiam in suspitione hæreseos, non potest iudicari ab ullo Concilio, nisi fortè tribuat ipse Concilio potestatem examinandi causam suam. Præclara omnino ratio. Ita huc tandem recidit ratio Bellarmini, Concilium nihil præstare posse, nisi Pontifex voluerit. Potest ergo Concilium generale congregari, & iudicare de Papa, cum de hæresi suspectus fuerit, si modò ipse voluerit. Sed quid si noluerit? Tum certè ratio Bellarmini perit. Iam verò quod ad quintam causam attinet de electione Pontificis, si de illa dubitetur (inquit) ut si Cardinales nollent, aut non possent eligere, tum ait utile esse Concilium. Quid? an non tum necessarium? Nequaquam, inquit: posset enim eligi sine Concilio. A quo tandem? Hoc ille non docet, sed tamen ait, quod est notandum, non magis dubium esse, à quibus eligendus sit Episcopus Romanus, remotis Pontificum constitutionibus, quàm à quibus eligendi sint Episcopi aliarum civitatum. Sed qui illi sint, à quibus eligendus est, non exponit. Forsan aut Presbyteros, aut populum intelligit. Sed incogitantiam Bellarmini considerate. Primò ait
esse

esse sex præcipuas causas, cur Concilia celebrari soleant, & celebrentur. Deinde hanc ponit quintam, quam ait nec evenisse vnquam, nec eventuram esse. Quod ad reformationem abusuū & vitiorum attinet, quæ est sexta causa, ait vitia & abusus emendari posse per Papam & particularia Concilia. Sic concludit Concilia non esse ob vllam causam simpliciter necessaria. Sed magnopere sui oblitus est. Nam quid si Papa non modò suspectus sit de hæresi, sed etiam certus hæreticus sit? quid si homo audax & tyrannus sit? & habeat exercitum? nec cedere velit, sed locum suum tueatur? & omnes qui ei contradicunt damnet? & si ei Imperator faveret? quomodo removendus esset? vt si Papa esset Lutheranus, & ei faveret Rex Galliar, & Hispaniar, & Principes etiam Germaniar, nonne tum Conciliū generale absolutè necessariū esset? Ostendat aliud mediū, quo posset removeri, & dabo non esse; sed nullum potest. Verū hoc nos concedimus, non esse Concilia simpliciter necessaria. De Papa suo ipsi viderint, quomodo illum sine Concilio removeere possunt, si fuerit hæreticus. Generalia igitur Concilia non esse necessaria hic statuit Bellarminus. Et tamen cap. 11. ait aliqua Concilia esse omnino ad bonam Ecclesiar gubernationem necessaria: quia etsi posset Deus Ecclesiam per absolutam potentiam conservare sine Concilijs, tamen secundum ordinariā providentiā necessaria sunt ad bonam Ecclesiar

fiæ gubernationem. Quod certè illius iudicium nos non improbamus. Nametsi generalia Concilia non semper haberi possunt, vt cùm Ecclesia est in persecutione, sævientibus contra illam tyrannis; tamen tum etiã aliqua & possunt & debent haberi Concilia. Sic primis trecentis annis post Christum varia Concilia habita sunt, vt contra Paulum Samosatenum Cyprianus Concilium cum suis Episcopis habuit. Et hoc probatur *primò* ex Christi dicto siue promisso, quod habetur, Matth. 18. 20. *Vbi duo aut tres congregati fuerint in nomine meo, ibi ego sum in medio eorum*: quem locum de Concilijs intelligi concedunt etiã Adversarij. *Secundo* ex Apostolorum facto. *Tertiò* ex Ecclesiæ consuetudine. Cyprianus lib. 2. Epist. 1. sic scribit. *Necesse habuimus convenientibus in vnum pluribus sacerdotibus cogere & celebrare Concilium*. Atque ita nos istam non controversiam, aut contentionẽ, sed orationem, seu disputationem, de Conciliorum vtilitate, & necessitate, terminavimus.

Questionis primæ finis.

SECVN-

*Secunda quæstio,
A quo & cuius autoritate cogenda sunt
Concilia.*

CAPVT 1.

De statu quæstionis.



Ostquam de Conciliorum
necessitate seu potius vtilitate
& nostram & Adversariorū
sentētiā proposuimus: pro-
ximo loco dicendum & ex-
plicandum est, cuius sit Con-
cilia cogere seu congregare,
& quis hanc auctoritatem habeat cogendi Cō-
cilia. Quo quidem in loco non de particulari-
bus Concilijs, hoc est, de Nationalibus & Pro-
vincialibus, sed de Concilijs generalibus loqui-
mur. Nam statuta illa Provincialia Concilia po-
tuerunt Archiepiscopi & Metropolitæ atque
etiam legibus Imperatorijs & Canonicis iussi
sunt bis in anno convocare & celebrare: nempe
paulò ante Quadragesimam, & in fine Autum-
ni, vt docent Canones Synodi Nicenæ. A Pon-
tifice Romano, non ab Imperatore congregari
debere volunt Adversarij. Sic Bellarminus in
cap. 12. huius libri. Sic Cardillus in defensione
Concilij Tridentini disputatione 1. cuius hæc
verba sunt. *Vis & facultas indicendi, cogendi, &
celebrandi Oecumenicam Synodum, non ad Impera-
torem,*

tozem, sed ad Pontificem Maximum pertinet. Sic Hardingus in confutatione Apologiæ Anglicanæ parte 5. cap. 6. sect. 3. Et hæc est omnium hodie Papistarum sententia. Pendet verò ex illa opinione, Papam esse caput Ecclesiæ. Nos contra non à Papa sed ab Imperatore & reliquis Christianis Principibus Concilia cogi oportere volumus, & hanc auctoritatem illis tribuendam esse: & sic omnia antiqua generalia Concilia non à Papa sed ab Imperatore coacta fuisse dicimus. Pontificem verò Romanum extra suam Provinciam, nullum ius, nullam auctoritatem Concilia cogendi aut indicendi habere contendimus. Hac de questione primò Adversariorum argumenta diluemus, tum nostra proponemus, quemadmodum in alijs questionibus facere solemus.

CAPVT 2.

In quo Adversariorum argumenta diluuntur.

Bellarminus septem argumenta affert, quæ nos nunc figillatim examinabimus. Sunt illa quidem leviora, sed vera fide proponam singula, & vobis iudicanda relinquam.

Primum argumentum ex divinis literis sumitur, estque huiusmodi. Ecclesiæ nullum legitimum Concilium est, nisi in Christi nomine congregatum, quod nos concedimus. Hoc ille probat ex Matth. 18. *Vbi duo aut tres congregati fue-*
runt

runt in nomine meo, ibi ego sum in medio eorum. At in nomine Christi congregari (inquit) nihil aliud videtur quàm authoritate Christi congregari. Hoc probat, quia in Scripturis illud, *In nomine Christi*, ubiq; ferè accipitur pro eo quod est, ex authoritate Christi. Sic Marc. 16. 17. *In nomine meo* (inquit Christus de credentibus) *eijcient Dæmonia*, id est, authoritate mea. Sic Iohan. 5. 43. *Ego veni in nomine Patris mei*, id est, authoritate Patris mei. Sic Matth. 7. 22. *Nõne in nomine tuo prophetavimus? &c.*, id est authoritate tua. Sic Act. 4. 7. *In qua virtute, aut in quo nomine hoc fecistis?* id est, cuius authoritate. Iam verò authoritate Christi congregari (inquit) est ab eo congregari, cui Christus hanc authoritatem dedit, & has partes commisit, hoc est, à Petro, & eius successoribus: ergo nullum est legitimum Concilium, quod non à Petro aut eius successoribus congregatur. Videtis quas Scripturas afferat, & quæ sit species argumenti. In nomine Christi congregari, nihil aliud esse videtur, quàm authoritate Christi congregari. Sic enim illud, *In nomine Christi*, ubique ferè accipitur in Scripturis. Sed Pontifex Romanus habet authoritatem à Christo congregandi: ergo illius tantum est congregare. *Respondeo* 1. Fateor illud, *In nomine Christi*, idem interdum significare, quod, authoritate & potestate Christi, sed non semper, & ubique. Nam in nomine Christi baptizari (quod sæpe in Scripturis habetur) non est authoritate Christi baptizari,

zari, sed baptizari in fidem & professionem Christi, sic vt Christum induamus, & illi nomina nostra demus. Sic Ephes. 5. 20. *Gratias agentes semper pro omnibus Deo Patri, in nomine Domini nostri Iesu Christi*, hoc est, non autoritate Iesu Christi, sed per intercessionem Iesu Christi, agnoscetes Deum nobis in Christo propitium esse. Ita Iohan. 14. 14. in nomine Christi petere, non est, autoritate Christi petere, sed per Christum, vel propter Christi gratiam, qua ille apud Patrem plurimum valet. In Christi verò nomine congregari hoc in loco nihil aliud significat, quàm propter Christum, aut Christi spiritu, aut auspicijs Christi congregari, vt Christo inserviamus, vt eius nomen celebremus, vt ille nobis præfideat, nosque gubernet, denique vt omnia quæ agimus, ad illius gloriam referantur. Hoc patet ex præcedenti versu, vbi Christus ait, *Si duo ex vobis consenserint in terra de re aliqua*, id est, coniunctis votis aliquid petierint, quod ad Dei gloriam faciat, *quicquid petierint, dabitur illis à Patre meo, qui est in cælis*. Tū subiungit. *Vbi enim duo aut tres congregati fuerint in nomine meo, ibi ego sum in medio eorum*. Ex quo constat, in nomine Christi congregari, nihil aliud esse, quàm ob piam & iustam causam convenire, Christi voluntatem in conventibus nostris nobis proponere, nihil denique aliud spectare, nisi Dei gloriam, & Ecclesiæ commodū, vt in nomine meo hoc in loco idem sit quod Matth. 19. 29. *ἀρεσκὺ τῷ ὀνόματί μου*, id est, propter

ter Christum, & eius professionem. Et si fateor non posse aliquos sic congregari, nisi qui auctoritate Christi congregantur. Nam sic nos congregari Christus iussit. Tamen idem non est, Christi auctoritate, & Christi nomine congregari. Cyprianus in libro de unitate Ecclesiæ sic hunc locum interpretatur, ut nos. *Quomodo possunt (inquit) duo aut tres in nomine Christi colligi, quos constat à Christo & ab eius Evangelio separari?* Et postea in eodem libro ait eos colligi in nomine Christi, qui sunt simplices, pacati, Deum timentes, & Dei præcepta servantes. Hieronymus in Matth. 18. nos his verbis ad concordiam provocari ait, proposito tam magno præmio. Origenes in hunc locum, illos ait in Christi nomine congregari, qui animorum & fidei unitate consentiunt. Chrysostomus verò in hæc verba ait in nomine Christi cōgregari eos, qui propter Christi gloriam & honorem, tum etiam propter proximi in Christo amorem congregantur. Et Orantius Papiſta in lib. 2. contra Calvinī institution. cap. 17. *Nihil est aliud (inquit) in Christi nomine congregari, quàm una fide, uno redemptore, unoq; consensu, quæ ad æternam vitam pertinent, mutuo conferre.* Sic Iansenius in hunc locum. *Congregari in nomine Christi, est propter Christum, & aliquam causam ad Christum pertinentem congregari.* Sic Arias Montanus in hunc locum. *Congregari in nomine Christi, est in eius spiritu & virtute convenire.* Ergo ij in nomine Christi congregantur, qui conveniunt Christi auspiciis, sic ut eis Christus

stus præsit ac præsideat, eiusque Spiritu gubernentur: ij sive plures, sive pauciores fuerint, exaudiuntur. At Adversarius ait congregari in nomine Christi nihil aliud esse, quam congregari ab eo, qui hanc authoritatem à Christo habet. Ita secundum illius sententiam nulli in nomine Christi congregantur, nisi qui authoritate Romani Pontificis congregantur. At Christus ait, *Ubiunq; duo aut tres congregantur in nomine meo, ibi ego sum in medio eorum.* Possunt verò duo aut tres congregari, nesciente Pontifice Romano. *Secundo respondeo:* ut deimus Adversario, veram esse hanc eius interpretationem, in nomine Christi congregari, hoc est, authoritate Christi congregari, quomodo hoc ad Papam pertinet? Quia authoritate Christi congregari (inquit) nihil aliud est, quam ab eo congregari, qui habet à Christo authoritatem congregandi. Esto. Sed quis ille tandem est, qui hanc authoritatem habet? Petrus (inquit) & Petri successores. Quomodo hoc probat? Tripliciter scilicet. *Primo,* Christus ascendens (inquit) noti commisit Ecclesiam suam gubernandam, ac proinde nec congregandam Tyberio, sed Petro, cui dixit, *Pasce oves meas:* ergo qui ab eo congregantur, qui Petro succedit, non qui Tyberio, ij in nomine Christi congregantur. *Respondeo 1.* De Ecclesia congreganda præcepit quidem aliquid Christus, sed de tota Ecclesia congreganda nullum omnino præceptum reliquit. Potest Ecclesia congregari, etsi non tota. Congregatio Ecclesiae

clésiæ est necessaria, sed non totius Ecclesiæ in Concilio generali. 2. *Respondeo*. Quòd Christus ait Petro, *Pasce oves meas*, illud ad hanc causam non pertinet. Non enim iussit omnes oves suas pascere, quia omnes pascere non potuit. Nec iussus est Petrus his verbis congregare & celebrare Concilia generalia, non magis quàm reliqui Apostoli, cum iussi sunt *μαθητεύειν* v. *διδόναι αὐτοῖς τὰ ἱμάτια*, Matth. 28. 19. & 20. 3. *Respondeo*, aliam esse rationem temporum illorum, cum Imperatores Tyberio similes fuerunt, & temporum subsequen-
tium, cum nomina Christo dederunt Imperatores, vt Constantinus, Valentinianus, & alii. Nam Tyberius, & qui illi similes erant, aperti Ecclesiæ hostes fuerunt; atq; ita Ecclesias non congregare, sed dissipare voluerunt. At pii Imperatores Ecclesias fovere, conservare, ornare volunt. 4. *Respondeo*, succedi Tyberio dupliciter, vel perfidiâ scilicet, vel dominatione. Qui perfidiâ ei succedunt, iis hæc autoritas non est commit-
tenda. Qui dominatione succedunt, non perfidiâ, ij multò maiorem in Ecclesia Christi auctoritatem habere possunt, quàm Tyberius habuit, vt Constantinus, & alii pii Imperatores. SECVNDO probat Petrum & eius successores hanc auctoritatem habere, quia Petrus, & qui Petro succedit, est Pastor omnium ovium Christi, ergo & Regum. Nam omnes comprehendit, qui nihil excipit. Idq; probat autoritate Leonis in sermone. 3.

anniversario suæ assumptionis. *Respondeo*: Petrus quidem, ut Apostolus, fuit generalis pastor, id est, non vni gregi alligatus, sed pastor totius Ecclesiæ, quia non certis gregibus destinati erant Apostoli, sed in universum mundum missi sunt. Sed non fuit pastor omnium, ut proprius Episcopus, non magis quam Iohannes, aut quivis alius Apostolus. Nam si, quia Christus ei dixit, *pasce oves meas*, sine exceptione, ergo omnes pascebat; tum & omnes Apostoli erant omnium ovium pastores. Nam Christus omnibus dixit, *Ite, docete omnes gentes*. Non sic Petro ait, *pasce omnes oves meas*, sed *pasce oves tantum*. Leonis verò authoritas in causa sua nihili æstimanda est. Fuit ille quidem pius & doctus Episcopus, sed fuit tamen magis ambitiosus, quam Christi ministrum decuit. Totus in sede & cathedra sua extollenda fuit. *TERTIO*, sic probat. Ovis (inquit) non est congregare oves, sed pastoris: Imperator verò est ovis: ergo non est eius congregare Concilia. *Respondeo*: Imperator & pastor est, & ovis, diverso respectu. Ovis, in eo quòd pascendus est ab alio, verbo vitæ saluari. Pastor, quòd populum regit in rebus politicis. *Primo* modo non pastor sed ovis est, & eius est se ut ovem gerere: ergo non debet in hoc præscribere aliquid, sed se pascendum Christi ministro subicere. *Secundo* modo est pastor ipse, quemadmodum Reges sæpe & in Scripturis, & apud profanos authores *royseus* appel-

appellantur, sed non talis pastor, qualis Episcopus est. Atque hoc modo ad illius munus pertinet, ut Episcopos sparsos in unum colligat. Hoc enim est politicum. Nam etsi res ipsæ, de quibus in Concilio deliberatur & consultatur, sint sacræ & religiosæ: tamen hoc ipsum, congregare Episcopos, est merè πολιτικόν. Nam in Episcoporum ipsa congregatione non magis sacrum aliquid est, quam in congregatione aliorum hominum. Ut enim Principis est edictis suis duces convocare & milites suos, ut de bello deliberent, & iurisperitos suos, ut de iure inquirant: sic eiusdem etiam est, Episcopos suos congregare, ut de religione consultant, & Episcopi cum literas & mandata à Principe hæc de re acceperunt, debent hac authoritate coacti convenire. Hoc ergo æquè politicum est, atque alios hominum ordines cogere. Materia quidem, de qua isti, cum convenerint, consultare solent, varia est; sed illud ipsum, congregare, est unius eiusdemque authoritatis. Imperator enim est dominus omnium subditorum suorum. In subditis verò eius ponendi sunt omnes homines, cuiuscunque ordinis fuerint, qui in illius ditione sunt, Episcopi etiam, & Archiepiscopi. Potest ergo præcipere, ut Episcopi, qui nunc segregati sunt, conveniant in unum locum, propter causas, quas ipse cum aliis necessarias esse duxerit. Et in hac actione non iam ovis, sed pastor est. Atque hæc de primo argumento dixisse sufficiat.

Secundum, Bellarmini argumentum est huiusmodi. Eius est Concilia generalia congregare, qui potest omnes cogere: at Imperator non potest omnes cogere: nullus enim Imperator (inquit) unquam habuit totam Ecclesiam ita sibi subiectam, quoad civiles actiones, quemadmodum eam habet Pontifex quoad actiones spirituales: sed hoc prorsus falsum est, ut postea patebit. Probatur tamen Leonis & Prosperi autoritate. Leo in sermone primo de Petro & Paulo sic scribit de Roma. *Per sacram Beati Petri sedem caput orbis effecta latius presidens religionem divinam, quam dominatione terrena.* Et Prosper in sermone de Ingratis sic scribit.

Sedes Roma Petri, que pastoralis honoris

Facta caput mundo, quicquid non possidet armis,

Religione tenet.

Et nunc Imperator (inquit) vix potest vnius provinciae Episcopos cogere. Præterea quid si nullus esset Imperator? imò nullus Princeps Christianus? num ideo nulla Concilia cogi aut celebrari possent? *Respondeo* ad hæc sigillatim. *Primo*, quod de autoritate cogendi omnes scribit, illud merè & verè Antichristianum est. Quid enim aliud est, sedere in Ecclesia Dei, ut Deus, & esse supra omnes, qui vocantur Dij? Papa nullam ex iure divino autoritatem habet cogendi. Quicquid aut is aut ullus olim Episcopus coactivum habuit, id totum ab Imperatore non à Christo habuit. *Secundo*, quòd ait nullum vnquam

vnquam Imperatorem sic habuisse Ecclesiam subiectam quoad civiles actiones, ut eam Papa habet, quoad spirituales, falsissimum planè & absurdissimum est. Nam Imperatorem maximam olim auctoritatem habuisse manifestum est. Constantino & reliquis post illum Imperatoribus totus ferè orbis Christianus paruit, nisi forsan remotas quasdam partes orbis in Persia & alibi excipiamus; cum Papa nullam omnino in ullis causis auctoritatem haberet. *Tertiò*, quod ad Leonè & Prosperum attinet, de Leone primò non laboro. Magnus ille fuit Antichristiani regni architectus, etsi aliàs tantum ei tribuo, quantum Adversarij vendicare possunt. Prosper verò ait *primò*, Romam esse sedem Petri, quod ille ex communi illius temporis opinione dixit. *Secundò* ait, factam esse caput honoris pastoralis, id est, illam fuisse primam sedem Episcopalem, quod non negatur. *Tertiò* ait, religione tenere quod armis non possidet, quod non est ita intelligendum, quasi Episcopus Romanus ampliorem haberet dominationem, quàm Imperator, & ijs præsset, quibus Imperator non dominaretur (esset enim hæc absurdissima sententia) sed quòd fides Romanæ Ecclesiæ latius pateret, quàm imperium Romanum. At nunc Roma sedes Petri non est. Sed quid poetæ versus moramur? Tribuat ille Pape, quātum velit, nos ei id tantum tribuamus, quod Scriptura & veteres Canones tribuunt. Fatemur Episcopum Romanum olim habitum esse primum omni-

um Episcoporum, non auctoritate, aut potestate, ut cogeret, sed ordine, & prerogativa, qua de re alibi dabitur aptior dicendi locus. *Quartò*, quòd ait Imperatorem nunc vix vnius provincie Episcopos cogere posse: fatemur Imperatoris hodie nò adeo latum imperiũ esse, ob eamq; causam non Imperatori soli hanc auctoritatem tribuimus, sed Principibus etiã Christianis, quorum nonnulli hoc tempore ampliores dominationem habent, quàm Imperator. Vnus aliquis posset efficere, ut reliqui suos Episcopos mitteret. Nò enim nunc vnus est orbis Christiani Imperator, ut olim. Tamen hoc nò impedit, quin posset Imperator Concilium generale congregare, etsi nò tam facile, ut olim. *Quintò*, quòd supponit nullum esse Christianum Imperatorem aut Principem, & quærit, quid tum tandem fieret? possem ego vicissim ab illo quærere, quid si nullus esset Papa? Sed *respondeo primò*. Cùm nullus est Imperator aut Princeps Christianus, nullum potest indici aut celebrari Concilium generale. Ostendat ille aliquod Concilium, si potest, antequam Imperatores Christiani facti sunt. Primum Concilium vel ipsorum confessione fuit Nicenum primum, quod habitum est, postquam Constantinus ad fidem est conversus. *Secundò*, fallaciter ille nobiscum agit. Nam quòd ait, num ideo Concilia fieri non possent? non id agitur. Sed quæstio est de Concilijs generalibus. Et generalia quidem Concilia nego tum posse congregari, quod experientia

perientia docet. Privata autem & particularia Concilia haberi possent, etiamsi omnes Principes à fide Christiana abhorrent. Sic enim olim sub decem illis immanissimis Ecclesiæ primitivæ persecutionibus Concilia habebantur. *Sextò*, si eius sit indicere Concilia, qui possit cogere, tum multò magis Imperatoris hoc est, & Principum Christianorū, quàm Pontificis cuiusquam. Nam illi possunt omnes suos subditos ad parendum poenis coercere, ut coeant in unū, & de rebus ad Ecclesiam & religionem pertinentibus consultant. Episcopus verò potest suadere, & hortari tantum, cogendi nullam nisi ab Imperatore acceptam potestatem habet. Et de secundo argumento hætenus.

Tertium Adversarij argumentum in hunc modum se habet. Quemadmodum provincialia Concilia solebant & debebant à Metropolitana congregari, nationalia verò à Patriarcha: sic generalia Concilia à summo Pontifice cogi debent. Hoc argumentum sequeretur (inquit) etiamsi Papa non esset verus Princeps & Monarcha Ecclesiasticus, sed tantum primæ sedis Episcopus, seu primus inter Patriarchas: at nunc multò magis valet, cum sit totius Christiani orbis Princeps Ecclesiasticus. *Respondeo primò*: Quòd de Principatu Ecclesiastico somniat, & Papam esse Principem aut Monarcham Ecclesiasticum affirmat; hoc totum Antichristianum est, & ex Antichristi officina prodijt, qui vult in templo Dei sedere, ut Deus,

& totam Ecclesiam sibi subijcere. Dicitur quidem est olim Patriarcha primæ sedis, sed nunquam Princeps, aut Monarcha. Quare hoc eò relegandum est, vnde primò est expromptum, hoc est, ad inferos. *Secundò*, argumentum non sequitur à Provincialibus aut Nationalibus Concilijs, ad Concilium generale. Non enim eadem est horum ratio. Nam *primò* illa erant ordinaria & statuta, ex legibus Ecclesiasticis, quas Imperatores sanxerunt: Generalia verò Concilia sunt extraordinaria, cum causa aliqua extraordinaria magni momenti contingit, quæ totam Christianitatem attingit. Et quia hoc est opus admodum magnum, & ad totius orbis Christiani statum pertinet, idcirco Cæsaris & Principum Christianorum auctoritatem intercedere oportet. *Secundò*, si singuli Patriarchæ suos Episcopos congregarunt; quomodo hinc sequitur Pontificem Romanum omnes Patriarchas congregare posse? Nam Papa fuit vnus è Patriarchis. Potuit ille suæ provinciae Episcopos ad Concilium cogere, sed reliquos Patriarchas non potuit, quia omnes æqualem auctoritatem habebant, nisi quòd cum convenirent in Concilio generali indicto ab Imperatore, tunc Episcopus Romanus primo loco sederet. Quam ille auctoritatem habuit, eam non in Patriarchas, sed in suos Episcopos habuit. Non magis ergo sequitur: Provincialia Concilia à Metropoli congregata sunt, ergo gene-

generalia Concilia à Pontifice Romano congregari debent: quàm, ergo ab Episcopo Alexandrino aut Constantinopolitano debent congregari. Nam quod ad hoc attinet, per omnia pares fuerunt Patriarchæ. Tertiò, illi Metropolitæ aut primates nullam authoritatem habuerunt cogendi Concilia. Illorū enim fuit indicere tantum locū, & tēpus designare, moderari etiā & præire reliquis in ipso Concilio. Sed si aliqui immorigeri essent, & cōvenire recusarent, nihil illi sua singulari authoritate facere potuerunt, sine aliorum Episcoporū consensu, aut sine Imperatoris authoritate, cuius erat Metropolitæ facere. Nam facti sunt Metropolitæ & Patriarchæ ab ipso Imperatore. Sic Concilij Chalcedonensis Patres cap. 12. fatentur. Verba sunt huiusmodi, ὅσαι ἡδὲ πάλαι διὰ γραμμάτων βασιλικῶν τῶ τ' μετροπόλεως ἐπιμύθησαν ὀνόματι. Et Chrysostomus in homil. 17. ad populum Antiochenum, ait Antiochiæ ademptum fuisse nomen Metropolis à Theodosio, quòd statuat Imperatoris evertissent. Rationes verò, quas secuti sunt Imperatores in constituendis vrbibus Metropolitanis, hæ fuerunt, vel quòd inde Evangelium propagatum fuit in alias vrbes, vt ab Hierosolymis, Antiochia, Alexandria, Roma, Cæsarea; vel propter magnitudinē & amplitudinem istarū vrbiū, vel quòd in istis vrbibus suas sedes Proconsules sive Imperatores haberent. Sic in Concilio Cōstantinopolitano primo cap. 3. Cōstantinopolis
nova

nova Roma veteri æquata fuit, quòd sedes Imperatoris ibi esset. Verba Concilij sunt, *διὰ τὸ εἶναι αὐτῶν τὰς πόλιν*. In Chalcedonenſi verò Concilio cap. 28. *διὰ τὸ βασιλεύειν τῶν πόλεων ἐκείνων*, & quia *ἐπιμὴν βασιλείᾳ καὶ συγκαλήται*. Imperatores ergo Metropolitanas vrbes designârunt. *Quarto*, illi Patriarchæ non iure divino, sed humano facti sunt, sanctionibus scilicet Imperatorum & Conciliorum. Nam divino iure nulli erant Patriarchæ: ergo divino iure Papa non potest esse primus Patriarcha. Nam eodem iure fuit Episcopus Romanus primus Patriarcha, quo Alexandrinus fuit secundus primò, postea tertius, Antiochenus quartus. Sic ille tandem suam Monarchiam stabilivit, quam ille tamen vult divino iure fundatam esse. Sed hoc satis arguit illum tunc non fuisse habitum pro Principe aut Monarcha, quòd vnus ex Patriarchis fuit. Nam alioqui non ille cum reliquis Patriarcha diceretur, sed illi Patriarchæ, hic Princeps, vt nullus dux dicitur Rex, aut Imperator. Ita quemadmodum Metropolitæ aut Patriarchæ nullam nisi aliunde acceptam potestatem habuerunt: sic Pontifex Romanus fateatur se non iure divino reliquis prælatum esse.

Quartum Bellarmini argumentum pendet ex autoritate Canonis cuiusdam antiquissimi, quo statuitur, præter sententiam Romani Pontificis non posse Concilia congregari. Meminit huius Canonis Marcellus Papa in Epistola
ad

ad Episcopos Antiochenos. Hunc renovavit Nicenum primum Cōcilium, vt & synodus Alexandrina in Epistola ad Fœlicem. Iulius etiam eiusdem meminit in Epistola ad Orientales Episcopos apud Socratē lib. 2. cap. 13. & magnam ei authoritatem tribuit. Sic Sozomen. lib. 3. cap. 9. & Nicephorus lib. 9. cap. 5. Ex quibus omnibus sic concludit Bellarminus. Si sine Pontificis Romani consensu non licet Concilia celebrare, sequitur eius esse potissimum illa convocare: sed primum verum: ergo & secundum. *Respondeo*: 1. Etsi omnia in antecedente posita vera esse concedantur; argumentum tamen non sequitur. Nam etsi demus non sine Romani Episcopi consensu Concilia celebrari posse: non tamen hinc sequitur eius esse Concilia convocare. Interesse quidem ille debuit vt vnus ex præcipuis Christiani orbis Episcopis, & Concilii canones approbare. Itaq; statuit ille Canon, vt ipse semper interesset. At sic alii etiam Episcopi interesse astringuntur. Multorum in Conciliis præsentia requiritur, quorum non est Concilia convocare. Ita hunc Canonem nos possumus concedere. Sic in Republica Romana senatus à tribunis plebis sæpe convocari solebat, à consulibus sæpe, at sine consulibus & tribunis simul, atq; adeo sine ipso etiam populo, nihil in senatu agi potuit. Sic in nostra hac Academica Republica non possunt solennes nostri cætus sine Procuratoribus & scrutatoribus celebrari: horum
tamen

tamen non est nostros catus convocare. 2. *Respondeo*: Et si talis fuisset aliquis Canon, tamen Ecclesiasticus tantum fuisset, & sic humano tantum iure Papa hanc auctoritatem haberet. Verum hac ille auctoritate contentus non erit. Quod verò Marcellus hunc canonem vocat Apostolicum, hoc nihil ad rem facit. Est enim illa Epistola spuria & supposititia, sicut & reliquæ decretales veterum Pontificum Epistolæ. Talis fuit illa quoque Epistola Synodi Alexandrinæ, commentitia scilicet & mendaciorum plena. 3. Quod de Iulio objicit, fatemur illum quidem sibi talem auctoritatem vendicasse, & hoc nobis semper obijciunt Adversarij. Sed legite quæso verba apud Socratem lib. 2. cap. 8. *Ἀλλὰ μὴν ἐστὶν τέλιος παῖς, ὃ τῇ μεγίστης ρώμης ἐπισκοπῇ, ἐστὶν μὴν εἰς τὸν τόπον αὐτῆς ἀπεσταλμένος πᾶς, ἔτι καὶ τῶν ἐκκλησιαστικῶν καλέουσι τὴν μὴ εἶναι ὅτι τῶν γυναικῶν τῆ ὑπαρχούσης ρώμης, τὰς ἐκκλησίας κατονόμει.* Loquitur de Concilio Episcoporum nonaginta novem Antiochiæ congregatorum, ubi Athanasius damnatus fuit. Huic Concilio ait nec Iulium ipsum interfuisse, nec quenquam eius loco, cum tamen κατὰν Ecclesiasticus statuatur, non licere ὅτι τῶν γυναικῶν τῆ ὑπαρχούσης ρώμης ἐκκλησίας κατονόμει, id est, canones condere Ecclesiasticos, quibus Ecclesiæ passim omnes alligentur. Nos hunc Canonem agnoscimus, & probamus, ut æquissimum. Nam ratio ipsa docet & dicat, quod omnes attingit, ab omnibus approbari debere. Qui ergo
canones

canones futuri erant generales, eos equū fuit ab Episcopo etiā Romano approbari, qui vnus ex præcipuis Episcopis fuit. Sed *ἐκκλησίας κατονίζειν*, non est, vt Cassiodorus malè transtulit, cuius hī translatione abutuntur, Concilia celebrare, neq; etiam, ut Illyricus non benè interpretatur, Ecclesias consecrare, sed leges Ecclesiasticas sancire, & canones Ecclesiis præscribere. Sed demus hoc Adversario, *ἐκκλησίας κατονίζειν*, idem hīc valere, quod Concilia celebrare. Quid si Concilia non sint sine consensu Romani Pontificis celebranda? quis unquam hinc colligeret, eius esse, convocare Concilia? Sed vt melius de hac authoritate iudicare possitis, legite Socratem lib. 2. cap. 15. in græco. Athanasius, & alii quidam Catholici Episcopi, eiekti ab hæreticis è sedibus suis, Romam ad Iulium Episcopum Romanum contendunt, qui quòd & Catholicus esset, & civitatis tam potentis, tamq; multis donatæ privilegiis & prærogativis, Episcopus, ea, quam habuit, *ουνομία* & authoritate plurimum potuit. Iulius, utpote qui fidei Christianæ favebat, Athanasium, & reliquos illos Episcopos iniuste à sedibus suis expulsos esse iudicavit, ac propterea illos absolvit, eosq; Ecclesiis suis restituit. Quinetiam literas scripsit ad illorum Adversarios, in quibus illos graviter perstrinxit, & ignominiose excepit. Illi his acceptis literis, *ὕβρις ἐπὶ τὸ πλὴν ἐπὶ παλιν*, id est, *Iulij reprehensionem contumelia loco ducebant*, nec in illius iudicio acquieverunt, sed synodum congregantes *ἡρώμην*

κοινῇ ἀντιγρῶντες Ἰουλίῳ, *communī sententia Iulium*,
vicissim reprehendunt, & criminantur, αἰνῶντες, ὃ
 debere se ab illo in ordinem cogi, si quos illi vel-
 lent ex Ecclesiis suis eiicere, μὴ δὲ ἑῷ ἐπιτιμῶν
 παρ' αὐτοῦ, *non debere ab illo restitui*, vt nec si ille
 aliquos eiiceret, ab ipsis restitui posse. Sic illi
 Iulio rescribunt, in sententia illius non acquies-
 centes, nec illius agnoscētes auctoritatem Sed
 forsan quis obiiciet hos fuisse hæreticos, ac
 proinde non magnopere curandum esse, quid
 illi senserint, aut scripserint. Fateor quidem
 multos ex illis fuisse hæreticos, sed non omnes,
 & tamen Socrates ait illos κοινῇ γνώμῃ ad Iu-
 lium rescripsisse. Inter illos fuit quidam Mar-
 cus Arethusius, de quo Sozomen. lib. 3. cap.
 10. homo pius & sanctus, qui etiam postea
 sub Iuliano gloriose martyrium passus est. Ille
 vnus ex iis fuit, qui Iulii literas tam indignè ac-
 ceperunt. Non enim omnes Ariani fuerunt,
 qui Athanasio non favebant, quem etiam
 multi boni non amabant, Sed Iulii Epistolam
 omnes improbabant, ἐφ' ἅπαν δὲ τὸ αὐθαδὲς ἡ
 γεγραμμένων ἐμμερετο. Ita illius ambitionem & in-
 solentiam omnes graviter increpabant. Ex hoc
 igitur canonē nihil contra nos concludi potest.
 Non enim sequitur, præter γνώμῃς Romani
 Pontificis Concilia celebrari non possunt: er-
 go solus Romanus Pontifex potest Concilia
 convocare. Sed Bellarminus Calvino sic re-
 spondenti obiicit, quòd tum quoque similiter
 de Alexandrino & Antiocheno Episcopo di-

ei posset, sine illorū sententia non licere ἐκκλησίαι
 χειροτονέειν. *Respondeo*: hoc esse omnino verū. Nam
 omnes præsertim Patriarchæ Conciliis interesse
 debebant, atq; ita nec παρὰ τὴν γνώμην αὐτῶν aut
 Concilia celebrari potuerunt, aut quicquam in
 illis sanciri vel potuit vel debuit. Similem enim
 locum habemus de Episcopo Constantinopoli-
 tano apud Socratem lib. 7. cap. 28. Vbi scribit
 Socrates Cyzicenos Episcopum sibi elegisse, in
 quo illos graviter reprehendit, quòd canonem
 violaverant, qui iubet nullum Episcopum fieri
 oportere sine consensu Episcopi Constantino-
 politani. καὶ τὸν (inquit) ἐποίησαν ἀμελήσαντες νόμον
 τὸ καλέουσι, ὅτι γνώμην τὴν ἐπισκόπου Κωνσταντι-
 νού πάλαι χειροτονία ἐπισκόπου μὴ γίνεσθαι. Hic Canon
 non minùs Episcopo Constantinopolitano
 favere videtur, quàm ille Romano. Ex his,
 quæ dicta sunt, constat, illum Canonem, licèt
 antiquus sit, pro Adversarijs tamen nihil fa-
 cere.

Quintum argumentum Bellarmini positum
 est totum in autoritate Concilii Chalcedonen-
 sis actione prima, vbi Dioscorus Episcopus
 Alexandrinus iubetur à Patribus illius Concilii
 non sedere inter Episcopos, quòd synodum
 fecisset sine autoritate Romani Pontificis,
 quod nunquam licuisse, nunquam factum
 esse, illi dixerunt, inquit Bellarminus. *Re-
 spondeo* : fuisse quidem hanc querelam Pas-
 chasini & Lucentii, qui pro Leone Epif-
 scopo Romano ad illud Concilium venerant,
 Diofco-

Dioscorum habuisse Concilium Ephesi sine consensu Pontificis Romani, quod sane fateor non licuisse. Fuit enim mos, ut omnes Patriarchæ aut per se aut per alios adessent. Sed 2. *Respondeo*: accusatum fuisse Dioscorum non tam propter spretam auctoritatem Romani Pontificis, quam quod Concilium tam improbum celebravit, in quo hæresis de unica Christi natura confirmata fuit. 3. *Respondeo*: Dioscorum fuisse sententiâ iudicum & senatus damnatum, consentientibus Episcopis, propter multa scelera, in primis propter Flavianum iniuste depositum, qui non fuit cōvictus criminis, & unâ cum Dioscoro multi alii Episcopi damnati sunt. Vbi fraudem Adversarii observare possumus. Vult enim ille nobis persuadere, ob nullam aliam causam damnatum fuisse Dioscorum in illo Concilio, quam quod Concilium ausus esset sine auctoritate Romani Pontificis celebrare, cum multò magis propter alia quam propter hoc damnatus esset. Quod uerò attinet ad septimum generale Concilium, in quo Constantinopolitanum quoddam Concilium damnatum fuit, quia sine Romani Pontificis consensu fuit ab Imperatore coactum, non moramur. Fuit enim illud Concilium Nicænum secundum Idololatricum, & Antichristianum, quia imaginum adorationem confirmavit. Romanus Pontifex idolis illis favebat, ac proinde noluit ut Imperator, qui imagines oppugnavit, Concilium illud celebraret. Et de hoc quidem argumento

fatis multa diximus.

Sextum Bellarmini argumentum sumitur ex testimonio & autoritate Concilij Romani quarti sub Symmacho Pontifice Romano, in quo cum Rex Theodoricus diceret se Synodum convocasse, ut causa Symmachi iudicaretur: Episcopi à Papa non à Rege Concilium indici oportere respondent, etiam si Papa accusaretur, nec ante acquiescunt, quam Rex ostenderet se ex consensu Symmachi Concilium convocasse. *Respondeo*. 1: Hoc certè iniquum valde est, non licere Imperatori aut Principibus Christianis Concilium cogere, ne tū quidē cū Romanus Pōtifex accusatur, & reus agitur, nisi Pontifex ipse velit. Videte quantum tribuant Episcopo Romano: etiam si ipse accusetur, tamē sine eius consensu Conciliū indici non oportere. At tū si reus fuerit, nunquam Concilium indicet, nunquam reddet rationem administratæ à se Ecclesiæ, nec vnquam se damnari patietur, nisi dementissimus sit, si sine illo Concilia celebrare non liceat. Sed illi Episcopi, qui hoc modo Theodorico Regi responderunt, erant Symmachi adulescentes, eique toti addicti, & eius etiam studio ad illud Concilium venerant, ut eum nithiruth ē manu Regis expedirent, & à culpa illa liberarent, cuius ipse accusabatur. 2. *Respondeo*: Bellarminū non ingenuè nobiscū agere. Ait enim, cū Rex Theodoricus diceret se Synodū convocasse, quasi nō ita se res haberet, sed Rex sic diceret tantum. At certum est

Synodum convenisse iussu Theodorici, eiusq; autoritate. Sic enim legimus in principio Concilij. *Sancta Synodus apud urbem Romanam ex precepto gloriosissimi Regis Theodorici è diversis regionibus congregata in Dei nomine.* Et Symmachus de Concilij convocatione Regi gratias agit, & se laetari simulat. Tamen hi Episcopi, ut dignitatem suam tuerentur, aiebant non fuisse Theodorici, sed Symmachi, eos convocare; quia volebant Regi ius aliquod in se concedere. Ita nihil ordine factum est in illo Concilio, quia Symmachus tergiversatus est. Sed quare non Symmachus ipse hoc Concilium indixit, sed Theodoricus? quis non videt non eam tunc habuisse Episcopum Romanum autoritatem, quam nunc vendicat, & quam vult Adversarius? Et in eodem Concilio legimus: *Decernere tamen aliquid Synodus sine Regia notitia non praesumpsit.* Ergo si nos velimus ita argumentari, ut Bellarminus, Regis fuit Concilium illud convocare, quia sine eius sententia nihil statuere Synodus potuit. Ita ille hoc argumento nihil effecit.

Septimum Bellarmini argumentum & ultimum sumitur ex testimonio antiquorum quorundam Pontificum Romanorum, & aliorum. *PRIMUM* testimonium est Leonis lib. 1. Epist. 93. c. 17. ad Turibium, in qua Epistola sic scribit Leo. *Dedimus literas ad fratres & Coepiscopos nostros, eisq; Concilium Synodi generalis indicavimus.* Respondeo: illam Synodum, de qua
Leo

Leo scribit non fuisse Oecumenicam, sed qualis potuit ab vno Patriarcha convocari. Bellarminus ergo mala fide hoc testimonium citavit, & lectore abusus est; qui novit generale Concilium non semper pro Oecumenico Concilio sumi, sed aliquando pro Nationali. Sic in Concilijs Romanis sub Symmacho habitis, semper legitur, Symmachus Concilio generali præfidentis, & tamen Episcopi tantum Italiæ illis Concilijs interfuerunt. Sic Toletanum tertium c. 18. dicitur generale, in quo erant tantum Hispani Episcopi. Atque hoc Concilium, de quo nunc Leo scribit, tale fuit, ex Regionibus quibusdam sub eius Patriarchatu congregatum. Neminat enim Tarraconenses, Carthaginenses, Lusitanos, Gallicos. At nostra quæstio non de Nationali sed de Oecumenico Concilio instituitur. *SECUNDUM* testimonium est Pelagij secundi Romani Pontificis in Epistola prima ad Orientales, in qua Epistola sic scribit Pelagius. *Generalium Synodorum convocandarum auctoritas Apostolica sedi beati Petri singulari privilegio tradita est.* *Respondeo 1.* Loquitur hic, ut Papam decet. Sed quis huic sedi hanc auctoritatem tradidit? quæ Scriptura? quis Imperator? quod Concilium? Ostendant, si possunt, & definant aliquando mundo abuti. Hæc scripsit Pelagius contra Iohannem Constantinopolitanum Episcopum, suum æmulum & rivalem. Ambo enim universales Episco-

pi esse voluerunt. 2. *Respondeo* : Decretales illas Epistolas confictas esse ad Romani Pontificis auctoritatem amplificandam. *TERTIUM* testimonium est Sixti tertij in Epistola ad Orientales, in qua sic scribit Sixtus. *Valentinianus Augustus nostra auctoritate Synodum convocavit*. *Respondeo* : illud (*auctoritate nostra*) à Glossatore quodam inepto interpositum esse. Nam Valentinianus sua auctoritate potuit Concilium convocare, non opus habuit auctoritate Pontificis Romani. Vide te quomodo Papa dat auctoritatem Imperatori convocandi Concilium. Sed nulla fides est harum Decretalium Epistolarum, mentiuntur enim & confingunt multa. Qui illas legunt, hoc facile possunt perspicere. Nihil enim de fide, nihil de religione, nihil de pietate loquuntur, sed tantum de Romani Pontificis auctoritate. *QUARTUM* testimonium est Adriani secundi in Epistola ad Basilium Imperatorem, quæ lecta est in 8. Synodo act. 1. in qua Epistola sic scribit Adrianus. *Volumus per tue pietatis industriam Constantinopoli numerosum convocari Concilium*. *Respondeo* : fuisse hunc impium Papam, & hoc Concilium fuisse Idololatricum; ac proinde nullam eius habendam esse rationem. *QVINTUM* testimonium est Valentiniani Imperatoris apud Sozomen. lib. 6. cap. 7. luculentum inprimis (vt illi volunt) testimonium, ac propterea ab omnibus Pontificijs vgeri

geri solet. Rogatus enim ab Episcopis Valentinianus, vt permetteret eis Concilium celebrare, respondet, *Mihi fas non est talia perscrutari. Respondeo*: Abutitur lectore Bellarminus. Nam primò, Episcopi illi miserant Hypatianum ad Imperatorem, *ὥς ὅτι τραπεῖναι συνελθεῖν, vt permetteret eos convenire*: vbi eius summam fuisse authoritatem agnoscunt Concilia convocandi, nam alioqui cur ad illum petendi gratiâ miserunt? Manifestum est Episcopos illos sine venia ab Imperatore concessa & impetrata non ausos fuisse Concilium celebrare. 2. Imperator non negat hoc ad se pertinere, vt Concilia convocaret, sed singulari quadam humilitate ait suum non esse de rebus & controversiis fidei disceptare, *τοιαῦτα πολὺ δεχγμονῶν*, sibi nō vacare hoc facere curis politicis & negotiis occupato. Transibat enim illo tempore per illas regiones in Italiam. Nicephorus lib. 11. cap. 7. quando hanc historiam commemorat, sic alloquentem Episcopos inducit Valentinianum. *Mihi negotijs occupato, & Reipublica curis distento, res huiusmodi inquirere non est facile*. 3. Dabat illis Episcopis Valentinianus copiam conveniendi *ὅπου βούλονται*, & illi mox Lampfaci convenerunt. Hoc sanè confirmat Imperatoris in Conciliis convocandis authoritatem, alioqui enim cur ad illum, non ad Papam omnino rem detulerunt? Sextum testimonium ex Gratiano sumitur distinct. 17. vbi sunt quidam canones Romani Pontificis authoritatem efferentes, sed in nullo

numero sunt, & pleriq; illorum iam antea sunt à Bellarmino commemorati. *SEPTIMUM* testimonium est Iohannis de Turre cremata, lib. 3. cap. 6. cuius tamen nullum verbum aut rationem affert. Nam quicquid in se robur habuit, iam antea prolatum est. *ULTIMUM* testimonium est decretum Concilii Lateranensis sub Leone decimo sess. 11, in quo asseritur, Romani Pontificis esse, generalia Concilia celebrare. *Respondeo*: hoc Concilium fuisse omnino Antichristianum. Vno enim anno habitum est, antequam Lutherus cepit Evangelium promulgare. In hac eadem sessione cavetur, ne prædicatores de die iudicii aut tempore adventus Antichristi prædicent; sed si Dominus revera quibusdam revelaverit quædam (quod per Amos se promittit facturum) non debere hos antea eadem evulgare, quam Apostolica sedes examinavit: aut si id commodè fieri non potest, Episcopus cum alijs; qui cōtrà fecerint, excommunicandos esse. Ita si Propheta aliquis exortus fuerit, qualis Amos fuit, aut alius ullus ex Prophetis, nil tamē evulgare debet, nisi à Papa permissus. Sed proximo anno post hoc decretum verus Dei Propheta Lutherus exortus est, qui Antichristum digito demonstravit.

CAPVT 3.

In quo nostra argumenta
proponuntur.

ADversariorum argumenta omnia, quibus
in hac causa uti solent, proposita à nobis
sunt & refutata: consequens nunc est, ut ad ar-
gumenta nostra veniamus, quibus probamus
authoritatem congregandi Concilia non ad
Pontificem Romanum, sed ad Imperatorem
& Principes Christianos pertinere.

Primum nostrum argumentum est huius-
modi. Pii Reges in Ecclesia Israelitica soliti sunt
Ecclesiam convocare: ergo similiter nunc licet
Principibus in Ecclesia Christiana Concilia cō-
gregare. Consequentia firma est. Nam si in ea
Ecclesia hoc factum est, quæ unius regionis
fuit, quæq; etiam vnà cum Regibus summum
Pontificem habuit; quidni in nostra Ecclesia i-
dem fiat? Antecedens facile probari potest. Da-
vid Concilium congregavit de Arca reducen-
da. 1. Chron. 13. 1. 2. & aliud Concilium, cum
iam senex esset, 1. Chron. 23. 1. Eodem
modo Salomon Concilium congregavit, 1.
Reg. 8. 1. Sic Ezechias 2. Chron. 29. 4.
Similiter Iosiam fecisse legimus 2. Regum,
23. 1. 2. Hi pii Reges Ecclesiæ curam ha-
buerunt, & religionis fuerunt admodum stu-
diosi. Quando igitur Ecclesiam reforma-
re, & religionem purgare voluerunt, Conci-

lium indixerunt & congregarunt, non modò laicorum sed sacerdotum etiam & Levitarum. At nullus vnquam sacerdos, qui tantum sacerdos fuit, sua autoritate hoc fecit. Ergo Regis non Sacerdotis fuit Concilia convocare. Et quod illi Reges tunc fecerunt, idem Principes Christiani nunc facere possunt.

Secundum nostrum argumentum in hunc modum se habet. Illorum est Concilia congregare, quorum authoritati omnes Christiani parere debent, & ad quos spectat, quæ ad Ecclesiæ pacem & tranquillitatem faciunt, procurare: At hoc Principum & Regum munus atque officium est: ergo Principum & Regum est Concilia cogere. Propositio patet. Nam sine autoritate nullum Concilium congregari potest. Authoritatem autem illi habent, quibus omnes homines dicto audientes sunt, & quibus incumbit providere, vt omnes in pietate & honestate vivant. Assumptio ex Scripturæ autoritate probatur Rom. 13. 1. *πᾶσα ψυχὴ ἐξουσίᾳ ὑποτάσσεται, ὡς* Quo in loco ne quis Apostolum ad laicos tantum sermonem suum accommodare existimet, Chrysostomus disertè ait hoc præcipi *πᾶσι, καὶ ἱερεῦσι, καὶ μοναχοῖς, καὶ τοῖς βιωτικοῖς μόνον. πᾶσα ψυχὴ* (inquit) *καὶ ἀπόστολος ὢν, καὶ ἐναγγελιστὴς, καὶ μὲν προφήτης, καὶ ἐκκλησιαστής.* Etiam si Apostolus sis, etiam si Evangelista, etiam si Prophetæ, siue quisquis tandem fueris. Ne Petrus quidem ipse eximitur.

eximitur. Si verò Petrus non eximatur, multò minùs Papa. Et eodem loco observat Chrysostomus Apostolum non dicere *πιδίδω*, *pareat*, sed *ὑποτασσέσθω*, *subijciatur unusquisque*. Et sic Oecumenius in hunc locum. Idem etiam Chrysostomus in homilia 2. ad populum Antiochenum vocat Imperatorem *summitatem & caput omnium super terram hominum*. Sic 1. Pet. 2. 13. iubet nos Apostolus *ὑποταγῆναι βασιλεῖ*, & 17. *πρὸς βασιλέα*, Ergo Episcopi etiam Imperatoris authoritati parere, & cùm ab illo vocantur, adesse debent. Et hoc est ius divinum. At iure divino unus Episcopus non habet authoritatem in alium, ut nec unus Apostolus in alium habuit, quemadmodum postea fusiùs docebimus, cùm de primatu Romani Pontificis disseremus. Ergo non nisi Regum est authoritate sua edicere, & præcipere, ut Episcopi vndique conveniant. Et ut intelligamus illorum esse pacem Ecclesiæ procurare, præcipit Apostolus 1. Tim. 2. 2. ut vota pro Principibus faciamus, quò *vitam tranquillam & honestam ducamus in omni pietate & honestate*.

Tertium nostrum argumentum sic instituo. Generalia Concilia nulla habita sunt, antequam Imperatores Christiani facti sunt; ergo videtur ad eos hoc munus & officium pertinere. Ut hoc argumentum meliùs confirmetur, quartum adiungemus.

Est ergo *quartum* nostrum argumentum huius-

iufmodi. Prima generalia Concilia indixerunt non Romani Pontifices, fed Cæfares & Imperatores Chriftiani; ergo horum authoritas hæc fuit, non illorum. Nam ij certè indixerunt, quorum fuit indicare. Videamus ergo primò de quatuor illis primis Concilijs celeberrimis, & ex monumentis veterum repetamus, quorum authoritate illa indiéta & congregata funt. *Primò* Nicenum primum Concilium à Constantino magno eft congregatum. Sic Rufinus lib. 10. cap. 1. *Tum* Constantinus apud urbem Nicenam Epifcopale Concilium convocat. Respondet Bellarminus legi in fexta Synodo Aët. 18. à Constantino & Sylveftro magnam Synodum apud Nicæam congregatam fuiſſe, & Damasum quoque in Pontificali ſcribere, cum Sylveſtri conſenſu habitum eſſe in Nicæa Concilium, & Rufinum etiam ipſum in eodem capite dicere, Constantinum ex ſententia ſacerdotum Concilium indixiſſe. *Reſpondeo* 1. Quod ad ſextam ſynodum & Damasum attinet, Sylveſtrum antea mortuum fuiſſe, & Iulium tunc Romanum Pontificem fuiſſe, non Sylveſtrum. Sic Athanaſius in Apolog. 2. Sic Sozomen. lib. 1. cap. 17. Sic Nicephorus lib. 8. cap. 14. Sic Beda in Chronic. Ergo fieri non potuit, ut Sylveſtri vel conſenſu, vel authoritate Concilium illud indiceretur. Quanquam ſi uſus eſt Constantinus Sylveſtri conſilio & conſenſu, non multum refert, nec Adverſarij cauſam quicquam iuvat. 2. Quod ait Rufinus Conſtantinum

tinum ex sententia sacerdotum illud Concili-
um indixisse, nihil facit ad rem. Quis enim ne-
gat illum adhibuisse in Concilium Episcopos?
Sed tamen ex eodem Ruffino constat in eodem
loco Alexandrum Episcopum Alexandrinum
& alios Episcopos Ægypti, suafores illi fuisse,
non Iulium Episcopum Romanum, ut historia
testatur, aut Sylvestrum, aut aliquos sacerdotes
Italos. Abutitur ergo Bellarminus lectoribus
suis sub nomine sacerdotum, cum veterum hi-
storiarum hac de re sint satis manifestæ. Iam verò à
Constantino indictam fuisse Nicenum Conci-
lium, Eusebius qui idem Concilio interfuit, te-
statur, in lib. 3. de vita Constantini cap. 6. ubi sic
scribit. Σύνοδον δικημερικὴν συναχρόται, ἀνύσθεν ἀπαι-
τησίαν τῆς ὁποιοῦντος γεγεμμένοις πηπτικοῖς προελαί-
μῳ, idque fecit οἱ ὑπερατίων αὐτοῦ διὰ θέλησιν.
Generalem synodum congregavit, literis honorarijs
& Regijs omnes Episcopos undiq, convocans, tan-
quam Dei quendam exercitum sibi in expeditionem
educens. Et Socrates lib. 1. cap. 8. eadem ferè ver-
ba habet. Σύνοδον δικημερικὴν συναχρόται, τῆς περὶ
χρίσιν ὁποιοῦντος διὰ γεγεμμάτων εἰς νίκην ἀπαιτῆσαι
προελαόν. Ille (inquit) synodum Oecumenicam
congregavit, & omnes, qui fuerunt undique, Epi-
scopos, in Nicaam confluere hortatus est. Similiter
Theodoretus lib. 1. cap. 7. τὸ πλεονέλλαντος ἀκρί-
την πρὸς εἰς τὴν νίκην συνήγαγε σύνοδον. Celeber-
rimum (inquit) illud & fide dignum Concilium, in
urbe Nicaa congregavit. Idem etiam Theodore-
tus lib. 2. cap. 4. testis est, Athanasium, qui eidē
Concilio

Concilio interfuit, Cōstanti Cōstātini filio revocasse in mentem hanc synodum à patre suo congregatam, eumq; hortatum esse, ut patrem imitaretur, & Concilium congregaret. Sozomen. lib. 1. cap. 17. hac de re sic scribit. Συνοδικὴ εἰς νικαίαν, καὶ πανταχῇ τοῖς ἀρχιερεῶσι καὶ ἐκκλησιῶν ἐγχοῦσιν εἰς ῥητὴν ἡμέραν παρῆναι. Ille (inquit) convocavit synodum, & ad omnes ubique Ecclesiarum prepositos scripsit, ut ad diem indictum adessent. Et ait idem Sozomenus illum ad Apostolicos thronos misisse literas, ad Macarium Episcopum Hierosolymitanum, Eustathium Episcopum Antiochenum, Alexandrum Episcopum Alexandrinum, & Iulium Episcopum Romanum, qui senex admodum cum esset, adesse ipse non potuit, sed misit suo loco Vitum & Vincentium. Quid quod Patres ipsi Niceni in Epistola συνοδικῇ ad Ecclesiam Alexandrinam, quæ habetur apud Theodoretum lib. 1. cap. 9. testantur se autoritate Constantini convocatos fuisse? Verba sic se habent. Ἦν οὖν οὕτως χάρις, καὶ τὸ θεοφιλεῦτε βασιλεὺς Κωνσταντῖνος συναγαγόντων ἡμᾶς ἐκ διαφόρων ἐπαρχιῶν καὶ πόλεων ἡμετέραν καὶ ἀγίαν σύνοδον ἐν νικαίᾳ συνεκροτήσθην. Deignatiā (inquiunt) & sanctissimo Imperatore Constantino nos congregante ex variis provinciis & urbibus, magna & sancta synodus Nicæa cōgregata est. Hic nulla mentio fit Romani Pontificis, nec in indicendo hoc Concilium, nec in consentiendo. Et si Romanus Pontifex hoc Concilium indicisset, ille procul dubio non Nicæam tam

procul

procul à Roma, præsertim cùm senex esset, sed Romæ celebrasset, non in Asia, sed in aliqua parte Italiæ. Ex his ergo constat ab Imperatore fuisse congregatum hoc Concilium, non à Papa. *Secundum* Concilium generale, nempe Constantinopolitanum primum, à Theodosio seniore indictum est, non à Damaso Papa. Hoc patet ex Theodoretò lib. 5. cap. 9. Sed Bellarminus respondet, licet Theodosius indixit, tamen ex mandato Apostolicarum literarum indixisse, ut in eodem capite habetur. *Respondeo*: Verba apud Theodoretum lib. 5. cap. 7. in græco codice sic se habere. τέτε ἡ ἐκκλησία τῶν ἐπισκόπων εἰς τὴν Κωνσταντινέαν συναθροίσαναι προσέταξεν. *Huius rei gratia* Theodosius iussit Episcopos Constantinopoli congregari. Ergo Theodosius illam synodum indixit. Iam verò quòd ex mandato literarum, quas scripsit Damasus, id est, Damasi autoritate id eum fecisse affirmat Adversarius, absurdum esse patet ex literis Patrum eiusdem Concilij. Nam Patres illius Concilij in Epistola ad Damasum, quæ habetur apud Theodoretum lib. 5. cap. 9. aiunt synodum fuisse Romæ à Damaso indictam, διὰ τῆς τοῦ διοικισαύτου βασιλέως παραγγέλτου, id est, per literas sanctissimi Imperatoris, scilicet Theodosij. Præterea iidem Patres in Epistola ad Theodosium Imperatorem, quæ habetur in actis Constantini, aiunt se fuisse ab illo convocatos. *Evocati literis tuis* (inquiunt) *Cōstantinopolim convenimus.* Et paulò post *Literis, quibus nos convocasti, Ecclesiam hono-*

ῥάστι. Socrates lib. 5. cap. 8. similiter scribit. *μὴ δὲ ὁ βασιλεὺς ὑπερβύβησεν σὺν ὁδοῖν ἐπισκόπων συγκαλεῖν.* Nulla omnino morâ interpositâ (inquit) Rex Episcoporum synodum Constantinopolim convocavit. Eodem planè modo scribit Sozomenus lib. 7. cap. 7. Nullam illi mentionem faciunt Romani Pontificis. Et si ille sua autoritate hoc Concilium indixisset, Romæ procul dubio non Constantinopoli celebrâisset. Ad tertium Concilium generale iam venio, nempe Ephesinum primum, quod à Theodosio iuniore congregatum fuit. Hoc patet ex Euagrio lib. 1. cap. 2. Respondet Bellarminus indictam fuisse hanc synodum industriâ Cyrilli Episcopi Alexandrini, & autoritate Celestini Pontificis Romani, ut testatur Prosper in Chronico; & ait Cyrillum fuisse Legatum Celestini, de qua re in alia quæstione dicendum est, quando de præside Conciliorum inquiremus, quis nimirum Conciliis præesse debeat. Respondeo: Euagrii verba aperta esse, lib. 1. c. 2. *πρὸς τὸν εὐδοκίαν τὸν ἐκείνου ἀπὸ τῶν σὺν ὁδοῖν διδόντας, καὶ τὸν ἰσχυρὸν ἰουλιανὸν Θεοδοσίῳ Concilium primum Ephesium congregatum fuisse, & scripsisse Theodosium literas ad Cyrillum, & τὸν ἀπὸ τῆς ἁγίας ἐκκλησιᾶς ἐπιστολὴν. & ad omnes ubiq; sanctarum Ecclesiarum præpositos:* ergo etiam ad Romanum Episcopum. Celestinus quidem illi Concilio per legatum suum interfuit, & Cyrillus etiam summas in eodem Concilio partes habuit, sed neutrum tamen illorum Concilium indixisse

dixisse manifestum est. Hoc etiam testatur Liberatus in historia de Concilio Ephesino, ubi sic scribit. *Et post hæc scripsit gratiam sacram ad universos Episcopos, ut Ephesum convenirent, & ferrent de Nestorij libris & Cyrilli iudicium.* Ergo Imperator hoc Concilium indixit, non Cyrillus, non Celestinus. Sic Episcopi Orientales in Epistola ad Reges Theodosium & Valentinianum, quæ est inter acta. Sic tota Synodus in Epistola ad Reges testatur se ab illis convocata fuisse, & illorum literis atque edicto convenisse, & se illorum Synodum vocat. Et in Epistola ad omnes Episcopos sic scribit ipsa Synodus. *Cum essemus Ephesi secundum pias Imperatoris literas congregati.* Et Leo etiam hæc fatetur in Epist. 12. Hæc evincunt Imperatorem, non Pontificem Romanum, hoc Concilium congregasse. Romanus verò Pontifex si convocasset, Romæ celebrasset, aut in Europæ saltem parte aliqua, non Ephesi in Asia. *Quartum* Concilium generale, nempe Chalcedonense, à Martino Imperatore indictum fuit, ut patet ex Leone Epist. 43. 53. & alijs nonnullis eiusdem Epistolis. Respondet Bellarminus Martianum rogasse Pontificem, ut veniret ad Concilium. Sed hoc nihil ad rem. Quidni enim rogaret? Deinde affirmat petiisse ab illo, ut significaret, quid vellet agi. Nec hoc aliquid est. Tandem ait illum dicere, se scripturum esse ad omnes Episcopos, ut ad certum locum convenirent. Ergo ipse Bellarminus fatetur indictam esse ab Impe-

Imperatore hanc Synodum. Postea Bellarminus duas Epistolas affert. Sed hæc nihil probant. Prima est quorundam Episcoporum secundæ Mæsiæ ad Leonem Imperatorem. Secunda est Gelasij ad Episcopos Dardaniæ. Sed res tam clara est, quam quisquam potest desiderare. Nam Leo ipse, qui tum Pontifex Romanus fuit, in multis locis testatur se non potuisse Concilium convocare, sed hoc esse totum Imperatoris. Sed quid opus est externis testimonijs? Ipsa Synodus Chalcedonenfis actione prima testatur, non modo se ab Imperatore indictam esse, verum etiam ipsum Romanum Episcopum eo vocatum esse, qui cum ipse adesse non potuit, quatuor legatos misit. Romanus verò Pontifex si hoc Concilium convocasset, Romæ procul dubio indixisset, non Chalcedone in Asia tam procul à Roma. Atque hæc de quatuor illis primis Oecumenicis Concilijs dixisse sufficiat, quæ omnia fuisse ab Imperatore indicta, luce meridiana clarius est. Iam de alijs Concilijs videamus. Non tantum hæc Concilia, quæ summæ autoritatis & fidei sunt, sed alia etiam ab Imperatoribus sunt congregata. De vno aut altero videamus. Synodus illa, quæ Sardicæ habita est, Imperatoris autoritate convocata fuit. Sic Theodoretus lib. 2. cap. 4. Bellarminus non dubitat affirmare, Iulij autoritate convocatam fuisse, qui Pontifex Romanus eo tempore fuit. Et ut hoc probet, affert Socratem lib. 2. cap. 16. Sed si quis locum ipsum inspexerit, hoc esse falsissimum

fiffimum planiffimè intelliget . Socratis enim
 hæc verba sunt cap. 20. in græco codice. *κρῦσ-
 ται αὖτις διὰ τὴν ἐκείνῃ σὺν τῷ βασιλεὺς τῆς αὐτοῦ βασιλείαν.*
*Indicitur iterum generalis synodus auctoritate du-
 orum Regum, Constantij scilicet, & Constantis.*
 Nam quòd quidam Episcopi Iulium accusant
 propter angustiam temporis, quæ est Bellar-
 mini ratio; hoc nihil ad rem. Potuit enim Iuli-
 us quidem in causa esse, vt Imperatores celeri-
 us Concilium indicerent, ita tamen vt ipse Cō-
 cilium non convocaret. Apud Theodoretum
 lib. 2. cap. 4. aperta verba sunt, Constantium
 iussisse in Sardica Concilium celebrari. Et So-
 crates lib. 2. cap. 37. ait à Constantio duas syno-
 dos simul indictas fuisse, Seleuciæ nempe &
 Arimini, eumque sua auctoritate ne consulto
 quidem Episcopo Romano hæc Concilia con-
 gregasse. Sed Bellarminus, cum vidit rem
 manifestam esse, tandem concedit Conci-
 lia illa prima generalia ab Imperatoribus
 quidem indicta fuisse, sed ex Romanorum
 Pontificum sententia & consensu, quod ta-
 men ille hætenus non probavit. Sed vt
 videatur aliquid dicere, fingit quatuor cau-
 sas, cur tunc non solus Pontifex Concilia
 indixerit sua auctoritate. *Prima* causa est,
 quia tunc adhuc vigeat antiqua illa lex Im-
 perialis, quæ prohibebat omnia Collegia,
 & frequentes hominum conventus, sine Im-
 peratoris auctoritate, propter seditionis metū.
Respondeo : Idem nunc seditionis metus est:

ergo si tunc valuit illa lex, & nunc etiam valere debuit. Quæro igitur, num illa lex Imperialis pia fuerit, an impia. Si impia, tum Constantinus & alii pii Imperatores eam procul dubio abrogassent. Si pia, & non pugnans cum Christiana religione, cur non hodie, & omnibus etiam seculis valere debet? Quare Pontifex nunquam aut potest aut debet sua authoritate Concilia congregare. *Secunda* ratio seu causa est, quod cum Imperator eo tempore totius ferè orbis Dominus fuit, non potuit haberi Concilium, nisi in aliqua vrbe Imperiali, quod sine licentia Domini illius loci fieri non potuit, vt hodie in Hispania, Gallia, vel Germania Concilium haberi in aliqua provincia aut civitate non potest, sine illius consensu, cuius est illa civitas, vel provincia. *Respondeo*: Sed potuit tum veniam impetrare Pontifex ab Imperatore, vt in alia vrbe celebraret. Atq; hîc duo dicit Bellarminus, quæ pugnant cum authoritate Pontificis Romani. *Primum* est, Imperatorem fuisse tum Dominum totius ferè orbis, & toti orbi imperâsse, quod alibi negat *Secundum* est, nullam urbem fuisse, cuius Imperator Dominus non fuit. Ergo Roma primorum Conciliorum tempore, Imperatoris non Pontificis fuit. Et tamen iactant Adversarii Papam Dominum fuisse & Romæ & totius Regionis, idq; ex Constantini donatione. Iam quidem Imperator prorsus exclusus est, & Pontifex Romanus omnia possidet. Sed quia
Bellar-

Bellarminus ait hanc fuisse vnam causam, cur Imperatores illis temporibus Concilia indixerint, quæro ab illo, num si nunc in Hispania Concilium generale celebraretur, Hispaniæ Regi authoritatem daret illud Concilium convocandi? Non id (opinor) pateretur Pontifex. Ergo non satis attendit, quid dicat. *Tertia* causa est, quia tum fiebant publicis sumptibus omnia Imperatorum tantum. Congregabantur Episcopi expensis & sumptibus non suis, aut Ecclesiarum, sed tantum Imperatorum. Sed *respondeo*; non fuisse hanc satis iustam causam, cur pii illi Imperatores Pontifici suam authoritatem detraherent, & sibi plus arrogarent, quam ad ipsos pertineret. *Quarta* causa est, quia eo tempore Pontifex, etsi in spiritualibus esset omnium caput, etiã Imperatorum, tamen in temporalibus se subiiciebat Imperatoribus, & ideo non poterat invito Imperatore aliquid agere. At nunc longè aliter se res habet. Nam & caput est omnium in spiritualibus, & non est subiectus Imperatori in temporalibus, sed Dominus per se. *Respondeo*: Hæc præclare conficta ratio est. Sed sumamus, quod dat, olim subiectum fuisse Pontificem Romanum Imperatori in omnibus causis temporalibus, & non potuisse invito Imperatore aliquid agere. Quæro igitur, vnde nunc tanta cõmutatio facta sit? qua authoritate, aut quo iure, se ex subdito Imperatoris non subditum fecerit, sed ei æqualem, vel potius superiorem? & quare à sua ceruice Imperatoris authoritatem repulit, cumq; si-

bi in omnibus subiecit? Si antea Imperator illo superior fuit, quæro nū iure divino superior fuit, an non? Si iure divino non fuit superior, cur illi se Pontifex subiecit? Si iure divino fuit superior, debet ergo & nunc Pontifex Imperatori Dominū suū agnoscere & appellare, ut olim pii Episcopi fecerunt. Autoritas enim Imperatoris super Episcopos est ex iure divino, autoritas verò Episcopi super Episcopos & Imperatores ex iure humano est, addo etiam, quod ad posteriorem partem attinet, Antichristianū.

Venio nunc ad quintum & postremum nostrum argumentum, quod in veterum autorum testimoniis positum est. Hieronymus in Apolog. 2. adversus Ruffinum sententiæ nostræ egregius patronus est. Cum enim Ruffinus falsò diceret, damnatum atq; excommunicatū fuisse Hilarium in synodo quadam, quærit ab illo Hieronymus, in qua civitate convocata fuit illa synodus? quæ fuerunt Episcoporum vocabula? quæ sententiæ subscriptionum? qui eo anno consules? cuius gentis Episcopi illi synodo interfuerunt? quæ fuit causa congregandi? deniq; quis Imperator hanc synodum iusserit congregari? Testimonium luculentissimum. Bellarminus nihil aliud habet, quod respondeat, nisi Imperatores tunc ob causas dictas synodos convocasse, licet non sine consensu Pontificum. *Respondet*: Quid hoc ad rem? Demus Pontifices consensisse; quis enim pius Episcopus non consentiret? At Imperator interim iussit cōgregari.

Au-

Autoritas ergo tota nō Episcopi, sed Imperatoris fuit. Solebant quidem Imperatores in huiusmodi negotijs Episcopos in consilium adhibere, sed horum nulla autoritas fuit. Iusserunt Imperatores, consenserunt Episcopi. Erasmus in illum locum sic scribit. *Nota, lector, olim synodos Imperatorum iussu congregari solitas.* Quam ob causam Marianus Victor eum reprehēdit, & in illum invehitur, sed absurdè admodum, & imperitè. Idem Hieronymus in Epitaph. Paulæ sic scribit. *Cum Orientis & Occidentis Episcopos ob quasdam Ecclesiarum dissensiones Romam Imperiales literæ contraxissent &c.* Si Romæ Concilia ab Imperatore congregata fuerunt, tum nulla fuit Romani Pontificis Concilia congregandi autoritas. Liberius Papa in sermone seu colloquio quodam cum Constantio Imperatore, quod habetur apud Theodoret. lib. 7. c. 16. concedit Imperatoris esse Concilia convocare, & hanc totam autoritatem illi tribuit. Bellarminus ait Centuriatores Magdeburgenses hoc testimonium afferentes mentiri. Bona verba quæso. Videamus ergo locum ipsum, atq; adeo verba Liberii apud Theodoretū, quæ sic se habent. *Ὅτις ἐὰν σου δοκῇ τῇ ἐκκλησίᾳ, καὶ τῶν σου ἀδελφῶν.* Quapropter si ita visum fuerit pietati tue, iube Concilium congregari. Ergo habuit tunc Constantius Imperator autoritatem congregandi Concilia. Liberius enim non tribuisset ei hanc autoritatem, si eius non fuisset. Sciebat (inquit Bellarminus) invito Imperatore Concilium congrega-

gregari non potuisse, atque ideo ab Imperatore potentissimo, & Ariano, ac proinde sibi infesto petit, ut fieret Synodus. At ait Constantio Liberius, *κέλευσεν*: ergo illi iubendi authoritatem tribuit. Si hoc certè ius suum fuisset, non Imperatori quantumvis potenti & hæretico tribuisset, nec tribuere debuisset. Sed hoc totum planè Imperatorum fuisse constat. Constantinus non modo Nicænam synodum primam, sed & aliam etiam Tyri congregavit, & postea per literas illius synodi Episcopos ad se venire iussit, ut, quid cōtra Athanasium statuissent, indicarent, illi q; facti sui rationem redderent, Sozomen. l. 2. c. 28. Et sic eius filius Constantius multas Synodos congregavit. Socrates lib. 5. in procem. causam exponit, quamobrem libris suis res gestas Imperatorum complexus est, nempe quia ad illos, ex quo facti sunt Christiani, res Ecclesiæ pertinebant, & illorum sententiâ maximæ synodi habitæ sunt. Verba hæc sunt. *Συνεχὼς δὲ καὶ τὸς βασιλεῖς τῇ ἱστορίᾳ δελαμβάνοντες, διότι αὐτοὶ ἡ χριστιανίζουσαν ἡρξάντο, τὰ τῆ ἐκκλησίας πρᾶγματα ἡρτήθη ἐξ αὐτῶν, καὶ αἱ μέγιστα συνόδοι τῇ αὐτῶν γνώμῃ γεγονέναι τε καὶ γίνονται.* Quibus verbis docet Socrates Imperatorum olim fuisse Concilia congregare, & suo etiam tempore congregasse. Athanasius in lib. de synodis de Concil. Seleuc. & Arim. sic scribit. *Ab Imperatore præsfectisq; litera sequentes in omnem partem orbis missæ sunt, eos, qui illuc ituri erant, convocantes.* Chrysostomus in Epistola 1. ad Innocentium Episcopum Roma-

Romanum sic scribit. *εἰσὶόντες παρακαλῶμεν τὴν
 διοικήσαντες βασιλέα σύνοδον συναγαγεῖν. Nos san-
 ctissimum Regem adimus, ab eoq; petimus, ut Con-
 cilium congregare velit.* Petijissent verò hoc à
 Romano Pontifice, non ab Imperatore, si eius
 fuisset Concilia congregare. Ambrosius in
 Concil. Aquileien. sic scribit. *Convenimus ad
 Aquileiensem civitatem iuxta Imperatoris præ-
 ceptum.* Et statim Palladius Arianus in eodem
 Concilio subiungit. *Imperator noster Gratianus
 iussit Episcopos Orientales venire: negas tu iussisse?*
 Illi siquidem Episcopi magis favebant hæresi
 Arianæ. Et paulò post, Eusebius Catholicus
 Episcopus, *Episcopos Imperator iussit convenire.*
 Ergo Imperatoris erat iubere Episcopos, &
 Concilia congregare. Leo Romanus Episco-
 pus, etsi ambitiosus satis fuit, & authoritatem
 in alios exercere studuit: tamen non ausus est
 unquam hanc sibi authoritatem assumere, aut
 vindicare, sed Imperatori semper tribuit. Libe-
 ratus enim in historia sua de rebus Ecclesiæ
 cap. 12. ait illum cum aliis Episcopis Italiæ in
 genua provolutos ab Imperatoribus petijisse, ut
 Concilium indicerent, nec tamen impetrare po-
 tuisse. Leo etiam ipse in Epist. 9. ad Theodosi-
 um sic scribit. *Vnde si pietas vestra suggestioni ac
 supplicationi nostræ dignetur annuere, ut intra Ita-
 liam haberi iubeatis Episcopale Concilium, &c. vbi
 nil sibi, nisi admonitionem, suggestionem, &
 supplicationem tribuit, authoritatem verò iu-
 bendi Imperatori relinquit.* Idem in Epist. 24.

ad eundem, idipsum vehementissime petit ab eodem Theodosio his verbis. *Omnes mansuetudini vestre cum gemitibus & lachrymis supplicanti sacerdotes, ut generalem synodum iubeatis intra Italiam celebrari.* Hoc quidem ipse petiit, at non impetrare potuit, ut id fieret. Nam apud Ephesum Imperator constituit synodale Concilium extra Italiam, ut constat ex Leonis Epist. 12. Ex quo constat nullam fuisse hac in re, Pontificis Romani auctoritatem. Nec ipse tantum supplex hoc petiit ab Imperatore, sed ad Clerum etiam Constantinopolitanum scripsit, ut ipsi quoque idem peterent, Epist. 23. ubi sic scribit. *Quoniam oportet vos post divinum auxilium etiam Catholicorum Principum gratiam promereri, humiliter, ac sapienter exposcite, ut petitioni nostre, qua plenariam indici synodum postulamus, clementissimus Imperator dignetur annuere.* Similiter etiam postea idem Leo mortuo Theodosio, à Martino idipsum petiit, & cum is celerius, quam cupiebat, Concilium indiceret, petiit ut differretur in alium diem, sed Martinus in sententia permansit, & eodem die celebrari iussit, qui fuit antea destinatus, ut patet in Leonis Epist. 43. Et hoc Concilium quoque in Italia fieri petiit Leo Epist. 26. sed non obtinuit. Nam celebratum fuit extra Italiam longo intervallo in Bythinia, in civitate scilicet Chalcedonenfi. Sic Romanus Episcopus nil nisi petere potuit, & tamē nō semper impetravit, quod petiit. At si hoc ius suū fuisset, non sic Imperatori rem totam permisisset.

misisset. Hoc ergo totum in Imperatoris auctoritate positum fuit, Concilia scilicet congregare, quando, ubi, & quoties voluerit. Et quidem ex his quæ dicta sunt constat, Imperatores non magnam Pontificum Romanorum rationem habuisse, qui illorum tam æquis postulatis annuere noluerunt. Et postea etiam omnes pij Principes, qui Principes fuerunt, & non servi Romani Pontificis, hanc auctoritatem sibi semper vendicârunt. Carolus Magnus in Gallia quinque Concilia Provincialia celebravit, & unum etiam generale Francoforti sine Pontificis Romani vel consensu quidem, in quo damnata est impia illa sententia synodi Nicænæ secundæ de cultu imaginum, quinque annis post Nicænum illud Concilium. Sed pergamus, & adhuc alia testimonia adiungamus. Nilus Archiepiscopus Thessalonicensis librum scripsit contra primatum & tyrannidem Romani Pontificis, in quo etiam libro omnia olim antiqua Concilia ab Imperatore, non à Romano Pontifice, congregata fuisse probat. Huius libros latinè è græco versos edidit Illyricus. Digni sanè sunt, qui legantur. Æneas Sylvius (qui postea Pontifex Romanus factus est, & dictus est Pius secundus) in lib. i. de Concilio Basiliensi apertus est in hac causa, & nostras partes disertè tuetur. *Ex hisce auctoritatibus (inquit) mirum in modum se putant armatos, qui Concilia negant fieri posse sine consensu Papa. Quorum sententia si, ut ipsi volunt, inviolata persister, ruinam*
secum

secum Ecclesie trahit. Nec hoc tantum nudis verbis dixit, sed ratione etiam comprobavit. Quid enim erit remedium (inquit) si Papa criminosus Ecclesiam perturbet, si animas perdat, si fidei contraria predicet, & hereticis dogmatibus imbuat subditos? Quæ certè ratio refelli non potest. Subiungit idem Æneas. At ego dum lego veteres historias, hunc morem non invenio, ut soli Papa Concilia congregaverint. Nec post tempore Constantini Magni & aliorum Augustorum quesitus est magnopere Romani assensus Papæ. Hæc Æneas in Basiliensi Concilio, cui ipse interfuit, & quod probavit. Et hoc Concilium totum decrevit cōtra Papam, eiusque authoritatem. Sed Cardillus Papiſta, qui Concilio Tridentino interfuit, in disputat. 1. de Concil. respondet, Æneam quidem, cum iuvenis atque Æneas esset, ita sensisse, sed ubi adolevit iam, atque pius evasit, sententiam mutavisse, & Bullam retractationum edidisse. Et sic putat huic testimonio satisfieri. Sed respondeo, Æneam quidem, postquam non pius, sed impius Papa evasisset sub nomine Pij secundi, palam aliter sensisse, & sententiam mutavisse, sed in peius tamen, nullis iustis rationibus inductum, sed inconstantiâ, levitate, & ambitione impulsus. Homo enim ambitiosissimus fuit, & Papatus sitientissimus, quemadmodum referunt historię. Verè scripsit antea, sed post ambitione & desiderio primatus palinodiam cecinit. Cum verò Papa factus est, necesse illi fuit rem suam agere, & sedis suæ prærogativam atque

que authoritatem defendere. Ita ille sententiam cum secta mutavit. Sed rationes illas, quibus v-
sus est, cum esset Æneas, non refutavit, cum fa-
ctus est Pius. Bulla verò ab eo edita planè An-
tichristiana fuit, & impia, ut facilè cuivis legenti
constare potest. Nicolaus Cusanus Cardinalis
lib. 2. de concordia Catholica, cap. 25. affirmat
octo vniuersalia Concilia per Imperatores fuisse
convocata. Cardillus in eodem loco, qui su-
prà citatus est, respondet, cum nihil pro nobis,
aut contra ipsos facere. Scribere enim tantum,
Imperatores Concilia convocasse, sed de iure &
authoritate cogendi nihil definire. Præclara re-
sponso. Sed si locum legisset, hoc nunquam
dixisset. Nam Cusani hæc verba sunt. *Authori-
tas Concilij non ita dependet à congregante, ut nisi à
Papa congregetur, non sit Concilium, quia tunc om-
nia octo vniuersalia Concilia non fuissent firma,
quoniam per Imperatores convocata leguntur, &
Romanus Pontifex ad instar aliorum Patriarcha-
rum, Divales sacras iussiones, de veniendo aut mit-
tendo ad Concilium recipit.* Quo in loco tria scri-
bit Cusanus. *Primò*, generalia Concilia posse ef-
se firma & legitima, quæ à Romano Pontifice
non congregantur, quod contra Adversarios vel
maximè facit. *Secundò*, omnia octo prima Oe-
cumenica Concilia ab Imperatoribus non à Ro-
mano Pontifice indicta & convocata fuisse.
Vnde manifestum est per annos octingentos
post Christum & amplius, nullum generale
Concilium à Romano Pontifice coactum fuisse.

se. Sed videte locum. *Tertiò*, ait Cusanus ipsum Romanum Pontificem fuisse literis Imperatoris ad Concilium evocatum, non minus quam alios Patriarchas, vel ut ipse loquitur, *ad instar aliorum Patriarcharum*: ergo non maiorem habebat ipse auctoritatem, quam reliqui Patriarche. Quid dici potuit apertius? Ex his constat auctoritatem, quam hodie exercet Romanus Pontifex, esse recentem, esse tyrannicam, esse iniustam, esse Antichristianam. Dominicus Iacobatus lib. 3. artic. 1. pag. 143. sic scribit. *Quia à principio facultas congregandi Concilia spectabat ad Imperatores. Postremo* (ut finem tandem faciam cumulandi testimonia) Pighius lib. 6. de hierarch. Ecclesiast. cap. 1. scribit, generalium Conciliorum convocationem fuisse inventum Constantini Magni: ergo non lege vlla divina præcipitur, nec à Romano Pontifice inventum fuit, qui tamen Ecclesiæ primatum sibi vendicat. Bellarminus non probat hanc sententiam. Nihil verò aliud respondet, nisi Constantinum hoc per se non excogitasse, sed sacerdotum sententiam secutum esse. Demus hoc ei, secutum esse Constantinum sententiam sacerdotum, sed quorum tandem? non certè Romanorum, aut Italorum, sed Ægyptiorum. Sic enim disertè scribit Rufinus lib. 10. historię suę cap. 1. Nam illi rogauerunt, & persuaserunt, ut propter Arium cogeret Episcopos vndequaque, quod ille fecit. Si hoc ad Papam pertineret, cur non ab illo hoc factum est? Nulla verò Romani Pontificis petitione

tionem permotum fuisse Constantinum legimus, ut Concilium congregaret. Sed demus eum Romanorum etiam sacerdotum sententiam secutum esse, tamen auctoritas illorum nulla fuit, sed solius Imperatoris. Ex hac verò Pighij sententia constat hanc auctoritatem non pertinere ad Pontificem iure divino. Nam Pighius ait esse inventum Constantini Magni. Et Bellarminus non negat, sed ait eum ex sententia sacerdotum invenisse. Est ergo humanum inventum. Et quidem licet divini forsan iuris sit, ut conveniant Episcopi, tamen ut conveniant universi, non divini sed Ecclesiastici iuris est. Cum ergo non iure divino hanc auctoritatem habeat Papa, quo tandem humano iure habet? num civili? at hoc Cæsari tribuit hanc auctoritatem, num aliquo antiquo iure? nequaquam. Nullo ergo iure habet, nisi Canonico, Decretali, & Pontificio, hoc est, suo, quod apud nos nullam vim habere debet, quia Antichristianum est, & ab omni pietate ac religione omnino abhorret. Atque hæc de secunda quaestione sufficiant: iam ad tertiam veniamus.

Quaestionis secunda finis.

negamus, quos ex reliquo hominum cætu seligēdos esse statui mus, nec esse illa ab aliis quàm legitimis ministris tractanda affirmamus, à nullo Principe, à privato nullo. Hi olim κληρικοί dicti sunt, quòd certa ratione sortiti essent munus aliquod Ecclesiasticum. Atque in his gradus aliquos esse dicimus, alios esse Diaconos, alios Presbyteros, quorum distincta olim officia fuerunt. Ergo quæritur, quanam ex his ad Concilium sint vocandi. Et dicunt Adversarij posse aliquos multis de causis Concilij interesse. Sunt enim ex illorum sententia quatuor ordines & gradus eorum, qui ad Concilia venire debent. Aliqui enim interfunt, vt iudices, atque hi habent suffragium decisivum. Alij, vt disputent, & examinent difficultates, & hi habent suffragium consultivum. Alij, vt defendant Concilium, dentque operam, vt pacata omnia sint intus & extra. Alij, vt ministrent, cuiusmodi sunt notarii, custodes, famuli. Ergo nullum genus hominum excludunt Adversarij, quò minùs ad Cōcilium veniant, nec laicos, nec clericos. Possunt enim omnes aliqua ex his quatuor tractare. Principes defendere Concilium possunt, privati ministrare, clerici non prælati & alij disputare, prælati decidere. Iam verò etsi hos omnes esse necessarios suo modo fatentur: tamē hæc Papistarum sententia est, solos prælatos maiores, hoc est, Episcopos atque Archiepiscopos omnes in Concilijs vniuersalibus & particularibus habere ius suffragij decisivi ordinariè, sed Cardinales,

dinales, Abbates, & generales ordinum, licet Episcopi non sint, extraordinario privilegio posse suffragium etiam decisivum ferre: reliquos omnes, quicumque fuerint, utiles esse, sed non habere suffragium decisivum. Et hanc esse omnium Catholicorum sententiam patere ait Bellarminus ex personis quæ Concilio Tridentino interfuerunt, & ex Iohanne de Turre cremata, & ex aliis scriptoribus Catholicis.

Nostra verò hæc sententia est, non solos prelatos habere ius definiendi in Conciliis, sed homines quosvis idoneos eligi posse, qui ad Concilium mittantur, eosque liberè pronunciare debere, ita tamen ut nihil indecore, nihil turbulentè, nihil tumultuosè fiat, sed omnia ordine gerantur, & eos esse audiendos, eorumque potior rem esse causam, qui ex Scripturis sua possunt demonstrare. Iam verò Bellarminus duas nobis opiniones objicit. Quarum hæc una est, Concilium constare debere ex verè piis & electis. Atque hanc Brentij opinionem esse ait in Confessione Wittembergenfi, in capite de Conciliis. *Respondeo*: hanc opinionem nobis falsò tribui. Sic enim nulla Concilia unquam celebrabuntur. Quis enim novit, qui verè pii & electi sunt? Nec hoc Brentius dicit. Verba eius aliter se habent, quemadmodum cuiusvis locum intuenti facile patebit. Ait enim. *Et si Ecclesia habeat certam promissionem perpetuæ præsentæ Christi, & gubernetur à Spiritu Sancto: tamen non quivis hominum catus pro vera Ecclesia haberi potest. Et ut maxime*

multi aliquoties in nomine Christi convenire videntur, tamen pauci sunt electi, & non est omnium fides. Quod ille non eò dixit, ut ex solis electis Concilium constare debere probet, sed ut doceat non semper gubernari Concilia à Spiritu sancto, & non esse tam certæ authoritatis, quam Scripturas. Altera opinio est, ex omni hominum genere aliquos esse deligendos, qui ad Concilia mittantur, doctos nimirum & prudentes, & omnes debere esse iudices, & habere suffragium decisivum. Atq; hanc Lutheri sententiam esse ait in lib. de Concil. parte. 2. pag. 264. quo etiam loco ait illum affirmare, ex omnibus locis debere congregari ad 300. homines doctos in sacra Scriptura, & hos efficere Concilium. Et sic alios Protestantes ait sentire: Respondeo: Lutheri verba aliter se habent. Ait enim ille doctos homines esse deligendos, qui ad Concilia mittantur, & si sit Concilium generale, ex omnibus partibus orbis mittendos esse aliquos, at non expectandum esse, dum omnes veniant, sed sufficere, si pauci adsint, satis esse si vel trecenti conveniant solidè docti & sapientes, quos Ecclesiæ singularum provinciarum delegerunt, & ad hoc negotium idoneos iudicârunt. Quod sanè verum est, & rectè ab illo dictum. Neq; enim necesse est, ut undiq; omnes conveniant, nec certè vitari confusio potest, cum nimis multi conveniunt. Sufficit ut undiq; viri cordati adsint. Et hanc quidem sententiam nostram esse agnoscimus, homines ni-

mirum rerum divinarum & Ecclesiasticarum expertos, solertes, doctos, pios, disertos, graves, cordatos mittendos esse ad Concilia ; hos parrem debere authoritatem habere in suffragijs ferendis; Episcopos quidem esse mittendos, modò tales sint, quales esse debent, qui possint nempe sacras Scripturas dextrè tractare, & Adversarios refellere; sin ad hæc inepti fuerint, domi detinendos esse; denique si qui sint ex aliquo hominum genere docti & periti, eos etiam mittendos esse. Hæc nostra sententia est. Nunc ad disputationem veniamus.

CAPVT. 2.

In quo Adversariorum argumenta proponuntur, quibus probant solos prelatos habere ius ferendi suffragium decisivum in Concilijs.

Bellarminus quatuor argumentorū genera adhibet. *Primum* illius argumentum sumitur ex authoritate Scripturæ, estq; huiusmodi. Definire in Concilijs ea, quæ sunt credenda, vel agenda, proprium est Pastorum munus. Nam pascere propriè est docere, & sic docere, vt alii teneantur credere. Id probatur ex Hierem. 3. *Dabo vobis Pastores secundum cor meum, & pascant vos scientia, & doctrina.* Et ex Ephes. 4. *Alios dedit Apostolos, alios Pastores, & Doctores.* Vbi notat Hieronymus (inquit) in hunc locum, & Augustinus Epist. 59. ad Paulinum, *Doctorem cum Pastore coniungi*, quia proprium est Pastorum docere. At Laici non sunt Pastores, nec Ec-

Ecclesiastici quicunque, sed soli Episcopi. Hoc probat ex Act. 20. *Attendite vobis & universo gregi, in quo vos Spiritus sanctus posuit Episcopos, regere Ecclesiam Dei, & ex Ioan. ult. Vbi Petro dicitur, pascere oves meas, & ex ratione etiam. Si enim omnes laici (inquit) essent Pastores, ubi essent oves? Hoc primum eius argumentum est. Respondeo, 1: Definire in Concilijs credenda & agenda, dupliciter capi potest. Primo enim significat per se statuere, & præscribere, quid sit à nobis fide suscipiendum, & opere præstandum, sic ut nulli liceat reclamare, quantumvis ratione freti, nec cuiquam fas sit aliter credere, dicere, aut facere. Secundo, significat declarare hanc esse fidem Catholicam, hoc esse credendum, hoc esse agendum, quia Scripturæ autoritas ita credendum, & ita agendum esse docet, ac propterea, qui aliter credunt & faciunt, eos in errore esse. Et primo quidem modo dico Episcopos aut Pastores in Concilijs non posse aliquid definire, hoc enim ad Deum solum, & Christum, & Spiritum sanctum pertinere. Nihil possunt Episcopi in Concilijs præscribere, nisi ex Scripturis, nullam habent auctoritatem, nisi quæ Scripturis subiecta sit. Sed Adversarii tribuunt Concilijs auctoritatem definiendi, statuendi, præscribendi etiam ea, quæ aperte ex Scripturis improbari possunt. Ita summam illis & supremam auctoritatem tribuunt, præsertim si Pontifex Romanus adfuerit, & nulli licere reclamare affirmat, sed quæcûq; ab iis præscripta fuerint*

& à Romano Pontifice confirmata, ea rata esse debere, & ab omnibus esse admittenda, nec à quoquam examinari oportere. Quam certè auctoritatem tyrannicam esse, & Antichristianam constat. 2. *Respondeo*: Si definire secundo modo sumatur, quemadmodum necessario sumendum est, non esse Pastorum tantum munus, hoc est, Episcoporum, hoc modo in Concilijs definire. Nam Pastorum munus est, salutari vitæ pabulo, hoc est, verbo Dei, populum Dei pascere, & Sacramenta rectè administrare. At hic non est finis Concilij generalis, sed si hæresis aliqua orta fuerit, eam tollere: aut si abusus aliquis egregius in Ecclesiam irrepsit, eundem corrigere: aut si negotia aliqua inciderint, quæ totam Ecclesiam attingant, de ijsdem deliberare. Atque hoc Bellarminus ipse antea confessus est. Nam causas sex assignavit, propter quas Concilia congreganda sunt, quarum prima est nova hæresis. Sed hanc forsan dicet ad Episcoporum definitionem pertinere. At non soli Episcopi de hæresi possunt iudicare, sed alij etiam Christiani Scripturarum periti possunt ex verbo Dei declarare, hunc aut illum hominem esse hæreticum, & hanc aut illam doctrinam hæreticam esse. Non est ergo hæc Episcoporum tantum provincia, sed ad alios etiam homines, qui Scripturarum periti sunt, pertinet. Reliquæ verò quinque causæ non requirunt Episcopos, nempe, schisma inter Episcopos Romanos, resistentia communi hosti, suspicio hæreseos in Papa,

Papa, dubitatio de electione Romani Pōtificis, reformatio generalis abusuū. Hæc omnia ab ijs qui non sunt Episcopi geri possunt, vt harū rerum definitio non illis solis sit necessariò relinquenda. Sed si illud sit propriū Concilij munus, vt pascat, cū Pastor & grex sint relativa, quero quis sit grex huius Pastoris. Si dicant totam Ecclesiam esse gregem, tum duo simul erunt Oecumenici Pastores, Pontifex Romanus scilicet, & Concilium; nam Pontifex vnus Pastor esse vult. Et tum etiam ipsi Episcopi erunt sibi ipsis Pastores. At verò finis Conciliorum non est pascere, sed lites dirimere, Canones præscribere, abusus corrigere, Ecclesias componere, aliaque facere quæ ad pacatum & tranquillum Ecclesiæ statum pertinent. Hæc verò omnia ab ijs fieri possunt, qui sunt in ordine laicorum. Ita ex ipso Bellarmino constare potest, Episcopos solos non requiri necessariò ad definiendum aliquid in Concilijs. Prima enim causa celebrandi Concilia ab illo proposita hoc non requirit, vt antea probatum est, quinque verò reliquæ multò minùs, quæ sunt huiusmodi, vt ab alijs præter Episcopos procurari & administrari possint. 3. Pascere aliquo modo idem esse quod docere, non negatur. At Concilia non ideo congregantur vt pascant aut doceant, sic vt proprii Pastores, sed vt dispiciant & consultant, quid ad Ecclesiæ salutem faciat. Concilia enim extraordinariè congregantur propter causas extraordina-

rias; at docere est ordinarium officium Pastoris. Quanquam si omnes Pastores doceant, non tamen sequitur idem esse Pastorum & Doctorum munus. 4. Quod affirmat solos Episcopos Pastores esse, idque probat ex Act. 20; egregie Scripturâ abutitur. Nam illi Episcopi non erant tales, quales hodie sunt Episcopi Pontificij. Erant enim omnes, Episcopi unius civitatis: at plures unius civitatis Episcopos esse prohibent Canones Romani. Præterea ijdem vers. 17. eiusdem capituli *ἐπισκοποι* vocantur. Unde hic locus vel maxime cōtra ipsum facit. Nam si omnes, quorum est pascere, habeant ius definiendi in Concilijs, tum Presbyteri habent, quia vers. 18. huius capituli Episcopi vocantur, atque etiam *πρεσβυτεροι* iubentur. At illi volunt tantum prælatos maiores hoc ius habere. 5. *R. spondeo*, neminem nostrum unquam dixisse, omnes Christianos esse Pastores. Fatemur enim alios Pastores esse, alios esse oves: sed ad Cōcilia, ubi de fide fit inquisitio, non modò Pastores, sed & alios etiam, qui ad inquirendum apti sunt, convenire oportere contendimus. Atque hæc de primo argumento dixisse sufficiat.

Venio nunc ad *secundum* argumentum, quod positum est totum in testimonijs veterum. Prima Concilia (inquit) in Ecclesia celebrata, fuerunt tempore Victoris Papæ; de quæstione Paschatis. De ijs Eusebius lib. 5. hist. cap. 23. sic scribit. *Ob quam causam convocatus Episcoporum, & Concilia per singulas quasque pro-*

provincias convocantur. *Εὐροδοὶ δὲ καὶ συγκαταστήσαντες*
ἐπισκόπων καὶ πάντων ἐκείνων. Ex quo concludit
 Episcoporum tantum esse, in Concilijs defini-
 re. *Respondeo* 1: fuisse antiquius Concilium
 illis, de quibus scribit Eusebius, & quorum
 meminit Bellarminus, illud nempe Hierosoly-
 mitanum, de quo fit mentio Act. 15. cui Con-
 cilio non tantum Apostoli interfuerunt, verum
 etiam Presbyteri, & tota Ecclesia. 2. *Respondeo*:
 dictos esse vulgò Episcopos eo tempore, singu-
 los singularum Ecclesiarum Pastores & Pres-
 byteros, ex more & consuetudine Scriptura-
 rum, vt Philip. 1. 1. *σὺν ἐπισκόποις καὶ διακόνοις.* V-
 bi Apostolus multos vnus Ecclesiæ Episcopos
 commemorat, quod Canones Romani non
 permittunt. Ergo per Concilia Episcoporum,
 intelligit Eusebius Concilia Presbyterorum.
 Deinde cumulat Adversarius multa Patrum
 testimonia, quorum verba non refert, sed loca
 tantum citat. Nominat verò Cyprian. in Epist.
 ad Iulian. in initio, Hilar. in lib. de synodis, Am-
 brosium in Epist. 32. Hieron. in lib. 2. Apolog.
 contra Ruffin. Augustin. in Epist. 119. Le-
 onem in Epist. 16. & sequentibus, Ruffin.
 lib. 10. hist. cap. 1. Athanas. in Epist. ad soli-
 tariam vitam agentes. Hos Patres ait in locis
 citatis, & alios nonnullos passim asserere, Con-
 cilia Episcoporum esse: Ergo Episcoporum
 tantum est in Concilijs definire. *Respondeo*: hæc
 esse supervacanea. Fatemur olim dicta fuisse
 Episcoporum Concilia, vt distinguerentur à

Concilijs Politicis , quia aderant plerique Episcopi, & in illis causæ plerumque Episcoporum agebantur, & quia illi maxime idonei erant, qui huiusmodi causas tractarent, non quod nulli alij præter Episcopos definiendi auctoritatem habuerunt. Ergo ista testimonia haud necessaria sunt. Subiungit deinceps aliud testimonium ex Concilio Ephesino, quod habitum est sub Theodosio iuniore. In illius Concilij cap. 32. in Epistola Theodosij ad Concilium hæc verba habentur. *Illicitum est eum, qui non sit in ordine sanctissimorum Episcoporum, Ecclesiasticis immisceri tractatibus.* Respondco: Quid? num laicis, & iis qui non sunt Episcopi, nihil Ecclesiasticum tractare fas est? at omnes pij Imperatores tractarunt; num Ecclesiasticis tractatibus interesse non licet? at interfuerunt multi. Et quanquam Imperator ipse Theodosius Concilio Ephesino non interfuit, tamen Candidianum misit, qui interfuit, quique Imperatorem subinde certiorē fecit, quid actum esset. Et Martianus Imperator interfuit Concilio Chalcedonensi, nec ipse modò, sed & senatores. Quare aut ficta est hæc sententia, aut non sic intelligenda, quemadmodum vult Adversarius. Sed videtur ficta esse, quia non habetur in antiquis exemplaribus, & quia Ecclesiæ primitivæ consuetudini adversatur. Nam Imperatores semper aut interfuerunt Concilijs ipsi, aut Legatos suos miserunt. Et ex hoc ipso Concilio manifestum est, Theodosium sese Ecclesiasticis immiscuisse tractatibus

etatibus, in Epistola illius ad Concilium. Pronunciat enim omnia, quæ hætenus fecerant, esse irrita, quia per contentionem omnia gesta fuissent, & iubet omnia pacificè examinare. Num hic illicitum existimavit, negotijs Ecclesiasticis sese immiscere? Præterea, quod ait Pulcheriam Imperatricem in Epistola quæ habetur ante Concilium Chalcedónense, iussisse vt Clerici, Monachi, & Laici, etiam vi à Concilio repellentur; *Respondeo*: illos meritò repulsos esse, ne turbarum nimium esset, quia favebant Dioscoro & Eutycheti hæreticis. Affert deinde ex eodem Concilio actione 1. cum ad Martinum Archimandritam Monachorum patrem mitteretur, vt subscriberet, illum respondisse, non esse suum, sed Episcoporum tantum subscribere. *Respondeo*: Quod miserunt ad eum Episcopi, vt subscriberet, hoc arguit non Episcoporum tantum hoc fuisse. Recusabat verò ille subscribere, vel quia non putabat suum esse, vel quod esset hæreticus, & Episcoporum causæ non faveret. Vltimo loco ait, cum Monachi & Laici in idem Concilium ingressi essent, Patres sæpius clamasse, *Mitte foras superfluos, Concilium Episcoporum est.* *Respondeo* 1. Monachos de iure non interesse Concilij, nisi fuerint electi. Et illi Monachi non erant in vlllo ordine Ecclesiastico. 2. *Respondeo*: eo tempore invaluisse hunc morem, vt nulli præter Episcopos Concilij interessent, quia illi soli idonei videban-

debantur , qui interessent , quique res Ecclesiasticas tractarent . At non sic ab initio fuit.

Tertium Bellarmini argumentum fumitur ex Concilijs hætenus in Ecclesia celebratis. Omnium Conciliorum decreta (inquit) à solis Episcopis facta esse , patet ex subscriptionibus . Soli enim Episcopi subscripserunt . *Respondeo* : hoc falsissimum esse. Nam & Imperatores , & Abbates , & Presbyteri subscripserunt , ut postea docebimus , cum ad nostra argumenta ventum fuerit. Vbi etiam illam distinctionem de subscriptione definitionis & consensionis diluemus . Nam ostendemus illos etiam definitivè subscripsisse.

Quartum Bellarmini argumentum in ratiunculis quibusdam positum est , quæ numero quinque sunt . *PRIMA* hæc est . Negotia Ecclesiastica & publica à personis tantum Ecclesiasticis & publicis tractari debent : at tales sunt soli Episcopi : ergo &c. *Respondeo* 1: Quid ? an nullæ sunt personæ Ecclesiasticæ , nisi Episcopi ? Quid ergo de Presbyteris , Diaconis , Abbatibus , Monachis , & Clericis reliquis statuemus ? Quid de Cardinalibus , qui non sunt Episcopi ? Sed persona Ecclesiastica dupliciter accipitur. *Primo* , pro membro Ecclesiæ , & sic omnes Christiani sunt personæ Ecclesiasticæ. *Secundo* , pro eo , qui munere aliquo , & ministerio Ecclesiastico fungitur. Neutro modo sunt soli Episcopi personæ Ecclesiasticæ.

2. *Respondeo*: Tractare causas Ecclesiasticas, est negotium Ecclesiasticum; sed hoc eiusmodi est, quod possit ab aliis quàm Episcopis fieri. Est enim inquirere & dispicere de veritate alicuius quæstionis, & Ecclesie salutis ac trāquillitati providere: at hæc non ab Episcopis tantum fieri possunt, verumetiam ab aliis, qui sunt docti, pii, & Scripturarum periti, qui sunt scientia, gravitate, fide, & pietate præditi, aliisque donis huiusmodi, quæ in causis tanti momenti requiruntur. *SECUNDA* ratio hæc est. Si omnes docti admitti deberent, tum aut nulla unquam Concilia essent, quia vix omnes docti possent cōvocari, aut esset impossibile tale Cōcilium regere propter nimiam multitudinem.

Respondeo: Somniare hoc potius est, quàm disputare. Nunquam hoc factum est, nunquam nos fieri postulavimus. Non omnes doctos promiscuè ad Concilia convocari volumus, sed ex singulis provinciis seligendos esse aliquos, quos Ecclesia maximè aptos & idoneos iudicaverit. Non erit difficile hos in officio continere. Nam cum convenerint, moderator aliquis est eligendus, qua de re postea dicendum erit. Ita neutrum horum incommodorum eveniet, quorum mentionem facit Adversarius. Non enim volumus Cōcilium esse quasi cætum Cyclôpum, de quo illud verè dicatur, *ἀνέκαστος ἄνθρωπος ἡγεῖται*, sed volumus esse à certis quibusdā viris gubernatū, qui ad illud munus maximè idonei videbūtur. *TER-
TIA* ratio est, quia tum plures essent in Con-
lio

lio inferiores, quàm superiores, ac proinde tunc verè vinceret maior sententia meliorem. *Respondet*: hæc quidem incommoda secutura esse, si id fieret, quod fingit Adversarius, hoc est, si fas esset cuivis homini arroganti & loquaci sese in Cōcilia ingerere, iisque temerè se immiscere, & sine ordine pro libito & arbitrio suo loqui. Sed non debet quisquam in Concilium admitti, nec verba facere in Concilio, nisi qui ab Ecclesia delectus, & designatus fuerit. Nos enim, qui cum Episcopis laicos & doctos viros non Episcopos, in Conciliis coniungi volumus, non *arrogantiam* tamen introducendam esse unquam cogitavimus. Non vult Adversarius quæstionis statum intelligere, quia non potest aptè infringere, sed monstra quædam opinionum sibi fingit, & tum eadem pulcherrimis rationibus oppugnat. *QUARTA* ratio est, quia tunc facile posset unus Princeps, in cuius regione Concilium esset, quicquid vellet definire, quia posset omnes Presbyteros & doctos homines suę provincię colligere, & in Concilium introducere, quod non possent alij Principes, qui longè abessent. *Resp*: Hoc facit cōtra Adversarios. Hęc enim ratio non minùs valet contra Episcopos, quàm contra Presbyteros & doctos viros, quia eodē modo posset Princeps ille Episcopos omnes suę provincię colligere, & in Cōciliū introducere, eosque ad suas partes trahere, & facere, ut ita illi faveant, ut quidvis possit obtinere. Et hic quidem Papæ mos est. Solet enim ille in lo-

co,

eo, quem sibi novit addictissimum esse, Concilia congregare, & homines etiam sibi addictissimos ad hæc Concilia vndecunq̃ue convocare, ut sic multitudine semper vincat. *QVIN- TA* ratio hæc est. Nulla est Respublica, quæ non habeat ordinem aliquẽ in comitiis, docente etiam ratione naturali, ita ut non quivis de plebe, sed principes tantum, & capita cæterorum, locum & suffragium habeant: ergo similiter Ecclesia in Concilijs generalibus facere debet. *Respondeo:* Et nos quoque ordinem in Concilijs requirimus, & multò maiorem cautionem in synodis Ecclesiasticis, quàm in comitijs politicis adhibendam esse dicimus. Non enim permitimus cuivis in Cõcilium involare, & disputationibus suis omnia perturbare, sed moderatores esse volumus, qui dent operam, ut ordo servetur, & ut legitime omnia fiant.

Bellarminus deinceps cap. 17. huius libri quæstionem proponit de numero Episcoporum, qui Concilijs interesse debent. Quærit enim, quot Episcopi ad generale Concilium requirantur. Et hæc quidem quæstio ex priorĩ sequi videtur. Si enim Episcopi soli Concilijs interesse debent, quod ille affirmat, tum aut omnes Episcopi convenire debent, aut aliqui tantum. Si omnes, tum nullum adhuc fuit generale Concilium, neque etiam videtur deinceps futurum. At hoc absurdum. Si ergo satis sit aliquos convenire, quæritur quàm multi requirantur. Bellarminus respondet hanc quæstionem non posse

posse melius solvi, quàm ex consuetudine Ecclesiæ. Ita nullam ille certiore regulam habet, quàm Ecclesiæ consuetudinem. Quam ille quidem ad quatuor conditiones revocat atque reducit. *Prima* conditio est, ut evocatio Episcoporum sit generalis, ita ut innotescat omnibus, saltem maioribus Christianis provincijs. Omnes generali edicto vocari debent. *Secunda* est, ut nullus Episcopus excludatur, undecunque venerit, modò constet eum esse Episcopum, & non excommunicatum. *Tertia* est, ut adsint per se, vel per alios, quatuor Patriarchæ præcipui præter summum Pontificem. Sed hanc conditionē nunc non esse necessariam concedit, quia nunc (inquit) aut hæretici sunt, aut certè schismatici. Præclare. Ergo hæc conditio est nullius momenti. *Quarta* est, ut saltem ex maiori parte Christianarum provinciarum aliqui adveniant. Non opus est, ut in istis conditionibus excutendis laboremus, aut sermonem aliquem longum de illis instituamus, quia eas non magnopere improbamus.

CAPVT 3.

In quo nostra argumenta proponuntur & corroborantur, quibus probamus non solos Episcopos habere suffragium definitivum in Concilijs.

Sequitur nunc, ut nostram sententiam certis quibusdam argumentis demonstremus. *Primum* nostrum argumentum nititur autoritate Scrip-

Scripturarum . Actorum 15. 6. (quem locum nos tractamus) sic legimus. Συνήχθησαν δὲ οἱ ἀποστολὴ καὶ οἱ πρεσβύτεροι πρὸς ἰδεῖν περὶ τοῦ λόγου τούτου. *Convenerunt Apostoli & Presbyteri, ut de hac re dislicerent.* Præterea in eodem capite vers. 22. sic scribitur. τότε ἰδοὺ τοῖς ἀποστόλοις καὶ τοῖς πρεσβυτέροις σὺν ὅλῃ τῇ ἐκκλησίᾳ. *Tunc visum est Apostolis & Presbyteris cum tota Ecclesia.* Ex his locis manifestum est, non modò Apostolos, verumetiam Presbyteros, atque adeò populum ipsum, & universam Ecclesiam, in hoc Concilio adfuisse, & suffragium definitivum habuisse. Et hoc quidem primum fuit & sanctissimum in Ecclesia Concilium, cui non interfuerunt modò, verumetiam præfuerunt Apostoli ipsi. Hoc ergo reliquorum omnium norma esse debet, huic reliqua omnia similia esse oportet. Bellarminus concedit populum adfuisse, sed respondet Apostolos interfuisse, ut iudices, ad definiendum, Presbyteros, tanquam inquisitores scilicet, ad consultandum, plebem verò non vocatam esse, sed venisse tamen, & tantum audivisse, & consensisse, nò definiisse, aut disputasse. Sic tenemus quid respondeat Adversarius, Apostolos iudicasse, Presbyteros consultasse, populum audivisse tantum & non reclamasse, nihil præterea aliud fecisse, & venisse non vocatam. Nunc istam responsionem examinemus & diluamus.

Resp. igitur 1. Quòd Apostolis iudicandi partes tribuit, agnoscimus, & amplectimur. Iudicârunt illi siquidem, sed ex Scripturis. Quòd verò has partes

partes Presbyteris & populo detrahit, id quidē reiiicimus. Neq; enim id ex Scripturis probat, aut probare vllō modo potest. Nam si historiam ipsam consulamus, nihil inuenimus, quò minus, si non populum, at saltem Presbyteros vnā cum Apostolis disputasse & dijudicasse existimemus. Nam primò quæstio ipsa ad omnes delata est, vers. 2: quorsum quæso, si illorum nō fuit de causā cognoscere, & definire? Et vers. 6. legimus conuenisse ad hoc Concilium non Apostolos modò, verumetiam Presbyteros, & quidem similiter omnes, *ἰδοὺ οὗτοι πάντες, ὅτι διακρίνουν, διασκέπουν, διαψέπουν* hac de re. Eadem ergo causā fuit Apostolis & Presbyteris ad hoc Concilium conueniendi, scilicet vt de illa, quæ orta erat, controversia iudicarent, & aliquid constituerent. Si ergo respondeant Presbyteros inquirendi tantum auctoritatem habuisse, non iudicandi, hoc modo Apostolis etiam ipsis iudicandi partes detrahunt. Nam eadē fuit vtriusq; conueniendi causā. Sed vt totam istam controversiam dirimamus, inspiciamus (quæso) Aët. 16.4. ubi legimus Paulum civitatibus illis, per quas transibat, tradidisse *τὰ δόγματα τὰ κακρήματα* ὑπὸ τῶν ἀποστόλων καὶ τῶν πρεσβυτέρων ὅτι ἐν Ἱερουσαλὴμ, hoc est, instituta illa, quæ decreta fuerūt ab Apostolis & Presbyteris, qui erāt Hierosolymis. Quis nunc negare audet Presbyteros quoq; habuisse suffragium decisivum? Non tantum disputabant aut consultabant, verumetiam iudicabant & decernebant vnā cum Apostolis. Nam vocabatur

vocabulum (*κρησις*) ad utroq; ex æquo accommodatur. Hæc tam aperta sunt, ut nemo refragari possit. 2. *Respondeo*: Quod consultandi tantum & disputandi partes Presbyteris tribuit, ineptum planè est ; & nulla ratione nititur. Quid enim Apostolis opus fuit huiusmodi cōsultoribus, aut disputatorib;? Nōrant ipsi satis per se disputare & consultare. Quapropter si nullum aliud illorum munus fuit, nisi ut consultarent aut disputarent, non valde opus fuit, ut illi præsentibus & congregatis Apostolis convenirent. Sed quia visum est Apostolis, ut hæc quæstio ad totam Ecclesiam deferretur, & omnium suffragiis approbaretur, ut eo modo Ecclesiæ paci melius consuleretur: ideo Presbyteros & plebem etiam congregari voluerunt, ut cum totius Ecclesiæ consensu ex verbo Dei definitum esset, circumcisionem & reliquas Moisaicas ceremonias abrogatas esse, omnes in ea definitione acquiescerent. In hoc ergo Concilio quivis laicus & Presbyter definitivum suffragium habuit, non minus quàm Petrus. 3. *Respondeo*: Quod ait plebem venisse non vocatam, absurdum id certè est. Nam præterquam quod sine authoritate Scripturæ illud dicitur, pugnat certè cum decoro & *δουξία*, ut quisquam non vocatus accedat, & sese in Concilium ingerat. Nulli licere debet temerè sese in huiusmodi cætus ingerere: ergo dubitandum non est plebem hoc tempore vocatam fuisse. Præterea ex Act. 6.2. constat solitos esse Apostolos totam Eccle-

siam convocare. Sic enim legimus in illo loco, *ομοκαλεσάμενοι δὲ οἱ δούλοὶ τὸ πλῆθος τῶν μαθητῶν, εἶπον.* Ergo dubitari non potest, eos similiter hoc tempore fecisse, quia hæc causa similiter totam Ecclesiam attingebat. Quare insulsum illud est, quod ait, plebem non vocatam venisse. Cōstat enim non modò interfuisse vocatam, verumetiam suffragia tulisse, ut causa postulabat.

4. *Respondeo:* Quod ait plebem adfuisse tantum, audivisse, & tacuisse, nihil dixisse; falsum commentum est. Pugnat enim hoc cum aperta Scripturæ autoritate. Nam primò constat, eos ex plebe fuisse, qui authores huius quæstionis fuerunt, non Apostolos, non Presbyteros. Nam versu 1. dicuntur *ἦναι*, & vers. 5. dicuntur fuisse ex secta Phariseorum, qui crediderunt. Et hos vers. 7. disceptasse legimus. Sic enim scribit Lucas. *πολλὰς δὲ συζητήσεις ἀναιρέοντες,* Cum fuisset disceptatio multa. Isti homines qui disceptârunt, quicumque tandem fuerunt, non Presbyteri, multò minùs Apostoli fuerunt. Ergo falsum est, quod affirmat Adversarius, plebem tacuisse, nullum verbum dixisse. Præterea vers. 12. sic scribitur, *ἔσθυσεν δὲ πάντες τὸ πλῆθος.* Tacuit tota multitudo. Vnde constat totam populi multitudinem antea locutam esse, non promiscuè quidem, sed prout cuiusque ordo postulabat. Præterea ex vers. 22. manifestum est, aliquam fuisse vocem & sententiam populi. *τότε ἔδοξε τοῖς ἀποστόλοις καὶ τοῖς πρεσβυτέροις σὺν ὅλῃ τῇ ἐκκλησίᾳ.* Tunc visum est Apostolis & Presbyteris cum tota Ecclesia.

fla. Ergo Ecclesia reliqua non tacuit, sed suam sententiam interposuit. Visum est non modò Apostolis, verumetiam Presbyteris, nec illis tantum, verumetiam ἐλλὰ τὰ ἑκκλησια, toti Ecclesie. Et vers. 2. 1. legimus, missas fuisse literas nomine Apostolorum, Presbyterorum, & fratrum. ἐκ ἀποστόλων, καὶ ἐκ πρεσβυτέρων, καὶ ἐκ ἀδελφῶν τοῖς κατὰ Ἀντιόχειαν, καὶ Συρίαν, καὶ Κιλικίαν ὁδολοῖς τοῖς ἐκ θυνῶν, χαλκην. Apostoli, Presbyteri, & fratres, ijs qui sunt Antiochia, & in Syria, & in Cilicia fratribus, salutem. Ergo dogma hoc fuit omnium sententiis comprobatum. Vnde intelligimus, alias fuisse populi, quam silenti partes. Sententias enim dixerunt, & subscripserunt. Quare Aeneas Sylvius in lib. 1. de Concilio Basiliensi ait. *Visum est Spiritui sancto & nobis. Inde apparet* (inquit) *alios quam Episcopos in Concilijs habuisse vocem, decidentem.* Sed Adversarij rationes excutiamus, & paulisper perpendamus, quibus ille suam sententiam confirmat. *Primo*, probat plebem non definivisse, quia hæc consuetudo Ecclesie subsequenter semper fuit, ut soli Episcopi iudices essent, & hæc consuetudo (inquit) est optima interpretes Scripturarum. *Respondeo 1.* Id non constat ex hoc loco. Nam idem fecerunt Presbyteri, quod Apostoli, ex verbis Lucæ. Egedem partes fuerunt, idemq; munus Presbyterorum & Apostolorum. Ergo si disputarunt Presbyteri, disputarunt etiam Apostoli, si definierunt Apostoli, definierunt etiam Presbyteri. *Respondeo 2.* Consuetudo semper habita est pessima

Scripturarum interpres, à Tertulliano, à Cypriano, & ab Augustino, atab Adversariis nostris optima interpres habetur. Ita illi cum Patribus non consentiunt. 3. Non solos Episcopos iudices fuisse in Concilijs, aut definiendi authoritatem habuisse, nos mox ostendemus. *Secundo*, probat plebem nō fuisse vocatam, quia ver. 6. convenisse dicuntur Apostoli & Presbyteri, vbi nulla fit mentio plebis. *Respondeo* 1. Si quia non dicitur plebs vocata apud Lucam, ideo non vocata fuit, tum illud etiam sequetur, ne Adversarios quidem illos, qui hanc litem excitârunt, vocatos fuisse. Nam hoc non legitur apud Lucam. Tamen quis dubitat, quin vocati fuerunt. Non ergo sequitur, non vocatam fuisse plebem, quia hoc non disertè affirmat Lucas. Sed hoc ex Aët. 6. 2. probari potest. *οἱ παῖδες οὗτοί εἰσι δίδωμι τὸ πνεῦμα ὑμῖν καθὼς ἐβόησατε, ἔμνη.* Vnde intelligimus hunc fuisse morem Apostolorum, ut in causis communibus totam Ecclesiam convocarent. Quando hoc semel ab Apostolis factum fuisse scribitur, non necesse fuit hîc denuò repetere. 2. Si quia non vocata plebs fuit, hinc sequatur eam non habuisse suffragium decisivum; tum sequetur Presbyteros habuisse, quia illi vocati sunt. Et hoc facit contra Adversarios. *Tertio*, probat solos Apostolos dixisse sententias definitivas, quia soli Petrus, Paulus, Iacobus, Barnabas introducuntur à Luca loquentes, qui Apostoli fuerunt; populus vero tacuisse dicitur. *Respondeo* 1: Ipsi concedunt

cedunt Presbyteris partes disceptandi & consultandi, ergo alies præter Apostolos locutos fuisse in illo Concilio constat. 2. Si hæc ratio Adversarij valet, tum illi quatuor soli, quos ipse nominat, sententias definitivas habuerunt. At id, opinor, non dicet. Quid enim tum de reliquis Apostolis fiet? An illi nullam definiendi aut decernendi authoritatem habuerunt? Præterea si locum inspiciamus, alios etiam verba fecisse intelligemus præter Apostolos, etsi non commemorat Lucas, quid quisque dixerit; neque enim hoc fieri necesse fuit. Nam dicit Lucas. *Tunc visum est Apostolis, Presbyteris, & toti Ecclesie.* Et vers. 12. *Silebat tota multitudo.* Nonne hæc apertè indicant, multitudinem prius sententias suas dixisse? 3. Hæc quæ isti Apostoli locuti esse dicuntur, ad disputationem & disputationem, non ad iudicium aut definitionem pertinebant. Nam cum illi perorassent, tum demum decretum & definitum est vers. 22. *τοῦτε ἐσθε* &c. ubi definitio est totius Ecclesie. Etsi enim in Concilio non omnes loqui possunt, aut debent; tamen sententiam veram sequi debent, & suis suffragijs comprobare. 4. Cum Bellarminus quatuor hominum genera ait ad Concilia convenire, quosdam, ut iudicent, alios, ut disputent, nonnullos, ut defendant Concilium, & aliquos, ut ministrent; Presbyteri & plebs non propter aliquam ex tribus postremis causis ad hoc Concilium convenerunt: ergo propter primam; non quòd Apostoli non sufficerent, sed

vt sic melius & Ecclesiæ paci consuleretur, & hominum desiderijs satisfaceret. Atque hæc de primo nostro argumento dixisse sufficiat. Accedo nunc ad secundum.

Secundum nostrum argumētum sic se habet. Concilium generale vniuersam Ecclesiam repræsentat: ergo ibi esse debent quidam ex omni genere & ordine hominum. Hoc argumentum nobis tribuit Adversarius, cuius tamen sit non intelligo. Sed videamus, quid ipse respondeat. Respondet ille, Episcopos repræsentare totam Ecclesiam, quia vnusquisque sustinet & gerit personam suæ Ecclesiæ, ac proinde non opus esse, vt alij convenient. *Respondeo 1:* Si singuli Episcopi singulas Ecclesias repræsentant, tum Romanus Episcopus totam repræsentat Ecclesiam, quia se Episcopum Catholicæ Ecclesiæ vocat. Ita non opus est, vt multi Episcopi convenient: sufficit, si ille solus adfuerit. Potest ille solus Concilium generale indicere, habere, celebrare, quia ipse se vocari vult Episcopum vniuersalem totius Ecclesiæ Catholicæ. Et hic optimus repræsentandi inodus est, vt ait Bellarminus, cum per Principes repræsentantur populi. *2.* Quid si Episcopi fuerint hæretici? vt olim omnes præter vnum aut alterum Ariani fuerunt, num illi totam Ecclesiam in Concilio repræsentabunt? num illorum definitio stabit? tum vniuersam Ecclesiam hereticam esse sequetur: nam imago similis esse debet rei, cuius est imago. Num Episcopi in Ariminensi Concilio congre-

gregati totam Ecclesiam repræsentârunt? tum certe tota Ecclesia Ariana fuit. At nisi Episcopus electus & designatus fuerit ab Ecclesia, ut eat ad Concilium, non potest Ecclesiam repræsentare. 3. Quemadmodum in comitijs civilibus non semper magistratus pro civitate mittitur, sed aliquando alius aliquis, qui & ipse etiam civitatis personam gerit: sic non Episcopi tantum ab Ecclesia eligendi sunt, qui ad Concilia mittantur, sed alij pij, solertes, & docti viri, qui forsan peritiùs disputare, & in quæstiones controversas meliùs inquirere possunt, quàm Episcopi. Quisquis verò ab Ecclesia mittitur, is Ecclesiæ personam repræsentat. Et de hoc quidem argumento plura non addemus.

Tertium & postremum nostrum in hac causa argumentum sequitur, quod in testimonijs, exemplis, & historijs antiquis positum est, estque huiusmodi. Principes, Presbyteri, Senatores, Iudices, alijque homines laici, Concilij sacris & Ecclesiasticis non interfuerunt modò, verum etiam sententias dixerunt, subscripserunt, defini-verunt: ergo soli Episcopi suffragium in Concilij decisivum non habent. Respondet Bellarminus adhibita distinctione; interfuisse quidem, & subscripsisse, sed consentiendo, non definiendo: solos Episcopos fuisse iudices, & definiisse, & ob eam causam aliter subscripsisse Episcopos, aliter alios. Episcopos in hunc modum, *Ego Augustinus Episcopus definiens subscripsi*. Principes verò, Presbyteros, & alios sic. *Ego N.N.*

Princeps vel Presbyter consentiens subscripsi. Respondeo : hanc distinctionem nulla aut Scripturæ, aut sinceræ antiquitatis autoritate probari posse. Nam quicumq; autoritate legitima muniti ad Concilia venerunt, ij suffragium definitivum habuerunt. Olim subscribere idem erat, quod consentire, & definire, & qui consenserunt, ij etiam definierunt, & è contrâ: nullum discrimen fuit. Postea inventus est in scirpo nodus, ut definiendi autoritas solis Episcopis tribueretur. Possumus enim ex antiquitatis monumētis & ex veterum testimonijs evincere, Episcopos cōsentientes, & laicos definientes subscripsisse. In Concilio Chalcedonensi, actione 1. sic legimus. *Ego Dorotheus Episcopus consensi, & subscripsi.* Marius Victorinus in lib. 2. cōtra Arianos ait, Nicænæ fidei multa Episcoporum millia consensisse. Socrates lib. 1. cap. 8. de Eusebio Episcopo Casariensi scribit, cum interfuisse Concilio Nicæno, & primò hæsitasse, sed postea consensisse & subscripsisse. Vnde intelligimus, quid de Eusebio sentiendum sit. Quidam Arianum fuisse suspicantur. Socratis hæc verba sunt. Eusebius Paniphili suscepit Nicænam fidem, αὐτὰ τοῖς πολλοῖς συνήθεός τε καὶ συνυπὶγραψεν. *Vnâ cum reliquis universis eam & approbavit & subscriptione ratam fecit.* Atque hæc forma subscriptionis sæpe Episcopis in Concilijs tribuitur. Eusebius lib. 3. de vita Constantini sic scribit. ἐκურῆτο δὲ ἡδὺ καὶ ἐν γαστρὶ δι' ἐπιστημωδῶς καὶ ἡγάσθη τὰ κοινῇ διδογμένα. *Iam verò que erant omnia*

communi sententia decreta, cuiusq; manu subscripta fuerunt & in commentarios relata. Hucusque ostendimus Episcopos subscripsisse consentientes: iam ostendemus alios præter Episcopos subscripsisse definientes. Constantinus Imperator Concilio Nicæno interfuit, ut testatur Eusebius lib. 3. de vita Constantini, ubi sic loquitur Constantinus. *Ego vobiscum interfui, tanquam unus ex vobis.* Sed forsan tacuit, & nihil dixit aut fecit in Cōcilio. Imò idem Eusebius lib. 2. eum sic loquentem introducit. *Ego suscepi & perfecì res salutare, persuasus verbo tuo.* Sed forsan res illæ salutare non erant Ecclesiasticæ, aut ad religionem pertinentes. At hoc constat ex Socrate lib. 1. cap. 9. Vbi sic eum loquentem introducit Socrates. *καὶ αὐτὸς τὴν τὴν ἀληθείαν ἐξέτασεν ἀναζητῶν.* Et ipse veritatis disquisitionem, sive disceptationem suscepi. Hoc ergo ad suum munus & officium pertinere putabat, ut de quaestionibus propositis disceptaret, & veritatem inquireret. Quorsum tandem? nisi ut sententiam suam cum reliquis diceret, & pronunciaret. Et Eusebius lib. 3. de vita Constantini ait, Constantinum circumspexisse ὁμιαν βασιλικῶν, ne quæ erroris reliquiae superessent. Sozomen. lib. 4. cap. 16. scribit Imperatorem iussisse, ut Episcopi decem Orientis, & decem similiter Occidentis ad Aulam veniant, quos synodus designasset, ὥστε καὶ αὐτὸν συνιδεῖν εἰ καὶ τὰς ἐξ ἑστέ γεσεῖς συνέβηται διήηλοις, καὶ δεῖ τῶν περὶ τῶν ἐκείνων ἰσχυρῶν ἀρετῶν δοκῶν ὅτι τὴν ἀλήθειαν. Ut ipse quoq; intelligeret, an secundum sacras Scrip-
turas

turas convenissent invicem, & ut de ijs rebus, quæ agenda erant, quid optimum videretur, determinaret. Ipsi ergo Imperatores definierunt, sententias dixerunt, decreta Conciliorum confirmârunt. In Concilio Constantinopolitano primo, in Epistola quam Patres illius Concilij ad Theodosium Imperatorem miserunt, sic scriptum legimus. *Cupimus abs te (humanissime ac pientissime Imperator) diplomate tuo Synodi (sententiæ cõfirmari, ut quemadmodum literis, quibus nos convocâsti, Ecclesiam honorâsti, ita etiã placita Synodi subscriptione tua munias. Ergo Imperatores subscripserunt Conciliorum decretis, eaque confirmârunt, & munierunt. Hoc quid aliud est, quàm definierunt esse vera, & servari iusserunt. Imò hi Patres non modò Imperatori tribuunt auctoritatem confirmandi & muniendi decreta Concilij, verumetiam fatentur irrita esse ea omnia, quæ ipsi egissent, nisi Imperator confirmaret. Ita plus illi tribuunt, quàm sibi ipsis. Socrates lib. 5. historiæ suæ cap. 10. scribit, Theodosium alterum, σύντομον πάντων αἰρέσεων, Synodum omnium sectarum, coegisse (intelligit verò cum omniũ sectarum principes convocâsse) & iussisse, ut quisque opinionem suam scriptis mandaret, & sibi traderet, & diē illis ad hoc dixisse. Ad quē diē cum omnes adessent, & singuli suas sententiās in scriptis traderēt, pius Imperator (inquit Socrates) τὸ παρ' ἑκάστης-θεῶν δόγμα λαβὼν, singulorū dogmata in scriptis cū accepisset, secessit, & Deum ἐν τῷ πνεύματι precatus συνέρρηξεν αὐτῶν πρὸς τὸ πλὴν διηκδικῆαι*

*ἡ δὲ αὐτὴ ἐπιτομή, ut ei ad veritatem eliciendam opẽ
ferre vellet, aperuit, & hæretica dogmata disci-
dit, & damnavit, Catholicam verò fidem cõpro-
bavit, & confirmavit. Vnde plus boni secutum
est, quàm ex ullo unquam Concilio. Ex hac
Imperatoris definitione, constat illum plus au-
thoritatis habuisse, quàm Adversarij statuunt.
In Concilio Chalcedonensi actione 1. non mo-
dò Episcopi, verumetiam legati Imperatoris,
qui senatores & patricij erant, Dioscorum &
Juvenalem hæreticos unà cum Episcopis dam-
nârunt. *Gloriosissimi iudices, & amplissimus senatus
dixerunt.* Sic Euagrius de eodem Concilio lib.
2. cap. 4. *οἱ δὲ τὸ συγκατῆσαι βουλῆς ἐψηφίσαντο τὰς δὲ.*
Senatores ista decreverunt. Vbi videmus aperte
tribui senatoribus definiendæ authoritatem. Tri-
buitur enim illis *ψηφίζεσθαι.* Quid hoc aliud est,
quàm decernere, & definire? Quid ergo nunc
amplius desideramus? Similiter Patres in eodẽ
Concilio act. 1. scribunt. *Videtur nobis iustum, si
placuerit divinissimo & piissimo Domino nostro.*
Vbi suum iudicium Imperatoris iudicio subji-
ciunt, & submitunt. Et sic apud Euagrium, lib.
2. cap. 4. qui eandem causam tractat, *Patres de-
cernunt, ei παραστῆσαι τὰς δὲ τὰ τοῦ ἡμεῶν δειπνῆσαι.* Et ex
eodem capite constat Theodoritum fuisse re-
stitutum, & ad Ecclesiæ communionem recep-
tum, *Ἐκκλησίᾳ τὸ συνίδεσθαι, sed πρὸς τὸ βασιλεῖαι,*
supplicatione synodi, auctoritate verò & nutu
Regni, hoc est, Imperatoris. Leo in Epist. 43.
rogat Marianum Imperatorem, ut velit cas-
sare*

fare Ephesinam secundam synodum, aliud statuendo. Iustinianus Imperator, qui sincerissimæ pietatis fuit, multas leges tulit, in quibus hæc verba sæpius occurrunt, Definimus, iubemus, imperamus, mandamus, statui-
mus. Tantum ipse sibi tribuit, quasi iure suo, nec unquam est propter hoc à quoquam reprehensus. Vnde intelligimus, leges Ecclesiæ datas esse ab Imperatore, etiam sine Concilio. Si Imperator extra Concilium tantam authoritatem habet, num in Concilio nil nisi consentire potest? In tertio Concilio Constantinopolitano actione. 18. Constantinus Imperator non modo sedit cum Episcopis, sed etiam subscripsit cum Episcopis. *Legimus* (inquit) *& consensimus*. In Concilio Arausicano secundo, viri patricij non modò sententiam de religione dixerunt, sed etiam cum Episcopis subscripserunt, ut ex fine Concilii patet. Papa Nicolaus apud Gratian. distinct. 96. capite, vbinam, sic scribit. *Vbinam legistis Imperatores antecessores vestros synodalibus conventibus interfuisse, nisi forè in quibusdam, ubi de fide tractatum est, quæ universalis est, quæ omnium communis, quæ non solum ad clericos, verum etiam ad laicos, & omnes omnino pertinet Christianos.* Cusanus de Concordantia Catholica lib. 3. cap. 16. sic scribit. *In octava synodo Basilius Imperator Patriarchalium sedium Vicarijs & Patriarchis in subscriptione se postposuit ex humilitate, tota synodo rogante, ut se præponeret.* Et rursus idem alibi. *In universis octo Conciliis invenio Imperato-*

res & iudices suos cum senatu primatum habuisse.
& ex consensu synodi sine mandato, conclusiones &
iudicia fecisse. Postremò Aneas Sylvius in lib. 1.
de Concil. Basiliensi in orat. Arelat. sic scribit.
Apparet alios quàm Episcopos in Concilijs habuisse
vocem decidentem. Cuius loci nos prius mentio-
nem fecimus. Et Presbyteri in illo Concilio de-
finierunt, vt patet ex ipso Bellarmino. Ac prop-
terea hoc Cōcilium ab illis repudiatur, sed nul-
la iusta ratione, nisi quòd Papæ displicuit. Et de
hac *Quæstione* satis multa diximus.

Finis tertia Quæstionis.

Q V A R.

*Quarta Quæstio,
Cuius sit Concilijs generalibus
præsidere.*

CAPVT. I.

De statu Quæstionis.



CT. 15. 6. sic scribitur. Συνέ-
χθησαν δὲ οἱ ἀπόστολοι καὶ οἱ πρε-
σβύτεροι ἰσχυρὰ καὶ τῷ λόγῳ τότε
Congregati sunt igitur Aposto-
li & Presbyteri, ut de hoc nego-
tio dispicerent. Earum quæ-
stionum, quas hæc contro-

versia habet, tres adhuc reliquæ sunt, ut nôstis.
Quarum *prima* est, Quis Concilijs præsidere
debeat. *Secunda*, num Concilia sint supra Papã,
an contrã maior sit Papæ, quàm Conciliorum
authoritas. *Tertia*, num Concilia ritè & legitime
congregata in suis decretis errare possunt. Tres
enim priores Quæstiones satis à nobis explica-
tæ & exagitatæ sunt. Nunc igitur sequitur, ut ad
quartam Quæstionem veniamus. Quarta ergo
Quæstio est, Quis in Concilijs primas obtinere
debeat. Aliquis enim in Concilijs præses & mo-
derator sit necesse est, ut omnia ordine fiant, re-
ctèq; & legitime administrantur. Vbi enim cæ-
tus hominum sine moderatore & gubernatore
congregatur, ibi illa quodammodo Cyclo-
pum con-

concio habetur, in qua, ut scribit Euripides,
~~αἱρεῖται δὲ ὁ δῆμος ὁ δὲ θεὸς ὁ δὲ βασιλεὺς~~ Quare in omnibus Con-
 cilijs tam Catholicis quam hæreticis aliqui sem-
 per præfides fuerunt. Nam ne hæretici quidem
 quicquam in suis Concilijs perficere possent,
 nisi hunc ordinem servarent. Non immorabi-
 mur diu in hac Quæstione, tamen Controver-
 siam ipsam satis accuratè tractabimus. In hac
 verò Quæstione tractanda eum ordinem ser-
 vabimus, quem in alijs Quæstionibus servare
 soliti sumus. Exponam enim primò, quis sit sta-
 tus Quæstionis, & primò quidem, quid Adver-
 sarii statuāt, deinde quid nos iudicemus, quidq;
 veritas omnino iudicandum esse doceat.

Adversarii has omnes partes tribuunt Pon-
 tifici summo, hoc est, Papæ, eiusq; hoc propri-
 um esse munus affirmant, ut Concilijs nimirum
 generalibus præfideat, & quasi summus iudex
 omnia moderetur, vel per se, vel per legatos su-
 os, & nullum fuisse legitimum Concilium af-
 firmant, quod non ipse sua autoritate congre-
 gavit, & cui ipse non præfuit, vel saltem legati
 eius. Sic Bellarminus lib. 1. de Concil. cap. 19.
 & ante Bellarminum Iohannes de Turre cre-
 mata lib. 3. de Eccles. cap. 22. cuius hæc verba
 sunt. *Regulariter Romanus Pontifex per se aut le-
 gatos suos habet universali Concilio præsidere.* Si-
 militer Gaspar Cardillus Hispanus, qui interfu-
 it ipse Concilio Tridentino, & librum hac de re
 scripsit, in disputat. 2. de Concilijs, hæc verba
 habet. *In Concilijs Oecumenicis unus Pontifex*
Marti-

Maximus iure præsidet, aut qui eius locum in Concilio tenent. Duo igitur affirmant Adversarii. *Primum* hoc est, Papam debere Conciliis præsidere, & hoc esse iure eius proprium munus, nec esse legitimum Concilium, nisi ipse præsit. *Secundum* verò hoc est, non semper ipsum per se hoc munere fungi, sed per legatos suos nonnunquam: (non enim posse omnibus per se interesse) quod tamen quamobrem ab illo fiat, quæri potest, cum res tanti momenti in illis tractari soleant; cumq; Romanorum Pontificum sit, ut volunt Adversarii, Concilia omnia & congregare & moderari. Itaq; Bellarminus in eodem capite huius rei duas rationes affert, sumptas à dignitate Romani Pontificis, quamobrem scilicet non semper ipse Conciliis intersit, iisdemq; per se præsit. *Prima* ratio est, quia non videtur convenire, ut caput sequatur membra, cum potius membra sequi debeant caput, ideòq; non debere ipsum ad Concilium accedere, sed Concilium potius ad ipsum. Sed hanc omnino fictam & futilem esse rationem constat; quia Papa non modò Concilio Romæ habitis interfuit, & in Italia celebratis, verumetiam in locis ab Italia longè remotis. Sic Concilio Lugdunensi Innocentius quartus interfuit. Sic Concilio Viennensi Clemens quintus interfuit, alijsq; alij. Quare aut est hoc conveniens aut aliquid inconveniens & absurdum hi Papæ admiserunt. Et sic cum Pontifex Romanus caput sit, cui omnia membra se debent adiungere, debent omnia

Concilia

Concilia Romæ, aut in Italia saltem, ubi Papa commoratur, celebrari; ut eo modo membra caput sequantur. Sed *secunda* ratio est adhuc longè illustrior & nobilior, & eiusmodi in qua immanis Pontificis superbia & planè Antichristiana magis adhuc apparet. In Concilijs Orientalibus (inquit) semper interfuit Imperator, aut aliquis eius legatus, qui primum locum tenuit; quem etiam locum tenuissent, etiam si Papa ipse venisset, quia illi cedere noluerunt; quare Papa ijs Concilijs interesse noluit, quia ipsis præesse non potuit; sed misit tantum illuc legatos suos. O immanem & execrandam Antichristi insolentiam atque arrogantiam. Sed in hac ratione se parum attentum, parumque prudentem ostendit Bellarminus. Nam illi pii Imperatores non ita vel in ipsum Pontificem iniqui & invidiosi, vel in Ecclesiam Dei malitiosi fuerunt, quin si hoc Pontificis proprium munus fuisset, primum locum in Concilijs tenere, ijsque præesse, & præsidere, hunc illi locum, si venisset, concessissent, & ipsi ius suum non denegassent. Deinde si hoc Papæ ius sit, ut volunt Adversarii, non ipse modò Pontifex in Concilijs primus sedere debuit, sed & eius legati, qui ipsius nomine ad Concilia missi sunt, primum etiam locum obtinere debuerunt. Quæ cum Imperatores & eorum legati illis negarent, nec ij quidem ab illò mittendi erant. Quare aut ficta hæc omnia sunt, aut egregiam & planè intolerabilem Vicarij Christi superbiam & ambitionem declarant: qui se Imperatori

submittere recusavit, nec ad Concilia omnino venire voluit; quia primas tenere non potuit. Si legati eius inferius sederent, non hoc tanti æstimabat, sed ut ipse alibi, quàm in primo loco sederet, ferre non potuit. Habet alias rationes Ioannes de Turre cremata, in lib. 3. cap. 11. quas respuit Bellarminus; sunt enim sanè futes & ineptæ omnes. Ita quæ sit Adversariorum sententia, videtis.

Nostra verò sententia hæc est, vera illa quidem, & Scripturis, atque omni antiquitati consentanea, Papam hoc sibi nullo iure, aut divino, aut humano, nisi tantum Antichristiano, vindicare posse, sed hoc totum in Imperatoris, & Regum, aut ipsius Concilij arbitrio positum esse. Si Imperator ipse adsit, illum summum esse contendimus, ac proinde posse illum vel per se præsidere, vel hoc alteri mandare, & alterum suo loco præficere, sive Episcopum, sive hominem Consularem, vel denique totum hoc negotium Concilio committere, in eiusque arbitrio relinquere, ut ipsis, qui in Concilio congregantur, liceat quem velint moderatorem eligere. Romano verò Episcopo hoc in antiquis Concilijs nunquam concessum esse legimus, iam perspecto & intellecto Quæstionis statu ad ipsam disputationem veniamus. Atque hinc quidem non vnum sequemur Bellarminum, quia eius argumenta non sunt in hac causa firmissima, sed alios præterea, qui de hac re scripserunt, & in quos incidere potuimus.

CAPVT 2.

*In quo Adversariorum argumenta
proponuntur.*

Bellarmini tria tantum sunt in hac causa argumenta. *Primum* eius argumentum est huiusmodi. Romanus Pontifex est pastor & pater Ecclesiæ vniversæ: at pastores ovibus, & patres filijs præsidere debent, non è contra oves pastoribus, & filij patribus: ergo Pontifex Romanus Concilijs omnibus præesse, & præsidere debet. Sed vnde hoc constabit, Papam esse pastorem & patrem totius Ecclesiæ? nam in hoc tota vis huius argumenti consistit. Ergo duo affert Bellarminus, vt hoc probet. *Primo* affert locum illum celebrem, qui habetur Iohan. 21. *Pasce oves meas*, quem locum vsurpare solent in omni ferè causa Pontificij, de quo & nonnulla prius à nobis dicta sunt, & plura posthac necessario erunt dicenda, cum de primatu Pontificis disputandum erit. Nunc verò breviter, quantum ad hunc locum, & ad hanc Quæstionem attinet, tractabo. *Respondeo* igitur 1: illa verba ad Petrum pertinere, nullo verò modo ad Papam, nisi vt eius perfidiam & negligentiam declarèt, quia oves Christi sibi commissas omnino non pascit. 2. Etiam si orationē suam videatur Christus ad Petrum vnum peculiariter dirigere, cum solum spectare, & quasi digito demonstrare, propter causas quasdam, quas hinc non opus est retensere: hoc tamen non minus ad omnes re-

liquos Apostolos, & eorum successores, quàm ad Petrum ipsum pertinebat. Modus quidem præcipiendi Petro soli conveniebat, præceptum verò omnibus, cùm pascere nihil aliud fit, quàm docere, ut nos suo loco ostendemus, quod non solum Petrus iussus est facere, sed requi etiam Apostoli, ut patet Matth. 28. 19. *πρὸς πάντας τὴν μαθητεύσατε πάντα τὰ ἔθνη*, *Profecti igitur docete omnes Gētes*, & postea planius vers. 20. *διδασκαύετε αὐτοὺς τηρεῖν πάντα ὅσα ἐνετειλάμην ὑμῖν*, *docentes eos servare omnia, quæ ego mandavi vobis*. Ergo si hæc ratio firma sit, alij omnes Apostoli Concilij præesse ac præsidere debebant, perinde ac Petrus. Similiter, cùm Episcopi omnes pascere iubeantur (ut patet 1. Pet. 5. 2. *ποιμάνετε τὸ ἐν ὑμῖν ποίμνιον τοῦ Θεοῦ*, *Pascite gregem Dei, qui penes vos est* :) Episcoporum etiam omnium erit Concilij præsidere. Quid? num hoc levius præceptum est, quia à Petro datur, quàm illud, quia à Christo datur? Certè hoc præceptum à Spiritu Christi profectum est, ergo à Christo ipso. Quare si ex autoritate pascendi pendeat necessario autoritas præsidendi, tum omnes certè Episcopi omnibus Concilij præesse ac præsidere debent. Iam verò alterum illud, quod affert Bellarminus, ut probet Romanum Pōtificem totius Ecclesiæ pastorem & patrem esse, ex eo sumitur, quòd Concilia soleant Papam patrem appellare, & Papa vicissim Episcopos in Conciliis congregatos filios vocat. Vnde vult evincere Papā esse patrem, & Episcopos in Conciliis congre-

gatos eius filios esse. *Respondeo:* Fateor Papam aliquādo patrem à Concilijs & ab alijs Episcopis vocari, sed nihil minùs ex eo sequitur, quàm quod vult Bellarminus, eum scilicet vniversalē Ecclesiæ Pastorem esse. Patrem illum vocabāt, quia vir primarius erat (fuit enim hic honoris titulus) & quia eius cura, amor, ac sollicitudo erga Ecclesiam Dei longè lateq̃ue patebat. Sed num ex eo sequitur eum fuisse omnium Episcoporum præsidem in Concilijs? nihil minùs. Nam & alij Episcopi patres atque etiam Papæ olim appellati sunt, vt postea suo loco docebitur; ergo non fuit hoc Papæ proprium. Athanasius & pater & Papa appellatus est. Sic etiam alij. Deinde Papæ antiqui non ferè solent sibi tantum arrogare, vt Episcopos alios vocent filios, Quare cautè Bellarminus interposuit hoc factum esse aliquando. Legi quidem hoc fateor in literis Damasi ad Cōcilium Cōstantinopolitanū apud Theodoretum lib. 5. cap. 9. *Quod Apostolicæ sedis debitā reverentiā exhibetis, vobis ipsa magno honori est, υἱοὶ τιμωτάτοι, filij honoratissimi.* Vbi huius Damasi solertia observāda est. Fingit enim in his literis plus sibi ab illo Cōcilio tributū fuisse, quàm re vera tributū fuit. Laudat huius Concilij Episcopos, quòd sedi Apostolicæ debitam reverentiam exhiberent, & eos filios vocat. At primò Patres illius Concilij in literis suis ad Damasum missis non vocant illum *πατέρα, patrem*, sed *ἀδελφόν, & συλλειτουργόν, fratrem, & in ministerio collegam*. Deinde non scribunt ad

vnum Damafum, fed ad illum cum collegis Episcopis multis, Ambrofio, Valeriano, & alijs, qui Romæ in Concilio eodem tempore congregati funt. Et tamen laudat ille præclarus Damafus hos Patres, quòd reverentiam Romanæ fedi debitam tribuerint, cum nihil de eo fingulare prædicarent, quod non de alijs. Ita femper datum eft huius fedis Episcopis, ambitione nimia laborare. Et de hoc primo Bellarmini argumento fatis multa diximus.

Secundum argumentum eft maioris momenti. Inftituitur verò in hunc modum. In illo Apoftolico Concilio, cuius mentio fit Act. 15. Petrus præfes fuit. Hoc probat ex Hieronymo in Epiftola ad Auguftinum, quæ eft inter Auguftini Epiftolas vndecima, & idem ex eo colligitur (inquit) quòd Petrus primus furgit, primus loquitur, primus quæftionem definit, & eius fententiam omnes fequuntur. *Refpondeo* 1. falſum illud eſſe, quod de Hieronymo affirmat. Meminit ille quidem de illo Concilio, fed non affirmat Petrum fuiſſe præſidem, nec habet aliquid, vnde hoc colligi poteſt. 2. Etiamſi demus Petrum illi Concilio præfuiſſe: non tamen ſequitur hoc iure divino & perpetuo ad Romanum Pontificem pertinere. Num enim ita præfuiſſe Petrum neceſſe eſt, quaſi hoc ad eius miniſterium iure perpetuo pertineret? Nequaquam. Potuit enim non ex ſuo iure & auctoritate ſua illi Concilio præſeſſe, fed ex reliquorum voluntate & conſenſu ad hoc munus eligi.

eligi. Nam fatemur in Apostolorum Collegio primas ferè datas esse Petro propter ætatem, vt ait Hieronymus. Sed Petrus fuit ex consensu præses in conventu Apostolorum: ergo Papa est perpetuus & ordinarius præses in Conciliis; non sequitur. Nam quid Petro, cum Papa? aut quid, si ille ex consensu eo tempore factus est præses, ad hoc, vt perpetuum ius Romano Põ- tifici tribuatur? Non dubito certè aliquem fuisse moderatorem aut præsidem illius Concilij, & quem potius existimemus, quàm Petrum? Sed tota hæc res ex incerta coniectura pendet. 3. igitur respondeo, nihil inveniri in hoc capite, aut in actis huius Concilij, vnde colligi potest Petrum præfuisse. Nam *primò* non legimus à Petro congregatum fuisse hoc Concilium, quod ille certè fecisset, si hoc eius munus fuisset, præsertim tum Hierosolymis. Legimus quidem congregatos fuisse Apostolos & Presbyteros, sed non legimus à quo congregati sunt. Forfan sponte sua convenerunt; forsan à Iacobo Episcopo Hierosolymitano, vt aliqui putant; aut ab alio aliquo Apostolorum congregati sunt. Quare levi tantum coniectura tota hæc res nititur. *Præterea* Petrus non primus loquitur. Nam multa fuit antea disquisitio, multa antea multa dixerunt. Sic enim legimus vers. 7. πολλὰ δὲ συζητήσαντες ἡμετέροις, ὡς καὶ Πέτρος εἶπε πρὸς αὐτούς. *Cum autem multa disceptatio fuisset, surgens Petrus dixit eis.* Tum eam sententiam tulit Petrus, quam reliqui secuti sunt.

Sed num sequitur, qui post diuturnam disputationem surgit, & sententiam suam pronunciat atque interponit, quam etiam reliqui sequuntur, eum præsidem esse? Nequaquam certè, sed sequitur hoc tantum, illum unum è numero fuisse. Dixit ille quidem veram sententiam, sed non omnes, qui veram sententiam dicunt in Conciliis, sunt statim illorum Conciliorum præsides. Tum enim sequetur Paphnutium fuisse præsidem Niceni Concilii primi. Nam ille post longam disputationem in Concilio surrexit, & errantes Episcopos in rectam viam revocavit, eiusq; sententiam secuti sunt reliqui illius Concilii Patres, sed nemo tamen eum eius Concilii præsidem fuisse dixerit. *Præterea*, si velimus ea legere, quæ in hac historia sequuntur, intelligemus Iacobum potius quam Petrum huius Concilii præsidem fuisse. Nam ex eius potius quam Petri autoritate & sententia decretum factum est. Postquam enim Iacobus suam sententiam pronunciaverat, statim totum Concilium cum illo sensit, & qui postremus loquitur & definit auditis reliquis, is potius præses est, quemadmodum in omni ferè conventu fieri solet, is qui summam auctoritatem habet, alios antea audit, quam ipse loquitur. Petrus quidem veram sententiam dixit de sublatiis Mosaicis ceremoniis, deq; iustificatione ex sola fide. Quam etiam sententiam Iacobus amplexus est, sed cautionem præterea de vitanda offensione in sangu-

guine & suffocato interposuit, quod ad charitatis officium pertinebat. Et scriptæ sunt literæ ad fratres in Iacobi sententiam, & eo planè modo, quo ipse locutus est. Theophylactus in hunc locum, vltimum locutum fuisse Iacobum affirmat, quia ille Episcopus fuit Hierosolymitanus. Sic ei ~~secessor~~ quandam tribuit, quòd illius loci Episcopus esset. Eusebius lib. 2. cap. 1. Ecclesiasticæ suæ historiæ, ait illum fuisse primum Episcopum Ecclesiæ Hierosolymitanæ. Et certè si fuit Episcopus, tum Apostolorum etiam Episcopus fuit, & sic in illa Ecclesia plus authoritatis habuit, quàm reliqui Apostoli. Lyranus quoque in annotationibus suis in hunc locum, ait hoc ei tributum esse, vt determinationem proferret, quòd illius Ecclesiæ Episcopus esset. Dionysius Carthusianus in Act. 13. disertè scribit, Iacobum huic Concilio præsedisse. Præterea Patres in Concilio Basiliensi arguebant, Papæ legatos non oportere præfides esse, quòd nusquam legatur Petrum in Concilio præsedisse. Similiter Ioannes de Turre cremata, etsi Papæ authoritatē acerrimè defendit, tamē fatetur nusquā expressè & formaliter legi, quòd Beatus Petrus præfederit in Conciliis celebratis per Apostolos, lib. 3. cap. 24. Probabilius ergo est Iacobū huic Concilio præfuisse, quàm Petrum, quia illi, non Petro, illius Ecclesiæ cura commissæ est. Et de hoc secundo argumento hæc dixisse sufficiat.

Tertiū Bellarmini argumentū sequitur, quod
totum

totum in historiis positum est . Vult enim ex actis octo generalium Conciliorum probare, Papam illis omnibus præfuisse. Quod si demus, non tamen sequetur hoc illius perpetuum ius fuisse, quia voluntati horum Conciliorum hoc potius tribui potest, quàm ulli necessitati. Si voluerunt Episcopi in illis Conciliis congregati eum præficere, ut primum Patriarchā, vel quòd donis quibusdam reliquis antecelleret, num ex eo sequetur, iure divino & perpetuo hoc ad illum pertinere, quod dicunt Adversarij? Nequaquā. Sed de hoc argumēto melius respondebimus, cum ad nostræ causæ cōfirmationē vētum fuerit. Et hæc sunt omnia Bellarmini argumēta.

Iam verò Gaspar Cardillus in disputatione 2. de Conciliis, è quo Bellarminus sua ferè omnia sumpsit, alia quædam affert argumēta, quorum quæ præcipua sunt, breviter perstringemus. *Quartum* igitur Adversariorum argumētum est huiusmodi. Eius est præsidere, cuius est Concilium convocare: at hoc est vnus Pontificis: ergo & illud. *Respondeo* Si hæc ratio sequatur, non est certè Pontificis præsidere. Nam Papa antequam factus est Antichristus, nullam habuit huiusmodi potestatem, ut posset Concilia convocare. Et nos in secunda Quæstione huius Controversiæ docuimus, quatuor prima generalia Concilia ab Imperatoribus non à Romanis Pontificibus congregata fuisse, ut si ulla fides historiis Ecclesiasticis adhibenda sit, non dubium sit, quin Imperatorum hæc tota autho-
ritas

ritas fuit. *Quintum* Adversariorum argumentum sic se habet. Oecumenica Concilia repræsentant vniversalem Ecclesiam; iis præsidere debet naturâ & per se, qui caput est Ecclesiæ: at is est Papa: ergo Papa debet Oecumenicis Concilijs præsidere. *Respondeo*: has esse meras nugas, & apertas principii petitiones. Nam *primò* præsidere & moderari potest is, qui non est caput. In Parlamenti enim præses est, quem ipsi eligunt, qui convenerunt. *Secundo*, Papam esse caput Ecclesiæ vniversalis, ipsi quidem Papæ convenit, sed religio & veritas tale caput non agnoscit, vt nos luculenter Deo volente suo loco docebimus. *Sextum* argumentum tale est. Si necessarium sit, vt Imperator Concilijs præsideat, tum nullum erit legitimum Concilium, quod non est ab Imperatore administratum: at Concilium Hierosolymitanum non fuit ab Imperatore aliquo celebratum aut administratum, nec ullus illi Rex interfuit; ergo non est necesse, vt Imperator Concilijs præsideat. *Respondeo*: Hoc argumentum est extra causam. Nos non dicimus esse necessarium, vt Imperator præsit, nisi ipse velit. Potest aut ipse aliquem præficere, aut Concilio permittere, vt præsidem & moderatorem eligat. Sed postquam Imperator Christianus iam factus est, Concilium non esse legitimum dicimus, nisi aut ipse præsit, aut aliquis vel ab eo designatus, vel eius permisso à Concilio electus. *Septimum* argumentum hoc est. In Concilijs sæpe aguntur causæ Episcoporum; sed

sed nullus Rex aut laicus potest damnare Episcopum aut sacerdotem, quia non sunt subditi secularibus Principibus: ergo nullus Rex aut laicus debet Concilij præsidere. *Respondeo* 1: Si Rex aut laicus non posset damnare Episcopum aut sacerdotem quenquam, posset tamen præsidere. Nam præsidis est curare, ut rectè omnia administrentur, etsi ipse non definiat, ut alij. 2. Principum est causas Episcoporum cognoscere, & Episcopos damnare, ut suo loco docebimus. Et multi sic damnati sunt. Damnare enim Episcopum potest, qui non est ipse Episcopus, cum causa damnationis Episcopi sit eadem, quæ laici. *Octavum* argumentum sic proponitur. Iudicium de fide non spectat ad seculares iudices; at in Concilij fit iudicium de fide; ergo Concilij præesse ad seculares non spectat. *Respondeo*: huic argumento iam esse responsum. *Primo*, non potest distinguere inter iudicare & præsidere. Non enim ut præses sit iudex, est necesse. Nam Papistæ ipsi duplicem agnoscunt præsidentiam, honorariam, & authoritativam. *Secundo*, quid impedit, quo minùs etiam seculares de fide iudicent? Num enim esse Episcopum, facit quenquam continuò idoneum iudicem? At illiteratus Episcopus non est iudex idoneus. Iudicium de fide petendum est ex Scripturis. Princeps verò pius potest Scripturis assentiri, non minùs quàm Episcopus. *Nonum* argumentum est Ioannis de Turre cremata in lib. 3. cap. 22. Act. 1. in electione Matthæi

Matthæi Petrus præsedisse videtur. *Respondeo:* Quia non omnes unà loqui potuerunt, Petrus ut ætate maior reliquis loquitur, quod non arguit illum fuisse perpetuum præsidem, qualem Adversarij suum Papam esse volunt. Et hæc sunt omnia, aut saltem præcipua Adversariorum in hac causa argumenta.

CAPVT 3.

In quo nostra argumenta proponuntur.

POSTquam Adversariorum nostrorum argumenta diluimus, quibus eam authoritatem Pontifici Romano vendicant, ut eius sit Concilij omnibus generalibus præsidere: consequens nunc est, ut ad causæ nostræ confirmationem veniamus, & nostra vicissim argumenta proponamus. Nec hîc multa conabor argumenta cumulare. Satis erit Ecclesiæ annales paucis evolvere, & veterum Conciliorum monumenta percurrere, ut intelligamus quis in singulis præsidis locum habuit, antequam Papa Imperatorem & Ecclesiam suis pedibus conculcavit.

Primo loco de Concilio Nicæno primo dicemus, quod fuit omnium antiquissimum ex ijs quæ generalia vocantur. De huius Concilij præside variæ sunt opiniones. Calvinus lib. 4. institut. cap. 7. paragraph. 1. Athanasium ait huius Concilij præsidem fuisse. Sed hoc ab illo sine aliqua

aliqua autoritate affirmatur. Interfuit ille quidem huic Concilio cum suo Episcopo Alexandro, & præclaram in eo operam navavit; non fuit autem præses huius Concilij, quia tum non fuit Episcopus, sed tantum Diaconus Ecclesiæ Alexandrinæ. Pontificij affirmant Papæ Legatos, Hosium, Vitum, & Vincentium, huic Concilio præfuisse. Sic Bellarminus. Et quidē Hosius vir magnæ autoritatis fuit, de quo Athanasius in Apologia de fuga honorificam mentionē facit, & de eodem Theodoretus lib. 2. cap. 13. sic scribit, *ποίας δὲ καὶ ἡγήσαντο συνέδου*. Sed tamen non ille sic huic Concilio interfuit, quasi revera Concilij præses, sed quasi unus ē multis, qui prudentia & doctrina reliquis præierit, adeo ut totam quodammodo synodum regeret. Sed si ille præses fuit, quid hoc ad Pontificem Romanum? Eius scilicet legatus fuit, inquit Bellarminus. Impudentissimē & falsissimē hoc ab illo dictum est. Nam fuit Hosius ipse Episcopus Ecclesiæ celebris in Hispania, nempe Cordubensis, & suo nomine ac iure huic Concilio interfuit, non alterius alicuius vices gessit, non alterius Vicarius aut Legatus fuit. Vitum quidem & Vincentium Presbyteros, Pontificis Romani Legatos fuisse in hoc Concilio agnoscit. Et hi quarto loco sedebant, ut affirmat Sozomen. lib. 1. cap. 17. Et Athanasius in Apolog. 2. ait subscripsisse primum Hosium, tum Iulium Episcopum Romanum per suos Presbyteros. Sed hæc fraus Papistica est, quia Hosius

us primus subscripsit, hinc fingere illum Pontificis Romani Legatum fuisse. At nec Sozomenus, nec Socrates, nec Theodoretus, nec Athanasius, nec ullus omnino antiquus author, Hosium eius Legatum fuisse affirmat. Sed audiamus Bellarmini rationes, quibus hoc conatur probare. Ait Hosium simplicem fuisse Episcopum, ac proinde sine dubio (inquit) nunquam habuisset primum locum, nisi vicem gessisset Romani Pontificis. *Resp.* Et si simplex Episcopus erat: fuit tamē homo celeberrimus, doctissimus, gravissimus, sanctissimus. Athanasius Apolog. 2. multa honorificè admodum de illo scribit. *ἡ ἐκκλησία τὴν τῆς οὐρανίας ἐκκλησίας μὴ μόνον τὰ ἐκκλησίας τῆς οὐρανίας ἀλλὰ καὶ τὸν οὐρανὸν αὐτῆς, ὡς καὶ τὸν ἀπὸ τοῦ οὐρανοῦ ἀπὸ αὐτῆς; τῆς ἡμετέρας δὲ ἐκκλησίας, καὶ ἐκ ἀνθρώπων τυχεῖν ὡς ἐδίδουσι.* *Quæ Ecclesia illius præfectura non habet monumenta pulcherrima? quis unquam ad eum mestus accessit, qui non letus ab eo discessit? quis unquam egens aliquid ab eo petijt, qui non abiit nactus quæ voluit?* Hic ille est simplex Episcopus, cum quo certe ne ipse quidem Episcopus Romanus fuit conferendus. Sed hic Adversarij fraudem & stuporem animadvertite. *Primò*, vult probare, hos tres fuisse Legatos Pontificis Romani ex subscriptione. Hi enim tres (inquit) primi subscripserunt. *Respondeo:* Fateor Hosium subscripsisse primum, tum Vitum, & Vincen tium. At Hosius non ut Legatus subscripsit, sed ut Episcopus suo nomine. Hæc fraus eximia est Papistarum, quia Hosius primus

primus subscripsit, ideo Legatum Pontificis Romani fuisse. Subscripsisse primū legimus, at Romani Pontificis Legatum fuisse nusquam legimus. Hoc ergo illi primò probandum fuit. *Secundo*, affirmat Bellarminus Cedrenum quēdam & Photium (recentes authores) asserere Romanum Episcopum Sylvestrum per suos Legatos Concilio Nicæno authoritatem contulisse. *Respondeo*: in his verbis tria fraudis capita haberi. *Primum* est, quòd Sylvestrum eo tempore Episcopum Romanum fuisse affirmet, & ad hoc Concilium Legatos suos misisse. Nam ille antea mortuus est, quàm hoc Concilium fuit celebratum. Et tunc temporis Iulius Pontifex Romanus fuit, qui Sylvestro successit, ut nos antea in alia quæstione ex Athanasio probavimus. *Secūda* fraus est, quòd ex eo quod Cedrenus & Photius scribunt, Episcopum Romanum contulisse authoritatem Concilio, eum Concilio præfuisse colligit. Aliud enim est, Concilio authoritatē cōferre, aliud præesse. Nā omnes Patres illius Concilij, quodā modo Concilio illi authoritatem contulerunt, cū subscripserunt. *Tertia* fraus est, quòd ubi illi scribunt per Legatos authoritatem contulisse, pro confesso sumit, Hosium fuisse unum ex his Legatis. *Tertio*, ex eo quòd Athanasius scribit in Epistola ad solitariam Vitam agentes, Hosium fuisse principem in eo Concilio, colligit eum Pontificis Romani Legatum fuisse. *Respondeo*: Agnosco illum virum primarium fuisse, sed num ex eo sequi-

sequitur, fuisse illum Legatum Pontificis Romani? Nihil minus. Hoc est lectorem fallere. Hæ sunt Adversariorum præstigiæ. Non fuit Hosius cuiusquam omnino legatus. Erat enim per se Episcopus, suo munereungebatur, pro se & suo nomine subscripsit, nihil illi cum Romano Pontifice commercii fuit. Quare cum historiæ disertè testentur, Pontificis Romani legatos, non primum, non secundum, imò ne tertium quidem locum in hoc Cōcilio obtinuisse, nesciunt Adversarii, quid faciant, aut vbi consistent, nisi fingant eum, qui primum locum obtinebat, Pontificis Romani legatum fuisse. Quis non videt vim fieri ab illis, synceris antiquitatis monumentis? Iam verò alii neq; Athanasium, neq; Hosium, sed Eustathium Antiochenæ Ecclesiæ Episcopum huic Concilio præfuisse existimant. Sic Lutherus in lib. de Conciliis, parte secunda. Sic Iuellus in Apologia. part. 2. Et hæc opinio aliqua rationis probabilitate niti videtur. Nam etsi Hosius dicatur princeps Concilii, & primus subscripsit, tamen non proinde præses fuit. Eusebius lib. 3. de vita Constantini, cap. 11. ait illum Episcopum, qui sedebat primus ad dexterum latus Regis, postquam in templum venisset Imperator, vbi Episcopi erant congregati, surrexisse, & orationem de laudibus Imperatoris habuisse. Is sanè inter Episcopos primus & præcipuus fuisse videtur. Sed quis ille Episcopus fuit? non legatus Papæ, neq; etiam Hosius. Eusebius non nominat, & inde interpretes e-

ius colligunt ipsum Eusebium fuisse. Sed falso, non enim fuit Eusebius. Theodoretus lib. 1. cap. 7. totam hanc rem apertè explicat. Rex (inquit) in medio sedit, & cum eo totus ille sanctus chorus Episcoporum. Tum sequitur. παραυτίς δὲ πρὸ τῆς ὁ μέγας ἐυστάθιος, ὁ δὲ ἀντιόχειαν ἐκκλησίαν προεδρεύων λαχών. ἔτ' οὖν τοῦ ἀνδρὸς ὅτι ἐγκρατὴς τῆς βασιλείας ἐστράφησε κεφαλῶν. Statim primus magnus Eustathius Antiochene Ecclesie præfecturam sortitus. Ille laudum flosculis Regis caput decorabat. Vnde colligimus Eustathium illum fuisse, cuius Eusebius meminit celato nomine. Quare non minor eius quàm Hosij autoritas fuit in hoc Concilio. Sic Nicephorus lib. 8. cap. 16. scribit Eustathium primum ad Imperatorem verba fecisse. Alij has partes, atque hanc ἀποστολὴν Episcopo nulli tribuunt, sed ipsi Imperatori Constantino. Sic Brentius in prolegomenis. Et hæc quidem verissima videtur esse opinio. Etsi enim ille non fuit Episcopus, potuit tamen Concilio moderari, & leges Episcopis præscribere, quas illos oporteret in omni disputatione sequi. Et certè si velimus in memoriam revocare, quæ de Constantino scripta sunt ab Eusebio, Socrate, Theodoro, & alijs, non possumus arbitrari, alium quenquam fuisse huius Concilij præsidem, præter ipsum Constantinum. Hoc certè non eò dico, quòd illum putem semper Concilio interfuisse, quoties Episcopi convenerunt, sed quòd cum interfuit, præfuit ipse, cum verò ille abfuit, Eustathius, aut
Hosius,

Hofius, aut alius quisquam ab illo designatus, cui ille has partes demandavit. Quanquam re vera non leguntur unquam convenisse, nisi cum adesset Imperator. Sed videamus, quàm præclare Bellarminus contra disputet, & quas rationes afferat, ut hanc opinionem infringat. *Primò*, ait Constantinum post omnes Episcopos subscripsisse, ut testatur Basilii Imperator in fine octavæ synodi, ac proinde nō fuisse præsidem, quia præses semper primo loco subscribit. *Respondeo*: hoc argumentum infirmum esse. Quanquam, ut ingenuè dicam quod sentio, existimo subscriptiones illas, quæ hodie circumferuntur, fictas esse. Sed potuit ille post reliquos subscribere, quia non fuit Episcopus, ac proinde non potuit nec voluit de rebus tam magnis aliquid liquidò statuere, priusquam Episcopi de illis disceptassent & subscripsissent. *Secundo* ait Bellarminus, Constantinum non ausum esse sedere, nisi in sede humiliori, idq; annuentibus Episcopis. *Resp.* Istos non pudet cuiusquam calūniæ. Quid? non ausus est Imperator sedere, antequam Episcopi annuissent? quare non est ausus? quid metuebat? quorsum illi locus ad sedendum paratus, & sella, nisi ut in ea federet? & quæ sella? certè qualem nullus Episcopus habuit, tota nempe aurea. Eusebius lib. . . de vita Constantini cap. 10. hac de re sic scribit. *καθίσαντος ἐν τῷ πρώτῳ ἀρχῇ τῆς παγμάτων*, (hoc præsidis fuit) *μὲντος πρῶτος ἔσθι*, cum verò ad summū locū venit, primus in medio cōventu erectus cōstitit.

non credo quòd ei nullus ad sedendum locus esset, nam sequitur, *οὐκ ἔστι αὐτῷ καθίσματα ὡς χρυσὸν πικρομένον, δεξιὰ δὲ αὐτοῦ, parvâ quadam sellâ ex auro fabricatâ illi, loco posuâ.* At non prius sedit, quàm Episcopi annuerant. Fateor, verum ille tamen primus omnium sedit, & similiter omnes *μετὰ βασιλέα, post Regem*, ut scribit Eusebius in eodem loco. Et hoc illum præsidem fuisse arguit. Primò quidem stetit, quod est modestiæ illius tribuendum, & reverentiæ erga tot Patres, & talem Episcoporum confessum. Tam multos enim sanctos & pios Episcopos veneratus est. Hincine colligi potest maiorem fuisse Episcoporum, quam Imperatoris authoritatem? nullo modo. Tertiò ait Bellarminus Constantinum professum se esse subiectum Episcopis, & debere ab Episcopis iudicari. *Respondeo:* Quid tum? Hoc non impedit, quò minus præses esse potuit. Nónne enim si Episcopus fuisset præses, à reliquis Episcopis eum iudicari oporteret? Quis pius Princeps non sic dixisset? Hoc ille fecit singulari quadam modestia animi & prudentia, quia voluit eos ad pacem revocare. Ob eamq; causam noluit ille ipsorum lites privatas intelligere vel dijudicare, noluit hoc tempore ullam institui de privatis controversiis quæstionem. Interim potuit Episcopis præesse & moderari, & ea facere, quæ à moderatore fieri debebant, quod illum fecisse palàm constat. Legite Eusebium de vita Constantini lib. 3. cap. 13. & invenietis eum fecisse, quod

quod optimum præsidem ac moderatorem decuit. Ipse Concilio interfuit, reconciliavit illos, qui dissidebant, & ad concordiam persuasit; eos qui paulò insolentiores & ferociores fuerunt, mitigavit, nec antea desuit, quàm omnes ad concordiam revocaverat, & tum hanc quasi secundam victoriam nactus, *ἐπὶ νίκῃ ἐορτὴν, festum triumphale, celebravit*. Similiter idem Eusebius lib. 1. cap. 37. ait illum fuisse, quasi *κοινὸν ἐπίσκοπον, communem Episcopum*, & *ἐν μέσῃ διατείβῃ, in media frequentia, sedisse*, & fuisse *κοινωνὸν τῶν ἐπινοουμένων, participem rerum quæ in deliberationem veniebant*, & quos pacis studiosos vidit, eos laudavisse, quos obstinatos & contentiosos, eos averfatum esse, quos paulò insolentiores & vehementiores invenit, eos patienter tolerasse, *μὴ ἐκείνους ἐγκαλεῖν, & ne seditiosè aliquid facerent, iussisse*. Quòd iussit, hoc arguit summam eius auctoritatem fuisse, moderatoris enim hoc officium est, iubere. Quare meritò Nicephorus lib. 8. cap. 17. illum huius Concilij præsidem fuisse testatur. Erant quidem alij moderatores, sed Imperator summus præses & moderator fuit. Eusebius enim lib. 3. de vita Constantini cap. 13. ait, cùm Imperator perorasset, sermonem deinceps concessisse *τοῖς ἑσπέραις, reliquis Concilij præsidibus, sive principibus*, quod non fuisse à Bellarmino animadversum miror. Fuerunt ergo alij Præsides, Eustathius forsan, & Hosius, & Alexander, qui causas ipsas proponebant, suas sententias ferebant, & aliorum

rum rogabant suffragia, sed summus & maximus præses fuit Imperator. Ille, quando voluit, suam sententiam interposuit, & omnia boni præsidis officia fecit. Et certè nisi ille adfuisset, nullus vnquam turpior confessus fuisset. Episcopi enim exulcerato animo ad Concilium veniebant, alij alios graviter accusabant, alij alios crimina obiiciebant, vt narrat ibidem Eusebius, adeo vt nisi Imperator omnes litigandi causas amputasset, nihil certè in illo Concilio actum fuisset. Nec persuasit ille modò, sed coegit eos id facere quod voluit, vt tempus, locus, & causa postulabant. Quare summum illum fuisse moderatorem constat, etsi alij Episcopi principes & præsidēs etiam appellati sunt. De legatis verò Pontificis Romani nihil præclarum aut magnificum legimus, nisi quod quarto loco subscripserunt, vel, vt vult Athanasius, secundo. Sed quid opus est plura testimonia afferre? Papa ipse Constantinum fuisse huius Concilii præsidē scribit. Sic enim Melchiades Papa apud Gratianum causa 12. quæst. 1. capite, *Futuram. Constantinus præsidens sancta synodo, quæ apud Nicæam congregata est.* Iam videmur quasi scopulos prætervecti. De alijs igitur Concilijs nunc videamus.

Venio ergo ad *secundum* generale Cōcilium, quod fuit Constantinopolitanum primum. Quid? num huic Concilio præfuit Pontifex Romanus? imò ne interfuit quidem, nec ipse per se, nec quisquam illius nomine. Nam eodem

tempore Damasus Episcopus Romanus aliud Concilium in Italia celebravit cum Episcopis Italicis Et illud est hic obiter observandum, non illud Italicum Concilium, in quo ipse Damasus adfuit, generale & Oecumenicum Concilium habitum & appellatum fuisse, sed hoc Constantinopolitanum, cui Orientales tantum Episcopi interfuerunt. Quod argumento est non tantum fuisse Pōtificis Romani auctoritatem, quanta nunc est. Et hic planè obmutescunt Bellarminus & reliqui Iesuitæ, atq; ingenuè fatentur non Romanum, sed Constantinopolitanum Episcopum Nectarium huic Concilio præsedisse. Et nihil affert Bellarminus, quod ad rem facit, nisi Imperatorem non præsedisse, sed tantum mississe ad Episcopos literas Romani Pontificis, quibus ad Concilium vocabantur. At Theoderetus lib. 5. cap. 7. scribit, Imperatorem Theodosium interfuisse. & cum Episcopos omnes humanissimè salutasset, rogavisse *βουλευσάμενοι τοῖς ἡγῶσι προκηρύξαι*, ut deliberarent de rebus propositis. Interfuit ergo Imperator, & aliquā auctoritatem habuit. Et quāquam inter Episcopos Nectarius primas tenebat, tamen Imperator potuit nihilo minùs summus moderator esse. Sed nobis satis est, non Romanum sed Constantinopolitanum Episcopum præfuisse. Sic enim indicat etiam Nicephorus. lib. 12. cap. 13.

Tertium Concilium generale fuit Ephesinū primum, de quo Concilio Bellarminus vehementer iactat. Ei tamen Pontifex Romanus

non interfuit. Is fuit eo tempore Celestinus. At (inquiunt Adversarij) Cyrillus Episcopus Alexandrinus præses erat, & is Romani Pontificis personam gerebat, utpote eius legatus. Sic omnes ferè historici scribunt. *Respondео*: Fateor ita esse, & sic scribere historicos. Sed ut Calvinus rectè observavit in loco superius citato, hoc obliquo quodam Romani Pontificis artificio factum est. Quia enim Romanus Pontifex interesse non potuit, demandavit suas partes Cyrillo, ne videretur penitus exclusus, & ne Episcopus Constantinopolitanus primas partes obtineret. Absente enim Romano Episcopo, Constantinopolitanus primus esse debuit. Et fuit hoc tempore contētio inter Alexandrinum & Constantinopolitanum Episcopum, quis eorum secundum locum post Romanum Episcopum obtineret. Antea enim Alexandrinus Episcopus obtinebat, sed postea cum Imperator Constantinopoli sedem haberet, secundus locus est Constantinopolitano Episcopo datus & concessus. Ergo artificium hoc fuit obliquum, & minimè obscurum, & fuit sanè mysterium, ut Iuellus rectè appellat. Sed quicquid Bellarminus, aut quisquam Papista hac de re scribat, hæc duo certa & firma sunt, contra quæ nihil afferri potest. *Primum* est, etsi personam Celestini Cyrillus gessit, tamen non ideo iure suo præsidem fuisse. Datū hoc fuit Episcopo Romano, cum adesset in Concilio Episcoporum, ut primo loco sederet, at hoc ad eius legatos non pertinebat.

bat. *Secundum* est, Cyrillum propter suam virtutem & dignitatem, potius quàm propter Romani Pontificis auctoritatem, præsidem fuisse, tum quòd Catholicus esset, tum quòd in summo apud Catholicos honore haberetur. Celestinus callidè ei suas partes tradidit, vt quasi loco & nomine Celestini videretur præsidere, & Cyrillus, quia se hoc modo firmiorem fore ratus est, ideo non recusavit. Sed hoc fuit Celestini artificium, vt Episcopus Constantinopolitanus non haberet primum locum, & vt ipse suum nomen in primo loco poneret. Sed Cyrillus per se præfuit, & præfuisset sine dubio, vel invito Celestino. Deinde, cùm illud turbulentum Concilium esset, Imperator ad Concilium senatorem misit, & literas, & graviter illos incusat, & pronunciat omnia esse irrita, quæ hætenus gesta sunt, & iubet ordine convenire, & postquam consenserint, ad se decreta mittere, vt ipsius auctoritate corroborarentur. Hæc in actis illius Concilij habentur, & arguunt Imperatoris fuisse maiorem, quàm cuiusquam Episcopi potestatem. Et quanquam Cyrillus inter Episcopos primum locum tenuit, tamen revera Imperatorem per suos legatos fuisse summum moderatorem constat, vt etiam in alijs Concilijs. Quid quòd Leo Papa in Epist. 47. Cyrillum, non suum prædecessorem Celestinum huic Concilio præfuisse ait? Hæc eius verba sunt. *Prioris Ephesine synodi, cui sancta memoria Cyrillus Episcopus tunc præsedet.* Et in Codice lib. 1. tit. 8. cap. 8. sic

8. sic scribitur. *Ephesina synodus, cui beata memoria Cyrillus præsuit..*

Quartum Concilium generale fuit Chalcedonense. Huic Martianus Imperator interfuit in prima actione, ut fatetur Bellarminus, & in reliquis actionibus quosdam iudices Consulares præfecit: qui, ut patet, præcipuum locum obtinuerunt, ut omnia tranquille & graviter fieri curarent. Nam quorsum, quæso, illi aderant, nisi ut moderatores essent? Non disputabant, non iudicabant, ut Episcopi, sed præsidebant. Inter Episcopos fateor primas tenuisse legatos Leonis Pontificis Romani, qui fuerunt duo Episcopi, & duo Presbyteri, at non vlllo iure suo, sed voluntate Principis. Verum præsides fuerunt viri Consulares, legati Imperatoris. Quorsum enim illi aderant? Bellarminus ait, ad violentiam depellendam. Sed si quis velit acta legere illius Concilij, habuisse illos sententiam & definitionem inveniet. Nam in prima actione, quando hæretici condemnati erant, hæc verborum formula usurpatur. *Gloriosissimi iudices, & amplissimus senatus dixerunt.* Et Euagrius lib. 2. cap. 4. sic scribit. *οἱ ἀπὸ τῆς συγκλήτου βουλῆς ἐκπρόσωπο τῆς.* *Senatores, sive, homines consulares decreverunt ista.* Et iterum in eodem loco. *εἰ θεοῦ τὸ θέλημα ἡμῶν ἀκούσῃ.* *Si ista sanctissimo nostro Domino, hoc est, Imperatori placuerint.* Ergo ille summus moderator fuit, quia sine illius autoritate nihil aut factum est, aut fieri potuit. Atque hæc fuerunt quatuor prima generalia Concilia.

Quid

Quid ego reliqua commemorem Concilia generalia, Constantinopolitanum secundum, cui Menas Episcopus Constantinopolitanus, vel saltem Euty chius eius successor præfuit? quid Sardicense, cui præfuit Hosius? quid Carthaginense sextum, cui præfuit Aurelius, etiam præsentibus legatis Romani Pontificis? quid alia? Historiæ testantur Romanum Põtificem multis Concilijs nec interfuisse, nec præfuisse. Et particularia Concilia infinita sunt, quibus ipse non præfuit. Hoc enim non esse necessarium concedunt Adversarij. Denique ne in re non necessaria nimis longus sim, concludam hunc locum testimonio Nicolai Cusani lib. 3. cap. 16. de concordantia Catholica. *Sciendum est, quòd in universalibus octo Concilijs, ubi Imperatores interfuerunt, & non Papa, semper invenio Imperatores & iudices suos, cum senatu primatum habuisse, & officium presidentie, per interloquutiones, & ex consensu synodi, conclusiones, & iudicium fecisse, & non invenitur instantia in octo Concilijs, præterquam in tertia actione Concilij Chalcedonensis.* Hoc Concilium & hanc actionem contra nos semperurgent Adversarij, sed nos antea respondimus. Atque hic finis erit huius Quæstionis.

Quæstionis quarta finis.

QVIN-

Quinta Quæstio,

De Conciliis,

*An Concilium sit supra
Papam.*

CAPVT I.

De statu Quæstionis.

DE Præfide Conciliorum
ea diximus, quæ nobis
sufficere videbantur. O-
stendimus enim hanc
~~propositio~~ nec iure divino,
nec humano, nisi tantum
Antichristiano, ad Ro-
manum Põtificem per-

tinere. Nunc ad quintam Quæstionem aëcedo,
in qua Concilium cum Papa comparatur. Dis-
putandum enim est in hac Quæstione, num
Concilium sit supra Papam, an Papa supra Cõ-
cilium. Quæ etsi iniqua comparatio esse videat-
ur, tamen non omittenda est propter Papistas,
qui hanc grauissimam Quæstionem esse existi-
mant. Etsi non tanta inter nos & Papistas, quan-
ta inter Papistas ipsos hac de re contentio &
controversia est. Nam inter illos multi, & ij qui-
dem magni nominis, Concilium Papæ præfe-
runt, alii verò Papam Concilio. Tamen & no-
stra

stra etiam est aliqua hac de re controversia. Igitur ut melius intelligatis, quid illi teneant, quid nos hac de re statuamus, res tota diligenter & perspicue explicanda est.

Antequam Antichristus in Ecclesia palam dominari cepisset, & omnem ordinem pervertisset, nulla de hac re controversia fuit. Nunquam enim ausi sunt veteres illi Pontifices Romani se Conciliis Oecumenicis antepondere, etsi ambitiosi satis fuerunt, & ambitione sua plus ad se rapere voluerunt, quam par erat, quamque fas & æquum postulabat. Tandem vero eò impudētiae & immanitatis progressi sunt, ut sibi omnem auctoritatem, & quasi divinitatem quandam, licet multis semper reclamantibus, vendicarent. Nam in tribus Conciliis etiam Antichristianis, nempe, Pisano, Constantiensi, & Basiliensi, decretum est, Concilium esse supra Papam. Et adhuc in nullo Concilio decretum fuit, Papam esse supra Concilium, ne in Tridēno quidem. Nam etsi Patres & Episcopi Tridenti submiserunt se in omnibus Romano Pontifici, tamen nullum hac de re decretum sancitum & promulgatum fuit. Melchior Canus quidem in lib. 5. cap. ult. in responsione ad 9. argumentum, affirmat contrarium dogma in Florentino & Lateranensi Concilio confirmatum esse. At in Florentino Concilio nihil tale disertè legimus, & Lateranense quidem, hoc dogma palam definiit in sessione 11. Sed de eius auctoritate ab ipsis etiam Papistis dubitatur, num scilicet fuerit verē

rè generale, necne, vt Bellarminus ipse fatetur, ergo ait ad hunc usque diem istam Quæstionē etiam inter Catholicos remanere. Id ergo videtur Bellarminus significare, nondum constare inter ipsos de hac Quæstione, nec adhuc certi quicquam hac de re statui, sed aliter hos, aliter illos sentire. Sic possunt esse Catholici, qui dicunt Papam esse inferiorem Concilio. Sed quid ipsi Iesuitæ, hoc est, medulla Papismi, hac de re statuunt, videamus, nam illorum sententia hodie inter Papistas ferè dominatur ac principatum tenet, & de Quæstionis statu quæramus.

Bellarminus ergo duobus modis Papam cū Concilio comparari posse affirmat. *Primo*, ut ab una parte sumatur solus Papa, ab altera Concilium generale, cui præsit per se, vel per legatos, ita vt nihil definiatur sine consensu ipsius. *Secundo*, vt sumatur ab vna parte solus Papa, ab altera Conciliū generale, cui Papa nec per se, nec per suos legatos præsit, hoc est, quod sine auctoritate Papæ indicitur, & cogitur, imò quod cogitur contra Papam, vt eum scilicet deponat, & de sua sede deiiciat. Ergo circa quam comparisonem versatur hæc Quæstio? Bellarminus ait, circa secundam, quia mota est hæc quæstio circa Papæ depositionem, vtrum posset à Cōcilio invitus iudicari & damnari necne. Si verò Papam cum Concilio coniungamus, sic vt nihil sine eius consensu definiri possit, nunquam poterit tale Concilium Papam invitum deponere.

deponere. Igitur de Quæstione hoc modo pro-
posita quid statuendum est? Tres (inquit) sunt
doctorum opiniones. *Aliqui* putant Papam esse
supra Concilium, nec posse invitum à Conci-
lio iudicari, at posse ipsum sese Concilio subij-
cere, & suam causam Concilio iudicandam per-
mittere, & si tunc damnatus & depositus fue-
rit, acquiescendum ei esse in Concilij decreto.
Et hæc est opinio quorundam Canonistarum.
Alij sic Papam esse supra Concilium dicunt, ut
ne possit quidem se eius coactivæ sententiæ sub-
ijcere, sic enim loquuntur, sed debere illum Cō-
cilium iudicare, quia est absolutè supra Cōciliū.
Quare etiam si causam suam committeret Con-
cilio discutiendā, posse tamen eam postea cum
velit resumere. Et hæc est Bellarmini, & omniū
hodie Papistarū sententia. Alvarus Pelagius in
1. lib. de planctu Ecclesiæ art. 6. sic scribit. *Syno-
dus universalis Papam iudicare non potest. Plus
standum est sententiæ solius Papa, quam totius mū-
di. Omnia Concilia recipiunt ab ipso potestatem.*
Augustinus Anconita in lib. de potestate Ec-
clesiæ quæst. 6. art. 6. ait *maiolem esse potesta-
tem in Papa, quam in Concilio, maioriata actuali*
(sic enim ille loquitur) *sed contrā maiorem esse po-
testatem in Concilio maioriata habituali, quia*
*moritno Papa, non moritur hæc potestas, sed ma-
net in Ecclesia & Concilio habitualiter, quam*
*tamen actu exercere non potest sine Papa (præcla-
rus certè habitus, qui nunquam in actum ve-
nit) sed in Papa actualiter esse, illum posse plus*
agere,

agere, quàm totum Concilium. Sic illi nugantur. Hoc quoque probat Ioannes de Turre crema-
 ta lib. 2. cap. 93. & deinceps etiam fufius, Pa-
 pam à nullo indicari poffe extra caufam hærefeos,
 nec poffe fe cuiusquam fententia fubmittere. Sic
 Dominicus Iacobatius lib. 10. artic. 7. de Con-
 ciliis, ubi multas leviculas & inutiles rationes af-
 fert. Antonius Delphinus in lib. 2. de Ecclefia
 ait, Concilium effe fupra Papam, fcientia, pruden-
 tia, doctrina, Papam fupra Concilium, poteftate,
 authoritate, iurifdictione. Carus lib. 5. cap. 5. fic
 fcribit. Ponderus Concilij dat fupremi Pontificis &
 gravitas & authoritas, que fi adfit, centum Patres
 fatis funt, fin defit, nulli funt fatis, fint quamlibet
 plurimi. Ex quo intelligimus, authoritatem Cõ-
 cilij pendere à Papa iuxta illorum fententiam,
 totum authoritatis ponderus in eo refidere, & pe-
 nes eum effe, adeo vt fi ille abfit, etiamfi omnes
 Epifcopi in unum conveniant, nullam tamen
 authoritatem habebunt. Caietanus Cardinalis
 duos hac de re tractatus edidit, qui inter eius
 Opuscula habentur, in quibus Papam Conci-
 lio anteponit. Pighius in lib. 6. de Ecclefiaftic.
 Hierarchia cap. 12. fic fcribit. Certius eft iudici-
 um Papæ, quàm iudicium generalis Concilij, aut
 totius orbis terrarum. Et in eadem fententia eft
 Hardingus noster in libro fuo contra Apolo-
 giam Ecclefie Anglicanæ parte 6. cap. 5. feft.
 1. & Sanderus lib. 7. de vifib. Monarchia. Quid
 ego alios commemorem? Sic Iefuitæ, fic Bellar-
 minus Papam effe abfoluté fupra Concilium, in
 lib.

lib. 2. cap. 17. Hanc verò Papæ potestatem in istis ferè rebus constituunt. *Primo* Concilium nō posse indici aut congregari sine authoritate Papæ, deinde non posse celebrari, tum nō posse aliquid definire, non posse dissolvi, non posse inquirere in fide, in vitâ, in mores Papæ, etiamsi ipse voluerit Concilio se subijcere, imo etiamsi ipse iuraverit se velle illius decretis stare & acquiescere. Sic enim Ioannes de Turre cremata lib. 2. cap. 104. Idem etiam lib. 3. cap. 44. ait *Papam tribuere Concilio suum esse & formam.* Ergo ille cum vno aut altero Cardinali potest Concilium celebrare. Vbi enim ille est, ibi est Concilij essentia. Præterea statuunt Concilium non posse Papam iudicare, nec leges ei præscribere, nec damnare, nisi planè constiterit eum esse hæreticum, & tum etiam non damnari ipsum authoritate Concilij, sed ipso facto desistere esse Pontificem. *Tertia* opinio est eorum, qui dicunt Concilium omnino esse supra Papam, & hæc est opinio omnium Protestantium, & multorum etiam Papistarum, vt postea audietis. Nam multi Papistæ, etsi dant Papam esse caput & Pastorem singulorum Christianorum, & singularum etiam Ecclesiarum, si sumantur seorsim: non tamen concedunt esse caput totius Ecclesiæ simul in Concilio congregatæ; tum enim Ecclesiam accipere formam integri corporis, & totam potestatem unitâ esse, quæ prius sparsa erat; vt quā superior singulis sit, non tamen totâ Eccle-

fiâ, quæ in Concilio repræsentatur, superior habendus sit: quemadmodum Dux Venetiarum est supra singulos magistratus, non autem supra totum senatum. Hæc est opinio quorundam Papistarum, sed non est opinio Iesuitarum, qui nunc vivunt.

Nostra vetò sententia, quæ cum ipsius Scripturæ & veritatis voce consentit, hæc est: Papam, cum sit vnius tantum Ecclesiæ Episcopus, non modò non omnibus Episcopis congregatis, sed ne singulis quidem sparsis superiorem esse. Idcirco nos dicimus Concilium posse etiam Papa invito decernere, posse Papæ causam cognoscere, posse Papam iudicare & in ordinem cogere, posse Papæ leges præscribere, quæ suas vires habeant etiam invito Papa, posse denique Papam damnare, & suo munere abdicare, si dignus ea poena fuerit. Et de statu Quæstionis hæc tenus.

CAPVT 2.

In quo Adversariorum argumenta proponuntur.

IAm ad argumenta veniamus, & quorum opinio melioribus nitatur argumentis, videamus, illorumne, an nostra. Iacobatius hac de re magnum volumen edidit, quod ille tamen tractatum vocat, & alij multi multa argumenta attulerunt. Sed Bellarminus omnia in summam redegit lib. 2. cap. 17. & quinque tantum argumentis

mentis contentus est, quæ ille omnia ex Iacobatio & alijs sumpsit. Reliqua verò, quæ pluribus & fusiùs ab illis disputatur, indigna planè sunt, quæ recenseantur. Hæc igitur quinque Bellarmini argumenta examinemus.

Primum argumentum est huiusmodi. Papa est pastor & caput non solum omnium Ecclesiarum particularium, sed etiam totius vniversalis Ecclesiæ simul congregatæ, à Christo immediatè constitutus: ergo est supra Cōcilium. Ratio optimè sequi videtur. Sed *respondeo*: antecedens nullo modo concedi oportere. Nam Papam esse vlllo modo Ecclesiæ caput, est axioma maximè blasphemum, & *ἀνύμμη* falsissimum, impudentissimum, & Antichristianissimū. Solus Christus est caput Ecclesiæ, vt suo loco docebimus. Nullus homo, nullus Episcopus, hunc sibi titulum vendicare potest. Ergo si ille solus fit supra Concilium, qui est Ecclesiæ caput, tum solus Christus supra Concilium est. Et veriùs quidem Concilium est supra Papam, cū Cōcilium potiùs sit Papæ caput, quam Papa Concilij. Hoc argumentum breviter proposuit Bellarminus, quia novit antecedentis confirmationem ad alium locum pertinere. Iam ergo sufficiat nobis negando illud remove. Sed secundum argumentum diligentius fortasse ab illo tractatur. Ad illud ergo transeamus.

Secundum Bellarmini argumentum sumitur à ratione in Scripturis fundata, vt loquitur ille. Atque hîc accipite horrendam & inauditam

blasphemiam, quam ego velim vos semper memoria tenere. Ait enim omnia illa nomina, quæ in Scripturis Christo tribuuntur, vnde constat eum esse supra Ecclesiam, eadem omnia tribui Romano Pontifici. Quæ hæc blasphemia est, omnia Christi nomina, ex quibus intelligitur eum esse supra Ecclesiam, Papæ communicari? Hoc si verum sit, tum fateamur necesse est datum esse Papæ nomen supra omne nomen, & sic non soli Christo hoc conveniet, quod tamen illi soli tribuitur, Philip. 2.9. & Act. 4.12. Nam ex eo quòd ad tantam dignitatem effectus est, constat illum esse caput Ecclesiæ. Sic enim Apostolus disputat Ephes. 1. 21. 22. Iam verò hoc nomen arguit eum assecutū esse summam authoritatem. Quis ergo non videt eum esse Antichristum, qui hoc nomen sibi audeat arrogare? Præterea si hoc verum sit, quid impedit quò minus dicamus Papam esse *σωτήρα* Ecclesiæ, nam hoc nomen Christo tribuitur, quatenus est supra Ecclesiam Ephes. 5. 23. *ὡς αὐτὸς ὁ θεὸς σωτὴρ τοῦ σώματος*. Sic ille etiam Iesus noster & Christus appellabitur, & quidni etiā mediator? quod tamen vni Christo tribuitur, 1. Tim. 2. 5. Præterea tum illa ei nomina tribui posse fatendum est, quæ habentur Coloss. 1. 18. *αἰχμὴ καὶ κεφάλαιον ἐκ νεκρῶν*, *Principium & primogenitus ex mortuis*. Hinc enim Christum constat esse Ecclesiæ caput, & hæc illi nomina vt Ecclesiæ capiti tribuuntur, quemadmodum ex eodem loco apparet. Tum etiam in eo omnis plenitudo

do Deitatis habitat vers. 19. & tum omnia reconciliavit in cœlo & in terra, vt est vers. 20. Sequitur etiam vt eum nostrum Immanuelem dici posse fateamur, & Dei filium vnigenitum, & Deo *ὁμοῦνον*, & hæredem omnium Heb. 1. 2. Præterea Papa tum dici potest (quod quidem ille fortasse sibi vendicabit) *πρωτοῦ δὲ μαργαρίτου*, & *ἀρχιεπισκόπου*, quæ tamen sunt vnus Christi. Heb. 13. 20. & 1. Pet. 5. 4. Præterea, tum etiam dici potest Alpha & Omega, Apoc. 1. 8. & leo de tribu Iuda, & radix Iesse, Apoc. 5. 5. Hæc enim nomina Christo vt capiti Ecclesiæ tribuuntur, eumque esse supra Ecclesiam declarant. At hæc Papæ aut cuiquam mortali nisi per sacrilegium & blasphemiam tribui non possunt, cum Christo vt sua, & propria, & *ἀκατάκλητα* tribuantur. Velim vos huius Papisticæ blasphemix perpetuò memores esse. Sed tamen quomodo Bellarminus suam istam blasphemiam defendat, videamus. Proponit ille quatuor nomina (sic enim solent isti ratiocinari) quæ Christo tributa, communicantur etiam Papæ. Sed quid? num si quatuor nomina, quæ tribuuntur Christo, communicentur Papæ, ergo omnia? Non sequitur. Quatuor verò hæc nomina sunt, Paterfamilias, Pastor, Caput, Sponsus. *Respondeo*: Duo quidem priora sic Christo tribuuntur, vt alijs etiam conveniant, licet non eodem modo, sed duo posteriora sunt planè *ἀκατάκλητα*. Nam quædam Christi

nomina sic Christo tribuuntur, vt aliis conveniant, quædam verò vni Christo conveniunt, nec alteri cuiquam communicari possunt. Possunt quidem duo priora aliis cōvenire æquivocè vel analogicè, nunquam autem vnivocè. Christus enim Paterfamilias & pastor dicitur, sic etiam alii, etsi diverso modo. Christus enim paterfamilias dicitur & pastor, quia totam familiam & totum gregem Dei pascit & regit. Alij verò patresfamilias & pastores dicuntur, quia particulares quasdam familias & greges pascunt & gubernant, qui tamen magni huius pastoris & patrisfamilias non nisi famuli sunt. Sic ne ista quidem eo modo aliis quo Christo tribuuntur. Sed quædam nomina ita Christo tribuuntur, vt non alteri vlli aliquo modo convenire possint, cuiusmodi sunt, caput, & sponsus. Sic quædam nomina Dei *καὶ* sunt, quædam *ἰδιὰ*. Quædam enim nomina Deo tribuuntur, quæ conveniunt etiam hominibus, sed non similiter & eodem modo Deo & hominibus. Deus enim dicitur Pater, Dominus, Rex, quæ nomina etiam hominibus conveniunt, sed non ita vt Deo. Alia verò sic Deo tribuuntur, vt nullo modo homini convenire possint, vt Iehova, creator, omnipotens, & huiusmodi. Ergo etiamsi concedamus, quædam nomina Papæ tribui, quæ Christo tribuuntur: non tamen sequitur omnia Christi nomina illi tribui. Sed de quatuor istis nominibus, quæ à Bellarmino commemorantur, seorsim videamus, & primò de pa-

patrefamilias. Hoc nomen Christo tribuitur, inquit. Fatemur. Sed ubi Papæ? Papa est summus œconomus, inquit, & hoc probat ex Luc. 12. Vbi Christus ait, *Quis est fidelis dispensator & prudens, quem constituit Dominus super familiam suam?* Intelligo. Episcopum verò dispensatorem dici probat ex Ambrosio & Hilario in hunc locum, & ex Hieronymo in Matth. 24. *Respondeo*: Fateor Episcopū œconomum dici. Quorsum opus fuit his testimoniis, ut hoc probaret? Nam ipsa Scriptura hoc aperte docet. 1. Cor. 4. 1. 2. Sed nihil adhuc audio de Romano Pontifice. Non pertinet hoc ad illum propriè, quia non ad Petrum propriè pertinet. Paulus ait, *ὅτι οὗτοι ἡμεῖς λογίζομεν ἀνδρα ὡς ἀρχιερέα χριστοῦ, καὶ οἰκονόμους μυστηρίων θεοῦ*. Sed Bellarminus ait, etsi hi Patres non expresse de Papa loquantur, tamen ea est procul dubio Scripturæ sententia. Sic ille cum defunt argumenta, fugit semper ad suum illud (procul dubio.) Sed afferat vnum antiquum Patrem, qui hunc Scripturæ locum sic interpretatur. Nullum certè proferre potest. Ergo ille procul dubio fallitur & errat. Ambrosius per dispensatores sacerdotes intelligit in genere, non Papam in specie. Hilarius in Mattheum, canon. 27. ait, *et si omnes debent adventum Christi expectare, tamen hanc expectationem precipuè precipi Episcopis, non soli Papæ*. Quæ hæc impudentia est, ad unū Pontificem rapere, quod ad omnes ex equo Episcopos pertinet? Quid ergo alios Patres commemorem? Sed ait Ambro-

fium vocare Damasum *rectorem domus dei*, in comment. in 1. Tim. 3. Esto, tamen non affirmat Ambrosius eum esse vel solum rectorem, vel rectorem totius domus Dei. Sed de hoc loco alibi diximus. *Secundum* nomen est Pastor. Hoc (inquit) de Christo dicitur. Illud quidem nulli dubium est, nec hoc quisquam unquam in questionem vocavit. Ait enim Christus ipse de se Iohan. 10. *Ego sum Pastor ille bonus*. Sed ubi hoc Romano Pontifici tribuitur? Respondet Adversarius idem Petro communicari Iohan. 21. ubi Christus Petro ait, *Pasce oves meas*. Respondet: Esto. Dixerit Christus Petro, *Pasce oves meas*: ergo ne fuit ille pastor uniuersalis Ecclesie? an ille aliter pascere iubetur, quam alii Episcopi? Fateor hoc quoque nomen alijs quam Christo tribui quadam ratione, sed non soli Petro, aut Papæ. Debuit ille probare specialiter hoc Petro tribui, aut saltem magis specialiter quam alijs. Ephes. 4. scribitur Christus: *dedisse alios Pastores & Doctores*. Vbi videmus hoc nomen non vni Petro tributum esse, sed alijs præterea Ecclesiarum ministris & præfectis. Nullus planè est Scripturæ locus, in quo hoc specialiter Petro aut Papæ tribuitur: ergo hæc omnia infirma sunt, & maxime quod hinc infert, Papam esse supra Concilium. Sed nec illud sequitur, quod postea affirmat, nempe ut œconominus non potest expelli à famulis etiā simul congregatis, nec ab alio quoquā, nisi totius familie domino puniri: nec grex potest aliquam authoritatē exercere

cere in Pastorem; ita nec Papam posse à Concilio abdicari. Nam si hoc verum sit, tum omnes Episcopi & Pastores, quicquid faciant aut doceant, Christi solius iudicio permittendi & reservandi sunt. Sunt enim omnes Episcopi Pastores & Patresfamilias. Sed nimis urgentur hæ similitudines ab Adversario, nimis absurdè in his metaphoris inhæret. Nam cum Episcopi dicantur Patresfamilias, & Pastores, hanc similitudinẽ sic ille vrget, vt quemadmodum pastor ovibus præest, sic vt oves nullum in pastorem imperium habeant, ita ille Episcopum populo præesse velit, quasi populus instar pecudum sit, vel quasi necesse sit omnia esse in Episcopis, quæ in pastoribus & patribusfamilias inveniuntur. Sed sciendum est Episcopos & ministros pastores dici, & patresfamilias, non simpliciter, sed secundum quid, nec populum simpliciter servis comparari vel pecudibus, sed respectu quodam. In hac quidem re non valent hæ similitudines, ad quam ab Adversario adhibentur, sed in hoc tantum tenent, quòd quemadmodum pastor debet gregem suum pascere salutari cibo, & paterfamilias debet familiam suam prudenter regere: ita ministri debent suas particulares familias, & greges, pari vel potius maiori prudentia & sedulitate pascere & regere. Vltèrius non sunt urgendæ hæ similitudines. De duobus nominibus diximus, quæ Christo cum aliis communicari possunt, nunc sequuntur illa duo, quæ incommunicabilia sunt, ac propterea nulli præterquam

terquã Christo possunt convenire. Quorũ primum est caput. Id Christo soli tribuitur, nam ille solus est caput corporis sui, hoc est, Ecclesiæ, vt suo loco docebimus, vbi distinctionem illam de principali & instrumentali capite tollemus. Sed tamen Adversarij Papæ etiam hoc tribuunt. Nec mirum est eos Papam Ecclesiæ caput appellare, cùm & cor etiam Ecclesiæ esse dicant. Sic enim Augustinus Anconitanus quæst. 19. artic. 2. Papam esse cor Ecclesiæ affirmat, *quia maiori scientia & prudentia præditus est, quàm reliqui Episcopi*, quod tamen non semper, imò rarò evenit. Christum quidem dici Ecclesiæ caput passim in Scripturis intelligo. Sed libenter scirem, vbi hoc Papæ communicatum sit. Expecto igitur locum aut testimonium aliquod Scripturæ, vnde Papam esse caput Ecclesiæ constet. Sed Scripturam nullã affert Adversarius, qua probet aut Papam, aut quenquam omnino hominem caput Ecclesiæ dici. Tantùm ait hoc haberi in Concilio Chalcedonensi act. 3. At ego Scripturas requiro. Aut afferat Scripturas, aut in hac causa obmutescat. Hoc enim Concilium nullũ divinæ authoritatis pondus habet. In illo quidem Concilio legati Leonis, vt fui Domini sedẽ exornarent, Petrum vocant *petram & crepidinẽ Ecclesiæ*. Et quidem fateor, Petrum vt Apostolum, aliquo modo petram, aut fundamentũ, aut crepidinẽ Ecclesiæ dici posse, at caput vniuersalis Ecclesiæ nusquã in Scripturis aut Patribus antiquis

ti quis appellatur. Neq; enim eadē est ratio per omnia fundamenti, & capitis, ac propterea nō sequitur, quia fundamētū dicitur, ideo caput dici. Nam caput occultam quandā & vitalem vim significat, quæ non item in fundamento significatur. Fundamentum sustinet ædificium, & sic Episcopi & pastores hanc vim in Ecclesia habere possunt, ut eam labantem & vacillantem sua prudentia sustentent. Itaq; non magnopere hoc nomen Romano Pontifici inviderem, si verus Episcopus esset, quia omnibus Episcopis quadam ratione convenire potest. At capitis ea vis est, ut vitam reliquis membris tribuat, & communicet, quam nemo nisi solus Christus Ecclesie communicare potest; ergo capitis nomen nulli nisi Christo convenire potest. Habetur tamē tale aliquid in literis, quas Patres illius Cōcilij ad Leonem scribunt, in quibus eum sic alloquuntur. *Nobis tu sicut membris caput præeras.* Vnde Papā esse Ecclesie caput arguit Bellarminus. Sed ista sic ab illis dicuntur, non ut faciāt Papā caput universalis Ecclesie, sed ut significēt illū per Legatos suos, Bonifaciū, Paschasinū, & Lucentium, prudenter Concilium rexisse, quemadmodum caput reliqua membra regit. Atq; in hoc tantū ei authoritatē quandā tribuebant. Sic tamen tota hæc res urgetur ab Adversarijs, quasi eum his verbis caput vniuersalis Ecclesie hi Patres constituerent. Hæc de capite dixit Bellarminus sine aliquo Scripturæ testimonio. Sed cum de rebus fidei agamus, equum esset,

elset, ut Scripturis premeremur. Hoc autē cum non potest facere, conquirat vndiq; alia adminicula, quasi fides nostra humanis testimoniis nitatur. *Secundum* Christi nomen ἀνοινόντων est sponsus Ecclesiæ, quod nomen Christo tribuitur Eph. 5. 25. *Viri uxores vestras diligite, sicut Christus dilexit Ecclesiam suam*. Quibus verbis Christi coniugalitatis amor erga Ecclesiam declaratur. Et 2. Cor. 11. 2. ἡμεῖς ὑμᾶς ὡς ἑνὴν ἁγίαν ἐκκλησίαν. *Preparavi vos tanquam virginem castā uni viro, non Petro aut Apostolo cuiquā, multo minus Papæ, sed soli Christo*. Iohan. 2. 29. *Qui habet sponsam, sponsus est*, ait Iohannes Baptista. Hic autem Christus solus est. Nullus enim Apostolus sponsam habuit, sed fuerunt omnes amici tantum sponsæ, ut de se Iohannes Baptista eodem in loco loquitur. Apoc. 21. 2. *Vidi novam Ierusalem descendentem à Deo è cælo preparatam, ut vivat, tanquam sponsam ornata viro suo, nempe Christo*. Hose. 2. 19. *Despondebo te mihi in seculum*. Atque hæc quidem nuptiæ inter Christum & Ecclesiam mysticè & metaphoricè celebrantur in Cantico Canticorum, & Psalm. 45. Christus enim & Ecclesia sunt vnum corpus, vna caro, coniugali amoris vinculo coniuncti & colligati. Et hoc nulli omnino mortali convenit, ut Ecclesiæ sponsus dicatur, sed soli Christo. Dicuntur quidem homines aliquando amici sponsi, & latati sunt, quando sponsum viderunt, & audierunt loquentem, sed nemo quantumvis excellenti

lenti pietate præditus, ausus est vnquam se sponsum appellare, non Petrus, non Paulus, non Iohannes Baptista, quo tamen nullum inter filios mulierum maiorem extitisse Christus affirmat, quia hoc ad unum Christum pertinere sciebant. Nec ulla unquam Ecclesia, nisi adulterina, quæquam præter Christum sponsum agnovit. Nam Romana Ecclesia, quæ Papam sponsum vocat, pellex & meretrix est. Isaias, Ioannes, Petrus, & reliqui, tum Prophetæ, tum Apostoli, in his nuptiis conciliandis Christo inservierunt, & in hoc laborârunt, vt hanc sponfam illi sisterent: ergo paranympsi aut amici sponsi dici potuerunt, sed illos sponso fuisse nullo modo concedendum est. Et sic quidem Bernardus in lib. 1. de consideratione vocat Papam Eugenium non sponsum, sed paranympsum, & amicum sponsi. Et Ecclesia nulli se obstrinxit in Baptismo, nisi Christo, illi se totam addixit, & consecravit, denique illi soli liberos procreat. Qui ergo volunt ipsi dici Ecclesiæ sponsi, cum Ecclesiam Christo potius conciliare studerent, ij revera perfidi rivales sunt. Tamen hoc nomen Petro & Papæ tribui posse Bellarminus contendit. Sic Augustinus Anconitanus quæst. 19. artic. 1. Sic Ioannes de Turre cremata lib. 2. cap. 27. Similiter Hardingus. Sed absit vt nos tantam blasphemiam feramus, & tam impuro sponso virginem tam castâ addicamus. Sed benè est quòd Christum solum propriè Ecclesiæ sponsum esse cōcedant Adversarij,

Scrij, Papa ergo non est propriè sponſus, & ſi poſſet vlllo modo ſponſus dici quiſquam præter Chriſtum, non tamen aliter ſponſus dicetur Papa, quàm alij miniſtri. Sed audiamus quomodo Bellarminus probat Papam Eccleſiæ ſponſum eſſe. Hic illi aqua hæſit. Sic enim in hoc nomine agit, ut in ſuperiori. Ne apicem quidem Scripturæ affert. De tali enim ſponſo ne cogitavit quidem Spiritus Sanctus in Scripturis. Imò non modò nullum Scripturæ locum affert, ſed nec Patrem vllum, nec vllum omnino antiquum Concilium. Tantùm ergo affirmat ille Papam eſſe ſponſum Eccleſiæ, ſed non probat. Tandem eò delapſus eſt, ut Lugdunenſe Concilium afferat, quod habitum eſt annis 1240. poſt Chriſtum, in quo Papa Eccleſiæ ſponſus dicitur. Sed hoc Concilium fuit Antichriſtianum, & tyrannicum, cui Innocentius quartus præfuit, verus Antichriſtus, qui in eodem Concilio Fridericum Imperatorem indiſtâ cauſâ damnavit. Et ſic tandem ad huius ſecundi argumenti exitum pervenimus.

Tertium Bellarmini argumentum ſumitur ex verbis expreſſis Conciliorum & Pontificum Romanorum. Hic poſſem eſſe multus, ſed nolo tempus terere in rebus minùs neceſſarijs. Hæc tamen non ſunt à nobis penitus prætermittenda. Ait Bellarminus, Concilia agnoſcere Papam eſſe ſuum caput, & ſupra ſe, & Papas hanc ſibi authoritatem ſumpſiſſe. Si ergo inter ſe Concilia & Papæ conveniunt, quid opus eſt,

ut nos litigemus? *Primum* Concilium à Bellarmino citatum, est Concilium Sinuessanum, in quo hæc verba habentur in fine Concilij, *Prima sedes à nemine iudicabitur*. In eo Concilio Marcellinus Papa damnatus fuit, quòd Idolis sacrificasset. *Respondeo* 1: incertum esse, an huiusmodi aliquod Concilium unquam habitum fuerit. Nullam enim de hoc Concilio mentionem facit Eusebius, nec quisquam antiquus & fide dignus author. 2. Si fuit tale aliquod Concilium, verisimile est congregatum fuisse, ut de illo Marcellini scelere cognosceret, eumq; tanquam Apostatam damnaret. Nam quorsum alioqui conveniret? Ergo Pontifex Romanus à Concilio iudicari & damnari potest. 3. Quòd in illo Concilio legitur & habetur *primam sedem à nemine iudicandum esse*, id non ita intelligendum est, quasi Pontifex Romanus sit supra Concilia generalia. Nam *primò* fuit hoc Concilium particulare illius provinciae. *Secundo*, volebant iudicare, non quòd non possent, sed quòd non esset opus. Nam in actis illius Concilij, quod in primo tomo Conciliorum habetur, Marcellinum legimus à Concilio vocatum fuisse, & accusatum, quòd idolis sacrificasset, illum adfuisse, & negavisse *primò*, postea verò testimoniis convictum, scelus suum agnovisse, & seipsum damnasse. At Sabellicus Ennead. 7. lib. 8. ait illum *ultrò Concilium congregasse, & seipsum accusasse*. Quod si verum sit, tum Concilio non opus fuit primam sedem, id est, Episcopum

copum primæ sedis iudicare. *Secundum* Concilium à Bellarmino propositum est Concilium Romanum sub Sylvestro, quod etiam in primo tomo Conciliorum reperitur, ubi similiter habetur, *primam sedem à nemine iudicandam esse. Respondeo*: hoc quoque Concilium adulterinum esse & ementitum, de quo nullus antiquus & bonus author meminit, quamvis in Conciliis tomis habetur. Multa enim in illis tomis, qui nunc extant, habentur, quæ ficta esse constat. Ita adulterinis Concilijs & decretis rem Romanam agunt, & causam Pontificiam tuentur Iesuitæ. Quam verò præclarum hoc Concilium fuit, ex eo colligi potest, quod in eo cautum & decretum est, Episcopum non nisi à septuaginta duobus Episcopis damnari oportere. In quo cavent illi satis suis Episcopis, ne damnentur. At aliter Paulus 1. Tim. 5. 19. *Adversus Presbyterum accusationem ne admittito, nisi sub duobus aut tribus testibus. Tertium* Concilium à Bellarmino citatum est Chalcedonense in actione. 3. quod quidem fateor fuisse Oecumenicum & legitimum. Sed hoc Concilium maxime facit contra Papæ tyrannidem, ut postea patebit. Æquavit enim Episcopum Constantinopolitanum Romano Episcopo. Cum ergo illud decrevit, quod Papæ displicuit, hoc arguit Papam non fuisse supra Concilium, Sed quid habetur in hoc Concilio? In tertia actione (inquit) recitantur multe Epistolæ ex variis locis scriptæ ad Concilium, in quibus omnibus Le-

onis

bonis nomen Concilio præponitur & præfigitur. *Respondeo:* Quod ait multas Epistolas ibi recitari à varijs locis scriptas; falsum est. Tres enim tantum Epistolæ recitantur ex urbe Alexandrina, à tribus illius Ecclesiæ Diaconis scriptæ, contra suum Episcopum, in quibus illi quidem Leonem præfigunt Concilio in inscriptione. Sic enim inscribunt. *Sanctissimo & beatissimo universali Patriarchæ magnæ Romæ Leoni, & sancto universali Concilio congregato in Chalcedonensi civitate &c.* Sed huius rei hæc ratio erat, quod post Imperatorem & iudices Senatorios, primus ille fuit inter Episcopos, non quod supra totum Concilium fuit. At in actione, 14. Epistola habetur, in cuius inscriptione tres Episcopos Concilio præfixos legimus in hunc modum. *Sanctissimis Patribus, Archiepiscopis, Leoni, Anatolio, Maximo, & omni sancto Concilio.* Ergo si hæc bona ratio sit, Leo solus nominatur, & tum Concilium; ergo Leo fuit supra Concilium; tum sequetur hostres Episcopos fuisse supra hoc Concilium, non solum Papam. Sed aliud gravius argumentum affert, Dioscorum fuisse in eo Concilio dānatum, quia ipse iudicare & damnare ausus fuerat Leonem Romanum Pontificem in Concilio Ephesino, & Bellarminus ait, si Dioscorus, qui erat Patriarcha Alexandrinus, id est, prius post Romanum, cum generali Concilio non potuit iure Romanum Pontificem iudicare; sequitur evidenter Concilium non esse supra Pontificem. *Respondeo:* Non sequitur argu-

mentum. Nam *primò*, qui quemvis Episcopum Catholicum damnat, nedum talem & tantum Episcopum, is dignus certè est, qui damnetur ipse. Damnavit verò illum Dioscorus inauditum, & indictà causà, temere, & tyrannicè. Hoc illi Patres obijciunt, & quòd omnia in illo Concilio per vim gessisset. 2. Damnatuſ est Dioscorus cum Cōcilio Ephesino propter alia multa scelera, nempe propter homicidium, & hæresin, de quibus multorum testimonijs convictus fuit, quemadmodum cuius Chalcedonensis Concilii actiones legenti apparebit. Et tamē non pudet Bellarminum affirmare eum non tam ob alia scelera, quàm propter damnatum Episcopum Romanum, à Concilio Chalcedonensi damnatum fuisse, quasi in damnatione Romani Pontificis omnia scelera inessent. Deinde affert Bellarminus minuta quædam & Antichristiana Concilia, de quibus ego nullum verbum respondebo. Horum vnum est Concilium Lateranense vltimum in sels. 1. sub Leone decimo, paucis annis ante Lutherum celebratum, in quo hæc verba habentur. *Manifestè constat* (sic enim Leo ille cum suo clero Antichristiano rugit) *solum Romanum Pontificem, tanquam super omnia Concilia auctoritatem habentem, Conciliorum, indicendorum, transferendorum, ac dissolvendorum, plenum ius & potestati habere, nedum ex sacre Scripture testimonio, dictis sanctorum Patrum, ac aliorum Romanorum Pontificum, sed propria etiam eorundem Conciliorum cōfessione.*

fessione. Hæc Concilii verba sunt. Sed nos hoc Concilium non moramur. Et Bellarminus ipse fatetur dubium esse, an Concilium hoc decretum fecit de fide Catholica tenendum, ac propterea non esse propriè hæreticos, qui contrarium sentiunt. Ita non est hæreticum dicere Papam esse infra Concilium, etsi Concilii verba sunt manifesta. Sequuntur deinceps testimonia quædam ex decretalibus Epistolis Pontificum Romanorum, quæ quia meræ quisquilæ sunt, in illis non immorabor. Et de tertio argumento non est quod plura dicamus.

Quartum Bellarmini argumentum sumitur ex appellationibus à Concilio ad Papam. Et hîc multæ ab illo narrantur appellationes, de quibus non necesse est sigillatim respondere. Sed respondeo in genere quatuor. *Primo*, istas, quas vocant, appellationes non fuisse similes forensibus appellationibus, quando à minore iudicè ad maiorem appellatur, sed olim Episcopi, qui fuerunt à tyrannis & hæreticis oppressi, ad quemvis confugerunt, quem illis aliquo modo succurrere posse sperabant. Hoc enim nobis naturâ insitum est, ut in miseris nostris undiq; opem & auxilium quæramus. Et quidem fateor solitos esse olim Episcopos suis sedibus expulsos ad Episcopum præcipuè Romanum confugere, nō quod is supra Cōcilia esset, sed quod primus Episcoporum esset, & quod nonnullā authoritatem haberet, qua ijs posset succurrere, & deniq; quod innocentes perhumaniter tra-

stare soleret. Et hoc illi vocant appellare, cum
 veræ appellationes ad nullum nisi Imperatorē
 & iudices Senatorios factæ essent. *Secundo*, si E-
 piscopi aliqui à particulari sive provinciali sy-
 nodo ad Romanum Pontificē provocârint; hoc
 non probat illum esse suprà generale Conciliū.
 Sic Athanasius Episcopus Alexandrinus, &
 Paulus Episcopus Constantinopolitanus in sy-
 nodis particularibus damnati, & ab hæreticis de
 sedibus suis deiecti, ad Iuliū Episcopū Romanū
 provocârūt. Sic Chrysostomus ad Innocentiū,
 & alij ad alios. *Tertiò*, Aliquando legimus Epi-
 scopos nō ad Pontificē, sed ad Imperatorē pro-
 vocâsse, ut nos postea suo loco docebimus. Er-
 go ex hac ratione, Imperatores suprà Conciliū
 erunt. *Quartò*, respondeo istas tā crebras & tam
 liberas provocationes à Concilio ad Papā sapi-
 ūs improbatas, dānatas, & prohibitas fuisse. Sic
 legimus apud Cypr. l. 1. Ep. 3. Similiter in Con-
 cilio Carthaginensi sexto, cap. 92. vbi hæc verba
 habentur. *Ad transmarina iudicia qui putaverit*
appellandū, à nullo intra Africā in cōmunionē susci-
piatur. Vnde facile intelligi potest, huiusmodi
 appellationes nō fuisse probatas. Atq; eiusmodi
 est quod habetur in Nicæno Conc. 1. can. 5. vbi
 decretū legimus *ut qui ex cōmunicantur, ab alijs*
nullo modo in cōmunionē recipiantur. Intellexerunt
 scilicet Patres illius Concilij multa inde incom-
 moda in Ecclesia secuta esse, ac proinde huius-
 modi appellationes ad Episcopū Romanū, aut
 aliū quenquā prohibuerūt. Sed hoc iniquū esse
 videtur, ut qui iniuriā ab aliquo afficiuntur, ij ad

alios provocare prohibeantur. Igitur sequitur in eodē canone, licere provocare ad *illius provincie Episcopos in synodo congregatos*. Quare Patres illius Concilij non fuerunt in ea sentētia, vt existimarent licere à Concilijs generalibus ad Romanum Pontificem provocare. Hanc ergo Pontificis auctoritatem in veteri olim Ecclesia penitus ignotam fuisse constat. Et de hoc argumento hæc dixisse sufficiat.

Quintum Bellarmini argumentum sequitur, ex approbatione Conciliorum sumptū, quod huiusmodi est. Papa approbavit quædam Concilia, alia verò reprobavit: ergo est supra Concilium. Hoc infirmum est argumentum. Non enim aut qui rejicit Concilium, est supra Concilium, aut qui approbat. Nam tum sequetur, alios etiā Episcopos, à quibus hoc factū esse constat, supra Concilia fuisse. Multi enim Episcopi præter Pontificē Romanū ista fecerunt. Et quædā Concilia, quæ Romano Pōtifici displicebāt, tamen non sunt reprobata, vt Chalcedonense, & Constantinopolitanū primū, quæadmodū nos statim docebimus; quod invictū argumentū est, Concilium esse supra Papam. Sed ad hoc probandum affert quædam Concilia, quæ planè quiescunt. Et quæ præterea adducit testimonia ex Gelasio, Damaso, Leone, Gregorio, nullius sunt momenti, quia non est æquum, ut Papæ in sua causā iudicent. Sed de Gregorio aliquid respondebo. Is in lib. 4. Epist. 34. ait *acta cuiusdam synodi, sede contradicente Apostolica*,

soluta esse. Respondeo: Manifestum esse ex hoc eodem loco, quam penè nulla tunc temporis Romani Pontificis autoritas fuit. Nam in eadem Epistola graviter obiurgat Iohannem Episcopum Constantinopolitanum, quod se Oecumenicum Episcopum appellaret. Et hoc fuit vnum ex illis decretis, quæ ipse soluta & abrogata esse ait. Tamen constat ex alia Epistola Iohannem nondum fuisse eo nomine privatum, sed in sua sententia persistisse. Quicquid ergo ipse solverit, vel fecerit, Iohannes eius auctoritatem non agnovit. Solvit ille quidem acta illius synodi, quantum in se fuit; interim Iohannes Episcopus Constantinopolitanus remansit idem qui prius fuit, & habitus est nihilominus Oecumenicus Episcopus. Ergo non statim soluta sunt omnia, quæ illi displicent. Et hæc quidem omnia Bellarmini argumēta sunt, levia, futilia, commemoratione indigna.

Ioannes de Turre cremata lib. 3. cap. 44. alia quædam argumenta habet, quorum hoc unum egregium est, quod nullo modo est prætermittendum. Christus est supra Concilium. Nemo negat. At Papa est Christi Vicarius; ergo Papa etiam est supra Concilium. Rectè. Sed si hæc consequentia sit firma, quidni etiam & ista. Christus est supra cælum & terram: at Papa est Vicarius Christi: ergo Papa etiam est supra cælum & terram. Vel ista. Christo commissæ est omnis potestas in cælo & in terra; at Papa est Vicarius Christi; ergo Papa
etiam

etiam similiter omnis potestas in cœlo & terra commissa est. Sed nego Papam alio modo esse Vicarium Christi, quam sunt alij Episcopi. Ambrosius in comment. in 1. Cor. 11. omnes Episcopos Christi Vicarios vocat. Verba eius hæc sunt. *Episcopus habet personam Christi, & est Vicarius Domini.* Imò Iacobatius in lib. 10. de Concil. artic. 7. in 6. argum. Papam non Christi tantum, sed & Dei Vicarium vocat, & sicut nō potest præscribi contra verum Deum, ita nec contra eius Vicarium præscribi posse ait. Præterea, Dei & Papæ esse idem unumq; consistorium affirmat, Papamq; esse quasi corporalem quendam in orbe Deum. Et reprehendit eos, qui Papam vocarunt Petri Vicarium. Hanc ait esse impropriam loquutionem, quia est revera (inquit) Vicarius Dei, & Christi. Sicut nullus exercere iurisdictionem potest in Deum & Christum; ita nec in Papam. Meræ blasphemie. Sed sic illi insaniūt. *Secundo loco* sic disputat Ioannes de Turre cremata. Papa dat authoritatē Concilij: ergo est supra Concilia. *Respondeo:* Non sequitur, vt qui dant aliquam authoritatem Concilio, ij sint supra Concilium. Sic enim Imperatores, sic omnes Episcopi erunt supra Concilium. Omnes enim Episcopi quodam modo addiderunt & detulerunt authoritatem Concilij. Sed forsan ille sic intelligit authoritatem Concilij dari à Pontifice Romano, vt sine illo Concilia non sint, quod falsissimum est. *Tertium* Cardinalis argumentum est huiusmo-

di. Romanus Pontifex dat esse & formā Concilijs, quia sine eius autoritate nullum habitum fuit Concilium, sed quę sine eius autoritate celebrata sunt, ea Conciliabula potius & conventicula, quā Concilia dicenda sunt: ergo Pontifex Romanus est supra Concilia. Sed falsum est antecedens. Fuerunt enim Concilia habita, quibus ille nullam auctoritatem dedit, & in quibus nonnulla illo invito & repugnante sancita sunt. *Quarto* sic disputat. Romanus Pontifex est rector Conciliorum: rector verò in quovis conventu est supra eos, quos regit, quod tamē omnes falsissimum esse intelligunt. Nam princeps senatus non est supra totum senatum, totamq; Rempublicam. Atq; omnes quidē rectores non esse supra eos, quos regunt, ex Parliamentis nostris facillē intelligi potest. Eiusmodi ferē sunt reliqua omnia, quę nobis in illo loco obijciuntur. Et de Adversariorum argumētis hactenus.

CAPVT. 3.

In quo nostra argumenta proponuntur..

Venio nunc ad causam nostram certis argumentorum præfidijs muniendam. Et nobis quidem in hac causa argumenta penē infinita suppetunt. Liceret enim mihi ex Adversariorū libris multa depromere. Sed paucis contentus ero. Non enim conabor numero, sed viribus, & argumentorum pondere certare.

Pri.

Primum nostrum argumentum sumitur ex verbis Scripturæ Matth. 18. 17. *Dic Ecclesia.* Ex quibus verbis sic argumentum instituo. Si Petrus ipse remittitur ad Ecclesiam, tanquam ad superius quoddam iudicium, & tribunal, & iubetur ad eam aliorum delicta & offensiones deferre; tum sequitur Ecclesiam Petro vel quocumque alio autoritate maiorem esse & superiorem. At primum verum, ergo & secundum. Assumptio disertis Scripturæ verbis nititur. Consequentia verò maioris patet ex Adversariorum confessione. Dicunt enim illi, Ecclesiam in Concilio representari: ergo si Ecclesia sit supra Papam, tum & Concilium. Sed respondet Ioannes de turre cremata Ecclesiæ Romanæ Cardinalis in lib 3. de Ecclesia cap. 46. per Ecclesiam non vniuersalem Ecclesiam, aut synodum, sed Episcopum significari. Sed *respondeo* hanc interpretationem apertissimè vel ex ipso loco & ex verbis contextus refelli posse. Nam si Episcopus ipse alium offenderit, & in alium peccaverit, vel si alius in eum peccaverit, eumque offenderit; quem tandem exitum habebit contentio ista ex hac regula Christi? Nam primò si Episcopus is sit, in quem frater peccat, si non acquiescat is qui peccat in Episcopi admonitione, debet ille vnum aut alterum testem adhibere; si ne tum quidem se emendaverit, debet Ecclesiæ dicere. Quid hoc cinè est sibi ipsi? at ille antea rem totam novit, fratrem admonuit, & duos aut tres testes adhibuit, nec ille in
cuius

eius admonitione acquiescere, aut ei auscultare voluit. Sequitur ergo iam ut ad alios non ad se ipsum rem totam deferat. Aut si Episcopus ipse alium offenderit, & illum primo admonuerit is quem offenderit, & postea duos aut tres testes adhibuerit, & adhuc Episcopus in peccato suo perstiterit, quid tum demum illi faciendum est? dicéne ipsi Episcopo? at ille erat, qui offenderat. Ergo fateamur oportet per Ecclesiam corpus multorum, non vnum Episcopum, cætum hominum, non unum aliquem particularem hominem intelligi. Et si particularis quæque Ecclesia maiorem authoritatem habeat in iudicijs, quàm Petrus, vel quivis homo particularis, tum multò magis universalis Ecclesia, quæ in Cōcilio generali repræsentatur. Sed iam Bellarminus respondet. Ille fatetur hoc præceptum tenere in alijs Episcopis, posse illos non à sua, sed ab altiori aliqua Ecclesia, cui Archiepiscopus, vel Patriarcha præest, qui ipsis maior est, iudicari: si verò Pontifex Romanus peccaverit, is solius Dei iudicio (inquit) reservandus est, quia non est vlla Ecclesia ad quam deferri possit. Sed respondeo: Christum generaliter loqui, Si frater in te peccaverit, quicūque ille tandem fuerit. Quicumque fuerit (inquit Bellarminus) excepto Romano Pontifice. Rectè: ergo ille non est frater: Sed per fratrem quivis Christianus intelligitur, sive huius sive illius Ecclesiæ fuerit: ergo modò Papa frater fuerit, aut Christianus, si in aliū peccet, est ad Ecclesiā deferendus,

dus, si aliter emēdari non possit. Papam verò ab hac delatione liberare, quid aliud est, quàm impunitatem quandam & peccandi immunitatem illi concedere, ut liberè possit in omnes peccare? At Christus hoc privilegium, non Pontifici Romano, non Petro, non ulli omnino homini concessit. Sed quid si Pontifex Romanus hæreticus fuerit, & multos fratres tum privatim tum publicè offenderit, nullumne remedium erit? Solent illi dicere, Ecclesiam in optimo statu esse, & Deum illi optimè in omnibus prospexisse. At certè in malo statu erit Ecclesia, nec illi Deus benè prospexit, si Pontifex Romanus, qui caput est Ecclesiæ, sit hæreticus, & corrigi non potest. Hæc ergo Christi regula generalis & perpetua est. Quicumque in fratrem suum peccaverit, is ad Ecclesiam deferendus est: at Papa peccare potest in fratrem suum: ergo Papa est ad Ecclesiam deferendus, & ab Ecclesia iudicandus, & si causa postulat, etiam condemnandus. Atq; hoc ipsi etiam Papistæ fatentur de Pontifice, si fuerit apertè hereticus, & in manifesta hæresi deprehendatur. At quid si occultus hæreticus erit, & multos offenderit, quid tū faciendum est? Certè hoc modo plus detrimenti Ecclesiæ afferet, alios ad suam opinionem alligando, quàm si apertus hæreticus esset. Aut est deferendus ergo, aut sinendus. Sinendum esse ne ipsi quidem Adversarii audent dicere. Ergo deferendus est. Ad quem scilicet? Num ad se? At ille est hereticus, nec vult corrigi. Ad synodū
ergo

ergo est deferendus. Tum autem est Papa, quādiu eius hæresis occulta est, ut ipsi fatentur. Ex quo constat synodi maiorem esse, quā Papæ auctoritatem. Sic igitur iterum insto ex hoc loco, & argumentum meum denuò repeto. Petro dicitur, *Dic Ecclesie*, hoc est, Petrus iubetur offensiones fratrum, & causam etiam suam ad Ecclesiam deferre: ergo Petrus & Petri etiam successores Papæ (quemadmodum se dici volunt) Concilio inferiores sunt, in quo Ecclesia representatur. Bellarminus duo respondet. *Primo* ait Petrum non tum fuisse summum Pontificem, cum hæc ei Christus diceret, sed hominem privatum. *Respondeo*: Fateor quidem non tum fuisse summum Pontificem. Sed quæro an tum fuit summus Pontifex, cum ei Christus dixit. *Tu es Petrus*, & *super hanc petram edificabo Ecclesiam meam*. Si nunc nō fuit, certum est ne tum quidē fuisse, quia hæc verba (*Dic Ecclesie*) longo intervallo sequuntur illa, *Tu es Petrus &c.*, & tum illa verba, *Tu es Petrus &c.* ad Petrum solum, & nō ad Pontificem pertinent. Sic nec tum fuit summus Pontifex, cum ei Christus diceret, *Pasce oves meas*, quia tum Christus ipse in terris fuit: at duo summi Pontifices simul esse non potuerūt. *Secundo* respondet Bellarminus, posse etiā summū Pontificem hæc omnia præstare. Nam primò potest eum qui peccavit corripere, & monere, deinde duos aut tres testes adhibere. Fateor. Sed tertium quo modo præstabit? Potest (inquit) excōmunicare, atq; hoc est Ecclesie dicere.

re. At excommunicare non est Ecclesiæ dicere hoc in loco, quæadmodum ex ipso contextu probari potest. Nam tum quandocumque aliquis ad Ecclesiam deferatur, ille statim excommunicatur. At Christus ait, *Si Ecclesiam non audierit, tum sit tanquam Ethnicus & Publicanus*. Ergo hoc toti Ecclesiæ prius est retegendum, & si Ecclesiā audierit, tum lucratus es fratrem, isque est in Ecclesiæ cōmunionē retinendus; si verò noluerit audire, tum demum est excommunicandus. Quare aliud est Ecclesiæ dicere, aliud excommunicare. Non est enim frater, qui peccaverit, ab Ecclesiæ corpore rescindendus, nisi prius Ecclesiæ auctoritatem contempserit. Atque hanc nostram sententiam veram esse, Adversariorum verò apertè falsam, non modò ex verbis contextus, sed ex ipsis etiam Papis constat. Sic enim Gregorius Papis lib. 4. Epist. 82. hunc locum interpretatur. Nam ad Iohannem Episcopum Constantinopolitanum scribens, ait se Dominicum præceptum servasse, monuisse illum per se, mississe etiā alios, qui illum monerent. Tum subiungit. *Sed quia in mea correptione despicior, restat ut Ecclesiā debeam adhibere*. Per Ecclesiam nō se vnum (opinor) intelligit, sed plures. Et cum hoc ait restare, significat hoc maioris momenti esse. Similiter etiam apud Gratianum causa 11. quæst. 3. capite, *Præcipue*, Nicolaus Pontifex ad Lotharium Galliarum Regem scribens, monet eum, ut cōmunionē Gualdræ pellicis vitaret. *Cave (inquit) ne duos aut tres testes adhibeamus iuxta Domini præceptum*,
imo

imo ne hoc sancta Ecclesie dicamus, & tu de cetero sis cunctis sicut Ethnicus & Publicanus. Ergo summum iudicium penes Ecclesiam, non penes Romanum Pontificem, aut vnum aliquem Episcopum esse constat. De hoc loco satis diximus, & argumentum nostrum ex eo conclusimus. Iterum nobis erit & saepius de hoc loco dicendum. Nunc igitur relinquo.

Secundum nostrum argumentum sic instituo. Ecclesia vniversalis dicitur mater fidelium, & Christianorum omnium, & hunc quidem honorem libenter illi deferunt Adversarij nostri. Quin & Scriptura eundem illi honorem tribuit Galat. 4. 26. *Hierusalem verò quæ sursum est, libera est, quæ est mater nostrum omnium*. Et huc afferre solent Adversarij locum illum, qui habetur Proverb. 1. 8. *Ne dimittas legem matris tuæ*, id est, Ecclesie, inquit illi. Ergo si Ecclesia est mater omnium fidelium, tum Papa est Ecclesie filius, si modò fidelis sit: at filius non est supra matrem: ergo Papa vt filius, Ecclesie vt matri suæ subesse debet. Quin & omnes Papatæ se Ecclesie filios agnoscunt, aut saltem agnoscere debent: ergo matris suæ maiorem debent authoritatem agnoscere, quàm filij cuiusquam. Matth. 23. 9. Christus ait, *Vnus est pater vester, qui est in cælis*: sic in terris vna Ecclesia est, quæ est mater Christianorum omnium, & ex consequenti, Papatæ: ergo Papa Ecclesie vt matri suæ obedire debet. Vnde Augustinus in sermone de Petro & Paulo; qui sermo sic incipit,
Filii

Filioli &c in hunc modum scribit. *Mater nostra* pariendo non discernit etates, ipsa genuit Petrum, ipsa parturivit & Paulum, ut ex lupo fieret agnus. Cum ergo Petrus Ecclesiæ filius sit, imò filiolus, ut loquitur Augustinus eo in loco; necesse est eum matri auscultare, eiusque authoritati se subijcere. Et Anacletus Papa apud Gratianum causa 12. quæst. 2. capite, *Qui abstulit*, sic loquitur. *Mater nostra Ecclesia est.* Et Bernardus lib. 4. de considerat. ad Eugen. sic scribit. *Consideres Ecclesiam, cui præes, matrem esse, non dominam, & te non dominum Episcoporum, sed unum ex eis.* Ergo cum Ecclesia mater sit, & in omnes suos liberos maternam quandam iurisdictionem & dominationem habeat; eâ inferiores esse filios eius omnes necesse est. Etsi enim in rebus politicis nonnunquam vsuvenire soleat, ut filius matris dominus sit, quia leges quarundam Gentium prohibent mulierem imperare (sic enim Salomon matre sua Bethshebâ superior fuit, illiusque dominus, ut patet. 1. Reg. 2:) tamen hoc in Ecclesia locum non obtinet. Nam Ecclesia non tantum mater est, verumetiam Domina & Regina, & perpetua quidem Regina. Quare si Papa vult esse supra Ecclesiam, non est is certè Ecclesiæ filius.

Iam ad tertium nostrum argumentum venio, quod sic propono. Aut est maior authoritas in Concilio, quam in Papa, sive in vno aliquo homine, aut Concilia frustra indieta & congregata sunt: at hoc falsum, nam propter necessarias causas

causas congregantur Concilia : ergo maior est Concilij quam Papæ aut vnius cuiusquam hominis autoritas. Consequētia patet. Nam plures congregantur , quia plures requiruntur. Quemadmodum enim in Republica, cū hosti communi est resistendum, ad vim eius repellendam plures concurrant necesse est ; vis enim coniuncta (vt aiunt) fortior est : ita in Ecclesia, cū est de rebus communibus deliberandum, quæ ad totam Ecclesiam pertinent , & cū aliquid eiusmodi incidit , quod ab vno aliquo aut paucis transigi non potest ; cumque leges eiusmodi promulgandæ sunt, quæ ab vno aut paucis sanciri non possunt, tū Concilium convocatur , vt commune Ecclesiæ periculum communi præsidio possit depelli. Sic in nostra Republica, vt etiam in alijs , cū aliquid auctoritate communi sancendum & decernendum est, quod sine ea decerni non potest, cōmune Concilium convocatur, quod nos Parlamentum vocamus. Res privatæ privatim transiguntur, publica verò negotia publicum conventum requirunt, in quo tractentur. Frustra quidem convocarentur Parlamenta nostra, si ab vno aliquo leges illæ condi & constitui possent, quæ ab ipsis conduntur. Sic si Pontifex aut quisvis vnus homo posset omnia in Ecclesia gerere pro suo arbitratu, & leges, quas velit, condere, easdemque etiam cū velit, rescindere, & abrogare; si posset ipse evertere, quicquid in Concilio sancitur, & sancire quod nullius Concilij auctoritate rescindi

scindi potest, frustra quidem Concilia congregarentur, nullus planè illorum usus esset. Ergo ex ipsa ratione & fine congregandi Concilia, constat maiorem esse Concilij, quàm Papæ, aut unius cuiusquam hominis autoritatē.

Quartum nostrum argumentum est huiusmodi. Si summi Pontificis apud Iudæos sub veteri Testamento non fuit maxima autoritas, tum nec apud Christianos sub novo Testamento, si quis talis apud illos sit summus Pontifex (nam ex illorum suppositione disputo, non ex rei veritate:) at non fuit maxima potestas summi Pontificis in veteri Testamento: ergo nec est Papæ in novo. Consequentia patet, quia ut in novo Testamento autoritas omnis Ecclesiæ & Episcoporum est à Deo: sic in veteri Testamento summum Pontificem Deus instituit, vt patet Exod. 28. Et quidem vt summus Pontifex apud Iudæos à Deo constitutus est; ita si Papa summus Pontifex sit inter Christianos, eum à Deo constitutum fuisse necesse est. Sic par erit vtriusque autoritas. At in rebus dubiis & controversijs non ad vnum Pontificem sed ad sacerdotes Levitici generis, id est, ad Cōcilium sacerdotum mittuntur Iudæi Deut. 17. 9. Et summus Pontifex fuit aliquatido à civili magistratu abdicatus, vt Abiathar à Salomone, non propter hæresin, quo casu Papam deponi posse concedunt Adversarij, si modò hæresis aperta fuerit, sed quia cum Adonia conspirasset, & se aliter, quàm fidelē subditū decuit, gessisset,

ut patet 1. Reg. 1, & 2. Si de eo Pontifice, quem Deus ipse constituit, hoc factum est; quid de Romano Pontifice fieri oportet, quem Deus non constituit, quicquid non est planta, quam Pater cælestis in agro suo, sed quam inimicus homo plantavit.

Quintum nostrum argumentum sic se habet. Si plenitudo potestatis sit penes Ecclesiam, non penes Papam, tum constat illius maiorem authoritatem esse quam Papæ: at primum verum: ergo & secundum. Consequentia patet; de assumptione igitur videamus. Per plenitudinem verò potestatis hoc in loco, non eam potestatem intelligo, quam Christus ipse habuit, sed summam authoritatem illam, & iurisdictionem, quam Christus Ecclesiæ suæ reliquit. Hæc autem potestas omnis consistit in ligando & solvendo, in claudendo & aperiendo, in retinendo, & remittendo. Hæc quidem authoritas Ecclesiastica singulis Episcopis convenit, sed accidentaliter, & secundariè, & minùs principaliter; Ecclesiæ autem primariò, principaliter, & essentialiter competit. Nam si hæc potestas omnis in Papa esset, aut penes vnum aliquem hominem principaliter, & essentialiter, tum illo mortuo interiret, & sic Ecclesia eam prorsus amitteret. At non interit, quantumvis millies Pontifex mortuus fuerit, sed apud Ecclesiam remanet, sine qua Pontifex ne vivus quidem ullam huius authoritatis partem haberet. Hæc enim vera apud Philosophos regula est. Cum virtus aliqua

qua duobus inest, uni necessario & essentialiter, alteri contingenter & accidentaliter; principalius inest ei, cui necessario & essentialiter inest, quam ei cui contingenter tantum & accidentaliter convenit. Ut calor magis principaliter igni, quam aquæ inest, quia inest aquæ gratia ignis. Sic cum hæc iurisdictio & potestatis plenitudo in Ecclesiā necessario & primario, in Papā non nisi secundario per Ecclesiā conferatur: manifestum est eam in Ecclesia magis esse, quam in Papa. Christus enim Ecclesiam supra se fundavit, ille petra erat, Ecclesiæ claves tradidit, Ecclesiæ dixit, *Ero vobiscum v'q; ad consummationem mundi*, & *Accipite Spiritum sanctum, sicut me misit Pater, ita ego mitto vos*. Omnia illa eximia privilegia Ecclesiæ tribuntur, non vni alicui particulari homini; & si nullus esset Papa per multos annos; tamen Ecclesia non periret, sed istam iurisditionem plenam retineret. Quare cum Ecclesiæ hanc potestatem primario datam esse constet, Papæ verò non nisi secundario & per accidens, cumq; Ecclesia in Concilio representetur: necesse est Concilium supra Papam esse.

Venio nunc ad *sexum* nostrum argumentum, quod est huiusmodi. Imperator à Concilio iudicari potest. Hoc dabunt, procul dubio, Adversarii, & multis Conciliis hoc ab illis factum esse legimus, quam rectè, non dico, sed illi certè Imperatorem Concilio subiiciunt. Inde ego concludo Papam etiam à

Concilio iudicari posse . Qui verò iudicare alium potest, illo est superior ; ergo Concilium est Papâ superius. Cōsequentia patet. Nam qui vincit vincentem te , is etiam vincet te ; ergo si Concilium potest iudicare eum, qui Papam iudicat , nempe Imperatorem , tum multo magis potest Papam iudicare. Imperatorem verò posse Papam iudicare constat. Nam fecerunt id olim Imperatores , quando verè Imperatores erant , & quando Episcopi Romani erant verè Episcopi , hoc est, non Antichristi , & tyranni. Sed fingamus, id quod Adversarij volunt, Papam esse Christi Vicarium ; tamen non est supra Imperatorem. Christus enim ipse , ut homo , cū in terris versaretur , inferior Imperatore fuit, seque ei libenter submisit. At Papa, opinor, non maiorem sibi auctoritatem vindicabit, quā habuit Christus. Ioan. 19. 11. Christus ait Pilato. *Non haberes potestatem adversus me ullam, nisi hoc tibi datum esset supernè.* Et Mat. 17. in fine legimus, Christum tributum etiam Imperatori solvisse. Et si enim erat ex stirpe Regia, & sic iure non debuit tributum solvere : tamen quia sceptrum iam translatus erat , & tyrannide iam illud regnum occupārant Romani, ne illos offenderet, solvit pro se & Petro tributum, in cuius tunc ædibus versabatur. Imò Papæ etiam ipsi fatentur , se debere Imperatori tributum solvere. Sic enim legimus apud Gratianum causa 11. quæst. 1. capite, Si tributum. Vbi Papa ipse ait. *Si Imperator petat tribu-*

tum, non negamus. At qui tributum solvit, non habet tantam auctoritatem, quantam is cui tributum solvitur, sed eo minor est, quemadmodum Apostolus probat Hebr. 7. Melchisedechum maiorem fuisse Levi, quia Levi in Abrahamo Melchisedecho decimas solvit. Et omnes Apostoli erant Imperatoribus subditi, nam hac in re omnes pares fuerunt. Paulus ad Cæsarem provocavit Act. 25. 11. Et Rom. 13. 1. ait. *Omnis anima potestatibus supereminentibus subdita sit.* Sed de auctoritate Imperatoris & Papæ inter se collata postea erit suo loco dicendum.

Septimum, nostrum argumentum sic se habet. Maioritas ista (nam utendum est ijs verbis, quibus Adversarij in hac causa utuntur, ut melius ab ijs intelligamur) potest multis modis considerari: ergo quærendum est, quo tandem modo Papa sit Concilio maior. Nam 1, Si clavium maioritas intelligatur, ex æquo claves omnibus Apostolis commissæ sunt, & revera nō uni cuiquā homini singulari, sed ipsi Ecclesiæ datæ sunt claves. Nam Petrus Ecclesiæ personam gessit, ut multis in locis affirmat Augustinus, cum illi se Christus claves daturum esse promitteret: ergo in Petro Ecclesiæ tributæ sunt claves. Et Papā mortuo hæ claves in Ecclesia remanent, sed Papa nullas claves habet siue Ecclesia. Petro verò claves promittuntur nominatim, non quòd is caput futurus esset Ecclesiæ, aut reliquorum omnium Apostolorum

Princeps, sed ad declarandam Ecclesiæ unitatem, ut idem Augustinus docet. Et ante Augustinum Cyprianus in lib. de Simpliciter. Prælatorum, in hunc modum scribit. *Hoc erant alij Apostoli, quod Petrus, pari consortio præditi honoris, & potestatis. Quæ ergo fuit Petri autoritas, quam reliqui Apostoli non habuerunt? Et Hieronymus ait, Christum post resurrectionem Apostolis parem potestatem tribuisse.* Nam quod Petrus fuisse primus dicitur apud Patres, fuit ille quidem primus in societate Apostolorum, non autem autoritate, aut superioritate ulla. Paulus enim illum reprehendit, ut patet Galat. 2. & ait se nihil ab illo aut reliquis Apostolis accepisse, hoc est, nulla in re illis inferiorem fuisse. 2. Si maioritas dignitatis intelligatur, Ecclesia multo est dignior, quam Papa. Nam ipsi Papæ propter Ecclesiam institutum esse fatentur, non è contra Ecclesiam propter Papam. Et certè propter Ecclesiam institutus est Papa, si institutus est omnino. Præterea Ecclesia est corpus Christi, Papæ verò membrum tantum, at corpus totum vno membro dignius est. 3. Si maioritas stabilitatis intelligatur, Papa non est supra Ecclesiam. Nam stabilior multo est Ecclesia. Papa enim potest cadere & deficere, vel quando moritur, vel quando se suo munere abdicat, vel cum de sua sede per vim depicitur: at Ecclesia deficere non potest, quæ est perpetua, & omnibus regnis terrenis diuturnior, ut patet Daniel. 2. & Luc. 1. *Regni eius non erit finis.* 4. Si maioritas

ioritas meritorum intelligatur, Papa sæpe impius est; at Ecclesia est casta & incorrupta, & quanquam non meretur aliquid (ut volunt Adversarij) tamen bonis operibus abundat. 5. Si maioritas assistentiæ Spiritus sancti, & Christi regentis Ecclesiam intelligatur: de Ecclesiâ, non de Papâ dictum est, *Ero vobiscum usque ad consummationem seculi*. Origenes in Rom. 15. annotat nulli Apostolorum dictum esse singulariter, & nulli fidelium, *Ero tecum*, sed multitudini Ecclesiarum pluraliter, *Ero vobiscum*. Unde futurum perpetuò cum Ecclesia Christum intelligimus. Et Christus non uni alicui, sed multitudini credentium paraclêtum promittit, qui cum eis permaneret, & non sineret errare. Et de septimo argumento hæctenus. Nunc restat ut alia argumenta persequamur, quibus Concilij suum ius vindicatur.

Octavum nostrum argumentum sic propono. Papa errare potest: at Ecclesia universalis, & Concilium Oecumenicum (quod Catholicâ Ecclesiam repræsentat) non potest errare: ergo Papa est Concilio minor. Ratio patet. Qui enim non potest errare, is maiori autoritate præditus est, quàm qui errat. Habet enim gratiam sibi maiorem datam, & maiora nactus est privilegia. Et quis non videt melius certiusque esse iudicium illud, quod ab errore omni liberum est, quàm quod errori est obnoxium. At verò Papa errare potest, Ecclesia verò Catholica non potest, aut Concilium, quod Ecclesiam

Catholicam representat. Iam enim vtor Adversariorum principiis, non quòd ipse ita existimem, sed ex illorum hypothese contra illos disputo. In hoc argumento distinguo Papam à Concilio, quod omnino in hac disputatione fieri oportet, quia inter Papam & Concilium comparatio instituitur. Antecedens etiam patet. Nam Papa nec vt privata persona, nec vt Episcopus, nec vt Ecclesiæ Romanæ Pontifex, à errore liberatur. Nam privati omnes homines possunt errare, & hoc de Papa concedunt Adversarij, illum nempe, vt est singularis & privatus homo, errare posse, non autem, vt est Episcopus. Verum ne vt Episcopus quidem est ab errore immunis. Semper enim vera erit Apostoli sententia, quæ habetur Heb. 5. 2. omnem Pontificem ex hominibus assumptum cõdolere posse ijs qui ignari sunt, & qui errant, *ἐπὶ τῇ αὐτοῦ σείκυντι ἀδυναμίᾳ, quòd & ipse circumdatus sit infirmitate.* Retinet ergo Pontifex eandem generis humani infirmitatem, quam habuit prius, cum non esset Pontifex, nō liberatur à communi infirmitate. Ergo si privatus potuit errare, etiā Episcopus factus errare potest. Verum forsitan vt Romanæ Ecclesiæ Episcopus errare non potest. At & hoc etiam manifestū est. Quid enim? nonne Petrus ipse erravit, cum nō incederet recto pede ad Evangelium? Galat. 2. Quid enim aliud est non incedere recto pede, quam à recta sententia aberrare? Et nōne egregie erravit, cum existimaret Evangelium non esse

esse Gentibus communicandum? Act. 10. Certe nihil ab instituto Christi alienius esse potuit, quam Gentibus Evangelium invidere. Sed quid hic multis opus est? Ipsi Adversarij concedunt Papam in hæresin incidere posse, & hæreticum esse, nisi hoc fortasse non sit errare, quod, opinor, non dicent. Ergo postquam Episcopus Ecclesie Romanæ factus est, potest errare. At reliqua Ecclesia non potest nō modo errare, errore nēpe mortifero & capitali. Nam est super petram fundata, & portæ inferorum non possunt adversus eam prævalere, at si erraret, prævalerent. Sic ergo disputo. Papa non fundatur super petram. Fixi enim sunt, qui in petra fundantur, ut non possint finaliter cadere; Papa vero finaliter cadere potest, potest enim in hæresin incidere, & eandem ad mortem usque mordicus retinere. Ergo nō tantum authoritatis habet, quantum Ecclesia, quæ in petra fundatur. Et multo quidem minus Papa est illa petra, super quā Ecclesia fundatur & ædificatur, quia tunc Papam factum hæreticum Ecclesia rueret. Atque hic obiter observanda est Adversariorum stupiditas & incogitantia. Volunt enim Papam esse petram & fundamentum Ecclesie, quem tamen intelligunt & fatentur posse in hæresin incidere, & a portis vinci inferorum. Qualis quæso erit illa Ecclesia, quæ tali fundamento nititur?

Non nostrum argumentum est huiusmodi. Papa est membrum Ecclesie: ergo est minor suo toto; & pars Concilii, ergo minor est toto
Con-

Concilio. Consequentia patet. Nam ratio docet, non esse tantum potestatis vni membro, quantum omnibus, totiꝑ; adeò reliquo corpori. At Papa est nisi unum membrum Ecclesiæ. Nam Ecclesia Catholica est vnum integrum & totū corpus, & ipsa Romana Ecclesia, cuius ille est Episcopus, est eiusdem membrum (loquor nūc de ea, ac si esset vera Ecclesia:) ergo multò magis ille membrum est. Si enim partis sit pars, totius pars sit necesse est. Cyprianus in lib. de Simpliciter. Prælatorum, sic scribit. *Vnus est Episcopatus, cuius à singulis in solidum pars tenetur.* Ergo etiam si daremus Romanum Pontificem esse digniorem & maiorem reliquis singulis Episcopis in Ecclesia; non tamen sequitur eum esse ipsā Ecclesiā digniorem. Nam multum interest, utrum dicas, est maior & dignior in Ecclesia, an sic, est maior & dignior Ecclesiā, quia in priori comparatione membrum cum membro, seu pars cum parte comparatur, in posteriori verò membrum seu pars comparatur cum toto corpore. Papā autem esse membrum Ecclesiæ quis dubitat, si pius fuerit? Gregorius lib. 4. Epist. 82. sic scribit. *Certè Petrus Apostolorum primus, membrum sanctæ & universalis Ecclesiæ est.* Et addit. *Sancti ante legem, sancti sub lege, sancti sub gratia, omnes hi in membris Ecclesiæ sunt constituti.* Bellarminus in responsione ad hoc argumentum (nam reliqua non proposuit) nugatur. Sic enim scribit. Vel accipitur Ecclesia cum Papa, vel sine Papa, quando colligitur, ergo Papa,

ut membrum, est minor Ecclesiâ, quæ est totum. Si accipiat (inquit) Ecclesia sine Papa, falsum est illam esse totum: non enim est totum, sed pars, & quidem maior, quam caput. *Respondeo*: Si Ecclesiam sine Papa acciperemus, non diceremus Papam esse Ecclesiæ membrum, sed nos vnum membrum seorsim sumimus, & distinguimus à reliquis, quæ vnum totum constituunt. Ergo cum Papa non nisi vnum membrum sit, non potest esse maior toto. At est caput (inquit) & caput in corpore etsi sit minor pars magnitudine molis, quam est totum reliquum corpus, tamen magnitudine virtutis sive authoritatis maior pars est, ut patet in quolibet corpore. Sed *respondeo* 1: Papam esse caput Ecclesiæ, sumit ille tanquam sibi concessum, quod est falsissimum. Est vnus Episcopus, & si pius esset, ac Catholicus Episcopus, & verus Pastor gregis Christi, esset membrum Ecclesiæ Catholicæ, sed non caput. Ergo cum nullo modo maior sit reliquo toto corpore, non dubium est, quin illo sit inferior. Quis enim manui vel pedi, aut vni digito manus vel pedis plus tribueret, quam toti corpori? At perinde certè faciunt, qui Papam supra Concilium statuunt, quiq; illi plus tribuunt, quam toti Ecclesiæ, eumq; totâ Ecclesiâ maiorem faciunt. Loquimur hic de Papa, quemadmodum est membrum distinctum à reliquo corpore Ecclesiæ. 2. Si hoc daretur, Papam esse aliquo modo Ecclesiæ caput, tamen non haberet maiorem potestatem, quam

quàm totum . Nam etiam si in corpore caput habet maiorem virtutem, quàm totum, tamen Papa non esset eiusmodi caput, hoc est, caput naturale, sed politicum, vt Rex quisque est in suo regno. Caput enim diceretur propter externum duntaxat regimen, non propter arcanam influentiam. Iam verò in politico capite non est tanta vis, quanta est in toto reliquo corpore. Dictus est Saul olim caput omnium tribuum Israel, & cōcedi hoc potest cuivis Regi & Principi, vt caput Reipublicæ, & populi sui dicatur, tamen non plus potest Rex, quàm totum reliquum corpus populi, non inodò si ab illo omnino separetur (nam tum nihil facere potest) sed si coniungatur cum illo, sic tamen vt ab illo distinguatur, & dicatur esse caput huius populi, quasi totius corporis, hīc populus plus, quàm Rex, potest. Et si enim singulis magistratibus, qui populo præsunt, maior sit, tamen toto populo non est maior. Et quidem Rex bonus id potius faciet, quod toti populo visum est, quàm quod sibi ipsi. Ita si esset Pontifex Romanus caput Ecclesiæ, tamen cū politicum caput esset, minor esset tota Ecclesia. Nam Bellarminus ipse concedit aliud esse iudicium de corpore Ecclesiæ, & de corporibus naturalibus: ergo Papa non est caput naturale Ecclesiæ. Nectamen naturale caput est omnino maius suo toto. Nō enim debet, nec potest, sibi id sumere, quod ratio non patitur, aut aliquid aggredi, quod manus, pedes, viresque corporis præstare non possunt,

sunt, alioqui ineptè faciet, & toti tandem corpori interitum afferet. At obijcit Bellarminus. Si Papa sit minor Ecclesiâ, quia est pars Ecclesiæ; tum Christus, qui est caput & pars Ecclesiæ, non est maior Ecclesiâ totâ. *R. spondeo* 1: Christo quidem homini datum esse, ut sit caput Ecclesiæ, non autem humanitati Christi in abstracto. Non enim Christotribuendum hoc est, quatenus homo est tantum, sed quatenus Deus & homo est simul, quatenus est unum ^{verumque} ex divina & humana natura simul constans. Nam caput Ecclesiæ & hominem & Deum esse oportet, unde Papam non posse esse Ecclesiæ caput constat, cum sit homo solus. Caput enim debet corpori salutem procurare: at salus omnis Ecclesiæ à Deo manat: Deum ergo oportet esse, qui est Ecclesiæ caput. Cum igitur Papa se Ecclesiæ caput vocat, quod Dei proprium est, sibi vendicat, cumque Adversarij nostri illum Ecclesiæ caput constituunt, in Deum ipsum blasphemari sunt, quia divinam naturam Papæ affingunt. 2. *R. spondeo*: Christum sic esse Ecclesiæ caput, ut nullo modo possit in reliquis membris censerì, & numerari. At Papa, si daremus eum caput esse, ita tamen est caput, ut alterius respectu, nempe Christi, non nisi membrum sit. Etsi ergo Christus, Ecclesiæ caput, maior est Ecclesiâ, cum Deus sit, cumque sic caput sit, ut non sit membrum: tamen hoc Papæ non conveniret, etsi esset caput. Ergo negare Papam esse toto minorem, quia Christus non est toto minor,

nōr, blāspheṃa comparatio est.

Nunc ad postremum nostrum argumētum veniamus, quod ex historijs sacris & Ecclesiasticis petemus. Ergo videamus primò quantam Petro Scripturæ tribuant auctoritatem. Quæquamne in Scripturis habetur, vnde colligi potest, maiorem fuisse illius auctoritatem, quam totius collegij Apostolorum, & ipsius Ecclesiæ? Minimè verò. Multa quidem de Petro legimus, sed nihil eiusmodi. Imò ubicunque mentio facta est Petri, si locum paulò penitius introspicimus, nihil illi tributum inveniemus, quod non alijs Apostolis conveniat. In primò capite Actorum cōgregatos fuisse Apostolos legimus. At nihil ibi tribuitur Petro singulare, nihil proprium, nihil peculiare. Non enim unus Petrus, sed tota Ecclesia Matthiam elegit in locum Iudæ, vt patet ex vers. 23. vbi non dicitur, statuit Petrus duos, sed *statuerunt duos*, ἔστησαν δύο, scilicet omnes Apostoli, & vers. 26. ἔδωκεν ἑκάστῳ μέρος, *sece- runt sortes*. Similiter Act. 6. cū Apostoli convenirent, vt Diaconos eligerent, nihil Petrus ipse solus fecit: Nam primò ipse solus non congregavit discipulorum multitudinem, sed omnes duodecim Apostoli, vt legimus vers. 1. *οἱ ἀποστόλοι δὲ οἱ δώδεκα τὸ πλῆθος τῶν μαθητῶν, ἑώραν*, *Itaque duodecim illi advocata discipulorum multitudine dixerunt*. Nec ipse unus elegit & designavit Diaconos, sed tota multitudo discipulorum, vt patet vers. 5. idque in conspectu non solius Petri, sed omnium Apostolorum, vt patet

tet vers. 6. Nec ille solus electis & designatis manus imposuit sed omnes Apostoli, vt ex eodem versu patet. Si Petrus Papa fuisset, ille solus nominasset, elegisset, designasset, & solus etiam nominatis, electis, ac designatis, manus imposuisset. Sic Act. 8. 14. Apostoli miserunt Petrum & Ioannem Samariam, quod quidem evincit maiorem fuisse in collegio Apostolorum, quam in Petro authoritatem. Si Petrus Papa fuisset, non missus fuisset ab Apostolis, sed ille potius misisset aliquem ex Apostolis. Sed hic caluniantur Adversarij, & dicunt maiorem aliquando mitti ab ijs, qui authoritate inferiores sunt, vt Rex dicitur mitti aliquando ad bellum à Consiliarijs. Ioannes de Turre cremata lib. 2. cap. 14. summæ de Ecclesia, ait Petrum fuisse ab Apostolis missum, non authoritatis imperio, sed providentiæ consilio. Alij Papistæ dicunt consultativè missum fuisse, non authoritativè. Ita fingunt illi Apostolos omnes Petrum rogasse & obsecrassse, vt ipse non dedignaretur Samariam ire. Respondeo: Quis sic loquitur, Regem mitti à consiliarijs: ire sua sponte dicitur, vel rogari, suaderi, moneri à viris primarijs Reipub. vt eat, non mitti. Nam missio semper quandam potestatem arguit. Senatus apud Romanos consules misit, quia maior authoritas senatus, quam consulum fuit. Sic prætor mitti potest à municipibus, quod arguit maiorem esse totius municipij authoritatem, quam vnius prætoris. Ita hîc pertè scribit Lucas, ἀπέστειλαν αὐτοὺς τὸν Πέ-

τὸν πέτρον, miserunt ad illos Petrum, scilicet Apostoli,
 non ait petijisse, ut iret. Ista missio minorem fu-
 isse Petri auctoritatem arguit, quam omnium
 Apostolorum. Semper enim verum erit illud,
 quod Christus ait Ioan. 13. 16. *Qui mittitur,*
non est maior eo, à quo missus est. Missus verò Pe-
 trus est, miserunt Apostoli: ergo Petrus non
 fuit maior omnibus Apostolis. Verum si Ad-
 versarij contendunt, missum fuisse Petrum, pro-
 videntiae tantum consilio, non auctoritatis im-
 perio, vel, ut aliqui illorum loquuntur, consulti-
 vè, non authoritative, quid tandem de Ioanne
 respondebunt? Num similiter Apostolos obse-
 crasse & rogasse illum dicent, ut Samariam iret?
 nam ille fuit Petri collega in hac legatione. Sit
 enim legimus hoc in loco, ἀπέστειλεν οὗτος ἀντὶ
 τοῦ Πέτρου καὶ Ἰωάννου. *Miserunt ad illos Petrum &*
Ioannem. Nihil ergo hic de Petro possunt com-
 minisci, quod non idem sit Ioanni tribuendum.
 Miserunt enim non Petrum tantum, sed Ioan-
 nem, & ut Ioannem, sic Petrum. Nam idem
 modus fuit mittendi utrumq; , quemadmodum
 coniunctio, καὶ, indicat. Ergo ut Ioannes minor
 fuit toto reliquorum Apostolorum cætu, sic
 Petrus. Sed obijcit Ioannes de Turre cremata
 loco suprâ citato hoc Arianorum fuisse funda-
 mentum, quo nos utimur; ergo Arianis favere,
 qui sic disputant. Nam eodem planè modo (in-
 quit) ratiocinabantur illi. Christus fuit missus à
 Patre: ergo fuit Patre minor. *Respondео:* Chri-
 stus, quatenus à Patre missus est, fuit illo inferi-

rior, & minor. Missus enim est, quatenus fuit incarnatus, & hoc modo Patris servus & Angelus fuit, licet alioqui naturâ per omnia æqualis. Atq; hoc est quod ait, *Pater meus maior me est*. Cōparare hac in re Papam cum Christo, palam & apertè blasphemum est. Iam verò Petrus à collegio Apostolorum missus, obsecutus est statim eorū volūtati, & vnâ cum Ioanne Samaritam profectus est. At si Papæ similis fuisset, vel, vt Adversarij volūt, Papa ipse, aliter fecisset. Mississet enim aliū, vel saltē collegā non admisisset. Act. 11. Petrus cogitur se purgare, & reddere rationē Evangelij à se Gētibus communicati, & in capitis quodammodo iudicium vocatur. Nūc ausa fuisset Ecclesia tantum in se suscipere, vt de rebus à Petro gestis iudicaret, & illum quasi in quæstionem vocaret, si eum pro capite Ecclesię habuisset? Minimè verò. Neque recusat Petrus illorum imperium aut iudicium, sed causam suam illis diligēter exponit, facti sui rationem reddit, & se apud illos officiosissimè purgat. Nihil igitur Pontificium sibi assumit. Nam si fuisset tam ambitiosus, quàm nunc Papæ sunt, nunquā hoc fecisset. Act. 15. in Concilio Apostolorum nihil legimus, quod Petrū Papā fuisse, & Cōcilio superiorem, probat. Non condit ille decretū, nam factum est decretum non Petri solius, sed omniū Apostolorum nomine, nec à Petro solo sentētia fertur, nā videtur potius Iacobus sentētiā pronunciāsse, cum dixit, *οὐδὲ ἐγὼ ἄρρω, Quare ego iudico*. Gal. 2. legimus sic fuisse Petrū à Pau-

lo tractatum, vt palàm constet Paulum non agnovisse illum pro superiori, aut pro capite, quo etiam in loco idem Paulus Iacobum & Ioannē Petro exequat. Deniq; si omnia legamus, evol-
vamus, repetamus, & ad vivū quasi refecemus, quæ in Scripturis de Petro vsq̃iam prædican-
tur, inveniēmus cum singulis Apostolis parem, vniversis inferiorem fuisse, superiorē verò nus-
quam, aut singulis seorsim, aut vniversis coniun-
ctim, extitisse legemus. Sed hac de re erit nobis
postea fusiùs dicendum, cū de primatu Ro-
mani Pontificis disputabimus. Sic ergo Scrip-
turæ de Petro prædicant: iam verò ad historias
Ecclesiasticas, & ad tempora subsequētia ve-
niamus. Gratianus causa 8. quæst. 1. capite, *Si
Petrus*, affirmat ex Epistola Ioannis tertij, Pa-
pæ, Petrum morte ingruente Clementem sibi
successorem elegisse, Clementem verò cum vi-
deret, quòd esset perniciosum exemplo, si quis
eligeret successorem suum, renunciâsse Papa-
tui, & tunc electum fuisse Linum, eo mortuo e-
lectum fuisse Cletum, quo mortuo denuò Cle-
mentem electum fuisse, atque hinc fieri, quòd
aliquæ historiæ Petro Linū, aliæ Clemētē prox-
imē successisse dicant, vnde de Clemente versus,

Disputat hic mundus, quartus, fueritve secūdu.

Sic Gratianus. Sed authores aiunt Apostolos
illam Petri electionem abrogâsse, & Clemētē
ab illo electum abdicâsse, eiusque loco Linum
elegisse, & postea Cletum, & quarto loco Cle-
mentem. Quod si verum sit, maior Apostolo-
rum,

num, quàm Petri authoritas fuit, qui illud rescindere potuerunt, quod Petrus statuerat. Sed de successore Petri scriptores non consentiunt. Quare nos hoc totum in medio relinquemus. Nicenum Concilium primum canon. 5. tulit legem contra appellationes. Statuit enim non licere cuiquam Episcopo vel Christiano ab vna Ecclesia ad aliã, aut ab vno Episcopo ad alium provocare. Ergo præscribit Concilium leges etiam Pontifici Romano. Præterea can. 6. eiusdem Concilij legimus, singulis Patriarchis & Metropolitibus Provincias suas à Concilio assignatas fuisse, quod arguit Concilij maiorem fuisse, quàm cuiusquam Episcopi, etiam quàm ipsius Papæ, authoritatem. Num enim Conciliū tantum in se suscepisset, vt Ecclesiam distribueret, & quasi dispartiretur, & suam cuique partem assignaret, si Papa Ecclesiæ caput fuisset? Imò Papa ipse hoc fecisset, non Concilium: at ille non fecit, sed Concilium: ergo Concilium fuit supra Papam. In Concilio Syrmientiensi, de quo scribit Sozomenus lib. 4. cap. 15. statutum est, vt Liberius & Fœlix simul Romanam sedem & Ecclesiam administrarent, & literę missę sunt Fœlici à Patribus illius Concilij, vt pateretur Liberium sibi in sua administratione socium esse. Hic Adversarij se expedire non possunt. Quid enim respondebūt? Vter tum Christi vicarius fuit? an Liberius? at ille subscripserat Ario: num Fœlix? at ille Liberio contra ius eiectio successerat: ambone? at duo simul Christi vica-

rii esse non possunt. Sic caruit Ecclesia capite, & Christus vicario, ad tēpus. Sed Concilio sic placuit: ergo Conciliū supra Papā & supra Ecclesiā Romanā fuit. Bellarminus duo respondet. *Primo*, Concilium non iussisse, sed hortatum tantum esse Fœlicē per literas, ut pateretur secum simul sedere Liberium. *Resp.* De literis exhortatorijs Sozomenus nullam mentionem facit. Ait tantum, *γράφει φιλικά, &c.* Et has fuisse literas mandatorias patet, quod aliās Fœlix nunquam concessisset. Sed Theodoretus disertē ait lib. 2. cap. 17. Regem iussisse, ut Liberius *κοινῶν* cum Fœlice Ecclesiam Romanā regeret: ergo nō Cōcilium tantum, verumetiā Imperator fuit supra Papā. *Secundo* ait Bellarminus, illud Cōcilium præcipuē Arianorum fuisse, & nullius momēti. *Resp.* Sane fateor aliquos interfuisse Arianos huic Cōcilio, sed tamē multū ibi fuerunt Catholici Episcopi. Nec si plures ibi fuerunt Ariani, quā Catholici, hæreticū & nō legitimū fuisse illud Conciliū sequitur. Nā hæc non fuit quæstio de Arianismo, nec vlla fuit pars Arianæ hæreseos, negare Romanū Pontificē esse caput Ecclesiæ. Ariani nihil Romano Pontifici detrahebāt, aut Ecclesiæ Romanæ, quod existimabant ad eos iure pertinere. Quod autem isti duo simul Ecclesiam Romanā rexerint, patet ex Sozomēno ibidē. Ait enim paulō pōst, Fœlicē esse mortuū, & sic solum Liberiū rexisse. Hinc intelligimus Papam olim, & Imperatori, & synodo subditū fuisse. Et neq; Fœlix neq; Liberius huic Con-

hij decreto reclamatione, imò apud Theodoretum populus clamat illud esse iustum iudicium. Concilij Antiocheni Patres literas scripserunt ad Iulium Episcopum Romanum (vt legimus apud Sozomen. lib. 3. cap. 8.) in quibus illum graviter & acerbè reprehendunt, multisq; verbis accusant, quod ille nonnullos, contra consuetudinē & leges Ecclesię, in cōmunionem recepisset, quos synodus damnasset, & minantur se similiter cum illo facturos. Et aiunt non oportuisse illū sic facere, non magis quā illi Novatum olim ab Episcopo Romano dānatū in cōmunionē receperunt. Vnde constat illius Concilij Patres non existimasse, maiorem esse Papę authoritatem, quā Concilij, nec Occidentalis Ecclesię, quā Orientalis. Sed forsan idem respondebunt, quod antea, fuisse hoc Concilium Arianorum. At *respondeo 1*: nullam fuisse hac de re inter Catholicos & Arianos controversiam, nempe de primatu Romani Pontificis: ergo Arianorum hac de re iudicium integrum esse potuit. Quid enim? an nihil rectè senserunt Ariani, quia de divina Christi natura errarunt? *2. Respondeo*: non omnes illius Concilii Episcopos fuisse Arianos. Manifestum enim est, multos ibi pios & egregios viros, & incorruptos ac synceros Episcopos adfuisse, cuiusmodi fuit Eusebius Nicomediensis, & Marcus Arethusius, vt est apud Sozomen lib. 3. capite. 10. qui postea sub Iuliano gloriosum martyrium passus est, & illo tempore summo in honore

fuit. Et literæ sunt à toto Concilio ad Iulium missæ. Nec reprehendendum est hoc Concilium, quia nihil aliud statuit de appellationibus, quam quod synodus Nicæna antea statuerat. Sed de hoc Concilio satis. Hinc patet Ecclesiam olim non sensisse de Romano Episcopo, ut de maiore, quam est synodus, etsi illum prædabant tum multi passim & laudabant. Sed afferamus Concilia, quæ illi Catholica & legitima esse concedunt. Iam igitur venio ad Concilium Constantinopolitanum primum, quod fuit non modo Catholicum, sed & Oecumenicum. Si ergo hoc Concilium aliquid statuit, quod auctoritatem Romani Pontificis infringeret, Adversarij nullo modo tergiversari possunt. Definivit verò hoc Concilium canon. . Constantinopolitanum Episcopum fore deinceps Romano proximum, hoc est, secundum Patriarcham, & iisdem privilegijs ornandum esse, quibus antea Episcopus Romanus ornatus erat, quia Constantinopolis fuit nova Roma. Verba decreti in græco codice hæc sunt, τὸν μὲντοι κοινωτικὸν τῆς πόλεως ὁπισθοποῦν ἔχειν τὰ πρεσβεία τὴν πρὸς τὸν ἰσχυρὸν ὁπισθοποῦν, διὸ τὸ εἶναι αὐτὸν νῦν ρώμιον. Hoc attigit Episcopum Romanum & Ecclesiam Romanam maximè. Et quanquam hoc decreto magnopere offensus fuit Romanus Pontifex, tamen ipsum rescindere, aut eius vim infringere non potuit. Nam eundem postea locum Episcopus Constantinopolitanus semper obtinebat. Fuit enim tum Pontifex,

tifex Romanus, non autoritate, sed ordine, numero, societate primus, secundus verò fuit Episcopus Constantinopolitanus. Ex quo constat Concilium supra Papam fuisse. Statuit enim illud Concilium, quod Papæ displicuit, nec potuit ille unquam mutare. Quòd si Patres illius Concilij existimassent Papæ maiorem esse auctoritatem quàm Concilij, nunquam hoc aut invito aut inconsulto Romano Pontifice decrevissent. Nunc alia Concilia proponemus. Concilium Carthaginense sextum litem habuit cum tribus Episcopis Romanis, Zozimo, Bonifacio, Celestino. Hi tres petebant ab illo Concilio, ut liceret ad se provocari vndique, & proferebant hac de re Canonem Concilij Nicæni, sed eumentum. Nam in Concilio Nicæno contrarium decretum fuit. Vnde quæ fuit illorum ambitio, & impudentia, patet. Sed Patres illius Concilij re tandem perspecta non modò non acquiescunt in illorum auctoritate, nec illorum petitioni annuunt, verumetiam acerbè rescribunt ad Celestinum, eumque ambitionis accusant, & prohibent in posterum cuiusmodi aliquid petere, & sanciant denique, ut si quis Episcopus Africanus extra Africam provocaret, a nemine intra Africam in communionem reciperetur. Atque ut intelligatis, quanta huius Concilij autoritas sit, ei interfuit Augustinus ipse, & alij sancti Patres, quibus Ecclesia nullos habuit illo tempore meliores, aut doctiores. Hinc eiusmodi argumentum maximè necessa-

um colligi & concludi potest. Si Conciliū illud tam pium existimāset Papam esse iure divino Ecclesiæ caput & supra Concilium, tum nunquam ei in tam iusta petitione resistisset. Nam iusta hæc fuisset petitio, si Papa esset Ecclesiæ caput. Quidni enim membrum ad caput provocet? At restitit Concilium: ergo palam est non ita sensisse. Hæc tam enucleata sunt, ut negari ab Adversarijs, aut eludi non possint. Extant enim omnia aperte, & habentur tum in græcis, tum in latinis libris. Ex quibus tum Papæ fraus & ambitio, tum Cōciliū pietas & constantia apparet. Multa hic fingunt ad hoc eludendum Adversarii, sed sunt nullius momenti omnia. Si enim Patres illius Concilii existimāssent, Episcopum Romanum Ecclesiæ caput fuisse, & Concilio maiorem, certè tam iustæ petitioni cessissent: at cedere noluerunt: quare manifestum est illos in ea opinione non fuisse. In extrema parte illius Concilii, habetur Epistola ad Celestinum. Atq; idem Concilium statuit, ut primæ sedis Episcopus non appellaretur summus sacerdos, neq; princeps sacerdotum, quæ tamen nomina hodie Romano Pontifici tribuuntur. Habetur hic Canon apud Gratianum dist. 99. capite, *Primæ sedis*. Vnde palam est, huius Concilii Patres sensisse, Concilium esse supra Papam. Hoc enim omnibus Episcopis præscribunt. Sed de hoc Concilio satis. Venio nunc ad Chalcedonense Conciliū, quod fuit vnū ex quatuor illis celeberrimis Conciliis,

quæ

quæ Gregorius se vt quatuor Evangelia venerari affirmat. Decrevit etiã hoc Concliũ aliquid contra dignitatem Romani Pontificis. Nam in actione 16. huius Concilii legimus, à Patribus cõmuni sententia constitutũ esse, vt Episcopus Constantinopolitanus esset secundus Patriarcharũ, & iisdẽ privilegiis ornaretur, quibus antea Pontifex Romanus ornatus erat. Habetur hoc in canon 28. in Græco codice. Ex quo constat, non fuisse hoc tractatum modò in illo Concilio, sed sancitũ etiã. Sed ex verbis Concilii sex ista colligo quæ sequũtur. *Primũ* est, hoc Concilium idẽ statuisse, quod fuit in Constantinopolitano primo decretum, de dignitate Episcopi Constantinopolitani. *Secundũ* est, dignitatẽ primæ sedis datam fuisse Ecclesiæ Romanæ, nõ a Deo, aut Christo, nec ulla divina authoritate, aut sanctione, sed voluntate & iudicio Ecclesiæ, nimirum aut à Patribus in Concilio, aut tacito illorũ consensu. Sic enim legimus in Concilio, οἱ πατέρες ἀποδοῦναι τὴν πρεσβείαν. Non ergo iure divino, sed Patrũ cõsensu tributa est hæc dignitas. *Tertiũ* est, primas fuisse Romanæ sedi tributas & concessas, non quòd Petrus fuit eius Ecclesiæ Episcopus, sed quòd illa civitas esset sedes imperii, Regia civitas, Metropolis, & Domina ac Regina totius mũdi Sic enim habetur in Concilio. διὰ τὸ βασιλεύειν πλεὺν πάλιν ἐκείνῳ. Quare fictũ est, quod Papistę iactāt de primatu illius sedis à Petro deducto. *Quartũ* est, Episcopos atq; Patres huius Cõcilij, eãdem omnino ratione inductos, & propter eandem omnino causam, æquum

censuisse, ut eadem privilegia Ecclesiæ & sedis
 Constantinopolitanæ tribuerentur, quòd illa
 nimirum tunc esset Regia civitas, & senatu do-
 nata esset. Sic enim legimus in illo Canone, τῷ
 αὐτῷ σκοπῷ κινέεσθαι. Quæ ergo causa fuit ornan-
 dæ sedis Romanæ, eadem planè causa fuit ornā-
 dæ sedis Constantinopolitanæ. Quintum est,
 sedem Constantinopolitanam iisdem fuisse pri-
 vilegijs donatam, quibus Romana antea deco-
 rata erat. Sic enim in illo loco habetur, ἵστωμεν
 ὁμοίαν ἀπολαύειν, ὥς ἐκείνην μεγαλύνειν ἐν ἐκκλη-
 αστικοῖς πράγμασι. Decretum est scilicet, *Vt aqua-
 lia obtineret, & pariter valeret in omnibus, quæ ad
 Ecclesiam pertinent. Sextum & postremū, quod
 ex huius Concilij verbis colligo, hoc est, istam
 sanctionem visam esse omnibus æquissimam.*
 Sic enim legimus in eodem Canone, ἐυλόγως
 κριναντες, &c. Quare manifestum est Patres illos
 sensisse, se nullo modo Episcopo Romano sub-
 jici. Atq; hoc illi decreverunt, repugnante Le-
 one, & Legatis eius. Nam Leo nunquam potu-
 it induci, vt hunc canonem approbaret. Hoc
 ipse testatur in Epist. 53. ad Anatolium Epif-
 copum Constantinopolitanum, vbi illum ob-
 iurgat, quòd ausus esset hoc tentare, & ait suos
 Legatos constanter restitisse, & se nunquā con-
 sentire potuisse. Et idem Epist. 59. ait, se semper
 reprehendisse, quæ in hac synodo decreta sunt.
 Et in act. 16. huius Concilij legimus, Lucentiū
 Pontificis Romani Legatum, valde flebiliter
 conquestum esse, iniuriam factam esse Roma-

no Pontifici, & petijſſe à Patribus ut hoc decretum reſcinderetur, ſed non potuiſſe, quod petiit, impetrare, imò reſponſum eſſe à iudicibus, *Quod interlocuti ſumus, tota ſynodus approbavit.* Omnes igitur conſenſerunt præter Legatos Pontificis Romani. Et Liberatus cap. 13. hiſtoriz ſuæ ſic ſcribit. *Cùm Anatolius conſentiente Concilio primatum obtinuiſſet, Legati verò Romani Epifcopi contradicerent, à iudicibus & Epifcopis omnibus illa contradicſio ſuſcepta non eſt.* Vnde ſic neceſſariò concludere poſſumus. Si omnes non modò iudices, ſed & Epifcopi in Concilio Chalcedonenſi id ſanxerunt, quod Leoni Epifcopo Romano diſplicuit vel maxime, tum manifeſtum eſt eos ſenſiſſe, Leonis non fuiſſe maiorem authoritatem quàm ſuam. At verum primum. Sanxerunt enim, vt Epifcopus Conſtantinopolitanus Romano per omnia æqualis eſſet, niſi quòd hic loco primo ſederet, in reliquis omnibus vt pares eſſent, decreverunt, & valuit hæc ſanctio huius Concilij invito & repugnante Pontifice Romano. Ergo ſecundum etiam verum eſſe neceſſe eſt. Hæc aperta ſunt. Nunc ad alia Concilia progredior. Concilium Conſtantinopolitanum ſextum, quod fuit Oecumenicum, multa contra Epifcopum Romanū, & contra Eccleſiæ Romanæ praxin & conſuetudinem decrevit. In Canone 36. illius Concilij, ſuperius illud decretum Concilij Chalcedonenſis ſtabilitur, de Epifcopi Conſtantinopolitani throno & dignitate, quod Romano Pontifici
ſemper

it, subijci Concilio Papam. Et si fuisset forsan hæretica, tamen nunquam fuit eo nomine damnata, quod contra Romanum Pontificem statuerit. Nam putare Romanum Episcopum subesse Concilio, non fuit tunc hæreticum, nec ulla fuit hæc olim in Ecclesia Dei controversia, an Concilium supra Papam esset. Ergo propter istam causam non debent hi Canones repudiari. 2. *Respondeo*: hos Patres, quicumque tandem fuerint, in literis ad Imperatorem scriptis, se *ἐκκλησίαν συνόδου* vocare. Quod illi certè admodum impudenter fecissent, si id verum non fuisset. Sed 3. & postremò *respondeo*: hos Canones fuisse olim habitos pro sextæ Synodi canonibus, ex ipsis Adversariis liquere. Nam Gratianus in suo Decreto hos Canones sæpius citat, & semper appellat sextæ synodi canones. Sed forsan nulla eius autoritas est. Sanè tribuant illi, quantum volunt, nos non multum de ea re laboramus. Sed apud Gratianum distinct. 16. capite, *Sextam*, Adrianus Papa aperte ait. *Sextam Synodum sanctam cum omnibus suis Canonibus recipio*. Et quod quidam dicunt, ex quorum etiam numero est Canus lib. 5. cap. ult. in respons. ad 6. arg. hoc Concilium nullos Canones edidisse, id palam refellitur statim postea apud Gratianum. Præterea Innocentius tertius in tractat. de ætate, & qualitate ordinandorum, unum ex his Canonibus citat, & vocat Canonem sextæ synodi, & eundem etiam Gratianus citat, distinct. 32. capite, *Si quis*. Et Synodus septima

septima horum Canonum autoritate probat images esse venerandas, unde etiam constat non fuisse hanc aliquam ex Synodis Iconomachorum. His de rebus ipsi inter se litigent, nos enim non attingunt. Sed à quocunque Concilio sanciti hi Canones sunt, id arguunt verum esse, quod nos dicimus, Concilium esse supra Papam. Quod ad Pighium verò attinet, cum fuisse admodum impudentem constat in suis Diatribis; qui cum non posset hos Canones defendere, & suas partes tueri, cumq; videret negari non posse, hos esse sextæ Synodi Canones, quia à Gratiano, & Papa Adriano eo nomine citantur, non modò Canones damnat, sed totam etiam Synodum sextam, quam fuisse legitimam, ipsi Papistæ, & Papæ multi statuerunt. Sed progredior. In Concilio Constantinopolitano octavo, canon, 21. sic scriptum legimus. Si Synodus vniuersalis convenerit, & facta fuerit quæstio de Romana Ecclesia, oportet reverenter hanc quæstionem tractare, & non audacter dare sententiam contra summos Romæ senioris Episcopos. Vnde colligimus, posse in Concilio Papæ causam tractari, posse illum accusari, posse iudicari, posse etiam damnari, sed hoc non temerè esse faciendum, quod illius sedis dignitati tributum est. Apud Ambrosiū Epist. 79. (quæ Epistola falso Ambrosio tribuitur) legimus Damasum non ausum fuisse suum iudicium præferre Concilio Capuensi, quod habitum est in causa cuiusdam Bonosi Epif-

Episcopi. Concilium enim illud tradiderat Bonosi causam quibusdam Episcopis audiendam. Quod cum à Concilio factum esset, Damasus ait, *cum Concilium causam commiserit aliis Episcopis, sibi nō posse competere iudicandi formam.* Quibus verbis ipse Pontifex fatetur minorem esse suam, quàm Concilii etiam particularis auctoritatem. Nam hoc Capuense Concilium particulare non generale Concilium fuit. Ergo Papa non est, nec olim fuit supra Concilium. Sed jam venio ad tria illa Concilia Papistica, in quibus contra Papam decretum est, intelligo verò Constantiense, Basiliense, & Fisanum Concilium. Hæc tria Concilia non modò decreverunt, maiorem esse Concilii, quàm Papæ auctoritatem, verumetiam id factis comprobârunt. Nam Papas nonnullos damnârunt, & deposuerunt, quod in hoc suo decreto non acquiescerent. Si Papam existimâssent supra Concilium fuisse, hoc nunquam fecissent. Constantiense Concilium fuit indictum à Papa ipso, sic & Basiliense, vtrumq; tamen contra Papam decrevit. Constantiense Concilium sess. 4. ait *Concilium habere auctoritatem à Christo immediatè, cui omnis potestas debeat obedire, etiam Papalis.* Et idem Concilium sententiâ Petri de Luna damnavit, qui se Papam esse dixit. Eius verò sententiâ fuit, Papam non habere superius iudicium in tēris, sed esse supra omne iudicium humanum, nec posse ab aliquo iudicari. Hanc sententiam Concilium pro hæretica iudicavit. Et idem etiam Con-

Concilium Ioannem, 23. autoritate sua privavit, & ab officio suo abdicavit. Concilium Basiliense sess. 32. ait, *de fide Catholica tenendum esse, Concilium esse supra Papam.* Quid? an nihil horum Conciliorum autoritas movebit? imò maximè procul dubio. Non enim sunt ex Lutheranis collecta & congregata, sed ex Cardinalibus, Archiepiscopis, & Episcopis Pontificiis. Adversarii nihil habent, quod respondeant, nisi hæc Concilia non esse per omnia approbata. Sed hoc nihil aliud est, quàm tergiversari, & se in causa victos fateri. Quid illi approbent, nostrâ non interest. Sed iniquum certè est, ut unū idemq; Concilium ex una parte probent, quâ nimirum illis placet, ex altera non probent, quâ illorum sententiæ non favet. Num hoc æquum est, ut accipiant illi quod placet, repudiēt verò, quod displicet? Imò aut tota Concilia recipiant, aut tota reiiciant. Sed de Constantiensi Concilio æquum est ut melius sentiant. Nam cum Gersono Parisiensi sic disputo in tractatu, An in causis fidei à Papa ad Concilium provocare liceat. Si Concilium non sit supra Papam, tum sequetur malè fecisse Concilium Constantiense, quòd Ioannem vicesimum tertium deponeret, & Martinum eligeret, nec Martinum fuisse legitimum Papam, qui ab hoc Concilio in locum Ioannis successus est, sed Ioannem. Quod si verum sit, tum sequetur etiam omnes, qui deinceps secuti sunt, Papas schismaticos esse, & non legitimos Papas, qui Martino, non Ioanni success-

cesserunt. Nam quòd Bellarminus ait, istos *Papas* volentes se abdicâsse, falsissimum est. Miser ille *Ioannes* nihil magis cupiebat, quàm vt locum suum teneret, cumq̃ue cerneret se à Concilio deponendum, aufugit, & sicillum absentem Concilium damnavit, vt docet *Platina* in *Ioan. 23*. Quid quòd *Martinus quintus* in postrema sessione huius Cōcilij, approbat in *Bulla* sua omnia illa decreta, quæ ab hoc Cōcilio in materijs fidei facta sunt, & laudat, & sancit, nisi fortè hæc materia fidei non sit, Concilium esse supra *Papam*. Ad *Basiliensē* verò Concilium quod attinet, magna eius authoritas fuit. In illo Concilio multi fuerunt, qui *Papæ Eugenio* reclamârunt hac de re. Et *Parisienses Theologi* hoc Concilium laudârunt, eiusq̃ue authoritatem defenderunt contra *Leonem decimum*, & illa laudatio atque defensio extat, & typis edita est. Et hæc ferè postrema fuerunt Concilia habita ante centum, aut ad summum ante ducentos annos. Nec adhuc aliquo Concilio decretum est, *Papam* esse supra Concilium. *Augustinus* in *Epist. 162*. testatur Concilium habere potestatem ligandi & solvendi, & posse causam à Romano Pontifice iudicatâ iterum iudicare. Vbi haud obscure innuit, nō esse *Episcopi Romani* summā authoritatem, nam tū in eius iudicio esset acquiescendū. Atq; idem in lib. 2. de Baptism. contra *Donatist. cap. 3*. ait posse per Concilia reprehendi, si quid in scriptis aut dictis *Episcoporum* fuerit deviatum à

vero. Quare maiorem tribuit Concilij authoritatem, quàm ulli omnino Episcopo. Hieronymus in Epist. ad Euagrium (habetur etiam hoc testimonium apud Gratianum distinct. 93. capite, *Legimus*) sic scribit. *Si auctoritas queritur, orbis maior est urbe.* Loquitur autem de Episcopo Romano. Et idē Gratianus causa, 24. quæst. 1. capite, *Omnibus*, docet apud Ecclesiam esse potestatem iudiciariam ligandi & solvendi. Ex quo colligi potest, falsum esse illud, quod multi Papistæ dicunt, iudiciariam & Ecclesiasticam iurisdictionem sic esse in Ecclesia, ut thesaurum in arca, cuius arcæ solus Petrus, & illius successores Pontifices Romani, claves habent. Nam Ecclesia potest has claves, cum voluerit, exercere, & arcam aperire. Et hinc etiam refellitur opinio multorum Scholasticorum, qui aiunt Petrum immediatē à Christo, reliquos verò Apostolos non à Christo immediatē, sed à Petro claves & iurisdictionem accepisse. Hoc enim totum Ecclesiæ commissum fuit, ut testantur Hieronymus, & Gratianus: Ecclesia verò in Concilio Oecumenico repræsentatur. Hanc nostrā sententiam multi Theologi & Canonistæ contra Eugenium quartū tenuerunt in Concilio Basiliensi, & dixerunt, quæ Thomas, & Bonaventura de primatu Papæ asseruerunt, ea de singulis Episcopis, non de Concilio generali vera esse, & hac vti sunt ratione, quod Papa non sit perfectior vniversali Ecclesia, & cum vnus sit, & Romana Ecclesia vna de isto corpore, non potest

potest illius esse caput, cum nemo sit caput sui ipsius. Sic Cardinalis Cameracensis in tractat. de potestate Ecclesiæ ait, *Ecclesiam debere obedire Pape, in ijs quæ ad eius ædificationem pertinent, sed si abutatur sua authoritate, posse à Concilio & Ecclesia iudicari.* Sic Gerson in tractat. de potestate Ecclesiæ ait, *Concilium posse iurisdictionem authoritativam exercere in Papam, utpote quam dat lex divina, nè aut Ecclesia noceat, aut sibi, ut phreneticus.* Sic Occamus in lib. 6. parte prima. Sic Nicolaus Cusanus Cardinalis in lib. 1. de Concordantia Catholica, capite ultimo. Sic Abbas Papormitanus in Concil. Basiliens. Sic Universitas Parisiensis & Cracoviensis. In Concilio Basiliensi accuratè tractata fuit hæc quæstio. Ita non modò Scripturas, sed Concilia, & ipsos etiã Adversarios testes habemus. In tribus Papisticis Concilijs, ut antea accepimus, definitum fuit contra Papam, in nullo verò ne Papistico quidem Concilio pro Papa. Sed satis agitata est hæc Quæstio, ac proinde hic eam concludimus.

Quæstionis quintæ finis.

Sexta Quæstio,
An Concilia possint errare.

CAPVT 1.
De Statu Quæstionis.



HÆC Quæstio, quam nunc aggredimur, quæ est de fide & autoritate Cōciliorum, est omnium huius Controversiæ Quæstionum gravissima. Cū enim multa fuerint in Ecclesia olim Concilia celebrata, & in posterum forsan futura sint: quæri meritò potest, vtrum quicquid illa statuerint, sit necessarium, & an omnia illorū decreta sine examinatione sint recipienda, quasi non possent aliquando in suis sententijs & decretis errare. Non idem hac de re nobiscum sentiunt Adversarij. Primo igitur loco quæremus, quæ sit illorum sententia, deinde quæ nostra, postea verò ad argumenta vtriusque partis veniemus. Fuisse impia multa Concilia constat, in quibus hæresis comprobata fuit, cuiusmodi fuisse Seleuciense, Ariminense, Ephesinum secundum, fatentur Adversarij, in quibus si numerum spectemus, multò plures Episcopi fuerunt, quam in alijs nonnullis legitimis & Catholicis Concilijs. Melchior Canus lib. 5. cap. 4. loc. com. varias Conciliorum rationes proponit, & di-

stinctè

finetè propositiones quasdam vel conclusiones recitat. *Prima* hæc est, Concilium generale, quod nec congregatum, nec confirmatum est autoritate Romani Pontificis, posse in fide errare, cuiusmodi fuerūt Ariminense, & Cōstantinopolitanum secundum sub Leone. *Secunda* hæc est, Concilium generale, etiam à Romano Pontifice congregatum errare posse, nisi ab eo confirmatum fuerit, cuiusmodi fuit Ephesinum secundum, in quo Leonis legati adfuerunt, & tamen Dioscori hæretici sententia valuit. *Tertia* Cani conclusio hæc est, Concilium generale à Romano Pontifice congregatum simul & confirmatum, certam fidem facere dogmatum Catholicorum, & contrarium tenere, hæreticū esse. De Provincialibus verò Concilijs statuit, ea quæ à Papa non confirmantur, posse errare, quæ verò à Papa confirmantur, non posse, ut totā vim Concilij & generalis & particularis à Papa pēdere faciat. Nō est necesse aliorum Papistarum sententias repetere. Hæc est omnium, qui videntur volunt Catholici. Nam Bellarminus in lib. 2. de Concilijs, duas propositiones persequitur, priorem cap. 2. quæ est huiusmodi, Fide Catholica tenendum est, Concilia generalia à summo Pontifice confirmata errare non posse, nec in fide, nec in moribus, id est, in tradendis morum præceptis toti Ecclesiæ communibus: alteram cap. 5. quæ hæc est, Concilia particularia à summo Pontifice approbata & confirmata, errare non possunt in fide & moribus.

Sed huius propositionis minorem esse fidem ait, quàm alterius, quod tamen ab illo sine aliqua ratione affirmatur, si tota vis Concilii ex approbatione & confirmatione Romani Pontificis pendeat. Verùm hoc ille dicit, quia novit multos Papistas de hac propositione dubitare. Ideo ait priorem propositionem fide Catholica tenendam esse, hanc verò non. At si fuerint sententiæ memores sint Pontificii, qua statuunt Papam in rebus fidei errare non posse, necesse est fateantur ea omnia, quæ ab illo confirmantur de rebus fidei, rata esse, sive in generali, sive in particulari Concilio sanciantur. Iam verò cum sit tantum momenti in Papa, ut sine eo nullum nec provinciale nec generale Conciliū aliquam in se vim habeat, meritò queri potest, quas partes Episcopi in Concilio habeant, sintne tantum monitores aut consilarii, an iudices? Nam si consilarii tantum sint, cur nulli nisi Episcopi ad Concilia admittuntur? cur non potius alii, qui multis Episcopis doctiores sunt? Nacclantus Clugienſis in tractat. de potestate Papæ & Concilii ait, *Papæ potestatem esse Regiam, huius consilariam, illam esse penitus definitivam, hanc definitionis ambulatorie.* Sed Papistæ nunc volūt Episcopos esse iudices. At quale quæso est hoc illorum iudicium? num divinum? Sic illi volūt, Deum fecisse nullos nisi Episcopos in Conciliis iudices, illos non posse in iudicando errare, eò quòd Episcopi sint, alios posse, quantumvis Episcopis multò doctiores fuerint. Ergo si divinum

num sit iudicium Episcoporum, num ut ratum firmumq; sit, requiritur Papæ autoritas? Sed de Adversariorum sententia hætenus.

Nostra verò sententia est, Concilia posse errare, non particularia modò, verùetiã generalia, sive à Papa cōgregata & cōfirmata fuerint. sive non, idq; non in factò tantum, quod Adversarii fatentur, verumetiam in fide & moribus. Et erravisse hoc modo multa Concilia docemus. Sed quibus argumentis Papistæ probent Concilia à Romano Pontifice confirmata errare nō posse, videamus.

CAPVT. 2.

*In quo Adversariorum argumenta
proponuntur & dilu-
untur.*

Bellarminus tribus argumentis vtitur. Primum sumitur ex Scripturæ testimoniis. Et hæc testimonia in quatuor classes distribuit. Prima classis complectitur ea testimonia, quæ sunt huius Quæstionis propria. Secunda verò illa, quæ probant Ecclesiam non posse errare. Tertia continet illa testimonia, quæ probant Papam non posse errare. Quarta deniq; illa, quæ probant Episcopos omnes & Doctores Ecclesiæ non posse errare. Secundi generis testimonia antea à nobis tractata sunt, cum in hac Quæstione versati sumus, An Ecclesia possit errare. Nulla enim alia hîc affert testimonia, quàm quæ in illa Quæstione ab ipso prius allata sunt. De tertiâ verò classe testimoniorum

postea erit dicendum, cum ad illam Quaestio-
nem ventum fuerit, An Papa possit errare. Re-
stat ergo nunc prima tantum & postrema clas-
sis examinanda. Prima verò classis tria Scriptu-
ræ loca continet.

*Primus locus habetur Matth. 18. 20. Vbi
sunt duo vel tres congregati in nomine meo, illic ego
sum in medio eorum.* Vnde Adversarius vult cō-
cludere, Concilia generalia non posse errare in
fide. Neq; tamen potest quis facile intelligere,
quomodo hoc ex illo loco colligi potest. Sed
respondeo cum Calvino, Christum hic nullam
mentionem facere vel Concilii generalis, vel nō
errandi. Nam duo aut tres non faciunt genera-
le Concilium. Et si Christus sit in medio eorū,
qui in suo nomine congregantur, non sequitur
illos non errare. Non enim omnes, quibuscum
Christus adest, ab errore liberi sunt. Et duo qui-
dem ac tres, qui etiā in Christi nomine conveni-
ūt, possunt falli, possunt in multis errare, possunt
deniq; ea petere, quæ petenda non sunt, atq; ita
spe sua frustrari, & tamen Christus inter eos ef-
se potest. Non enim semper iis errorē Christus
detrahit, quibuscum est. Et si hinc tale aliquid
colligi potest, quale volunt Adversarii, tum
non modò Concilium cum Papa, verumetiam
sine Papa errare non potest, nec generale tan-
tū, sed ne Provinciale quidem, imò ne duo
quidem aut tres pii in Christi nomine congre-
gati errare poterūt, quod Papistæ non dixerint.
Bellarminus nihil habet, quod probabiliter ob-
jiciat

ficiat, nisi argumētum sumi à minore ad maius.
 Quomodo? Si duo aut tres (inquit) congregati
 in nomine Christi obtinent semper, quod petūt
 à Deo, quāto magis Episcopi omnes in nomi-
 ne eius congregati, obtinebunt quod iustè pe-
 tūt, id est, sapientiā & lumē ad iudicāda ea, quæ
 ad totam Ecclesiam dirigendam pertinent. Et
 impudenter affirmat, hæc verba pendere ex il-
 lis quæ præcesserunt in vers. 17. & 18. *Dic Ec-
 clesia, & si Ecclesiam non audierit, sit tibi velut Eth-
 nicus & Publicanus.* Et ne quis (inquit) Ecclesi-
 am sive congregationem Prælatorum contem-
 nendam putaret, adiunxit Christus continuò,
*Amen dico vobis, quacunque ligaveritis super
 terram, erunt ligata & in celo &c.* Tum ait illa
 quæ sequuntur addi, *vbi duo aut tres, &c.* ne quis
 dubitaret de assilientia Dei, quando Episcopi
 congregati aliquem damnant vel absolunt. Ita
 hæc verba vult addita esse ad superiora confir-
 māda, & de Episcopis propriè intelligi, ac si illo-
 rū sēsus esset huiusmodi. Si Ecclesia in Concilio
 congregata aliquē dānat vel absoluit, ego illam
 sive dānationē, sive absolutionē approbo. Sed
respondeo 1: falsum esse, quod ait hæc verba in eū
 finē inferri. Nā vers. 19. Christus ait, *πάλιν λίσσο-
 μαι*: ergo ad aliam causam & materiam trāsit, &
 novā narrationē orditur, de cōveniēdo scilicet
 ad petendas eas res à Deo, quæ nobis sunt ne-
 cessariæ. Atq; hoc quidē sēsu argumētū seque-
 tur firmum ex hoc loco à minori ad maius in
 hunc modum. Pauci, hoc est, duo, aut tres,
 in

in Christi nomine congregati, impetrabunt ea omnia, quæ illis sunt necessaria: ergo multò magis multi. Sed quid hoc facit ad confirmandam authoritatem Conciliorum, quòd errare non possint? De non errando in ligando, aut in alijs opinionibus, nullum hìc verbum habetur. Christus quidem non modò cum multis adest, verum etiam cum paucis, atque adeo cum uno: ergo si, Christum adesse nobiscum, sit, nos non errare, vel si Christi præsentia eos, quibuscum adest, ab omni errore liberet, tum nullus unquàm pius errabit, nam de pijs omnibus ait Christus; *Ergo vobiscum usque ad consummationem seculi.* 2. *Respondeo:* Si tutum & firmum argumentum à minori ad maius ex hoc loco colligi potest, tum illud aut rectè sequitur, aut non sequitur. Non sequi, non audent dicere. Si verò sequatur, tum antecedens verum est, & tum duo aut tres in nomine Christi congregati errare non possunt. Ita nihil ex hoc loco singulare pro suis Conciliis concludere possunt Adversarij, nisi ex duobus aut tribus posse constare. Nihil enim ex his verbis colligi potest pro authoritate Concilij generalis, quod non potest afferri pro authoritate duorum aut trium. 3. *Respondeo:* non esse hanc rem ex multitudine, aut externa professione æstimandam. Licet enim multi conveniāt, qui se & Christianos & Episcopos profiteantur: non tamen continuò necesse est, ut ea omnia suscipiamus, quæ ab illis definiuntur. Sed videndum est prius, an in Christi nomine fuerint

congregati, alioqui nullam apud nos authoritatem habere debent. Illud ergo nobis antea debet exploratum esse, quàm illis fidem adhibeamus. Non enim omnes in nomine Christi congregantur, qui se Christianos & Præsules profitentur. Ergo nec ex hac parte sequitur argumentum. Nam etsi pauci verè pij audiuntur, tamen multi non in Christi nomine, sed contra Christum congregati, ut Præsules Antichristiani, non audiuntur. Non ergo inter illos Christus, sed Satanas, & spiritus erroris versatur, Probandum igitur est Adversarijs, eos omnes in Christi nomine congregari, qui se pro Concilio venditant, quemadmodum Patres Tridentini fecerunt. Nam nisi hoc constiterit, nihil apud nos fidei aut authoritatis merentur, quia etsi plurimi fuerint, tamen nisi in Christi nomine congregentur, turpissimè errare possunt. Iam verò illud, in Christi nomine congregari, duo significat. *Primum* est, eos qui conveniunt, esse veros & sinceros Dei cultores, & sanæ religionis professores, quam non aliundè nisi ex Scripturis didicerunt. Nam qui alio modo Deum colunt, quàm quo ille coli vult, quatumvis maximi Præsules fuerint in Ecclesia, non tamen in Christi nomine congregantur. *Secundum* est, ut eo animo conveniant, ut Christi mandato per omnia obediant, utque eas secum affectiones afferant, ea studia, eas voluntates, quæ pios Christi ministros deceant, ut nihil præter Dei gloriam quærant, aut sibi proponant, ut veritatem

ritatem ex Scripturis inquirant, inventam alijs commendent, non ut suum regnum stabiliant, Christi discipulos persequantur, hæreses defendant, & pravas consuetudines in Ecclesiam Dei inducant. Si enim hac voluntate & hoc animo congregentur, non auctore Christo, aut in illius nomine congregantur, nec inter eos Christus, sed Satanas dominatur. Neutro modo Papistica Concilia sunt in Dei nomine congregata. Nam nec tales sunt Dei cultores, qui ad illa Concilia veniunt, quales Deus requirit, nec hos affectus secum afferunt, aut fines illos sibi proponunt, quos diximus, sed longe alios. Quis enim non videt in illorum Concilijs regnâsse ignorantiam, idololatriam, crudelitatem, tyrannidem, odium Christi, aliaq; huiusmodi, & cæcam superstitionem, potius quam veram religionem? Sed quid sit in Christi nomine congregari, Hilarius antiquus author præclare docet in comment. in hunc locum. *Vbi duo atque tres (inquit) pari spiritu ac voluntate collecti sint, ibi se medium illorum pollicetur futurum. Ipse enim, qui pax atque charitas est, sedem atque habitationem in bonis & pacificis voluntatibus collocavit.* Et Cyprianus in lib. de unitate Ecclesiæ sic scribit. *Quomodo duo aut tres possunt in nomine Christi colligi, quos constat à Christo, & ab eius Evangelio separari?* Ergo qui legitime congregantur, debent pari spiritu ac voluntate congregari, debent voluntates bonas & pacificas secum afferre, & eiusmodi, in quibus Christus habitare velit: non debent à Christo & ab eius

ius Evāgelio separari. 4. *Respondeo*: Papistæ hæc verba restringunt ad solos Episcopos (eos enim solos in Concilijs suffragium decisivum habere volunt) & de illis tantum hunc locum intelligi volunt, quasi Christus cum nullis, nisi Episcopis, adesse velit. Sed quis ferat eos sic loquentes, dum quæ communia sunt omnibus Christianis, ad paucos restringunt? Ergo hic erit sensus horum verborum secundum illos. Vbi duo aut tres Episcopi congregantur in nomine meo, nec tam pauci tantum, sed quot possunt Concilium constituere (quod tamen hic non statuitur) neque hoc adhuc sufficit, nisi Episcopus Romanus ijs interfuerit; tum Christus erit in medio illorum. Quis ferat tam sordidas & tam putidas interpretationes? Verum quem locum obtinent (quæso) in Concilijs Episcopi? quid agunt? quorsum conveniunt? num ut iudicent, an ut consulant tantum & moneant? Sunt ne igitur iudices, an monitores tantum & Consiliarii? Hoc quidem aliqui existimant, posse eos tantum monere in Concilijs, posse movere quæstiones & disputare, sed non posse iudicare. Naclantus Episcopus Clugienſis (ut nos antea docuimus) in tractat. de potestate Papæ & Concilij, ait *Papæ potestatem esse Regiam, Concilij tantum Consiliariam, Papæ penitus definitivam, Concilij definitionis ambulatoriam*, hoc est, ut ego interpretor, vagæ, & incertæ. Bellarminus verò, & qui nunc sunt Iesuitæ, Episcopos iudices esse

esse contendunt, sed intelligunt procul dubio iudicium ambulatorium, hoc est, planè nullum. Soli enim Papæ revera iudicium deferunt. Sed quæro ab illis, ut antea, quale hoc sit Episcoporum in Conciliis iudicium? num certum, an incertum? num divinum, an humanum? Certum esse volût & divinum Episcoporum iudicium, aliorum verò omnium incertum, licet Episcopis multò doctiores fuerint. Sed si divinum illorum iudicium sit, num æquum est, ut ex Papa pendeat, nec sine eius autoritate ratum & firmum sit? num penes illum erit divinum iudicium probare vel improbare? Iam verò si Consiliarii tantum sint, & monitores, & disputatores, alii multi sunt & acutiores disputatores, & magis idonei monitores, quàm Episcopi. Sed de hoc testimonio satis multa diximus.

Secundum Scripturæ testimonium à Bellarmino allatū habetur Ioan. 16. 13. *Spiritus veritatis docebit vos omnē veritatē*, sic enim vulgatus interpretes legit, sed in Græco codice aliter legitur, τὸ πνεῦμα τὸ ἀληθείας ὁδηγήσει ὑμᾶς εἰς πάντας τὰς ἀληθείας, *Spiritus veritatis deducet vos in omnem veritatem*. Non de solis Apostolis loquitur hic Christus (inquit Bellarminus) sed de Apostolorum etiam successoribus. Idq; probat ex Ioan. 14. 16. Fateor hoc verum esse. At Episcopos seorsim existentes (inquit) non docet Spiritus sanctus omnem veritatem: ergo saltem Episcopos omnes in vnum congregatos docebit omnem veritatem. Esto. Sed adhuc
nihil

nihil habemus , quod nobis satisfacere possit .
 Quid enim hoc ad Concilia à Papis approbata?
 Nam sine Papa Concilia possunt congregari .
 Ergo postremo adiungit , non esse maiorem a-
 liquam in Ecclesia Cathedram,per quam Deus
 nos doceat , quàm est summi Pontificis Cathe-
 dra , adiuncto consensu generalis Concilij . Si
 hæc etiam Cathedra(inquit)falli potest,cùm v-
 niversam Ecclesiam docet,nescio quomodo ve-
 ra sit illa promissio, *Docebit vos omnem verita-
 tem*.Sanè hæ sunt mirificæ conclusiones. Hæc
 sic cohærent, vt scopæ dissolutæ , & arena sine
 calce.Sed respondeo 1.& quero,vtrum ista Chri-
 sti promissio locum habuit in Apostolis tâtum
 congregatis,an in separatis etiam? Primum il-
 lud non audent affirmare. Nam tum Aposto-
 los Spiritus sanctus separatos non deduxit in
 omnem veritatem. At hoc falsum. Nam quæ
 Paulus scripsit & docuit seorsim à reliquis A-
 postolis,vera sunt omnia. Deduxit eum Spirit-
 us sanctus etiam à reliquis seiunctum in omnē
 veritatem. Idem quoque de reliquis Apostolis
 dici potest . Ergo non modò de congregatis ,
 verumetiam de separatis hic locus intelligendus
 est, & sic non pertinet ad institutum . Hinc e-
 nim sequitur,si teneat hoc argumentum in suc-
 cessoribus Apostolorum,illos etiam ne separa-
 tos quidem posse errare. 2. Demus hoc ad A-
 postolos , & ad Apostolorum successores per-
 tinere; interim æquè ad omnes pertinet. Nam
 non vni Petro hoc dictum est , sed reliquis etiā
 Aposto-

Apostolis. Ergo non modò Petri, sed reliquorum etiam Apostolorum successoribus convenit. Et sic non modò Romanus Pontifex, qui se Petri successorem esse iactat, sed & alii omnes Episcopi, qui aliorum Apostolorum successores sunt, vi huius promissionis ab errore liberi & immunis erunt. At isti hunc Spiritum solis Petri successoribus promissum esse dicunt, & locum hunc ita interpretantur, ac si Petrum solum, & eius successores Christus alloqueretur in hunc modum. Spiritus sanctus te (*Petre*) & omnes tuos successores, in omnem veritatem deducet; de reliquis non perinde constat. Sed quicquid Petri successores ex hoc loco, idem omnes omnium Apostolorum successores vèdicare possunt. 2. Si demus locum hunc ad omnes Episcopos in Concilio congregatos, aut quovis modo pertinere; non tamè ex eo sequitur, eos errare non posse. Aliud enim est, in omnem veritatem deduci, aliud, non errare. Sed hoc tantum sequitur, eos in omnem veritatem necessariam deducendos esse, non in omnem veritatem simpliciter, idq; paulatim, & successive, non simul, & uno momento. Nam ne Apostoli quidem ipsi, statim postquam Spiritu sancto donati sunt, omnem veritatem sunt edocti, sed quanta sufficeret, nec statim omnia, sed paulatim omnia necessaria intellexerunt. Si ergo Concilium erret in re aliqua, non propterea dicendum est, non fuisse cum illo Spiritum sanctum, quia intelligitur hic locus tantum de om-

ni necessaria veritate. Et sic quidem in separatis etiam Pastoribus & Episcopis tenet. Nec ad Episcopos tantum pertinet, sed ad omnes ex æquo Christianos. Sic enim Christus de omnibus loquitur Christianis Matth. 28. *Ero vobiscum usq; ad consummationem seculi.* 4. Et si non dubito hæc ad successores Apostolorum pertinere, non modò Episcopos, verumetiam fideles quovis, præcipuè tamen ad Apostolos ipsos spectant, quemadmodum ex verbis sequentibus constat. Sequitur enim *ἐγὼ τὰ ἐρχόμενα ἀναγγελεῖν ὑμῖν, & ἐὰν quæ ventura sunt declarabit vobis.* Hoc peculiariter Apostolis convenit. Nulli (opinor) Patres, nulla Concilia hoc sibi fument aut vendicabunt. Et Apostoli plura à Spiritu sancto sunt edocti, quàm vlli deinceps Episcopi, aut Christiani. Et quod ad hoc testimonium attinet, ista sufficiant.

Venio nunc ad *tertium*, & postremum huius primæ classis testimonium, quod habetur Act. 15. 22. *Visum est Spiritui sancto, & nobis.* Hinc duo concludit Bellarminus. *Primum* hoc est. Si illud Concilium asserit, decreta sua esse decreta Spiritus sancti; certè idem asserere possunt alia omnia legitima Concilia. *Secundum* hoc est. Si illi Concilio adfuit Spiritus sanctus, quia id necesse erat propter Ecclesiæ conservationem: non minùs aliis temporibus, novis hæresibus exorientibus, id necessarium fuit, atq; etiam erit. *Respondeo 1:* Non sequitur primum argumentum. Si illud Concilium potuit asserere,

decreta sua, esse decreta Spiritus sancti, tum omnia similiter Concilia legitima idem asserere possunt. Nam certum est, hoc fuisse singulare Concilium, & singularibus privilegijs donatum, propter presentiam Apostolorum. Quid enim? nosne Concilium Tridentinum, imò vel Nicenum, huic Concilio Apostolico æquabimus, cui interfuerunt tam eximij viri, Petrus, Paulus, & reliqui omnes Apostoli, qui Christum audiverant, quique; extraordinariis Spiritus sancti donis præditi erant? Absit. 2. *Respondeo*: posse alia legitima Concilia similiter asserere, decreta sua esse decreta Spiritus sancti, si huic Concilio similia fuerint, & si eandem regulam servaverint, quam in hoc Concilio servarunt & secuti sunt Apostoli. Si enim nihil nisi ex Scripturis statuerint & definierint, quod in hoc Concilio factum est, & si omnes quæstiones ad Scripturas examinaverint, & Scripturæ vocem in omnibus suis decretis secuti fuerint, tum possunt asserere, Spiritum sanctum sic decrevisse. Interim non hinc sequitur, licere cuivis Concilio statuere præter Scripturas, quicquid velit, & dicere, hoc est decretum Spiritus sancti. Nam Apostoli hoc decretum ex Scripturis sanxerunt. At Adversarij nostri in suorum Conciliorum decretis sine Scripturis, imo contra Scripturas definire solent. Ergo cum sequitur Concilium auctoritatem Spiritus sancti docentis in Scripturis, tum potest dicere, visum est Spiritui sancto & nobis. Sed non hinc colligi potest, quodvis

quodvis Concilium Scripturis obtemperaturum. Prius igitur videndum est, an id quod decernitur Spiritui sancto placeat, & deinde concludendum est cum Apostolis, visum est Spiritui sancto & nobis. 3. *Respondeo*: Quod Apostoli dicunt, *Visum est Spiritui sancto & nobis*, illud verbum (*nobis*) forsan non placebit Adversariis. Nam intelligitur non modo de Apostolis, sed de Presbyteris etiam & fratribus, ut constat ex vers. 23. Ab illis enim omnibus hoc decretum manavit, ab illis omnibus literæ missæ sunt. Quæro igitur, num illud Cōcilium, in quo Presbyteri congregantur, atque etiam fratres, hoc est, laici, & habent suffragium decisivum, ut Adversarij loquuntur, nō possit errare. Hoc illi non audent affirmare. Nam excludunt ex Concilijs Presbyteros & laicos, & solis Episcopis hanc non errandi immunitatem tribuunt. At hīc decretum his verbis factum est, *Visum est Spiritui sancto & nobis*, id est, Presbyteris & fratribus. Ad secundum argumentum quod attinet, quod fuit huiusmodi, Spiritus sanctus huic Concilio adfuit: ergo & alijs necessario adest; *respondeo* non sequi. Etsi enim ad hæreses tollendas, autoritas Spiritus sancti requiritur: tamen non est necesse hæreses semper tolli. Est quidem necessarium, ut tollantur hæreses, non tamen est necesse, ut hoc vel illo tempore, & ab his vel illis hominibus tollantur. Imo Deus sæpe patitur Pastores falli, & hæreses in multis Concilijs corroborari, & in Ecclesia latè spargi

ac disseminari, ut iniquitatem nonnullorum ulciscatur. Sed Deus voluit hoc Concilium esse normam aliorum Conciliorum. Oportet ergo, cum hæreses exoriuntur, convenire, & dare operam ut tollantur, quod fiet, si Scripturam, & Spiritum Sanctum in Scriptura loquentem sequi velimus. Sed omnes non conveniunt ad alia omnia Concilia tam pijs mentibus & affectibus, quàm Apostoli ad hoc Concilium convenerunt. Quare etsi illis Spiritus sanctus interfuit, non tamen de omnibus idem dici potest, qui ad alia Concilia conveniunt. Atque ita de illis testimoniis omnibus, quæ huius quæstionis propria sunt, respondimus.

Nunc ad quartam classem testimoniorum veniamus, in qua ea testimonia continentur, quæ docent Episcopos & Doctores universos simul congregatos errare non posse. Ait ergo Episcopos in Scripturis & Patribus appellari Pastores, Magistros, Doctores, Speculatores, Patres, Oculos. Et pro hoc ultimo titulo adducit Concilium Toletanum octavum, cap. 4. & Ambrosius in lib. de dignitate sacerdotali, cap. 6. Hæc negari non possunt; sunt enim in Scripturis & Patribus manifesta omnia. Sed quid ex his colligit Adversarius? Hinc scilicet huiusmodi colligit argumentum. Si iubemur à Deo Episcopos audire & sequi, ut Præpositos, Pastores, Doctores, Speculatores, Patres; certè vel illi nos fallere non poterunt, vel nos poterimus culpam in Deum rejicere: at sine dubio singuli Epif-

Episcopi errare possunt, & aliquando errant, & inter se quandoque dissentiunt, vt nesciamus, quisnam eorum sequendus sit: ergo saltem omnes simul, præsertim in nomine Domini congregati, quando vno ore nos docent, errare non poterunt. *Respondeo* 1: admirabilem esse & penè incredibilem vecordiam & vertiginem Iesuitarum. Episcopi enim vocantur Præpositi, Pastores, Doctores, Speculatores, & Patres, & multis præterea nominibus ac titulis in Scripturis & Patrum scriptis ornantur, & nos etiam illos vt tales audire & sequi iubemur, non quòd illi semper tales sint, sed vt se debere esse tales meminerint, & vt nos eos pro talibus agnoscamus, cum tales fuerint. Non enim iubemur illos vel sequi, vt duces, vel audire vt magistros, nisi re vera tales fuerint. Si verò Pastorum tantum locum obtineant, & veri Pastores non sint, tum illos sequi & audire prohibemur. Sic Matth. 15. 14. de Scribis & Pharisæis Christus ait, *Simite eos, sunt enim duces cæci cecorum.* Et Ioan. 10. 5. idem Christus de suis ovibus verba faciens ait, *Alienum nequaquam sequentur, sed fugient ab eo, quia non norunt vocem alienorum.* Et Matth. 7. 15. ait, *Cavete à Pseudoprophetis.* Ergo non debemus semper eos audire, qui tenent loca Pastorum, sed oportet prius disquirere, sintne illi tales, quales se haberi volunt, necne. Non enim sequitur, Sedent in loco Pastorum, possident Cathedras Episcoporum, profitentur se Ecclesiæ Doctores esse: ergo sunt audiendi; quia Chri-

flus ipse præmonuit duces cæcos fugiendos, & Pseudoprophetas cavendos esse. 2. *Respondeo*: & quæro, vtrum hoc de Pastoribus congregatis tantum, an de separatis etiam præcipitur, vt eos scilicet sequamur, ijsque obediamus. Si de congregatis tantum, tum soli & separati nō sunt audiendi. At Christus etiam de separatis ait, *Qui vos audit, me audit*, & Apostolus Heb. 13. *Obedite prepositis*. Quare sic contra Bellarminū argumentamur. Aut illi non possunt fallere, aut possumus culpam in Deum reijcere. Nam certè Deus iussit audire, obedire, sequi. Ita ista ratione non modò Episcopi congregati, sed ne soli quidem & separati possunt fallere. Nōne vidit cæcus Iesuita, quā malè hoc sequatur argumentum? Si illi falluntur, & nos illos sequimur, & ambo in foveā cadimus, non possumus Deū accusare. Sic solet Deus sæpe nostram ingratitude vlcisci, vt cæcos nobis duces mittat. 3. igitur *respondeo*: Episcopos, etsi loca & Cathedras Pastorū obtineant, tamen nec congregatos nec separatos posse nobis obtrudere, quicquid ipsi voluerint, nec ab errore liberos & immunes esse. Sed nostrum est examinare, & cavere, quid audiamus, si falli nolumus. Oportet ergo in primis disquirere, & dispicere, num veri Pastores sint. necne; si non sint, à nobis nō sunt audiendi. Pastores verò Papistici sunt ijs Pastoribus similes, de quibus Ezech. 34. 2. & 2. legimus, qui debebāt quidem gregē pascere, at seipsos nō gregē pascebant. Sic ait Dominus Iehova (inquit Propheta)

pheta) *ua* Pastoribus Israelis, qui pascebant semet-
ipsos, nonne greges à Pastoribus pascuntur? *Adi-*
pem comeditis, & lanam induitis, quod opimum est,
maclatis, gregem non pascitis. Atque ita de primo
Adversarij argumento satis multa diximus: lō-
giorem enim aut accuratiorem responsionē nō
desiderat. Iam sequitur vt ad reliqua veniamus.

Secundum verò Bellarmini argumentum su-
mitur ex testimonio & traditione veterum Pa-
trum. Atq; hoc quidem est quadripartitū. *Pri-*
mò enim ait, Patres affirmare, Concilij generalis
sententiam esse in causa fidei, vltimum Ecclesię
iudicium, à quo appellari non possit, quodque
nullo modo irritari vel retractari queat. Atq; in
hunc finem affert Athanasium in Epist. ad Epi-
ctetum, Augustinum in Epist. 162. & Leonem
Epist. 50. ad Martianum, in qua Epistola petit
Leo ab Imperatore, vt semel definita in Con-
cilijs generalibus non retractentur. Et sic alij mul-
ti. *Respondeo* 1: Si demus Cōcilium generale esse
vltimum inter homines iudicium; non tamē se-
quitur esse ideo semper & necessariò verum,
quod in Cōcilio definitur. Quid enim impedit,
quò minùs supremū & vltimū iudiciū humanū
erret & fallatur? 2. *Respondeo*: Si propriè loqua-
mur, nullum Concilij iudicium esse. In causis
enim fidei nullum iudicem habemus, nisi Spiri-
tum sanctum in Scripturis loquentem. Hunc si
sequatur Conciliū (quod eius munus est) nō er-
rabit, sin minus, errare necesse est. Ipsum ergo
Cōcilium nō iudicat, sed iudiciū Spiritus sancti

pronunciat. 3. *Respondeo*: hos Patres loqui de eiusmodi Conciliis, in quibus Spiritus sanctus adfuit, & veritas ac fides Catholica confirmata, hæresis verò damnata fuit, nempe de Concilio Niceno, Constantinopolitano primo, Chalcedonenfi, & Ephesino primo. Si velimus esse Catholici, & Ecclesiæ filij, debemus ea amplecti & recipere, quæ ab illis Conciliis decreta & definita sunt, atq; in iis acquiescere, non propter ipsorum Conciliorum authoritatem, sed propter authoritatem Spiritus sancti, quam illa Concilia secuta sunt. Decreta enim sua omnia ex Scripturis confirmarunt. Sed hoc non probat nullum Concilium posse errare. *Secundo* ait Adversarius, Patres & Concilia docere, esse hæreticos & excommunicandos omnes, qui non acquiescunt plenariis Conciliis. Atque in hunc finem affert Leonem in Epist. 78. ad Leonem Augustum, qui ait, non posse inter Catholicos censerì, qui resistunt Nicæno vel Chalcedonenfi Concilio, & alia quædam eiusmodi testimonia. *Respondeo*: Loquuntur hi Patres, quos affert Adversarius, de illis Conciliis, in quibus fides Catholica contra hæreticos propugnata fuit. Qui his Conciliis resistunt, ij revera Catholici esse non possunt, non quod authoritatem Conciliorum contemnant, sed quod fidem in his Conciliis approbatam non recipiant. Non loquitur Leo de omnibus Conciliis in genere, sed de generalibus tantum illis Conciliis, quæ ante illius tempora habita sunt. Num
prop-

propterea sequitur, idem de omnibus Conciliis concedendum esse ? Nequaquam certè , nisi constiterit illis similia esse. Nos libenter cum Gregorio magno lib. 1. Epist. 24. profiteamur, anathema ijs omnibus dicendum esse, qui non recipiunt quinque illa generalia Concilia , quæ ante Leonis & Gregorij tempora habita sunt, iisque omni ex parte consentiunt. Nam ij certè fidem Catholicam negant, & hæretici sunt, non propter Conciliorum authoritatem , sed propter Scripturarum doctrinam . Non ergo hinc sequitur Concilia nunquam errare , sed semper verum statuere, nec eos omnes hæreticos esse, qui negant Concilia semper verum affirmare, quia omnia Concilia Scripturarum doctrinam non sequuntur . *Tertio* loco ait Bellarminus, Patres docere , decreta legitimorum Conciliorum generalium esse divina, & à Spiritu sancto edita. Sic Constantinus in Epist. ad Ecclesias, quæ habetur apud Eusebium l. 3. de vita Constantini, vocat Concilij Nicæni decreta, *cælestia mandata*. Sic Athanasius in Epist. ad Episcopos Africanos. *Verbum Domini per Oecumenicam Nicææ synodum manet in æternum*. Sic Nazianzenus in oratione in Athanasium ait , Episcopos ad Concilium generale Nicenum à Spiritu sancto congregatos esse. Sic Cyrillus in lib. 1. de Trinitate vocat decretum Concilij generalis Nicæni *divinum & sanctissimum oraculum*. Sic Leo in Epist. 53. ad Athanasium, & 54. ad Martinum Imperatorem affirmat, Nicæni Concilij cano-

canones per Spiritum sanctum ordinatos esse, & in Epist. 37. ad Leonem Augustum asserit, Concilium Chalcedonense per Spiritum sanctum congregatum fuisse. Sic Gregorius Magnus in lib. 1. Epist. 24. affirmat se venerari quatuor prima Concilia, sicut quatuor Evangelia. Sic Nicolaus primus in Epist. ad Michaellem decreta Conciliorum vocat *divinitus inspiratas sententias*. Deniq; Concilia ipsa affirmant, se in Spiritu sancto congregata. *Respondeo*: ista omnia concedi posse, sine ulla omnino nostræ defensionis damno aut detrimento. Quæ enim in Conciliis ex Scripturis & auctoritate Spiritus sancti definiuntur, ea divina esse quis negabit? ut quæ in Concilio Nicæno definita sunt contra Arium, quæ in Constantinopolitano primo contra Macedonium, quæ in Ephesino primo contra Nestorium, quæ in Chalcedonensi contra Eutychetem? Ergo verè Gregorius dicere potuit, se hæc Concilia ut quatuor Evangelia venerari. Quod tamen ille non dixit, quasi quæcunq; in his Conciliis definita sunt, eâ reverentia ac veneratione amplecteretur (nam quòd æquatus fuit Romano Pontifici Episcopus Constantinopolitanus, id nec Gregorius ipse, nec Leo unquam ferre potuit) sed quòd illam fidei doctrinam, quæ ab his quatuor Conciliis contra illos quatuor hæreticos propugnata fuit, tam esse veram, quàm ipsa Evangelia, minimè dubitaret. Et id quidem nos concedimus, verum non quòd ita Conciliis istis visum est, sed quia

quia hanc ipsam fidem *Evangelia* tradiderunt. Non tamen hinc sequitur, omnia, quæ in *Ecclesia* fuerunt, Concilia divina fuisse, & ab errore libera, sed illa tantum, quorum decreta *Scripturæ* & *Spiritus sancti* autoritate nituntur, cuiusmodi illa quatuor *Cōcilia* prima fuerunt. Quare ex his *Patrum* testimoniis nihil cōtra nos cōcludi potest. Quarto loco affirmat *Bellarminus* Patres docere, & profiteri, moriendum potius esse, quàm recedendum à decretis generalium Conciliorum. Sic *Ambrosius* in *Epist.* 32. *Sequor* (inquit) *tractatum Nicani Concilij, a quo me nec mors, nec gladius poterit separare.* Sic *Hilarius* exilium passus est propter *Nicænam* fidem, ut ipse testatur in fine libri de *synodis*. Et *Victor Africanus* in libris tribus de *Vandalica* persecutione describit plurima celeberrima martyria *Sanctorum*, qui pro fide in Concilio generali explicata mortui sunt. Et *Hieronymus* in libro contra *Luciferianos*, loquens de *Athanasio*, *Hilario*, *Eusebio*, aliisque sanctis confessoribus: *Quomodo poterant* (inquit) *adversum synodum Nicenam facere, propter quam exilia sustinuerunt?* Respondeo: vera hæc esse. Quis enim pius Christianus non mille mortes subiret pro illa fide, quæ fuit in *Nicæna synodo* proposita, cum salutis nostræ basis sit? Decrevit enim illa synodus, *Christum* esse *Patri* ὁμοούσιον. Hæc sententia nullo modo dimittenda, aut nobis extorquenda est. Quare mori potius debemus, quàm ut illam labe-

labefactari sinamus. Sed non sequitur, Concilia nulla posse errare; quia omnia Concilia non sunt eiusdem generis, fidei, & authoritatis cum Concilio Nicæno. Munita est hæc Concilij Nicæni sententia authoritate Scripturæ, & Spiritus sancti. Pro Scripturis verò moriendum est, sed non pro Concilio Nicæno simpliciter. Pro fide igitur synodi Nicænæ mori oportet, non quia ab ipsa synodo, sed quia à Spiritu sancto in Scripturis proponitur. Nam Synodus non fuit huius fidei inventrix, sed hanc esse Scripturarum doctrinam declaravit. Et quam antea ὁμολογούμενον fuit ferè inauditum, tamen nunc non tenere ὁμολογούμενον, est fidem rejicere. Nā hæretici suos esse agnoverunt, qui ὁμολογούμενον non tenuerunt.

Sequitur *tertium* & ultimum Bellarmini argumentum, quod sumitur à ratione naturali, ut loquitur ille. Sic enim Adversarij nostri sæpe solent in his causis de fide & religione, cum alia argumenta deficiunt, ad naturæ subsidia confugere, & ex natura rationes petere. Nos verò Scripturæ sumus, non naturæ discipuli, etsi integram sinceramque naturam non respuimus. Sed Bellarmini rationes à natura corrupta & depravata sumuntur. Quatuor ille affert rationes huiusmodi, à ratione naturali ductas.

PRIMA eius ratio est huiusmodi. Si Concilia generalia possent errare, nullum esset in Ecclesia firmum iudicium, quo controversiæ componi, & unitas in Ecclesia servari posset.

Nihil

Nihil enim est maius generali Concilio legitimo & approbato. *Respondeo* 1: Si vult Adversarius Concilium generale cum Papa esse summum iudicium, tum aut iudicium solius Papæ summum non est, aut duo simul summa iudicia in Ecclesia erunt. Non audet, sat scio, dicere, Papæ non esse summum iudicium, quia illum Adversarij Christi Vicarium in terris faciunt, & non posse errare contendunt. Quare si Christi iudicium summum sit, & eius quoque iudicium summum esse necesse est. Sic Papæ iudicio nullum planè erit augustius. Duo verò summa iudicia statuere, à ratione prorsus abhorret, nisi fortè idem iudicium Papæ solius sit, & Concilij cum Papa. Si Concilium addat aliquid ad iudicium Papæ, tum non erit Papæ iudicium summæ authoritatis. Sed si tota Ecclesia in unum locum conveniret, possétne Christi iudicium firmitus aut certius facere? nullo modo. Similiter de Papa iudicandum est secundum Adversarios. Sic Papæ solius iudicium erit, Concilij nullum. 2. Nullum esse in Ecclesia iudicium firmum, si Concilia errant, falsum est. Nam est iudicium Spiritus sancti in Scripturis loquentis. Hoc iudicium est firmum, hoc certum est, hoc est divinum & perpetuum iudicium. Qui nullum in Ecclesia Dei iudicium præter Concilia agnoscit, is Scripturas in nullo loco & numero habet. Hominum verò iudicium est infirmum, quia & multa ignorant, & affectibus pravis sæpe indulgere solent; at iudicium Spiritus sancti

sancti vnum semper & idem est. Quare sic disputo. Aut est Scripturarum aliquod iudicium, aut nullum. Nullum esse Scripturarum iudicium, non audent (opinor) dicere. Vocantur enim Scripturæ iudicia Dei, lex Dei, verbum Dei: ergo in Scripturis iudicat, loquitur, & docet nos Deus. Si verò aliquod sit Scripturarum iudicium, nonne illud summum & maximum est? nū Papæ maius quàm Scripturæ, id est, Dei iudicium erit? Quis id ausit affirmare? Nisi forte, vt sunt impudentes, negabunt Adversarii, aliquod esse Scripturæ iudicium. At hoc perinde est, ac si Scripturas ipsas è medio tollerent. Verum hoc tacitum (inquiunt) est, & occultum iudicium. Imò apertum, & manifestum. Si occultum sit, iis tantum qui pereunt occultum est, quorum mentes Deus huius mundi occæcavit, vt est 2. Cor. 4. 4. Quid? æquum nē fuit, vt nos Deus semper viva voce alloqueretur? nonne satis est, quòd voluntatem suam Scripturis patefecit? Si hodie ipse loqueretur, ut olim, nulla alia voce uteretur, quàm qua usus est in Scripturis. Iudex omnis voce sua iudicat, Scriptura verò Dei vox est, qua ipse iudicat. Quare videtis, quā iniquè de Scripturis iudicent & statuunt Adversarii, qui illius nullum esse in causis fidei iudicium, in quo acquiescamus, affirmant. Verum oportet nos eas defendere, & ab illorum iniuriis ac calumniis vindicare. Sed adhuc instant Adversarii, & aiunt, sic nunquam futurum esse finem controversiarum, si solis Scripturis iudici-

dictum deferatur. 3. igitur respondeo: non
 esse hoc expectandum vnquam in hoc mun-
 do, vt omnium de fide & religione contro-
 versiarum finis sit, non quòd obscurum sit
 Scripturae iudicium, sed propter hominum
 prauitatem ac perversitatem. Quòd nolunt ho-
 mines in Scripturis acquiescere, sed haereses eti-
 am reclamantibus Scripturis obstinatè defen-
 dunt, & in varias opiniones distrahuntur, hoc
 ipsorum non Scripturarum vitio fit. Nam si
 vellent homines perversitatem suam depone-
 re, & in Scripturae sententia placidè acquies-
 cere, statim harum controversiarum & con-
 tentionum finis esset. Et ideo datae sunt Scrip-
 turae, vt in omni controversia, quid verum
 sit, intelligamus. Quòd perversi verò in ijs
 non acquiescunt, eorū culpa est. Sequuntur
 enim suas affectiones, & sunt, vt Scriptura
 loquitur, *αὐτοκράτεροι*, *suapte iudicio condem-*
nati. Si verò Concilij esset iudicium supremum,
 quod vult Adversarius, tum meritò affirmare
 possemus, nullum fore finem controversiarum.
 Homines enim mētes mutant, sed Spiritus san-
 ctus semper est idem. Ergo si vult Adversarius
 tale aliquod esse iudicium, quod cogat omnes
 homines, tam malos, quàm bonos, tam eos qui
 sunt perverso ingenio, quàm eos qui ingenio
 placido sunt, in pace externa acquiescere, & v-
 nam sententiam amplecti; nullum certè tale iu-
 dicium est. Esse enim aliquod eiusmodi iu-
 dicium à Deo datum, est merum verumque
 com-

commentum, quia semper erunt pravi & perversi homines, semper hæreses erunt. At si vult eiusmodi esse iudicium, quod potest omnes controversias tollere & componere, si velimus in eo acquiescere; Scripturæ iudicium tale est. Atque ita de prima Adversarij ratione satis est à nobis responsum.

SECUNDA eius ratio sic se habet. Si non esset infallibile iudicium Conciliorum generalium, possent meritò revocari in dubium omnes damnatæ hæreses. Diceret enim Arius errasse Nicænum Concilium, Macedonius Constantinopolitanum, Nestorius Ephesinum, Eutyches Chalcedonense. *Respondeo* 1: Si ea vis Conciliorum esset, ut quod semel sit in illis statutum, nunquam postea revocari, aut in dubium vocari posset, tum post damnatum Arium in Concilio Nicæno, acquievisset omnes Christiani in iudicio Concilij, & desissent deinceps de questione in illo Concilio definita litigare. At constat multa postea eadem de re Concilia habita esse, in quibus eadem Quæstio denuò exagitata est. Sed objicient eos, qui non paruerunt authoritati Concilij Nicæni, fuisse Arianos, ac proinde istam responsionē nullius planè momenti esse. *Respondeo* igitur 1: non fuisse illos omnes Arianos, quibus *ὁμοούσιον* displicuit. Constat enim Episcopos illos, qui in Ariminensi Concilio convenerunt, maxima ex parte Catholicos fuisse, qui tamen in Arianam hæresin errore non voluntate inciderunt. Respuerunt enim

him & damnarunt *duo* *top* ob pacem Ecclesiæ, quod cessit tamen postea in maiorem contenti-
onem. Sed adhuc *respondeo*: si fuisset hoc *αἰσιμα*
certū & necessariū, Conciliū a Papa confirmatū
non posse errare, ne Ariani quidem ipsi restituis-
sent, aut si restituisent, damnati postea ob e-
am rem fuissent, quod Concilio non obtem-
perarent. Verū hoc illis nunquam objicieba-
tur. Nusquam enim damnatos fuisse Arianos
legimus, quod dicerent revocari posse, quæ se-
mel in Concilio decreta sunt, aut quod Conci-
lium errare posse crederent. Illi Scripturis pos-
tea oppugnati & damnati sunt, non auctori-
tate alicuius Concilii. Et oportet certē hæreti-
cos omnes auctoritate Scripturæ refutare. Nā
illi solent Concilia negare, & non magni fa-
cere. Sic illi Patres olim fecerunt, sic nobis faci-
endum est. 2. *Respondeo*: illa prima Concilia nō
posse meritō in dubium vocari, nec posse hæ-
reses in illis Conciliis damnatas iure revocari.
Nos enim edocti sumus ex sacris Scripturis,
dogmata illa vera esse, quæ ab illis Conciliis fā-
cita sunt, & hæreses ab iisdem oppugnatas &
damnatas falsissimas esse. Quid enim? num
in dubium vocandum, an Christus sit De-
us? an Spiritus sanctus sit Deus? an Christi
duæ naturæ sint, persona una? Nullo mo-
do. Quare non debemus aut cum Ario, aut
cum Macedonio, aut cum Nestorio, aut
cum Eutychete sentire, sed eos omnes dam-
nare & detestari, non tam propter auctori-

ritatem illorum Conciliorum, à quibus ipsoꝝ hæreses dānatæ sūt, quā propter ipsius Scripturæ autoritatem. Hodie quidem à nonnullis revocantur hæ hæreses, sed impiè, cū nolunt lucem aspicere omnibus in his Conciliis declaratam. Et hæc maxima Conciliorum vtilitas est, ut quod clausum est aperiatur. Oportet verò nos has hæreses eodem modo nunc refutare & iugulare, quo Patres olim, nempe autoritate, & testimoniis Scripturarum, non objicere illis Concilia. Nam huiusmodi hæretici Concilia irridebunt, & in nullo precio, aut numero habebunt. Quare nos in huiusmodi argumentis à Conciliorum autoritate petitis tractandis & proponendis oleum planè & operam perderemus. Et de secunda ratione satis multa diximus.

Venio nunc ad *TERTIAM*, quæ est huiusmodi. Si Concilia generalia errare possent, nulla esset certitudo de multis sacræ Scripturæ libris. Nam de Epistola ad Hebræos, de secunda Epistola Petri, de secunda & tertia Iohannis, de Epistolis Iacobi & Iudæ, & de Apocalypsi (quos libros, inquit, etiam Calvinistæ recipiunt) tamdiu est dubitatum, donec à Concilio res declarata est. *Resp. 1.* non posse nos meritò de ullius Canonici libri autoritate dubitare, nō propter Concilii alicuius sententiā interpositam, sed propter alias graviores causas, de quibus alibi diximus. *2.* Si ista res à Concilio pendeat, & in illius autoritate posita sit, semper erimus dubii. Nam hætenus in nullo generali Concilio

cilio fuit ista res definita, nisi volumus Florentinum & Tridentinū Conciliū pro generalibus Conciliis habere, quæ paucis abhinc annis habita sunt, & Papistica atq; Antichristiana Concilia fuerunt, Et si hæc Concilia probamus, nū rem dubiam fuisse tam multis antè seculis existimabimus? 3. *Respondeo:* Bellarminum ipsum secum pugnare, & sibi apertè adversari. Nam si hoc solius Concilii sit, pronunciare hunc librū esse Canonicum, illum verò non, tum Papa nō potest hoc iudicare, & sic Concilium erit supra Papam, vtpote cū illius iudicium magis authenticum sit. Aut si Papa potest, quod certè eum posse necesse est, si verum sit, quod de illo statuit Adversarius, eum supra Concilium esse, quare per mille quadringentos annos nunquā hanc rem definivit? 4. De libris illis alibi à nobis responsum est, de quibus olim dubitatum fuit. Canonici libri omnes fuissent habiti pro Canonicis, etsi nullum unquam fuisset generale Concilium. Ergo hæc commentitia causa est.

Nunc venio ad *QVARTAM* Bellarmini rationem, quæ est huiusmodi. Si omnia Concilia possent errare, illud certè sequeretur, ut omnia intolerabilem errorem admiserint, ac proinde nullo honore digna sint. Nam error intolerabilis est, proponere aliquid credendum, tanquam articulum fidei, de quo non constet, an sit verum vel falsum: at Concilia præcipua, ut Nicænum, Constantinopolitanum, Ephesi-

num, Chalcedonense, ediderunt nova Symbola fidei, aut certè novas sententias, quas voluerunt haberi, tanquam articulos fidei. Quis autem dicere audebit, illa Concilia quatuor intolerabilem errorem continere, nulloq; honore digna esse, cum ea videamus (inquit) etiam ab Adversariis cum honore suscipi, & non rarò in testimoniū veræ doctrinæ adduci? Restat igitur, ut firma & infallibilia esse credamus eorum iudicia. *Respondeo, 1:* Non sequitur hoc argumentum, Errare poterant Concilia: ergo erraverunt. Nam quòd non erraverint quedam Concilia, hinc fuit, quòd verbum Dei sequerentur, utq; omnia decreta sua illi consentanea essent, sedulo curarent. Et certè quæcunque Concilia sic faciunt, ea non errant, quæ secus, ea errare necesse est.

2. Illa Concilia non proponebant aliquid, ut articulum fidei, de quo non constaret, verumne an falsum esset. Nam constabat esse verissima, quæ ab illis proponebantur, non propter ipsorum Conciliorum, sed propter Scripturarum auctoritatem. Antichristianum verò est illud Concilium, & summam Ecclesiæ Dei iniuriam facit, quod aliqua huiusmodi decreta sua auctoritate proponit, quæ ex Scripturis nequaquam constant.

3. Ediderunt revera Symbola quædam antiqua illa Concilia, verum non ex suo ingenio, sed ex Scripturis, quæ sciebant verissima esse. Et Conciliis quidem licet Symbola eiusmodi edere, quæ clara Scripturæ auctoritate nituntur. Atque
hæc

haec sunt omnia Bellarmini argumenta.

Cardillus verò in disputatione, 9, uno præclaro argumento utitur, quod sic se habet. Spiritus sanctus Conciliis generalibus præsidet: ergo non errant. *Respondeo*: Spiritum sanctum quidem esse magistrum veritatis, sed non vbiq; omnibus Conciliis adesse. Nam multi Episcopi in nonnullis Conciliis frequentissime convenerunt, qui tamen Spiritus sancti magisterium sequuti non sunt. Qui nihil magis quam verum quærunt; idq; vbi quærendum est, nimirum in Scripturis, ii certe non errant. At hoc est abuti Spiritu sancto, sequi suum iudicium, & dicere Spiritus sancti iudicium esse. Spiritus sanctus non alligatur ad Concilia, sed Concilia ad Spiritum sanctum.

Melchior Canus lib. 5. cap. 4. conclus. 3. sic ratiocinatur. Vel tenetur populus stare definitioni Concilii, vel non tenetur. Si tenetur, tum errante Concilio, populus in errore est. Si non tenetur, illud Christi dictum non valet, *Qui vos audit, me audit*, & præceptum illud, *Super Cathedram Moysis sedent Scribae & Pharisei, Omnia ergo quæ dixerint vobis ut servetis, servate & facite*. *Respondeo*, 1: Populus non tenetur simpliciter omnes Pastores audire, & omnia, quæ docuerint, suscipere, sed ea quæ dixerint examinare, & si cum Scripturis consentiant, recipere, sin minus, rejicere. Ergo si Conciliū aliquid non verū proposuerit, populo licet

repugnare. 2. Hæc Scripturæ testimonia à Cano allegata, nihil ad Concilium generale spectant. Nam Christus ait, *Qui vos audit*, scilicet Pastores & Episcopos vera docentes, non, qui Concilium audit. Ergo sic nullus Pastor erraret, & sic etiam ne Scribæ quidem & Pharisei errarent.

Aliud Cui argumentum est huiusmodi. Ecclesia Catholica semper accepit decreta Conciliorum, & habitos hæreticos ab ijs, pro hæreticis habuit. *Respondeo*: Hæreticus nemo est, qui Concilium, sed qui doctrinam Spiritus sancti in Concilio propositam respuit. Habiti autem hæretici sunt magis, quod Ecclesia suam auctoritatem interposuit. Verum simpliciter non est penes Concilium, facere aliquem hæreticum, sed pronunciare tantum ex Spiritus sancti auctoritate, aliquem hæreticum esse.

Rhemenses duo Scripturæ loca afferunt in hac causa. Primus locus habetur Luc. 1. : .vbi Lucas ait se dedisse operam, vt omnia disquiret, vel, se omnia altè repetita penitus assequutum esse, vnde colligunt, sacros authores industriâ vfos esse, vt veritatem in ijs rebus, de quibus scriberent, investigarent, & sic Spiritum Sanctum illos direxisse, & similiter Concilia facere. *Respondeo* 1: Quod Patres in Concilio cōgregatos cum Luca Evangelista comparant, inepte faciunt. Lucæ enim etiam soli Spiritus sanctus adfuit, & fuit ille extraordinarium Spiritus Sancti ὀργανον, & ad illud munus extraordinarie de-

designatus. Nullus inter eos Lucæ similis est, imò ne omnes quidem simul congregati sunt illi similes. Tum enim possent Ecclesiæ præscribere, quid credendum, quidque faciendum esset, & omnia illorum decreta essent tanquam Evangelia. 3. Fatentur Adversarij, Concilia posse in facto errare. At Lucas in nullo facto, aut facti circumstantia erravit, ut qui Christi manus fuerit. Ait enim se omnia penitus assequutum esse.

Aliud argumentum colligunt Rhemenfes ex Ioan. 16. 13. ubi Christus Apostolis ait. Cum venerit Spiritus ille veritatis, docebit vos omnem veritatem. Vbi observari cupiunt, Spiritum sanctum dici spiritum veritatis, ut Ecclesiæ, & Papæ Ecclesiæ capiti summoque Rectori, & Concilijs denique generalibus promittitur, non ut promittitur singulis privatim fidelibus, & bonis viris, quia singulos in omnem veritatem non deducit. Respondeo: Nisi essent omnium hominum impudentissimi, non sic scriberent. Quid enim? nonne Christus Apostolos hoc loco allocutus est? nonne illis singulis Spiritum veritatis promisit? ergo spiritus veritatis non minus singulis, quam toti Ecclesiæ promittitur. Idem Spiritus singulis fidelibus promittitur, qui toti Ecclesiæ. Disiunctissimis enim locis idem Spiritus adesse potest. Et de Adversariorum argumentis hætenus.

CAPVT 3.

In quo nostra argumenta proponuntur.

NVnc venio ad arcem defensionis nostræ certis argumentorum præsidijis muniendā. Magna certe causa est, & quantulacumq; nobis videtur, ab Adversarijs procul dubio maxima existimatur. Illorum argumenta quàm infirma, quàm inepta, quàm futilia fuerunt, videmus: nunc nostra proponamus, quibus Concilia errare posse probamus. Quanquam enim hoc ex eo sequatur, quòd Ecclesia potest errare: tamen proprium tractatum requirit. Vtemur verò in hac causa quatuor argumentorum generibus. *Primò*, Scripturæ loca quædam proponemus. *Secundò*, rationes Scripturæ cõsentaneas. *Tertiò*, certos Conciliorũ errores proferemus. *Quartò*, Patrum atque aliorum testimonia colligemus.

De Concilijs non multa legimus in Scripturis. Calvinus l. 4. instit. cap. 9. paragrapho 3. nonnulla testimonia de Pastoribus Ecclesiæ in veteri Testamēto cumulat. Isai. 59. 10. *Speculatores eius cæci omnes, neque quicquam noverunt. Omnes canes muti, nec valent latrare. Iacentes dormiunt, & amant dormitionem, & Pastores ipsi nihil sciunt, nec intelligunt, & in univēsum respiciunt ad vias suas.* Ierem. 6. 13. *A Propheta usque ad Sacerdotem, quisque seclatur mendacium.* Et idem 14. 14. *Propheta mendacium prophetant in nomine meo.* Osee. 9. 8. *Speculator Ephraim cum Deo, laqueus ancipiti*

an cupis, odium in domo Dei. Ezech. 22. 25. Coniuratio Prophetarum in medio eius, sicut leo rugiens, & qui rapit prædam, sacerdotes eius violarunt legem meam, & prophana verunt sancta mea. Ex his & huiusmodi Prophetarum querelis colligi potest, illius Ecclesiæ Pastores perditos fuisse, & non modò cæcutiisse, verumetiam gravissimè erravisse, & in maximis erroribus constitutos fuisse: ergo non semper veritas in Concilio Pastorum reperitur. Bellarminus ad ista testimonia tripliciter respondet. *Primò* ait, omnes in Scripturis sæpe reprehendi propter aliquos: ergo hæc testimonia nō probare omnes veteris Testamenti Pastores, Sacerdotes, & Prophetas, simul aliquo tempore mendaces & sceleratos fuisse, sed tantum aliquos. *Respondeo*: non eò à nobis referri hæc testimonia, ut ex his probemus, omnes simul Pastores & Prophetas veteris Testamenti fuisse aliquando tales, quales in his locis describuntur, sed plurimos, & maximam partem: & fateor nō semper Scripturam, cum sic loquitur, nullum excipere, vel univeros sine exceptione intelligere, sed cōplurimos tantum, & maiorem partem. Sic cum Paulus ait Philipp. 2. *Omnes quæ sua sunt querunt*, nō omnes sine exceptione intelligit, sed plerumque. Multi enim Christum quærebant, sed plures sua. Sic etsi forsan inter Prophetas & Pastores illos pauci pii & boni fuerunt: ex his tamen locis cōstat, multitudinē pravā fuisse, & partem lōgē maximam à fide & religione aberrasse. Iam verò in
Conci.

Concilijs non pauci vincunt, sed plurimi, valent enim semper & vincunt ij, qui plures sunt: ergo in omnibus Pastorum Concilijs non semper vincit veritas, quia maxima pars Pastorum mendax & scelerata esse potest. *Secundo* ait Bellarminus, nihil horum dici de Concilio Sacerdotum, sed in Pastores & Prophetas, qui separatim populum decipiebant. *Respondeo*: Qui separati tales erant, eos congregatos nihilo meliores fuisse minimè dubium est. Cum enim impij Sacerdotes in unum congregati fuerint, num sperandum aut expectandum est, ut illos Spiritus sanctus subito quasi *ἐκστασι* quodam corripiat? nequaquam certè. Atqui hæc Prophetæ non de uno aut altero Sacerdote separatim, sed de ipso ordine universo, totoque adeo Sacerdotum collegio loquuntur. Sic Ierem. 4.9. *Obstupescant Sacerdotes, & Propheta terrebuntur*. Non loquitur de uno Propheta, sed de toto ordine Prophetarum, quales tum passim fuerunt. Similiter Ezech. 7. 26. *Lex peribit à Sacerdote, & consilium à senibus*. Similiter Miche. 3.6. *Nox vobis pro visione erit, & tenebra pro divinatione, & occumbet sol super Prophetas, & obtenebrabitur super eos dies*. Num hoc fuisset falsum vaticinium, si in unum locum convenissent? minime verò. Imò tum hoc quoque multò magis verum fuisset. Atque hæc in ipsum Prophetarum collegium detonuit Deus. An credibile est Sacerdotes illos, qui in Ieremiam singuli tam acres & acerbis fuerunt, factos esse mitiores & æquiores,

cum

cùm in unum coacti sunt? Nullo modo. Ludi-
bria hæc sunt. Nam impij & sacrilegi Docto-
res, cùm in unum locum conveniunt, & con-
gregantur, multò deteriores & pertinaciores
sunt. Obfirmant enim sese, & iunctis viribus
maiolem veritati plagam infligunt. Propheta
Oseas cap. 6. vers. 10. ipsam societatem & con-
gregationem Sacerdotum latronibus compa-
rat, qui viarum angustias obsident. Et hic fuit
status Pastorum in veteri Testamento. Si Con-
cilium ex huiusmodi Pastoribus fuisset con-
gregatum, quid boni ab ijs sperandum esset?
Coelum non animum mutant, qui ad Concili-
um eunt, ijdem sunt in Concilio, qui domi fue-
runt. Tertiò respondet Bellarminus, Ecclesiam
novi Testamenti maiores & certiores Dei pro-
missiones habere, quàm habuit Synagoga, ac
proinde omnia, quæ dicuntur in Scripturis ad-
versus Prophetas & Sacerdotes veteris Testa-
menti, non posse ad Sacerdotes novi Testamē-
ti transferri. *Respondeo*: Quòd ait maiores esse
factas Ecclesiæ promissiones, quàm Synagogæ,
si intelligat Synagogam, id est, Ecclesiam vete-
ris Testamenti magis errare potuisse, quàm po-
test Ecclesia Testamenti novi, in eo non modò
secum, sed & cum alijs Papistis pugnat. Semper
enim illud nobis obijciunt, quod habetur Deut.
17. de Concilio Sacerdotum, cuius iudicium in-
fallibile fuisse volunt. Nunc verò Bellarminus
quasi timidus minus tribuit Synagogæ, quàm
Ecclesiæ. Si verò Synagoga errare non potuit,
hoc

hoc factum est propter perpetuam Spiritus sancti assistentiam, & tum sequetur non minores factas esse promissiones Synagogæ, quàm Ecclesiæ. Huc referri solet illud, quod habetur Malach. 2. *Labia sacerdotis custodient scientiam, & legem requirunt ex ore eius.* Hoc si necessariò verum fuit, tum Synagoga promissiones tam magnas habuit, quàm habet Ecclesia. Sed videamus maiores illas promissiones, quæ Ecclesiæ factæ sunt. Illæ verò sunt huiusmodi, *Super hanc petram ædificabo Ecclesiam meam, & portæ inferorum non prævalerunt adversus eam.* Matth. 16. Et quod habetur 1. Tim. 3. Ecclesiam esse *columnam & firmamentum veritatis.* Quo in loco videte quæso insignem Adversarij stuporem. Sic ille hæc, quæ à Christo & Paulo dicuntur, Ecclesiæ novi Testamenti tribuit, ut neget Synagogæ; quod non modò falsum, sed & impium est. Illa enim veteris Testamenti Ecclesia, cum & Catholica & vera Christi Ecclesia fuerit, non minùs quàm Ecclesia novi Testamenti, has promissiones habuit. Nènnè enim super petram ædificata fuit Ecclesia illa? num portæ inferorum adversùs illam prævaluerunt? Præterea, num Ecclesia veteris Testamenti non fuit columna & firmamentum veritatis? Vbi quæso veritas tum fuit, nisi in Ecclesia? Ergo nullo modo respondere potest, potuisse veteris Testamenti Ecclesiam errare, novi verò non posse propter promissiones. Nulla enim promissio facta est uni, quæ alteri non convenit, quòd ad
hanc

hanc rem spectat. Ergo nostrum argumentum ex his Scripturæ locis ductum tenet. Iam verò Calvinus secundo loco probat hoc idem posse quoque in Ecclesia novi Testamenti evenire. Atque huc adducit 2. Pet. 2. 1. *Quemadmodum fuerunt in populo veteri pseudopropheta, sic & inter vos erunt falsi Doctores, sectas perditionis insinuantes, & 2. Thess. 2. 4. ubi Paulus ostendit non alibi sessurum Antichristum, quam in templo Dei. Præterea Act. 20. 29. idem Paulus Ephesinos Episcopos in hunc modum alloquitur. Scio quòd post discessum meum, intrabunt in vos lupi rapaces, non parcentes gregi. Et ex vobis ipsi erunt, qui loquantur perversa, ut abducant discipulos post se. Et Matth. 24. 11. & 24. Christus ait. Multi Pseudoprophetae surgent, & seducant multos. Ex his & alijs testimonijs possumus colligere, non esse, quod ad hanc rem attinet, meliorem statum Ecclesiæ novi Testamenti, quam fuit olim veteris. Hic Bellarminus ait se mirari, si Calvinus, cum hæc scriberet, non ad se oculos reflecteret, ac diceret, Quid si ego ipse unus sim de numero horum infelicium pseudoprophetarum? Sed mirandum magis, Bellarminum ipsum sese non respexisse, & secum cogitasse, se esse unum ex falsis illis Prophetis. Est enim ille *Idesistix*, & *Idesistix* ex nova secta Iesuitarum. Sed quid respondet? Ait scilicet hæc testimonia de Conciliis Episcoporum non intelligi. *Respondeo*: Fateor quidem Petrum non loqui de Concilio, sed quando*

quando ait futuros esse tales inter nos Doctores falsos, quales fuerunt pseudoprophetae in veteri populo Iudaeorum, monet non minus nobis ab illis cavendum esse, quam Iudaeis olim sub veteri Testamento à pseudoprophetis cavendum fuit. Innuat enim non maioribus privilegijs ornari pastores novi Testamenti, quam veteris Testamenti pastores olim ornati sunt. Et loquitur Scriptura in his locis non minus de Episcopis, quam de Presbyteris, aut sacerdotibus. Nam Paulus ait in templo Dei sessurum esse Antichristum, in templo verò Episcopi praecipue dominari volunt. Et Act. 20. idem ait, Ex vobis, scilicet Episcopis, exhibunt lupi rapaces. Nullum ergo hominum genus sive congregatum, sive separatum, ab errore liberum est. Hæ enim sunt generales præmonitiones, non esse ullis alligatam veritatem: ergo cavendum esse. Adducit deinde Calvinus Concilium illud quadringentorum pseudoprophetarum, quorum mentio fit 1. Reg. 22. Constat illos turpissimè errasse, & mentitos fuisse etiam in unum coactos, ut apparet ex vers. 6. & 22. Authores enim erant pessimi consilij, quod etiam pessimè cecidit. Nam hortati sunt Reges Achabum & Iehosaphatum, ut in bellum proficiscerentur contra Ramoth Gilead, & hoc bellum prosperè illis cessurum esse polliciti sunt. At fefellit eos spiritus erroris. Ergo Pastores etiam in vnum locum congregati errare possunt. Sed respondet Bellarminus 1:

hos

hos non fuisse Prophetas Domini. Fateor veros Prophetas non fuisse. Sed hoc tamen non fuit omnibus perspectum, imò nè Iosaphato Regi bono. Sed probat Bellarminus hoc illi fuisse cognitum, quia quæsit à Rege Achab, an non esset aliquis Propheta Domini, per quem Dominus interrogari posset. Sed si locum inspiciamus, facile Adversarium redarguemus. Nam ait Iosaphat vers. 7. *An non est hic Propheta Iehoua amplius?* Ergo hos quidem esse Prophetas Iehovæ existimavit. Nescierat hos mentitos esse, at suspicatus est. Nam si persuasus fuisset illos esse Pseudoprophetas, quare illorum hortatu in bellum cum Achabo profectus est? cur non potius statim à proposito destitit? videtur ergo illis assensus esse. 2. Respondet Bellarminus, Concilia non Prophetarum sed Sacerdotum esse debere. Sic plus ille tribuit in hac causa Sacerdotibus, quàm Prophetis, quod tamen ab illo minimè fieri oportuit. Quasi verò Prophetæ citius falli poterant, quàm sacerdotes. Imò si veri Prophetæ fuissent, certius illorum fuisset, quàm sacerdotum iudicium. Nam Prophetæ extraordinarijs Spiritus sancti donis præditi erant. Nati sunt Sacerdotes, facti verò Prophete. Sed hac in re coniuncti sunt cum Prophetis Sacerdotes Ierem. 26. 8. 11. ex quo loco constat non Prophetas modò, sed & Sacerdotes errasse. Sed 3. respondet Bellarminus, Concilium illud ab Achabo Rege, non à summo Pontifice coactum fuisse, ac proinde nihil mirum fuisse, si

fi erravit. *Respondeo* : Quasi tanti interfuit, à quo congregati fuerint pseudoprophetae ? homines iidem futuri erant, à quocunque fuissent congregati. Sed si à Pontifice congregati fuissent, non errassent, quia verò à Rege congregati sunt, errabant. At 1. Reg. 18. Elias magnam Prophetarum multitudinem congregandam curavit, ipse maximus Propheta. Num ideo rectius iudicârunt ? num ob id minùs errârunt, quia ab Elia sunt congregati, illius scilicet iussu, vel saltem petitione ? Quadringentos quinquaginta prophetas Baalis, & prophetas luci quadringentos Elias aut convocavit, aut certè monuit convocandos. Non facilè reperiemus frequentiore conventum in Concilio aliquo Papistico. Sed tamen hi omnes pessimè errabât. Nam in idololatria persistebant, & conspirabant. Nihil ergo interest, à quo Pastores congregentur. Quales enim domi fuerint, tales in Concilio erunt, quia cœlum non animum mutant, qui ad Concilium veniunt, quemadmodum antea à nobis dictum est. Deinde verò adducit Calvinus & similiter Brentius Concilium Iudæorum in novò Testamento præside Caia-pha, in quo excommunicati sunt omnes, qui Iesum esse Christum profitebantur, ut Ioan. 9. 22, legimus, in quo etiam Christus blasphemix accusatus & mortis reus iudicatus est, ut habetur Ioan. 11. 53. & Marc. 14. 64. An non hoc Concilium fuit legitimum ? Erant hi sacerdotes, fuit hoc Concilium à summo Pontifice con-

con-

congregatum, & Pontifex ipse ei praefuit: nihil denique defuit, quod ad Concilii legitimi formam pertineret Bellarminus aperte & ingenuè fatetur, hoc Concilium errasse. Ergo hæc controversia videtur iam ad exitum perducta. Nā aliquod Concilium in fide errasse fatetur Adversarius. Quid ergo? num prodit ipse causam suam? Nequaquam verò. Sed ait Pontifices & Concilia Iudeorum non potuisse errare, antequam Christus veniret, sed eo praesente potuisse, imò fuisse praedictum erraturos Iudeos, & Christum negaturos, Isai, 6. Daniel, 9. & alibi. Similiter Stapletonus lib. 2. cap. 12. non fuisse Ecclesiam, sed Satanæ Synagogam ait. Similiter Andradius in lib. 1. de defension. Tridentini Concilii, hoc non fuisse legitimum Concilium ait. Similiter Petrus Sotus in libro contra Brentium de Conciliis, quo in libro hac de re multa disputat. *Respondeo:* Quod negant isti hoc fuisse legitimum Concilium, mirum est. Quare enim legitimum non fuit? quid defuit? Nonne ibi summus Pontifex fuit? nonne reliqui fuerunt legitimi Sacerdotes? Non fuisse, opinor, non dicent. Nam Sacerdotium nondum sublatum fuit, quia Christus nondum est mortuus. Ergo adhuc Aaronicum Sacerdotium stetit. Vnde etiam videamus, quam vanum illud sit, quod Bellarminus ait, Concilia Iudeorum ante Christum non potuisse errare, sed postea potuisse. Nam Christo praesente aut defuit Aaronicum Sacerdotium esse verum Sacerdotium, aut non.

Si defijt, tum novū Sacerdotium cōstitutū fuit. At nullū adhuc novū Sacerdotiū est cōstitutū, quia nondū Christus incruentū illud sacrificiū in cæna obtulerat, de quo tā multa Papiſtę, atq; ita novi Teſtamētī Sacerdotiū nondum conſtituerat. Aut hoc ergo legitimū fuit Sacerdotiū, aut nullum fuit Sacerdotium à Christo nato ad Christum mortuum: at ſine Sacerdotio nulla Eccleſia. Si non defijt, tum Chriſti præſentia Sacerdotium non mutavit, niſi forſan in Christum culpam aliquā conjicient. Et ſi illud Sacerdotiū deſiſſet, Chriſtus non templū, nō ſacrificia frequentāſſet. Sed quomodo nunc ſecum Papiſtę conſentiunt? Nā ex eo quòd Caiaphas prophetavit, Papā nō poſſe errare concludūt, ne impiū quidē, quia Caiaphas impius vi Spiritus ſancti, quē ſummo Pontifici nunquā defuturum eſſe dicūt, prophetavit. Sic Rhemēſes, & omnes Papiſtę. Et Chriſti Eccleſiā poſt aſcenſionē incēpiſſe dicunt. Sic Stapl. lib. 2. de princ. fidei doct. cap. 11. Ergo ante illud tempus aut Synagoga Eccleſia fuit, aut nulla fuit Eccleſia. Et Hoſius in lib. 2. contra Brentij prolegomena, quando vult reſpondere Brentio hoc Concilium obijcienti, affirmat diſertè, ſententiam in hoc Concilio pronunciatam fuiſſe veram, & Spiritum ſanctum huic Concilio adfuiſſe, & Levitico Sacerdotio non defuiſſe Spiritum ſanctum, ſpiritum veritatis, donec Chriſtus cruentum ſacrificium obtulerat. Similiter Canus lib. 5. cap. vlt. in reſponſione ad ſecundum argumen-

tum

nam. At Sacerdotes in hoc Concilio congregati Christum blasphemare iudicârunt. Ergo aut blasphemavit ille, aut hoc blasphemum iudiciû fuit. Similiter deniq; Hardingus in responsione ad Apologiam Anglicanam parte, 6. cap. 6. sect. 3. At hic Bellarminus contrâ. Et sic Stapletonus etiam aliquando. Nam lib. 2. de princip. doctrin. fidei, cap. 12. ait hos Pontifices & Sacerdotes non Dei Ecclesiam, sed Satanz Synagogam fuisse. Videtis ergo illos vnâ cum seculo sententiam mutare. Vidit enim Bellarminus, huius Concilii sententiâ nullo modo potuisse defendi. Marci enim 14. 64. & Matth. 26. 65. definitum fuisse legimus in hoc Concilio, Christum blasphemâsse. Hæc fuit huius Concilii sententia. Hoc vidit Bellarminus, ac proinde coactus est alias latebras quærere. Quod ergo nos volumus ex hoc loco colligere, adhuc integrû est. Atq; hæc ferè sunt, quæ ex Scripturis in hac causa à nobis proferûntur. Qui plura testimonia desiderat, referendus est ad Quæstionem illam, quæ prius à nobis tractata est, nèpe, An Ecclesia possit errare. Omnia enim ferè testimonia, quibus in illa causâ vsi sumus, huc referri possunt. Sed hic Bellarminus pungit Lutherum, verum sine causa. Ait enim Lutherum videri Concilium Apostolicum, cuius mentio fit Act. 15. reprehendere, quia dicit in assert. artic. 29. in 2. tom. operû suorû, Iacobû mutâsse Petri sententiâ. Cõstat autẽ (inquit) sententiâ Petri, qui iudicaverat non debere Gentes cogi ad legalia,

fuisse bonam & veram, quia eam tuetur Paulus in tota Epistola ad Galatas: ergo sententia Iacobi, quam Synodus tota secuta est, fuit mala & falsa, quæ nimirum iussit Gentes abstinere à sanguine & suffocato, quod nihil aliud est, quàm Iudaizare. Hoc ille ex Lutheri verbis colligit. *Respondeo*: Fateor hæc quidem Lutheri verba esse, Iacobum mutasse sententiam Petri. Sed non ex eo sequitur, quod vult Bellarminus, Petri sententiam falsam fuisse. Nam addidit aliquid Iacobus, quod Petrus prætermisit. Non ergo eius sententiam ut falsam respuit, sed quod defuit, necessario explevit. Deinde ait Bellarminus, Lutherum in libro de Concilijs, parte prima, multa dicere de lege illa, quæ ab Apostolis in hoc Concilio instituta erat, de abstinendo à sanguine & suffocato. *Respondeo*: Facit id quidē, & præclare, sed quid tum? Et si (inquit) non audet asserere fuisse malam legem, tamen inde probat Conciliū nihil prodesse, quia nō potest defendi ista lex, nisi dicamus Conciliū non obligare. *Respondeo*: hoc esse impudens mendaciū. Nihil enim tale Lutherus habet. Sed eò tantum spectant vniversa, quæ illo in loco disputat Lutherus, ut doceat Concilia Papistica non esse tāti facienda, cum quod ipsi Apostoli decreverunt, ab ijs non servetur: ergo non hunc esse finem Conciliorum, ut omnia illorum decreta semper rata esse debeant; Papistas sua Concilia vrgere, qui tamen hoc Concilium contemnunt. At sic illum interpretantur Adversarij, quasi affir-

affirmaret, nullum esse vsum, nullum finem, nullam vtilitatem Conciliorum, cum tamen ipse Concilia sæpe laudet. Fateor Lutherum de illa lege variè loqui, at non vt Concilia tollat aut damnet, sed vt eleuet & minuat nimiam illam authoritatem, quam nonnulli Concilijs tribuebant. Sed vt aliquid de illa lege dicam, fuisse illam olim variè intellectam constat. Irenæus lib. 3. cap. 12. quando repetit hoc decretum, prætermittit suffocatum. Similiter Cyprianus in lib. 3. ad Quirinum illud vocabulum prætermittit, & per sanguinem intelligit sanguinis effusionē. Similiter etiam Ceda in comment. in illum locum. At verò Bhrysostomus & Oecumenius hoc vocabulum habent, sed per suffocatum τὸν θάνατον intelligunt, quasi sensus esset, abstinendum esse à cæde, & sanguinis effusione. At alij aliter. Sed tamen hæc lex fuit inter Christianos servata diu. Nam Tertullianus in Apologetico suo cap. 9. probat Christianos humano sanguini nō inhiare, cum pecoris etiam sanguinē horreant. Et Patres in Concilio Gangrensi cap. 2. reprehendūt eos, qui damnarunt vescentes carnibus, *καὶ αἵματι* & *ἐν ἰδωλοθύτῳ* & *πικτῷ*, *præter sanguinem, & idolis immolatū, & suffocatū*. Hæc lex ad tēpus valuit, vt Gentes cum Iudæis melius coalescerent. Augustinus in lib. 3. 2. cōtra Faustum Manichæum cap. 13. docet multos intellexisse illud, quod à sanguine sit abstinēdū, de homicidio, quasi sensus esset, ne quis se homicidio cōtaminaret. Sed melius ait, illud fuisse ad tempus,

donec duo parietes, vnus ex circumcissione, alter ex præputio, in lapide angulari concordarent. Ex his manifestum est, hanc legem fuisse diu observatam, non tamen ab omnibus perinde intellectam, iam verò prorsus abrogatâ esse.

Scripturæ testimonia à nobis explicata sunt: nunc sequitur, vt ad secundum nostrum argumentum veniamus, in quo rationes quædam explicandæ sunt Scripturis consentaneæ. *Prima ratio hæc est.* Si Concilium firmatum auctoritate summi Pontificis ita à Spiritu sancto gubernatur, vt errare non possit in causis fidei iudicandis, tum eius omnes definitiones erunt *θεσπυς*, & Canonicis Scripturis pares, nam Scriptura est *θεσπυς*. Sic nihil inter decreta Conciliorum, & scripta Prophetarum ac Apostolorum intererit: Consequens verò aperte falsum est: ergo & antecedens. Bellarminus hæc rationem non attingit. Sed Canus lib. 5. cap. 5. ait se præsentem quendam magnum Theologum concessisse istam consequentiam. Vidit nimirum hic egregius Theologus necessarium esse, si sic à Spiritu sancto Concilia regantur, vt errare non possint, nihil inter Apostolos, & Patres in Concilio congregatos interesse. Hoc est quod Gratianus ait Augustini testimonio abusus distinct. 19. capite, *In Canonicis, Epistolas Paparum Decretales esse Canonicas Scripturas.* Et Innocent. in 3. lib. de celebrat. Missæ, capite, *Cum Marthe,* ait Scripturam sacram asserere, *Iniuriam facere Martyri, qui orat pro Martyre.* Hæc aut Papæ,

aut

aut Concilij alicuius sententia est, nam in Scripturis nusquam legitur. Sed Canus hanc opinionem improbat, & meritò. Nam si Conciliorum decreta omnia sint *debetur* (inquit) cur non rediguntur in codicem sacrorum librorum, aut cum Canonicis Scripturis annumerantur? Sed debuit Canus (ut est acutus) considerare, non minus quid suae sententiae consentaneum esset, quam quid causae ipsius veritas postularet. Quomodo enim hanc opinionem improbare potest, cum defendat Concilia ita à Spiritu sancto regi, ut in suis decretis errare non possint? Si enim decreta eiusmodi, ut vera, necessario recipienda sunt, propter Spiritus sancti afflatum, tum conclusio haec negari non potest, nihil planè interesse inter definitiones Conciliorum, & sacras Scripturas. Hic Canus sudat miserè. Ait duplex discriminè esse inter sacros Scriptores, & summum Pontificem, Patresque Concilij. *Primum* discrimen est, quod sacri Scriptores ex proxima Dei revelatione, & inspiratione, scribunt dogmata Catholica; at Patres in Concilio congregati humanam viam incedunt, disquirunt, disputant, arguunt, omnia diligenter examinant, & sic tandem Dei auxilio definitiones veras proponunt. Sed respondeo 1: hoc nihil interesse, quomodo procedant Patres in Concilio congregati, modò id constet, non errare in definitionibus suis. Quomodo cumque enim procedant, & definitiones suas proponant, necesse est, ut ijs tamquam *debetur* assentiamur, siue mox, siue post aliquod intervallum, habita disceptatione aut disquisitione aliqua

proponantur. Sed tamen quòd ait, Apostolis in Concilio Hierosolymitano congregatis non statim revelatum esse, quid in illa causa decernendum esset; non assentior. Nam Apostoli hoc nòrant, antequam Concilium congregatū est. Paulus per aliquot annos antea prædicaverat, ceremonias esse abrogatas: num eum nunc incertum fuisse existimabimus? Fuit quidem, fateor, in illo Concilio *πᾶσι συζητήσαντες* sed inter eos qui ex circumcisione erant, & legalibus ceremoniis nimium erant addicti, quos Petrus reprehendit, quòd Deum tentarent. 2. *Respondео*: Si Patres in Concilio congregati humanā viā ad veram definitionem tandem perveniunt, ut ille ait, tum illorum definitiones incerte semper sint necesse est. Fieri enim potest, ut in via aberraverint, & non diligenter disputaverint, nec res ipsas penitus examinaverint, & disquisierint. Quare non possumus in quavis Concilii definitione continuò acquiescere. *Alterum* Cuius discrimen est, quòd sacris Scriptoribus Spiritus sanctus in singulis etiam minimis adfuit, at non Conciliis nisi in rebus fidei; in facto enim errare posse. *Respondео*: hoc nihil est, quia omnia interim Conciliorum decreta de rebus fidei erunt Scripturis Canonicis æqualia. Quare nostrum adhuc argumentum firmum est.

Secunda nostra ratio huiusmodi est. In omni cætu multitudinis interdum potest accidere, & sæpe accidisse accepimus, ut maior pars vincat meliorem: ergo in Conciliis Ecclesiæ, ubi defini-

nium-

nuntur omnia per plura suffragia, facile fieri poterit, ut contingat error. Vinci posse meliorem partem à deteriore notum est, nam mali sæpe plures sunt. Idem etiam in Conciliis fieri potest. Nam in Concilio Ariminensi, & Ephesino secundo, pauci boni à multis malis victi sunt. Bellarminus respondet lib. 2. cap. 9. in Concilio Ecclesie hoc accidere non posse. *Respondeo.* Quid? Nonne sic in Concilio Ariminensi accidisse legimus, & similiter etiam in Ephesino secundo? nonne in his Conciliis plures hæretici, quam Catholici fuerunt, atque hoc modo veritas succubuit multitudini? nonne in alijs multis Conciliis similiter accidisse novimus? Sed respondet Bellarminus, acta horum Conciliorum fuisse postea irritata, sic enim ille loquitur. *Resp.* Hoc nihil interest, modo hoc concedat, veritatem aliquando vinci posse in Concilio. Licet enim postea se veritas colligat, hoc tamen non impedit, quod minus prius in Concilio à maiori parte oppressa fuerit. Nam quod post Concilium accidit, non pertinet ad Conciliū. Deinde quod ait hæc Concilia irritata fuisse, ludit. Quomodo enim (quæso) hoc probare potest? A quo irritata sunt? A Papa, inquit. At ille non potuit irritare. Sibi forsan non placere declaravit, at irritare non potuit. Sed Spiritus sanctus (inquit) in Conciliis præsidet, & Christus est in medio eorum, qui in nomine ipsius congregati sunt. *Resp.* At tū Spiritus sanctus in his Conciliis præsidebat. Nequaquam, inquit. Quare? Quia non sunt in Chri-

Christi nomine congregata? At quare non sunt in Christi nomine congregata? Hoc non explicat. At hoc certè explicādū erat. Hoc est, quod nos antea diximus, oportere nobis antea cōstare, an in Christi nomine congregatum aliquod Concilium fuerit, quān nobis constare potest, illud Concilium esse legitimum. Nam si in nomine Christi non congregata sunt hæc Concilia, quia Papæ autoritate non sunt cōgregata: *primò* Ephesinum Concilium fuit autoritate Papæ congregatū, *secundò*, tum hoc non habet locum in duobus aut tribus, nisi fortè duos aut tres non posse in Christi nomine congregari statuatur, nisi id Papa sciat, & probet, quod est ridiculum. Quare Nicolaus Clamengis in disputatione de Conciliis præclarè scribit hac de re. *Non omnes (inquit) qui congregantur, in Christi nomine congregantur. Non est putandum, carnales filios Ecclesie, qui temporalia querunt, spiritualia non curant, Concilia agitant, ut ipsi in otio vivant, hos in Christi nomine congregari.* Et ait, *Ecclesiam suo tempore fuisse plenam talibus, & nullos ferè, nisi tales inveniri.* Ergo illorum studia & desideria, qui ad Concilia conveniunt, nobis antea explorata esse debent, num carnales sint, & carnalia quærant, an filii sint Ecclesiæ, & cœlestia quærant. Atq; hoc est, quod Cyprianus ait in libro de vnitæte Ecclesiæ, *Quomodo in Christi nomine possunt congregari, qui à Christo & eius Evangelio separantur?* Quare nostrum argumentum adhuc valet. Si plurium suffragia in Conciliis valent, tū possunt

possunt errare: at primum verū : ergo & secundum. Nam sapientes paucissimi sunt, stultorum verò infinitus ubiq; est numerus. In paucis Dominus citius servat veritatē aliquando, quā in multis. Quadringenti Prophetæ mentiti sunt, veritas in uno Michea est inventa. Quare Canus l. 5. loc. com. c. 5. aliter respondet. Non enim convenit inter illum & Bellarminū. Negat Bellarminus in Concilio Ecclesiæ partē meliorem vinci, Canus concedit. Sic quā benè inter se conveniant, videtis. Sed quomodo non errabūt Concilia, si maior pars vincat meliorē? *Nimirum Papa* (inquit) *non tenetur sequi partem maiorem.* Nā hic Papa succurrat necesse est, alioqui de causa actum erit. *Resp.* Nimirum hoc est, quod nos antea diximus, Episcopos in Concilio congregatos non esse iudices, sed monitores tantum, solū omnium controversiarum iudicē esse Papam, reliquos verò nullā authoritatem habere. Si enim Episcopi essent iudices, secundum plures fieret iudicium, & plurium iudicum sententia valeret. At hoc nō semper fieri affirmat Canus, sed Papā posse suā sententiā plurium sententiis præferre. Nā quantumvis multi (inquit) in contrarium ferantur, tamen Papa non tenetur illos sequi. Ergo solus Papa iudex est. In hoc tamen magnopere dissentit Canus à magistro suo Ioanne de Turre cremata, qui in lib. 3. summæ de Ecclesia cap. 65. affirmat *in controversia qua dubia est & nondum definita, arguendum esse à maiore parte.* Imò in cap. 64. ausus est dicere, in huiusmodi causa Concilij potius quā Papæ

sententiam sequendam esse. Sic illi nihil inveniunt, in quo consistent. Non possunt enim se expedire, quin fateantur necesse est, Episcopos aut *κατὰ ἀρίστην* esse, aut eorum saltem maximam partem, & sic sequetur meliorem partem à maiore vinci aliquando.

*Tertia nostra ratio in hunc modum est instituta. Legitimum Ecclesiæ Concilium ex Episcopis Catholicis constat. Iam verò qui sint Catholici Episcopi, nobis ignotum est. Possunt enim esse schismatici & hæretici, imò fieri potest, ut ne Episcopi, quidem sint, qui se pro Episcopis Catholicis venditant: ergo decreta Conciliorum nobis semper dubia & incerta erunt. Non possumus enim certò credere, omnia Conciliorum decreta vera esse, quia potest aliquod Concilium ex huiusmodi Episcopis constare. Bellarminus in responsione ad hoc argumentum Papisticam insaniam prodit. Ait enim, *Etiam si summus Pontifex, & omnes Episcopi, qui ad aliquod generale Concilium à summo Pontifice convocantur, essent corde hæretici, & sola externa professione Catholici: tamen Deum nunquam permissurum, ut eiusmodi Concilium in decretis suis formandis erraret. Assistit enim Concilio (inquit) Spiritus sanctus, non tam propter ipsum Concilium, quàm propter Ecclesiam universam, quæ divino præcepto tenetur Episcoporum sententiam non discutere, sed venerari. Itaque ne erraret Ecclesia universa (inquit:) divina providentia faceret, ut etiam Concilium illud Episcoporum fictorum, vellet, nollet, verissimum**

nam fidem Ecclesie sequendam proponeret. Hæc & eiusmodi Papistica nosse est salus Christianorum, ne in fraudem Papisticam incidant. Duo sunt hic falsa & impia à nobis observanda. *Primum* est, Spiritum sanctum non modò Concilio Episcoporum Catholicorum adesse, ut non possint errare, sed & hæreticorum corde. *Secundum* est, Spiritum sanctum efficere, ut illi hæretici, velint, nolint, verissimam fidem proponant. Hæc esse falsa constat dupliciter. *Primo*, quia Spiritus sanctus non modò linguas nolentes trahit, sed corda etiam docet, & in veritatem inducit, & cor ac linguam dividi non sinit. Christus enim talem Spiritus sancti assistentiam promisit, non quæ linguam nolentem trahat, & cor non moveat, sed quæ cor in veritate confirmet. Et quidem animis nostris prius persuadet Spiritus sanctus, quàm linguas trahit. Ioan. 14. 16, 17. Christus discipulos suos alloquens, ait se Patrem rogaturum, eumque illis alium consolatorem daturum, nempe Spiritum veritatis, qui (inquit) ἔσται παρ' ὑμῶν, & ἐν ὑμῖν ἔσται, manet apud vos, & in vobis erit. Ergo intus in corde & in animo Spiritus sancti sedes est. Et vers. 26. διδύξει ὑμᾶς πάντα, & ὑπομνήσει ὑμᾶς πάντα ἃ εἶπον ὑμῖν. Docebit vos omnia, & suggeret vobis omnia, quæ dixi vobis. Quid hoc aliud est, quàm mentes docere, non linguas tantum, ut externa duntaxat professio fiat? Ideo Christiani διδιδάχται dicuntur. Hoc idem est cum eo quod habetur Ioan. 16. 13. ἐδιδάχθη ὑμᾶς οἱ σάτωρ τῶν ὁρῶντων, deducet vos

vos in omnem veritatem, vos (ait) non linguas tantum vestras. Tum enim nos Spiritus sanctus in omnem veritatem deducit, cum corda nostra instruit. Atque hæc loca afferunt Adversarij, ut Spiritum sanctum semper esse cum Ecclesia doceant, ei que nunquam deesse. At hic Spiritus sanctus est magister alius, quam qualem isti describunt. Non linguas ducit in veritatem, corda verò finit esse à veritate averfa; non patitur quenquam corde esse hæreticum, & linguâ Catholicum. Ille verò Spiritus, quem Papistæ fingunt Concilijs adesse, linguas tantum, non corda regit, non finit linguas pronunciare falsum, sed cor tamen esse hæreticum patitur. Hocne pium & Catholicum dogma est? Imò ex hoc satis manifestum est; abyssum Papisticæ impietatis exhauriri nunquam posse. *Secundò*, ex eo constat hoc esse falsum, quod ait Adversarius, quòd si qui sint corde hæretici, ij non possunt in Concilio congregati simul sententiam veram proferre, aut Catholicam fidem tueri. Nam si veram sententiam proferant, & fidem Catholicam tueantur, aut gratiâ id faciant necesse est, aut vi, aut metu. Non gratiâ. Quomodo enim gratiâ induci possunt, ut ijs faveant, à quibus corde abhorrent, & animum alienum habent? Non metu; quia summa in ijs est potestas, summam in Ecclesia auctoritatem habent. Non vi. Nam quæ vis excogitari potest, quæ illos cogat? non externa, nam nulla externa vis id potest, nec ullam externam vim ipsi metuunt: non interna,

interna, quia voluntas cogi non potest, hoc enim pugnaret cum arbitrij libertate, ut quod intellectus esse falsum iudicat, id voluntas cogatur dicere verum. Spiritus sanctus ait, *ex abundantia cordis os loqui*. Luc. 6. 45. ὁ ἀγαθὸς ἄνθρωπος ἐκ τοῦ ἀγαθοῦ θησαυροῦ τῆς καρδίας αὐτοῦ περιφέρει τὸ ἀγαθόν, καὶ ὁ πονηρὸς ἄνθρωπος ἐκ τοῦ πονηροῦ θησαυροῦ τῆς καρδίας αὐτοῦ περιφέρει τὸ πονηρὸν. ἐκ γὰρ τοῦ περισσεύματος τῆς καρδίας λαλεῖ τὸ σῶμα αὐτοῦ. *Bonus homo ex bono thesauro cordis sui profert bonum, & malus homo ex malo thesauro cordis sui profert malum. Ex abundantia enim cordis loquitur os eius.* Et Matth. 12. 33. ἢ ποιήσατε τὸ δένδρον καλόν, καὶ τὸν καρπὸν αὐτοῦ καλόν, ἢ ποιήσατε τὸ δένδρον σαπρὸν, καὶ τὸν καρπὸν αὐτοῦ σαπρὸν. ἐκ γὰρ τῆς καρτῆς τὸ δένδρον γινώσκειται. *Aut facite arborem bonam, & fructum eius bonum, aut facite arborem putrem, & fructum eius putrem, nam è fructu arbor cognoscitur.* Et vers. 34. πῶς δύνασθε ἀγαθὰ λαλεῖν πονηροὶ ὄντες. *Quomodo potestis bona loqui, cum sitis mali?* Quare tandem Bellarminus ait, hoc vehementer durum ac violentum esse, ut Concilium totum hæreticorum, repugnante voluntate ac sententia, decretum Catholicum conderet. Vidit tandem Iesuita durum & violentum esse. Tamen ait non esse impossibile Deo. Sed quale hoc est argumentum? Hoc potest fieri, quia nihil est Deo impossibile: ergo fit, aut factum est aliquando. Num huiusmodi fundamentis nostra fides nititur? Imò in ijs quæ facit Deus, & se velle facere declarat, non in ijs quæ potest, fides nostra fundata est. Sed quomodo probat Bellar-

Bellarminus hoc non esse impossibile? *Quia Deus* (inquit) *aliquando per iumentum corripuit Prophetæ insipientiam.* Præclara similitudo. Deus asini os aperuit: ergo Episcopi repugnante voluntate veram possunt Ecclesiæ fidem sequendam proponere. Num enim asinus loquutus est repugnante voluntate? Quæ voluntas in asino fuit hoc aut illud loquendi? Asininum profectò hoc argumentum est. At impossibile est, quicquid contradictionem implicat, in hoc autem est contradictio, velle & non velle idem simul. Sed quomodo probat Deum etiam hoc velle? Ait Spiritum sanctum assistere Concilio, *non tam propter Concilium, quam propter Ecclesiam universam, quæ divino præcepto tenetur Episcoporum sententiam non discutere, sed venerari.* Hæc Iesuitarum Theologia est, hæc sunt *æquata* Papistica, non Catholica. Sed respondeo 1: Spiritum sanctum non esse alligatum ad cætum hæreticorum Episcoporum. Nam hæretici sunt, qui corde sunt hæretici. Num his quæso Spiritus sanctus inserviet? 2. Si Concilium potest esse legitimum, & Catholicum, quod constat ex Episcopis omnibus corde hæreticis, ore tantum & lingua, hoc est, externa tantum professione Catholicis, cur non Ecclesia tota possit etiam similiter esse Catholica extra, intus hæretica? At hoc absurdum est. Quemadmodum ergo Ecclesia Catholica non est, quæ constat tota ex hominibus corde hæreticis, linguâ Catholicis: ita nec Concilium. Nam Concilium est Ec-
clesia

clesia repræsentativa. 3. Ecclesiam teneri, ut
Episcoporum sententias non discutiat, sed vene-
retur, ubi tandem habetur? Quis Propheta, quis
Apostolus hoc iubet? Imo cavere iubemur à
Pseudoprophetis, ne in fraudem hæreticorum
incidamus. Et 1. Ioan. 4. 1. scriptum legimus,
Ἐκζητετε τὰ πνεύματα, hoc est, explore, ex-
amine, discutate spiritus: Ergo non oportet
nos acquiescere in alicuius sententiâ, nisi prius
examinatâ & exploratâ. At illi præscribunt,
quæ volunt, & ea examinare prohibent. Quæ
hæc tyrannis est? Monstra hæc opinionum
sunt. Videte, quantum veneni lateat sub hac vna
Papistica assertionem. Et de tertia nostra ratione
hactenus.

Nunc ad *quartam* accedo, quæ in hunc mo-
dum se habet. Si non possunt Episcopi in Con-
cilio cōgregati errare circa fidem: hoc fit aut ra-
tione sapientiæ, aut sanctitatis, aut potestatis, aut
promissionis à Christo factæ. At non ratione
sapientiæ, quia non sunt semper omnium homi-
num sapientissimi; nec propter sanctitatem, quia
sunt aliquando homines impuri, & sanctitas nō
confirmat in fide; nec propter autoritatē, quia
Papæ maior est autoritas quàm Concilij, ut il-
li volūt, & tamen Papa potest errare, ut habetur
apud Gratian. dist. 40. capite, *Si Papa*; nec deniq;
propter Christi promissionē, quia Christus nō
loquitur de Cōcilio, & tamē fidē semper dura-
turā esse ait. Ioannes de Turre cremata lib. 3. c.
60. ait, Concilia non posse errare propter Chri-

sti promissionem. Quam quæso? Propter illam nimirum, quæ habetur Luc. 22. *Oravi pro te Petre, ne fides tua deficeret, & illam, Porta inferorum non prævalebunt adversus eam.* Respondeo 1: Secum ipse pugnat. Nam concedit ipse alibi, Papam errare posse, quia hæreticus esse potest. At quomodo fieri potest, quin is qui errat, alios in errorem ducat? 2. Quid hoc ad Concilium attinet? Nam si Papa non errat, num ergo Concilium non errat? Quid enim si reliqui in Concilio nolunt Papæ assentiri? Concilium non succedit Petro, sed Papa. De hoc loco postea nobis plura sunt dicenda. 3. Portæ inferorum contra primum nullum unquam prævalebunt: ergo sic nullus pius erraret unquam, si ij omnes ab errore liberi sint, contra quos portæ inferorum non prævalebunt.

Quinta nostra ratio in hunc modum est instituta. Historici nulli nisi sacri certam fidem faciunt: at hoc aut illud Concilium fuisse legitimum, non ex sacris historijs, sed tantum ex Ecclesiasticis cognoscimus: quare non possumus certò statuere, alicuius Concilij decreta vera esse. Vega quidam, qui interfuit Cōcilio Tridentino, magnopere fuit hoc argumento conturbatus. Ait vero tandem lib. 3. cap. 39. Concilium esse legitimum, fide Catholica teneri à fidelibus, non quia id historici testantur, sed quia ipsum Concilium hoc definivit. At hoc absurdum est. Quid enim hoc ad fidem nostram pertinet, hoc aut illud Concilium legitimum esse?

Tum

Tum inter hæc duo nihil intererit, Christum Dei filium esse Patri *ὁμοιον*, & Concilium Nicænum esse legitimum. Sed Bellarminus istam responsionem improbat, & merito. Nam ait 1, vetera Concilia omnia non sic definivisse, ex fide scilicet tenendum esse, suos conventus esse legitimos. 2. Ait non posse nobis constare, decretum hoc legitimum esse, nisi prius constiterit, Concilium ipsum legitimum esse. Nam si ambigo (inquit) an fuerit legitimum Cōcilium, antequam definiret se esse legitimum, ambigo etiam, an non erraverit in eo ipso decreto, quo se legitimum esse pronunciavit. Et ego 3, addo, nec hoc ab aliquo Concilio fuisse decretum, aliqua ratione à nobis intelligi posse, nisi ex historiis Ecclesiasticis. Ergo si hoc sit ex fide tenendum, hoc aut illud Concilium esse legitimum, quia ipsum Concilium sic definivit, tum fides nostra ex historiis Ecclesiasticis pendebit; at oportet fidem nostram ex nullis historiis nisi sacris tantum pendere. Quare Bellarminus aliter respondet ex Cano lib. 6. cap. ult. in responsione ad decimum argumentum, fide Catholica teneri, Concilia legitima non errare, sed hoc aut illud Concilium esse legitimum, fide humana sciri, ut fuisse quondam Cicero- nem, Catilinam, Iulium, Cæsarem, Octavium. *Respondeo*: Bellarminus incidit in eosdem laqueos, quos voluit vitare. Nam etsi Concilia legitima non posse errare, sit fidei Catholicæ, tamen nisi hoc aut illud Concilium fuisse legiti-

num, ex fide etiam Catholica teneatur, eius decreta nulla erunt ex fide Catholica, sed humanâ tantum. Nam unde scio Concilium aliquod esse legitimum, hinc etiam scio eius decreta legitima esse. De antiquis Concilijs multa legimus, sed in historijs Ecclesiasticis, & in actis Conciliorum, non in Scripturis. At hæ historiæ non sunt *Secundæ*. Ergo dubium hoc semper, & incertum erit, an hoc aut illud decreverint, imò an legitima Concilia fuerint, nisi velimus tantam fidem tribuere ijs historijs, in quibus harum rerum mentio fit, Socratis nimirum, Sozomeni, Theodoret, & aliorum, quantum sacrarum historiarum scriptoribus tribuimus. Hac ergo in re hæc dubia insunt. *Primum* est, an hoc aut illud Concilium fuerit legitime congregatum. Hoc verò scire nullo modo possumus, nisi ex historijs & gestis Conciliorum. *Secundum* est, fueritne hoc aut illud Concilium autoritate Romani Pontificis confirmatum. Hoc etiam non aliunde quam ex historicis cognoscendum est, Socrate nimirum, Sozomeno, Theodoret, & alijs. Ergo fides nostra ex illis pendebit. *Tertiò*, illud quoque dubium est, num veri & legitimi Episcopi fuerint, qui ad Concilium convenerunt. Ab huiusmodi enim decreta promulgari debent. At hoc etiam non alio modo, nisi ex historijs constabit. *Quartum* dubium est, num hi Episcopi sponte an coactè sententiam dixerint.

rint. *Quintum* & ultimum est, num hoc aut illud definierunt. Ista omnia non nisi ex historiis & actis Conciliorum intelligi possunt. Quid ergo? num hæc ita esse credemus, ut in testimoniis historicorum acquiescamus? num hæreticus statim ero, si his de rebus dubitavero? Nequaquam certè. Quare Conciliorum authoritas incerta est, ac proinde nullum decretum alicuius Concilij (quatenus est Concilij decretum) fide Catholica est tenendum.

Sexta nostra ratio est huiusmodi. Concilia possunt in facto errare: ergo & in fide. Posse in facto errare omnes Papistæ concedunt, Bellarminus, Canus, Stapletonus, & alij. Antonius Delphinus in lib. 2. pag. 166. hoc exemplo utitur. Si Paulus cum Lucretia clandestinas nuptias contraxerit, & postea Mariam palàm duxerit, si res ad Concilium delata fuerit, iudicabit posteriores nuptias valere oportere, & Paulo cum Maria manendum esse, non cum Lucretia. In quo sine dubio (inquit) errabit Concilium, quia vera uxor Pauli est Lucretia; nam in facto errare potest (inquit) non in iure. Sed quare non in iure? Quia regitur à Spiritu sancto. At si non errat Concilium, quia à Spiritu sancto gubernatur, tum nec in facto errat, nam Spiritus sanctus non inducit in errorem facti. Aiunt Spiritum sanctum eos in omnem veritatem deducere: ergo & in verita-

tem facti. Nam Spiritus sanctus tam factum quam ius tenet. Quare ergo in facto errare potest Concilium, cum ipsum Spiritus sanctus regat? *Respondet* Delphinus, quia in rebus facti iudicant Patres & Episcopi in Concilio congregati secundum allegata & probata. *Respondeo*: Hoc est quod ego dico, Patrum iudicia in Concilijs humana esse, non divina. Hoc enim palam arguit, illorum iudicium non nisi humanum esse, & non regi illos à Spiritu sancto, qui etiam occultissima quæque scrutatur. Sed videte quæso, quam præclare stolidus hic Papista secum consentiat. *Primo* ait, Concilium errare sine dubio, si iudicat Paulo manendum esse cum Maria, quia hæ nuptiæ non erant legitimæ. *Secundo* ait, cum iudicat Concilium Paulo manendum esse cum Maria, à Spiritu sancto dirigi. Ergo sequitur, Spiritum sanctum illorum opinione in errorem dirigere, & erroris magistrum, praviq[ue] & falsi ducem ac doctorem esse, qui error certè perniciosus est. Sic illorum assertio non modo falsa sed etiam blasphema est. Ergo concludo, Concilia, à quocunque congregata fuerint, non modò in facto, verumetiam in rebus fidei errare posse.

Iam ad *tertium* nostrum argumentum accedo, in quo probabo Concilia de facto errasse. Proferam enim apertos, multiplices, exploratos Conciliorum errores. Atque hac quidem in re maxima pars huius Quæstionis consistit. Erravit Concilium Ariminense, erravit Seleuciense,

ense, erravit Ephesinum secundum, & alia multa Concilia errârunt. Hæc tria Concilia errâsse ipsi Papistæ concedunt. Ergo Bellarminus ait frustra objici ista Concilia, cûm non legitima fuerint Concilia, sed à summo Pontifice reprobata. Verûm respondeo, hæc Concilia fuisse legitima per omnia, quæ Concilium legitimum faciunt. Nam *primo* cõgregata sunt ab eo, qui auctoritatem congregandi habuit. *Deinde* illi adfuerunt, quorum interfuit adesse, veri scilicet & legitimi Episcopi. Non enim quia errârunt hæc Concilia, idcirco negandum est fuisse legitima, quemadmodum nec eum qui mentitur, continuo veracem esse negandum est, nam qui verax est, falsa aliquando loqui potest. Certe quod ad externam formam attinet, vera & legitima Concilia fuerunt. Sed Bellarminus ait, Ariminense & Seleuciense Concilium non fuisse auctoritate Romani Pontificis congregata. *Respondeo* 1. Si hæc satis iusta causa sit, cur non fuerint legitima, tum similiter sequetur, nec Cõcilium Nicænum primum fuisse legitimum, nec reliqua tria Concilia generalia, quæ proximè secuta sunt, imo ne octo quidẽ prima Concilia. Nos enim prius demonstravimus, ista Cõcilia non fuisse Romani Pontificis auctoritate congregata. 2. Deinde ad hæc Concilia, Ariminense scilicet, & Seleuciense, magnus numerus piorum & Catholicorum Episcoporum venit, quemadmodum ex historiis constat; qui certe non venissent, si modò existimâssent ad Romanum

manū Pontificem pertinere. Cōcilia indicere & convocare. Tamen fraude circumventi sunt, & hæreticæ opinioni assenserunt. Si hoc Romani Pontificis ius esse existimâssent, facile potuisset ille eos deprecari, vt abessent, & venire recusarent. Quare vel ex hoc manifestum est, non pertinere ad Romanum Pontificem, Concilia congregare. *Deinde* respondet Bellarminus, Ariminense & Seleuciense Concilium vnâ cum Ephesino secundo non fuisse à Romano Pontifice approbata, ac proinde non fuisse legitima Concilia. *Respondet*: Romanum quidem Pontificem in eo rectè fecisse, & quod fuit officium suum, quòd hæc Concilia non approbavit. Nam vis, & error, & hæc esis in illis Concilijs valuerunt. Non fuisset ergo Catholicus Episcopus, si approbâssent. Et quòd ille hac in re fecit, idem etiam alij Episcopi præter illum fecerunt. Sed non ideo nec erant, nec habita sunt non legitima, quia à Romano Pōtifice non sunt approbata. *Primo* enim, si hoc evincit non fuisse legitima, quia non fuerunt à Romano Pontifice approbata; tum se queritur quedâ decreta Cōcilij Chalcedonenfis & Constantinopolitani primi non fuisse legitima. Nam decreta quædam sunt in his Concilijs, quæ Pontifex Romanus non probavit, non Damasus, non Leo, nō alij, nempe Episcopum Constantinopolitanum Romano parem & equalem esse debere, & equalia vtriusq; Ecclesiæ, Romanæ scilicet & Constantinopolitanæ privilegia, in posterum esse oportere.

re. Imò **Leo** in Epist. 52. ad **Anatolium** ait, hoc illicitè voluisse multitudinem, & **Patres** illius Concilij hoc contra regulas & **Canones** sanxisse. Et tamen valuerunt hæc decreta etiam invito **Romano Pontifice**, & hæc etiam **Concilia** nihilo minus legitima semper habita sunt. *Secundo*, si hoc fuisset olim in orbe **Christiano** creditum & receptum, nullum Concilium esse legitimum sine approbatione **Romani Pontificis**, tum in Concilio **Ariminenfi** & **Seleuciensi** nihil actum, nihil conclusum, nihil definitum fuisset, nec causa vlla aut triumphandi hæreticis, aut dolendi **Catholicis**, ex illis Concilijs oblata fuisset. Sed legimus in historijs, his Concilijs magnum **Ecclesiæ** damnum illatum esse, & magnam cladem fidei **Christianæ** inflictam fuisse, quod non evenisset, si hoc dogma orbi **Christiano** cognitum fuisset, **Romanum Pontificem** habere authoritatem approbandi Cōcilia, adeo vt sine eius approbatione legitima nō essent. *Tertiò*, si in omnibus Cōcilijs **Romani Pontificis** approbatio necessaria fuisset, tum **Patres** olim vsi fuissent hac exceptione & responsione, quando rē habuerunt cum hæreticis, & hoc argumento vsi fuissent ad infringendā authoritatē Conciliorum hæreticorum; quod tamen non fecerunt. Quare manifestum est eos nō existimasse, hoc ad **Romanum Pontificem** pertinere. **Augustinus** cum multis hæreticis graviter disputavit, à quibus inter alia argumenta Cōciliorum etiam quorundam authori-

thoritate premebatur, tamen non legimus eum hac responsione aliquando usum esse. Cum esset huius Ariminensis Concilij authoritate pressus, non sic respondet & eludit, nempe non fuisse hoc Concilium à Romano Pontifice cōgregatum & approbatum, sed Nicænum Concilium Adversarijs remittit, vt Ariminensis Concilij authoritate non premeretur. Sic enim scribit in lib. 3. contra Maximinum. *Sed nunc nec ego Nicænum, nec tu debes Ariminense tanquam præiudicaturus proferre Concilium, nec ego huius authoritate, nec in illius detineris.* Sed cum sciret Augustinus, non fuisse hoc Concilium à Romano Pontifice approbatum, Nicænum verò fuisse, potuisset optimè secundum Adversarios Nicænum Concilium vrgere, vtpote à Papa approbatum, Ariminense verò vt ab illo reprobatum contemnere. Sed ille apertè ait, quemadmodum ipse Ariminensis Concilij authoritate non tenebatur, sic nec hæreticos Nicæni Concilij authoritate detineri. Ergo ad Scripturas provocat, quarum authoritati vtriq; parere tenebantur. Ex his quæ dicta sunt, quatuor ista colligimus. *Primum* est, Concilia errare posse etiam maxima & frequentissima, cuiusmodi fuerunt Ariminense & Seleuciense Concilium, *Secundum* est, non fuisse hoc olim in Ecclesia Dei cognitum, Cōcilia nempe authoritate Romani Pontificis approbari debere, quia tum Ariminensi & Seleuciensi Concilio nulla fides adhibita fuisset. *Tertium* est, posse ea, quæ semel

in

in Concilijs definita sunt, iterum in quaestione,
disceptationemque vocari. Quare remittit Au-
gustinus Maximino Ariano Nicænum Conci-
lium, si ipse vellet illi Ariminense remittere. Nō
enim sic ait Augustinus, Debes in Concilij au-
thoritate acquiescere, fuit hoc antea in Concilio
definitum, non licet nunc denuò in dubium re-
vocare; sed ait, Ego tibi remittam Nicænum
Concilium, tu mihi remitte Ariminense, mitta-
mus Concilia, Scripturas proferamus. *Quar-*
tum, quod colligimus, est, impium omnino ef-
se, & fidei Catholicæ iniuriosum, ex Concilijs
veritatem suspendere. Tum enim necesse erit,
vt de veritate nonnunquam dubitemus, imo vt
aliquando errores amplectamur. Nam cum in
Concilijs res pendeat ex suffragijs Episcopo-
rum, si plures impij quàm pij fuerint in aliquo
Concilio congregati, veritatem in illo Concilio
opprimi necesse est. Quin & hinc etiam seque-
tur, frequentissima Concilia maximæ authori-
tatis & fidei esse. Sic Ariminense & Seleuciense
Concilium maioris erunt fidei & authoritatis,
quàm Nicænum, imo Nicænum nihili præ his
erit. Duplo enim plures fuerunt in his Conci-
lijs Episcopi, quàm in Nicæno. Nam ad hæc
Concilia omnes Episcopi Orientis & Occidē-
tis convenerunt. In Epistola Ariminensis Con-
cilij ad Constantium sic scriptum legimus. *Ari-*
minum ex cunctis Occidentis civitatibus omnes E-
piscopi convenimus. Ergo videtur, etiam Roma-
num Episcopum eò venisse. Orientales verò E-
piscopi

piscopi eodem tempore Seleuciæ substituerūt. Vnum enim idemq; fuit Concilium, licet duobus locis habitum. Nam voluit Imperator omnes totius orbis Christiani Episcopos congregari, qui quoniam in unum locum omnes convenire non potuerunt, Arimini Occidentales Episcopi, Seleuciæ verò Orientales congregati sunt. Si ergo velimus de fide & autoritate alicuius Concilij ex numero & multitudine Episcoporum iudicare, tum huic certè Concilio Nicenum cedat & postponatur necesse est, quod absit. Et Hieronymus in dialogo adversus Luciferianos innuit, totum mundum ad hoc Concilium convenisse. Ergo hoc modo melior erit causa erroris & falsitatis, quàm veritatis, si ex Conciliis veritatem suspendamus. Concilium Ephesinum secundum fuisse generale, negari non potest. Convocatum fuit ab eodem Theodosio Imperatore, qui primum Ephesinum Concilium congregavit. Aderant ubiq; omnium Ecclesiarum Episcopi, ut constat ex Epistola Imperatoris ad hoc Concilium, quæ habetur in Actione prima Concilii Chalcædonensis. Aderant Patriarchæ quatuor, Alexandrinus, Antiochenus, Constantinopolitanus, Hierosolymitanus, & Romanus etiam Pontifex per legatos adfuit. Quid hinc desiderari potest, quod ad Concilium legitimum attinet? Respondet Bellarminus, non fuisse approbatum autoritate Romani Pontificis. *Respondet:* Non sequitur non fuisse legitimum, quia Pontifex

tifex Romanus non habuit tum authoritatē approbandi Concilia. Quòd ergo Papa illi non assensus est, hoc non satis est ad evertendā Concilii authoritatem. Si enim Pontifex Romanus abrogare potuisset hoc Concilium, & sua solius authoritate infringere, non opus fuisset, ut Concilium Chalcedonēse postea conveniret ad illud infringendum. At Chalcedonēse Conciliū postea congregatū est, ut hoc Ephesinum secundum Concilium infringeret. Quare nihil habēt Adversarii, quod probabiliter respondere possunt, nisi fuisse hoc Conciliū turbulētū, & hæresin in eo fuisse cōfirmatā. Quod ego certē verū esse fateor. Hanc enim ob causā appellatur hoc Cōciliū in historiis *λειτουργικόν*, quasi prædonū & latronū non Episcoporū Conciliū esset. Sed hoc probat quod nos volumus, posse nēpe Cōcilia generalia turbulenta esse, & errare. Sed interfuit etiam ipse Pontifex Romanus huic Concilio per legatos : quare ergo illius authoritate non repressus ille tumultus fuit, si illius tāta authoritas erat, quātā Adversarii volūt? Sed nihil ille olim potuit, præut nūc potest. Nō enim fuit olim Papa, & Antichristus, ut nūc est. Iam verò ex historiis cōstat, Arianos regnāte Constantio intra spaciū triginta annorū Concilia ad minimum decem habuisse, in quibus omnibus error definitus & confirmatus, veritas verò depressa fuit. Fuerunt illa Concilia non pauca, sed plurima, non minima, sed maxima. Habuerunt illi Concilia Tyri, Hierosolymis, Philippis, Syr-

Syrnii, Arimini, Seleuciæ, Constantinopoli duo, Antiochiæ etiam, Alexandriæ, & Mediolani, in quibus victa veritas, damnatus Athanasius, explosum *ἡμωσισμὸς* fuit. Homines scilicet fuerunt, fecerunt quod hominum est, erraverunt. Si quis dixerit ista Concilia hæretica fuisse, hoc est quod nos dicimus, posse in Conciliis heresin proponi & propugnari. Sed quoniam horum Conciliorum minor est auctoritas, quia Ariana fuerunt, urgebimus alia, quæ non fuerunt Ariana, nec ex Episcopis hæreticis constabant. Cyprianus sanctissimus, & religiosissimus Episcopus, summa pietate præditus, qui etiam martyr fuit, habuit unum, alterum, tertium Concilium, unâ cum aliis multis piis Episcopis, in quibus omnibus definitum fuit, eos qui ab hæreticis baptizantur, esse rebaptizandos. Augustinus in lib. 3. de Baptism. contra Donatist. cap. 10. testis est plura à Cypriano habita esse Concilia, in quibus omnibus hoc definitum est. Pamelius, qui scribit annotationes in Cyprianum, in annotat. in Epist. 73. numero, 6. ait certò posse deprehendi, fuisse tria Concilia ab illo hac de re congregata. Et Eusebius lib. 7. cap. 3. ex Dionysio ait, illud dogma definitum fuisse *ἐν ταῖς μεγίσταις καὶ ἁγιωτάταις συνόδοις*, in maximis Episcoporum synodis. Et Cyprianus apud Augustinum lib. 2. de Baptism. contra Donatist. cap. 9. meminit alterius cuiusdam concilij hac de re habiti ab Agrippino prædecessore suo. Quid? num Tridentinū Conciliū

cum

cum his cōparabimus? illāne errare potuerunt, hoc non potuit? quis dixerit? Hinc concludo etiam pios Episcopos in Concilio congregatos errare posse.

Nunc restat, ut illorum Conciliorum errores ostendamus, quæ ipsi etiam Adversarii pro legitimis agnoscunt. Profero igitur *primo* loco Concilium Neocēfariense, quod fuit ipso etiam Nicæno Concilio antiquius. Et quāquam particulare fuit Concilium, tamen à Leone quarto approbatum & confirmatum fuit, ut patet apud Gratianum distinct. 20. canon. *De libellis*, & à Synodo etiam Nicæna, ut dicitur in Concilio Florentino sess. 7. Iam verò hoc Concilium erravit, cū canon. 7. secundas nuptias damnavit. Prohibet enim Presbyterum interesse convivio secundarum nuptiarum. Verba Concilii hæc sunt. Πρεσβύτερον εἰς γάμους δευτέρων μὴ ἐστῆναι, &c. Quibus verbis aut damnavit prorsus secundas nuptias, aut eam maculam iis asperfit, quæ aliquid in illis vitii inesse innuat. At hæ nuptiæ sunt à Spiritu sancto probatæ Rom. 7. 3. & 1. Cor. 7. 39. Bellarminus dupliciter respondet, & hoc Concilium excusat. *Primo* ait, Patres huius Concilii non damnare secundas nuptias, sed eas tantum, in quibus quis viva adhuc uxore aliam ducit, atq; ita duas simul uxores habet. *Secundo* ait, dici posse, non prohiberi secundum matrimonium, sed solennitatem secundi matrimonii, cui solennitati propriè convenit nomen nuptiarum. Celebritas enim nuptiarum

tiarum (inquit) tantum semel in Ecclesia fieri consuevit, nimirum quando virgines coniunguntur, ut Isidorus testatur lib. 2. de officiis, cap. 19. Canon igitur ille prohibet (inquit) ne Presbyter celebrati secundi Matrimonii intersit, quin potius penitentiam iniungat iis, qui contra morem Ecclesie in secundo matrimonio eiusmodi celebritatem adhibuerint. Sed *respondet v.* Concilium nullum verbum facere de eo, qui vivente adhuc priori vxore aliam ducit, atque ita duas simul vxores habet, sed palam & simpliciter damnare, vel saltem prohibere *δυναμιν*. *Δυναμιν* verò sunt, qui bis nuptias contraxerunt, & tales etiam postea irregulares fecerunt Papistæ. Per *δυναμιν* verò eos intelligi, qui secundas nuptias contraxerunt, ex Concilio Niceno patet Canone. 8. vbi Cathari iubentur κοινωσέιν τοῖς δυνάμιν, *communione[m] habere cum bigamis*. Nolebat Concilium procul dubio eos communionem habere cum illis, qui viuis adhuc uxoribus suis, alias duxerunt. Per *δυναμιν* etiam secundas nuptias intelligi ex Concilio Laodicensi cap. 1. patet, vbi *δυναμιν* tanquam legitima commendatur. Concilii verba hæc sunt. ἐν δὲ τῷ πρώτῳ καὶ νομιμῶς δευτέρῳ γάμῳ συνάφειντας. Quare manifestum esse constat huius Concilii errorem, quicquid Bellarminus respondeat. Sed quid est quod conetur quisquam hoc Concilium excusare, cum idem Canone, 1. prohibeat Presbyterum γαμῶν nullam omnino Scripturæ autoritate? Præterea cuiusmodi, obsecro, illud

illud est, quod habetur Canon. 11. Presbyterum non esse ordinandum ante annum ætatis suæ trigessimum, quia Christus illo tandem anno baptizatus est, & tum primum cæpit prædicare? At *Papistæ* ipsi hanc legem abrogârunt. Ordinant enim multos Presbyteros ante annū trigessimum. Simile est quod habetur in canone ultimo huius Concilij, ubi *Patres* præcipiunt, ut in quaque civitate tum maxima tum minima septem sint Diaconi. Quare? Quia regulæ scilicet authoritas id postulat, quæ habetur Act. 6. At hæc ineptissima est ratio, & *Adversarii* ipsi hanc quoque legem abrogârunt. Quare aut erravit Concilium in hac regula, aut *Papistæ* postea errârunt, qui hanc regulam non servant. Non est ergo quod huius Concilij authoritatē quisquam defendat. Iam verò, 2. respondeo, quod attinet ad illam solennem nuptiarum celebritatem, nullum omnino verbum hac de re eo in loco fieri, sed de nuptijs tantum. Ergo hoc planè stolidum commentum est. Fatetur *Adversarius*, secundas nuptias esse legitimas, sed non esse solenniter & publicè celebrandas, quod planè commentitium, Pontificium, & ineptissimum est.

Iam secundo loco profero Concilium Nicænum primum, quod fuit omnium nobilissimū & celeberrimum, & ab antiquissimis Concilijs approbatum & confirmatum, & maximæ semper in Ecclesia Dei authoritatis. Sed quid? num hoc Concilium erravit? sanè erravit. Duo erro-

res huius Concilij à viris doctissimis animad-
 versi sunt. *Primus* error habetur in Canone 19.
 de hæreticis rebaptizandis. Sic enim legimus
 in græcis codicibus. Iubet Concilium *τὸς ἀνα-
 βάπτιστας ἀναβάπτισαι*, id est, eos qui secuti sunt
 Paulum Samosatenum, iterum baptizari. Hoc ni-
 hil aliud est, quàm quod Cyprianus antea de-
 creverat, quodque Anabaptistæ postea docue-
 runt, & quod in vtrisque damnatur. Ergo error
 est. Sed iam respondet Bellarminus (& sanè si
 vera sit eius responsio, liberabit fidē huius Con-
 cilij) Paulianos scilicet non baptizasse in nomi-
 ne Trinitatis, quia Christum purum esse homi-
 nem credebant, & Trinitatem apertè negabāt,
 ac proinde non verè baptizasse. Quod si verum
 sit, tum meritò decrevit Concilium, rebaptizan-
 dos fuisse illos, qui ab ipsis sunt baptizati. Sed
respondeo: hoc ab illo dici sine omni omnino an-
 tiquitatis testimonio. Nihil tale de Paulo le-
 gimus apud Eusebium, quod tamen ab illo non
 fuisset omissum, si sic se res habuisset. Quis e-
 nim potuisset formam Baptismi mutare, & non
 propter id ipsum ab aliquo saltem argui & re-
 prehendi? Eusebius verò narrat, damnatum fu-
 isse Paulum Samosatenum, non quòd mutaret
 formam Baptismi, sed quòd Arianus esset, &
 Christi deitatem negaret. Quod ex eo adhuc
 magis apparet, quòd Augustinus in lib. de hæ-
 res. ad Quodvultdeum, affirmat Photinianos e-
 osdem fuisse cum Paulianis. At illi Baptismi
 formam non mutârunt, nec aliter baptizârunt,
 quàm

quàm Orthodoxi. Huc etiâ accedit, quòd Gra-
 tianus causa 1. quæst. 1. capite, *Si quis confugerit*,
 recitans Canonem illùm Nicæni Concilij, cum
 Paulianis Cataphrygas coniungit, qui Monta-
 nistæ fuerunt. Montanistas verò formam Bap-
 tismi immutasse, nullæ historiæ testantur. Ergo
 cum iubent Patres huius Concilij Paulianos
ἀναστρέφειν, primò, innuunt eos fuisse antea
 baptizatos, *secundò*, declarant eandem fuisse il-
 lorum sententiam, quæ fuit antea in Concilijs
 diversis à Cypriano & suis conclusa, & in alijs
 multis Concilijs definita. Dionysius Episcopus
 Antiochenus lib. 7. capite. 6. apud Eusebium,
 ait hoc definitum fuisse *ἐν πολλοῖς ἀποστόλοις καὶ ἐκ-
 κλησίαις, καὶ συνόδοις ἀδελφῶν*, in frequentissimis
 Ecclesijs, & synodis fratrum. Sic Patres Ni-
 cæni Concilij id sanxerant, quod in alijs mul-
 tis Concilijs antea sancitum fuerat. *Secundus*
 huius Concilij error est de militia damnata.
 Nam. canone 12. prohibet hoc Concilium
 eos *ἀναστρέφειν*, id est, redire ad militiam, qui
 cingulum abiecerant. At Ioannes Baptista Luc.
 3. non damnat, sed monet tantum milites, ut sint
 contenti suis stipendijs, non ut arma abijciant,
 & castra deferant. Respondet Bellartminus, non a-
 liter damnari militiam ab hoc Concilio, quàm
 quatenus fuit signum idololatriæ. Et videtur
 quidem hoc probabiliter ab eo dici, quia in su-
 periori canone mētio facta est Licinij Impera-
 toris Ethnici, sub quo multi Christiani milites
 merebantur, quos impius Imperator vel metu

vel præmio coëgit, aut cingulū abiicere, aut ali-
quid facere, quod cum synceritate fidei & reli-
gionis Christianæ pugnaret. Iam verò quidam
Christiani, qui cingulum abiecissent, quia fidem
negare nolebant, militiam repetebant, & impiis
Ethnicorum Imperatorum mandatis obsequē-
tes se præbebant. De his ait Bellarminus Con-
cilio decretum illud intelligendum esse. *Respon-*
deo: Libenter ego quidem in hac responsione
acquiescerem, quia nollem celeberrimum hoc
Concilium plus gravare, quàm necesse est, ni-
si viderem Patres quosdam, etiam Episcopos
Romanos, aliter hanc legem intellexisse, & in-
terpretatos esse. Sic Leo apud Gratianum di-
stinct. 5. de pœnitentia, capite, *Contrarium verò.*
Contrarium omnino est (inquit Leo) *regulis Eccle-*
siasticis, post pœnitentia actionem, redire ad militi-
am secularem. Iam verò doceat Bellarminus, si
potest, ubi has regulas in alio aliquo Concilio,
præterquam in Nicæno inveniamus. Quis non
videt hunc canonem Concilii Nicæni his ver-
bis designari? Præterea Syricius Papa, qui Le-
one antiquior fuit, in Epist. 4. cap. 3. sic scribit.
Qui post remissionem peccatorum cingulum mili-
tia secularis habuerit, ad clerum omnino admitti
non debet. Non loquitur is de militia cum idola-
latria coniuncta, sed de militia simpliciter. At
certum est, licere hominī Christiano, non mo-
dò antè, sed & post pœnitentiam, si occasio ob-
lata fuerit, arma tractare, & bellum gerere, at-
que homines etiam in bello occidere. Videtis
ergo

ergo Patres Nicenos, id quod dixi statuere, hoc est, non modò contra eos loqui, qui uná cum militia idololatriam & fidei abnegationem coniunxerunt, vt Sotus contra Brentium ait, veruetiam omnem in genere militiam damnare. Libenter ego quidem hoc Concilium defenderem, sed veritas potius defendenda est. Ergo si Concilium Nicænum potuit errare, & alia Cōcilia multò magis errare possunt.

Tertiò loco profero Concilium Chalcedonense. Non enim apud me proposui omnia Concilia proferre, sed ea tantum, quæ exploratos habent errores. Hoc vero Concilium, si modò Romano Pontifici credamus, erravit, quando Episcopum Constantinopolitanum Romano Pontifici exæquavit, qua de re nonnulla antea diximus. Decrevit enim hoc Concilium, Episcopum Constantinopolitanum Romano Pontifici parem esse, & iisdem illum, quibus hunc, privilegiis decoravit. Sed & alius error est Concilii huius, quem etiam Pōtifex Romanus approbavit, de quo Bellarminus nullū verbum facit. Si enim credamus Concilio Constantinopolitano secundo (quod fuit generale, & appellatur quintum Oecumenicum Concilium) damnavit tria capita Concilij Chalcedonensis, de Theodoro, Theodoreto, & Iba, acti. 4. Et multæ quidē turbæ propter hoc Cōcilium fuerunt agitatae. Qua de re Sigonius lib. 20. de imperio Occidentali multa verba facit. Ergo Concilium Chalcedonense erravit.

Præterea constat Gelasium Papam in scripto satis antiquo & prolixo nonnulla acta huius Concilij improbare & reprehendere.

Quarto loco profero Conciliū Carthaginēse tertium, quod etsi particulare fuit, tamen quia confirmatum est authoritate Romani Pontificis, & aliorum Conciliorum, obtinet vim Concilij generalis. Approbatum verò & confirmatū fuit hoc Cōcilium à Leone quarto, vt est apud Gratianum distinct. 20. capite *De libellis*, atq; etiam à sexta synodo generali. Huius Cōcilij duo errores sunt. Vnus verus error est, alter opinione tantum Adversariorum. *Primus* error habetur cap. 23. Vbi iubet Concilium, vt in oblatione Eucharistiæ preces semper ad Deum Patrē dirigantur. Si excludant filium & Spiritum sanctum; magnus error est, si non excludant, quorsum ad illum solum preces dirigendas esse volunt? Et Papiſtæ ipsi in Eucharistiæ celebratione preces ad filium dirigunt. Tritum enim illud est, quod in illorū Missa habetur, *Agnus Dei qui tollis peccata mundi, suscipe deprecationem nostrā.* Deinde idem Concilium Canon. 26. præcipit, ne primæ sedis Episcopus vocetur princeps Sacerdotū, aut summus Sacerdos, aut aliquid eiusmodi. At Pontifex Romanus iamdudū his & huiusmodi nominibus appellari se voluit. Gratianus verò hoc in loco suæ impudentiæ & perfidiam prodit, cum addit ad hūc Canonem, *Excepto Pontifice Romano.* At hæc exceptio nō extat in Concilio.

Quin-

Quinto loco profero Concilium Constantinopolitanum tertium, quod fuit sextum generale Concilium. Huius Concilii Canones quosdam antea attigimus, qui multos in se errores habent. Respondet Bellarminus, hos Canones non esse ab ullo legitimo & probato Concilio editos. Agnoscunt Adversarii fuisse hoc generale Concilium, sed Canones huius Concilii nullo modo probant. *Respondeo*: At non potest Bellarminus hos Canones improbare, si modò ulla sit authoritas Romani Pontificis. Nam præterquam quòd multi Papæ hos Canones citant, Adrianus primus in Epistola ad Tharasium, quæ habetur in actione, 2. septimæ synodi, apertè confirmat. Respondet Bellarminus, Adrianum recitare tantum sententiam Tharasis, & non refellere, quia unus ex istis Canonibus utilis erat ad quæstionem, de qua agebatur. Sed ego vos moneo, ut legatis ipsa verba Adriani, quæ sunt huiusmodi. *In sexta synodi divinè & legaliter prædicatis Canonibus*. Ex his verbis duo colligo. *Primum* est, sextam synodum edidisse Canones, quod negant Adversarii. *Secundum* est, hos Canones pro legitimis habitos esse. Nā ait Adrianus. *In sexta synodi divinè & legaliter prædicatis Canonibus*. Quid hoc aliud est, quàm confirmare Canones huius Concilii? Sed de hoc Concilio plura non addam. Progredior ad reliqua.

Sexto igitur loco affero egregium illud Concilium Nicænum secundum, de quo Bellar-

minus tam multa disputavit, vt nullum ego dicendi finem facerem, si illius prolixitatem imitarer, & singula quæ ab illo dicta sunt, sigillatim persequerer. Sed ego breviter & perspicue loquar de hoc Concilio. Illud ergo secundum Nicænum Conciliū, quod fuit primo dissimillimū, gravissimè & turpissimè erravit. Nā præterquam quòd imagines esse colendas statuit, in eo etiā errasse constat, quòd Angelos corpora habere, & animas itē humanas corporeas esse definivit. In actione ; huius Concilij Ioannes Episcopus Thessalonicensis vtrumq; affirmavit, & Tharasius vnā cum tota synodo approbavit, quasi communem Ecclesiæ Catholicæ sententiā, ne quis putet fuisse sententiā vnius tantum aut alterius Episcopi. Ait enim tota synodus, *Etiā Domine, sic est.* Et ob eandem causam concluderunt, pingi posse Angelos, vtpote corporeos, & animas item humanas. Sed nec Angelus, nec anima, habet naturā corpoream, ideoq; nec Angelus, nec anima, pingi potest. Luc. 24. legimus spiritus carnem & ossa non habere. Et Coloss. 1. appellantur invisibiles. Deinde propter imagines defensas fuisse hoc Concilium à multis alijs Concilijs damnatum vt hæreticum legimus. Fuerat antea Concilium Constantinopoli congregatum sub Leone Imperatore (quem *ἡσυχασταὶ* dixerunt) & Cōstantino Copronymo, in quo imagines dānatæ sunt. Et hoc fuit septimū generale Concilium, verum & legitimū, cui interfuerunt Episcopi, 338, vt constat ex synodo

Nicæna

Nicēna secunda, aetione 6. Sigebertus in Chronico suo ait interfuisse Episcopos, 330. Sed Belarminus ait non fuisse hoc generale Cōcilium, quia Pontifex Romanus non interfuit, nec per se, nec per legatos suos. *Respondeo*: verum quidē est, nō interfuisse. Sed causa vna fuit, quod tum cepit esse perfidus & rebellis in Imperatorem Græcum, & conatus est illius imperium cōvelere. Alia verò causa fuit, quia novit in illo Cōcilio imagines esse damnandas, quod illi parū placuit. Si qui certē aberāt, suo quidē vitio aberant, nam omnes adesse iussi sunt, & hoc sufficit. Neq; propterea non generale fuit hoc Conciliū, quia Pontifex Romanus illi non interfuit. Tum enim Constantinopolitanū primū, quod fuit generale secundum, non erat generale, quia nec Pontifex Romanus, nec quisquam eius nomine illi Concilio interfuit. Hoc fuit igitur septimum generale Concilium. Sed in actis hoc tacetur, & Nicænum secundum dicitur esse septimum. Fuit hoc Concilium postea congregatum ab Irene Imperatrice, foeminā pessimā, crudelissimā, superstitionissimā, quæ filium suum primò in carcerem coniecerat, postea verò oculos illi effoderat. Sic Imperatores pij imagines damnarunt & confregerunt, foemina verò impia patrocínio suo propugnavit. Cum enim disputatum esset in Concilio Constantinopolitano anno superiore, & multi pij Episcopi imagines damnarent, Irene illos omnes e suis Ecclesijs deturbavit. Illis verò deturbatis
reli-

reliquos Nicææ denuò congregavit, à quibus imagines sunt confirmatæ, & *εικονολατρεία*, id est, *ειδωλολατρεία* stabilita est. Hinc infinita mala postea secuta sunt. Sed hoc Concilium à multis aliis Conciliis non improbatum modò, sed & damnatum fuit. Francoforti Concilium congregatum est annis quinque post Nicænum secundum Concilium, cui etiam interfuerunt legati Romani Pontificis, & ipse Carolus Magnus, in quo septimum generale Concilium, id est, Constantinopolitanum secundum, fuit confirmatum, quod imagines damnavit, & Nicænum damnatum, quod imagines confirmavit. Hoc enim Nicænum secundum Concilium non fuit septimum generale Concilium (vt Papistę volunt) sed Constantinopolitanum secundum, in quo imagines sunt damnatæ. Nicænum verò secundum fuit octavum generale Concilium, quemadmodum luculentissimi authores testantur, quos si nunc recenserem, nimis longum essem. Vnde possumus intelligere, quàm impudens fuerit Alanus Copus (vel potius Harpsfieldus) qui in in Dialogo 4. & 5. ait damnatum esse à Francofordiensi Concilio Constantinopolitanum secundum, non Nicænum secundum, quod perinde est, ac si diceret, & nobis persuadere conaretur, meridie tenebras esse. Iam verò de hac Copi sententia Bellarminus, ut sciatis quàm bellus homo sit, sic ait. *Optarem esse veram, sed tamen suspicor esse falsam.* Suspiciaris? imò disertè affirmas esse

esse falsam. Nam ais omnes authores antiquos in hoc consentire, septimam synodum esse in Francofordiensi Cōcilio reprobata, & ne dubitemus, quam septimam Synodum intelligas, addis ex iisdem authoribus, quæ decreverat imagines esse adorandas. Illa verò non Constantinopolitana, sed Nicæna Synodus fuit. Præterea constat, sub Carolo Magno quinque alia Concilia habita fuisse, in quibus omnibus damnatum fuit Nicænum secundum. Hic ergo coguntur Adversarij confugere ad suam illam miseram responsionem, Concilium scilicet Frācofordiense fuisse partim approbatum, partim non approbatum. Siccinè rem nobiscum partuntur? Hoc cinè æquum est, ut illi respuāt quod ipsis non placet, recipiant quod placet? Fuit hic Carolus Magnus maximus hostis imaginum, contra quas edidit quatuor libros, quorum auctoritatem Bellarminus quibus potest rationibus infringere conatur, quos tamen fatetur sine dubio scriptos esse tempore Caroli. Et de Nicæno secundo Concilio satis multa diximus. Iam progredior, & opus institutum pertexo.

Septimo igitur loco profero Concilium Romanum sub Stephano septimo, vel, ut alij volunt, sexto, in quo Formosus Pontifex damnatus est, & illius acta omnia abrogata. At aliud Concilium postea habitum est Ravennæ sub Ioanne nono, in quo Formosus restitutus fuit, & Stephanus damnatus, omniaq; acta Concilij illius, quod sub Stephano habitum fuit, sunt abrogata.

rogata. Horum alterum errasse necesse est. Nā si Stephanus rectè Formosi acta abrogavit, male certè fecit Ioannes nonus, qui Stephani acta omnia abrogavit. Hæc nota sunt. Leguntur enim in historiis & actis Conciliorum, & his Concilijs non alij præfuerunt, quàm Pontifices Romani. Respondet Bellarminus, quæstionem fuisse de facto, an Formosus fuisset verus & legitimus Papa. Stephanus non putavit esse. Ioannes nonus postea invēnit contrarium, & acta Stephani damnavit. *Respondeo* 1 : Spiritum sanctum non magis de facto quàm de iure errare. Deus enim est, & omnia novit. Nec deesse solet Ecclesiæ in ijs rebus, quæ ad eius salutem spectant, ut ipsi Adversarij fatentur. Nam ideo dicunt Spiritum sanctum Ecclesiæ datum esse, & Concilijs præesse, ut Ecclesiam nimirum in omnem veritatem deducat. At damnari eum, qui non est damnandus, non modò à veritate alienum est, sed etiā Ecclesiæ periculosum, præsertim si in Pontifice id fiat. Nam Formosus fuerat Papa, multas ordinationes fecerat, multos creaverat Episcopos & Presbyteros; nunc eius omnia acta infringi, omnesq; Episcopos & presbyteros ab illo creatos munere & ministerio suo abdicari, quàm periculosum Ecclesiæ fuit?

2. Quòd ait Stephanum male informatum censuisse eum non fuisse Papam, hoc non satis est. Nam definitiones Conciliorum non opiniones sunt sed certa iudicia. Aut igitur compertum hoc habuit, aut non potuit sic iudicare. Iudicavit

vit enim Stephanus, tãquam re explorata, Formosum non fuisse Pontificem, & eius acta omnia irritavit, ut Bellarmini verbo utar. Quare sic ego disputo contra Adversarium. Aut meritus est Formosus damnationem, aut non. Si non est meritus, tum hoc non fuit Spiritus sancti iudicium. Si meritus est, cur postea abrogatum est hoc iudicium à Ioanne nono? cur denuò restitutus Formosus? 3. *Resp.* Facile constare ex historijs & actis Conciliorum, non modò Spiritum sanctum non adfuisse istis Conciliis, sed ipsos etiam Pontificulos à Spiritu Satanæ præcipientes esse actos. Nam primò Formosus habito Romæ Concilio à Stephano damnatus est, deinde Stephanus à Ioanne 9. (quem Platina facit Ioannem decimum) coacto alio Concilio Ravennæ est damnatus, & Formosus est restitutus, quod idem factum est antea à Romano, qui Stephano successit, & à Theodoro, cui hic Ioannes successit. Iam ergo Formosus videtur restitutus, & Stephanus dānatus. At hunc Formosum Stephanus antea in Concilio Romano damnaverat, & corpus eius è sepulchro extractum habitu Pontificali spoliaverat, idemq; seculari sepulturæ mandaverat, duos eius digitos absciderat, quibus in consecratione usus fuerat, eosdemque in Tiberim projecerat, & omnia denique illius acta abrogaverat. Crudele & barbarum. Sed hoc tamen est in Concilio factum. Num existimabimus huic Concilio præfuisse Spiritum sanctum? num Spiritum sanctum tantæ crudelitatis authorem fuisse cen-

sebumus? Sic omnino dicant Adversarij necesse est, quia fuit hoc legitimum Concilium. Sed ait Bellarminus, Ioannem postea invenisse, re melius investigata, Formosum fuisse legitimum Papam. *Respondeo 1*: Quomodo hoc invenire potuit? Nam si Formosus legitimus Papa fuisset, tum Spiritus sanctus in Concilio sub Stephano hoc invenisset. Num enim potuit hoc Spiritus sanctus invenire in Concilio sub Ioanne, non potuit in Concilio sub Stephano? Incredibile. Verum Stephanus non modò non invénit, sed planè contrarium iudicavit. Sùntne quæso iudicia Spiritus sancti contraria? Formosum enim esse Episcopum legitimum, & non esse, sunt contraria. Alterum decrevit Ioannes nonus in Concilio Ravennæ habito, alterum verò Stephanus in Concilio Romano. *2. Respondeo*: Concedamus Ioannem nonum in illo suo Concilio, re melius investigata (ut inquit Bellarminus) invénisse, Formosum esse legitimum Episcopum, ac proinde restituendum esse, eiusque acta omnia confirmanda: tum hoc saltem fuit Spiritus sancti decretum. At si hoc decretum Spiritus sancti fuit, quare obsecro abrogatum est brevi postea à Sergio tertio, qui non modò Formosum iterum damnavit, eiusq; acta omnia abrogavit, verumetiam crudelitate belluæ similior quàm homini, Formosi corpus rursus è sepulchro extraxit, caput amputavit, corpus denique in Tiberim projecit, quod ibi à piscatoribus inventum, & postea in basilica sancti

sancti Petri Romæ sepultum, ab imaginibus adoratum fuisse dicitur. Vnde coniectum est, Formosum iniuste tractatum fuisse. Bellarminus ista leviter transit, & timide attingit. Hic ergo habemus duo contraria iudicia Conciliorum, quorum alterum falsum sit necesse est.

Octavo loco profero Concilium Romanum sub Nicolao secundo, in quo definitum fuit, non modò Sacramentum corporis Christi, sed ipsum etiam verum Christi corpus tractari & frangi manibus Sacerdotum, & fidelium dentibus atteri. At hoc est falsissimum. Nam etsi tractari posset Christi corpus, cum tamen gloriosum sit, nec manibus frangi, nec dentibus teri potest. Illud enim corpus moriatur & corrumpatur necesse est, quod frangitur & teritur, at Christi corpus nunc nec mori potest, nec corrumpi. Hoc habetur in illo Concilio. Et hac de rescribit Gratianus de consecratione, distinct. 2. capite, *Ego, Berengarius*. Coactus est bonus ille vir Berengarius ~~παλινοδεν~~ eo modo, quo diximus, & in eam sententiam, quam commemoravimus. Huius verò palinodiarum verba fuerunt ab Huberto quodam Germano descripta, homine inerudito, & insulso. Vix intelligi potest, quid sibi velint. Sensus verò hic fuit, verum Christi corpus tractari, frangi, & dentibus atteri. De quibus verbis ipsa Glossa ait, nisi cautè & sobriè exponantur, habere plus in se erroris, quàm habuit ipsa Berengarii sententia. Sed quomodo Bellarminus hæc verba interpreta-

tur

tar videamus. Berengarius ait in recantatione sua, verum Christi corpus frangi & teri, hoc est (inquit Bellarminus) non nudum signum, sed signum habens realiter coniunctum Christi corpus, vel verum Christi corpus ibi præsens existens frangi & teri, non tamen in se, sed in signo. Sic Bellarminus cautè verba palinodice interpretatur. Sed *respondeo* 1: Concilium dicere, verum Christi corpus tractari, frangi, & teri, non signum, cum quo coniunctum est verum Christi corpus. Aliud est Christi corpus, aliud signum cum quo Christi corpus coniungitur. Pugnat ergo Bellarminus cum ipsius Concilij verbis. Si Concilium sic dixisset, quemadmodum ille loquitur, aperta fuisset illius sententia. Sed Concilium ait, panem & vinum post consecrationem esse verum corpus & sanguinem Christi, & hoc corpus frangi manibus, & teri dentibus. Ergo iam signa hæc non modò habent corpus Christi coniunctum, sed sunt ipsum verum Christi corpus. Quòd si signa frangantur, & signa sunt ipsum corpus & sanguis Christi, tum sequitur nullo modo vitari posse, quin ipsum corpus frangatur. Sed verba sunt adhuc magis perspicua. Nam dicitur in Concilij decreto, corpus & sanguinem Domini non modò in Sacramento, sed sensualiter in veritate, manibus tractari, frangi, & atteri. Si corpus Christi in veritate & sensualiter tractatur, frangitur, atteritur, tum non est hoc idem, quod signum cum corpore Christi coniunctum

tra-

tractari, frangi, & atteri. Nam decretum ait, non solum in Sacramento, id est; non solum in signo, hæc omnia fieri. Sic videmus absurdam esse Bellarmini expositionem. 2. Intellegimus istam Bellarmini interpretationem à Papistis etiam ipsis reprehendi. Nam Claudius Santesi in repetitione 9. capite 6. Berengarij sententiam sic proponit. *Ille asserbat (inquit) in Sacramento videri, tangi, & percipi corpus Christi, non in proprio supposito. Sed Ecclesia (inquit) contra decidit, non modò in Sacramento, sed in veritate & sensualiter corpus ipsum & sanguinem Christi videri, tangi, dentibus atteri.* Deinde Canus lib. 5. capite ultimo, in responsione ad vltimum argumentum, concedit ipsam Christi carnem videri & tangi, & Christi corpus sic in panis locum successisse, vt sibi omnia, quæ erant panis, vendicet. Sed quare non ait frangi etiam & teri Christi corpus? Id quidem voluit, sed non ausus est apertè loqui. Nam, vt manibus tractatur, sic certè frangitur & teritur. Sed non apertè affirmat Canus, Christi corpus teri & frangi. Tantum ait, post consecrationem omnia corpori Christi convenire, quæ pani antea conveniebant; corpus enim Christi tū videri, tractari, & gestari. Sed non ausus est vltèrius progredi, & reliqua similiter adiungere, nempe teri & frangi. Non enim ausus est palàm proloqui; ne exploderetur. Iam verò Alanus noster egregius ille Cardinalis in lib. 1. de Eu-

charistiae Sacramento cap. 37. apertissime loquitur, & non dubitat affirmare, ipsissimum corpus & sanguinem Christi verè à nobis contrètari, manducari, circumgestari, carni nostrae immisceri, nunquid adhuc aliquid desideratis? imò frangi etiam, dentibus teri, in hoc aut illo vase collocari, & sensibilibus sacrificari, non minùs quàm ante consecrationem panis tractabatur. Et hanc Bellarmini expositionem de fractione in signo reprehendit, aitque hanc fracturam in ipso corpore constitui. Bellarminus verò ait, certum esse & semper fuisse, corpus Christi non posse frangi aut teri nisi in signo, sive Sacramento, ita ut dicatur frangi ac teri, cùm signum eius, id est, species panis frangitur & teritur. Non audet ergo Bellarminus Concilium eo modo interpretari, quo alij Papistae interpretantur. Puduìt scilicet illum utpote hominem modestiorem in hunc modum scribere. At Claudium Santesium, Canum, Alanù, non puduit. Quanquam in eo falsus est Canus, cùm negat Christi corpus mentibus atteri, nisi vitium sit Typographi, & pro *dentibus*, ponatur, *mentibus*. Apertè tamen ait, ipsum verum Christi corpus manibus tractari. Roffensis in lib. 2. contra Oecolampadium, cap. 12. non audet hoc decretum defendere. Nam ille ait, quia Berengarius in alterum latius nimium exorbitasset, ideo Concilium plus aequo in alterum nunc trahi, hoc est, inclinare. Hoc perinde est, ac si diceret, Concilium errasse. Similiter Caietanus in tractatu de Eucharistia cap. 3. negat hanc fuisse men-

mentem horum Patrum, Christi corpus summi corporaliter & perceptibiliter, cum tamen differtè dicant sensualiter tractari. Imò ne Lombardus quidem ipse audet hoc decretum defendere lib. 1. distinet. 12. At alij Papistæ summa cum impudentia defendunt. In hoc igitur decreto, quemadmodum in isto Concilio propositum fuit, maximus error est, & insigne peccatum, à quo animus pij cuiusque hominis debet abhorrire. Hoc enim dicere, est veritatem corporis Christi planè destruere. Et de hoc Concilio ista dixisse sufficiat.

Nono loco profero aliud Concilium generale, nempe Lateranense sub Alexandro tertio, in parte 5. cap. 1. vbi legimus, post consensum legitimum vtriusque partis de præfenti matrimonio, licere alteri etiam repugnantè altero Monasterium ingredi. Sed forsitan non putabunt Adversarij hunc aliquem errorem esse. Est tamen error Antichristianus, apertè cum Scriptura pugnans, nuptias legitimas dirimere. Nam qui semel legitimo consensu sese invicem obstrinxerunt, eos Deus coniunxit, adeo ut neuter in posterum altero superstite sui iuris sit. Non licet ergo alterutri, præsertim altero non consentiente, promissum revocare.

Decimo loco profero aliud Concilium Lateranense sub Innocentio tertio, vbi definitum fuisse legimus cap. 1. vtramq; creaturam & visibilem & invisibilem ab initio temporis ex nihilo

creatam fuisse. Si hoc Catholicum sit fidei dogma, tum Patres illi errârunt, imò hæretici sunt, qui Angelos ante mundum & ante temporis initium conditos fuisse dixerunt. Ergo Nazianzenus erravit in oratione five concione, 1. de natali Domini. Similiter Basilius in homilia 1. in hexaemeron. Similiter Ambrosius in hexaem. lib. 1. cap. 5. Similiter etiam Hieronymus in epist. ad Tit. cap. 1. Similiter Damascenus in lib. 2. cap. 3. Similiter denique Thomas Aquinas in prima parte summæ, quæst. 61. artic. 3. ubi ait hanc opinionem non esse fidei contrariâ. At si illa Concilij definitio Catholica fuit, tum aliter sentire, est fidei contrarium. Sed de ista opinione nos magnopere non laborabimus. Ex hoc eodem Concilio alium adhuc errorem profero, qui habetur in cap. 13. In illo capite prohibet Innocentius, ne postea nova aliqua religio, hoc est, novus aliquis ordo religiosorum institueretur, sed si quis vellet ad religionem converti (hoc est, religiosum ordinem ingredi) aliquam ex veteribus & approbatis eligeret & susciperet. Quæ causâ fuerat huius decreti, nescio. Sed forsan tanta tunc temporis religiosorum ordinum multitudo fuit, ut modus necessario statuendus esset. Si iusta ratio huius legis condendæ fuit, tum Iesuitæ antea damnati sunt, quàm in lucem editi. Hæc enim nova religio est, novus ordo, nova secta, post Innocentij tempora, ante annos septuaginta aut circiter ab Ignatio quo-

quodam Layola instituta. Et de hoc Concilio plura non dicemus.

Vndecimo loco profero Concilium Constantiense sess. 13. ubi sic decretum fuisse legimus. *Licet in primitiva Ecclesia Sacramentum reciperetur à fidelibus sub utraque specie, tamen postea à conscientibus sub utraque specie, à laicis tantummodo sub specie panis suscipiatur.* Prohibet ergo Concilium, populum sub utraque specie communicare, & anathema ijs denunciat, qui hoc audent facere. Decretum erroris & blasphemix plenum. *Primò* enim fatentur Patres illius Concilij, Christum instituisse, ut sub utraque specie populus communicaret, & hanc Christi institutionem à primitiva Ecclesia observatam fuisse: tamen præcipiunt, ut nullus presbyter sub poena excommunicationis populo deinceps sub utraque specie administraret. Sic prohibent, quod Christus præcepit, & damnant, quod ille instituit. *Deinde* laudant consuetudinem perversam Ecclesiæ tum receptam, & eam tum Christi institutioni, tum primitivæ Ecclesiæ consuetudini præferunt, & anathema denunciant aliter sentientibus, & hanc denique consuetudinem pravam pro lege in posterum habendam esse statuunt. *Tertiò* dicunt Christum sub alterutra specie integrum percipi. Quod si verum sit, cur quæso Christus duas species instituit, & cur Ecclesia olim primitiva sub duabus speciebus communicavit? Item in sessione 19. eiusdem Concilij alius error re-

V 3

peritur,

peritur, fidem scilicet non esse cum hæretici servandam. Sed forsan hæc non fuit Concilii sententia, nam negant Adversarii. A nullo enim homine probari potest hæc sententia, nisi qui humanitatem omnem exuerit. Molanus quidam Papista tres libros edidit hac de re. Ergo forsan iniuriam facimus Concilio, cum illi hoc decretum affingimus. Legite ergo ipsū decretum, cuius hic sensus est, non obstāte Imperatoris salvo conductu, licere iudici competentī & Ecclesiastico de hæreticorum erroribus inquirere, & aliās contra eos debite procedere, eosdemq; punire, quantum iustitia suadebit, si suos errores revocare pertinaciter recusaverint, etiamsi de salvo conductu confisi, ad locum venerint iudicii, aliās non venturi. Factum est hoc decretum propter Ioānem Hus ab illo Concilio damnatum, & extremo supplicio affectum, contra publicā fidem Sigismundi Imperatoris. At forsan nulla hic fuit Concilii culpa, sed Sigismundi Imperatoris. Nulla est enim fides Hussio data à Concilio, sed à Sigismundo. Quid hoc ad Concilium? Nec hic decreti sensus est, si Ecclesia aut Concilium, sed si secularis aliquis Princeps salvum conductum dederit, tamen Concilium posse punire. At Concilii etiam ipsius culpa fuit. Persuasit enim Concilium Sigismundo, necessario id fieri oportuisse, quod factum est, nec teneri illum in ista causa fidem servare, sed fide data liberari. Nā sequitur in eodē decreto, *promittentē salutem, si aliās fecerit, quod in ipso est, ex hoc non*

reman-

remansisse in aliquo obligatum. Quid hoc aliud est, quàm non teneri, ut fidem seruet? Et tamen Molanus contrà asserit. Ergo Sigismundus saltem obligatus erat, at in decreto non esse obligatus pronuntiatur. Sed quæro ab illis, quis Hussum exussit? Respondebunt: non esse hoc à Concilio factum, quia secularis magistratus hoc munus & officium erat. Rectè. At Sigismundus à Concilio persuasus hoc fecit. Hinc colligo, si Concilium potuit iure Cæsari persuadere, ut fidem frangeret, tum & ipsum Concilium potuisse hoc supplicio Hussum afficere. Quid quòd ad marginem illius decreti extat hæc annotatiuncula, apposita ab illo, qui Concilium edidit, *Hereticis suas hæreses pertinaciter defendentibus, saluum conductum non patrocinari?* Molanus lib. 2. cap. 7. ait hoc esse annotatum loco non opportuno. Sed cur ipse verà esse huius annotationis sententiam probat in eodem capite similitudine quadam? *ut si latrones (inquit) & incendiarii ad Cameram vocati venirent, tamen non obstante salvo conductu puniri possent.* Sic iam aperte Molanus secum pugnat, & prodit eam sententiam, quam vehementissime videri vult amplecti & defendere, Quanquam enim videri vult, Concilium Constantiense defendere, & probare simul, fidem cum hæreticis esse servandam: tamen revera sentit servandam non esse. Ex hac igitur illius confessione, & ex verbis decreti patet, hanc esse Adversariorum hac de re sententiã, cū hæreticis scilicet non esse servandam

vandam fidem, sed posse illos etiam fide data ad Concilia convocatos nihilo minus extremo supplicio affici, nisi sententiam suam mutare, imò abiurare, & abjicere voluerint. Et tamen Molanus in toto suo libro contra hanc sententiam disputat, Coclæus verò affirmat, fidem datam fuisse Husso veniendi ad Concilium, non autem à Concilio redeundi, quia in diplomate illius salvi conductus nulla mentio fit redeundi. Præclarum commentum. At hoc insidiosum planè fuisset. Et Molanus ait hoc semper intelligi in omni diplomate salvi conductus, licet non exprimat. Ergo fefellit fidem Sigismundus, idq; ex autoritate illius Concilii. Mitto quòd in illo Concilio definitum est, Concilium esse supra Papam, quod Papistæ falsum esse contendunt. Sed hac de re antea in superiori quæstione diximus. Idem etiam in Concilio Basiliensi decretum est. Sed negant Adversarij hæc Concilia in his decretis valere.

Progredior, & postremo loco profero Concilium Lateranense sub Leone decimo sess. 14. ubi probantur & confirmantur montes pietatis (hoc est, vno verbo, usura & fæneratio) qui à Pio secundo fuerant instituti. Mons verò pietatis fuit cumulus eris acervus sublevandis pauperum miseriis destinatus, unde licuit quibusvis mutuò accipere, modò pignora deponerent, & singulis mensibus aliquid solveret propter mutuum. Nihil differt ab usura, quæ semper dānavit, & impiā esse existimavit Ecclesia Catholica.

lica. At stabilitum est hoc decretum in Concilio Lateranensi sub gravissimo anathematismo, ne quis in posterum impugnaret. Constat autem hos montes pietatis à multis fuisse reprehensos. Dominicus Sotus magnus Theologus, qui interfuit huic Concilio, in lib. 6. de iure & iustitia, cap. 1. quæst. 6. hos montes damnat, & ait eiusmodi *rationem* ab usuræ sordibus neutiquam elui posse, idq; rationibus deinceps probat. In quo secutus est Caietanum, qui cum huic Concilio interesset, tamen tractatum quendam de his montibus scripsit, & ait huiusmodi mutuationem esse illicitam & usurariam. Nec possunt Adversarii se excusare, quòd hi montem non sic damnant, ut erat in Concilio probatus. Nam Caietanus quandam particulam desiderat, quæ non extat aut in Bulla, aut in Concilii decreto. Sed Martinus Azpilcueta cap. 17. numer. 212. & Caietanum & Dominicum reprehendit, & sic montem pietatis defendit, quemadmodum ab illis improbatur, quia exigua illa summa fuit pro victu & salario eorum, qui pecuniam custodiebant, mutuabantur, recuperabant. Sed hoc nihil ad rem. Nam simili modo possunt omnes feneratorum suas usuras defendere. Si verò privatus non potest hoc modo usurarius esse, neque domus certè tota aut societas aliqua potest. Legite Dominici Soti & Caietani tractatus hac de re, ex quibus intelligetis nullam legitimam rationem decretum hoc defendi posse.

Iam

Iam verò postremo loco Tridentini Concilij tot mihi errores & hæreses liceret commemorare, quot sunt illius Concilij capita. Sed hoc Concilium à Chemnitio viro gravissimo & doctissimo satis exagitatum est, ut mihi non necesse sit aliquid adjicere.

Nunc alia quædam testimonia ex Patribus proferemus. *Primum* testimonium est Nazianzeni in Epist. ad Procopium, 42. ubi sic scribit. *ἔχω ὑπὸ ὕψους, εἰ δὲ τὸ θεῖον γράψω, ὥστε πάντα σύλλογον θεύσειν ἐπισκόπων, ὅπως δὲ μὲν συνόδος τέλη & εἶδος χρὴσθαι, μὴ δὲ λύπην χαλκῶν μᾶλλον ἐργαζέσθαι, ἢ πρὸς δόξαν.* Ego, si vera scribere oportet, ita animo affectus sum, ut omnia Episcoporum Concilia fugiam, quoniam nullius Concilij finem, letum faustumq; vidi, nec quod depulsionem, malorum potius, quam accessionem & incrementum habuerit. Hoc testimonium non eò adducimus, ut omnia Concilia damnemus, sed ut ex Concilijs non pēdeamus. Bellarminus respondet 1. Nazianzenum queri, nullum suo tempore fieri potuisse legitimum Cōcilium. *Respondeo.* Nihil minus. Nam fuit vocatus ad illud Concilium; quod erat legitimum, nempe ad Concilium Constantinopolitanum primum, cui etiam interfuit, & orationem habuit ad centum & quinquaginta Patres illius Concilij, quæ extat. Sed quare non potuit fieri legitimum Concilium tempore Nazianzeni? Nōne tum Princeps pius erat? nōne tum Damasus Papa fuit? Tamen Nazianzenus maluit non venire. 2. Respondet Bellarminus, Nazianzenum

anzenum fuisse strenuum prædicatorem Nicæni Concilij. *Respondeo*: Non ille fuit Concilij prædicator, sed fidei, quam Concilium piè ediderat. Sed hoc nō arguit, illum sensisse, Concilium illud non potuisse errare. Nam illius verba sunt generalia, πάντα σύλλογον, & μετρίως συνέδω. Non modò ergo cùm aperti hæretici, verumetiam cùm Catholici conveniunt, Concilia errare possunt. Sed quomodo hoc fieri potest, cùm non possint errare legitima Concilia? At hoc fuit ignotum Nazianzeno. Nam si illi tale aliquid notum fuisset, tum ille Concilia expetisset. Sed non modò non expetebat, verumetiam refugiebat. Quare? quia nullius Concilij bonū exitum videbat. Et quamobrem id quæso? quia non tam λύσις quàm περιθύνεισι κακῶν habebant. Sed quid tandem in causa fuit, cur mala per Concilia non depellerentur, sed potius augerentur? Hoc factum est (inquit Nazianzenus) propter Episcoporum φιλονεικίαν & φιλαρχίαν. Quid? an non Nicæni Concilij optimus finis fuit? imò ne Nicæni quidem: nam eluvies malorum illud Concilium secuta est, quemadmodum ex historiis constat. Hac de re sic scribit Hilarius ad Constant. Imperat. *Conscij nobis sumus invicem, post Nicæni conventus synodum, nihil aliud, quàm fidem scribi, dum in verbis pugna est, dum de novitatibus questio est, dum de ambiguis occasio est, dum de authoribus querela est, dum de studiis certamen est, dum in consensu difficultas est, dum alter alteri anathema esse capit, propè iam nemo Christi est.*
Hæ

Hæ turbæ secutæ sunt Nicænam synodum, non ipsius quidem synodi, sed hominum improborum vitio. Et de Nazianzeno hætenus.

Secundum nostrum testimonium est ex Augustino, qui in lib. 3. contra Maximinum, cap. 14. sic scribit. Nec ego Nicænum, nec tu debes Ariminense tanquam præiudicaturus proferre Conciliorum, nec ego huius autoritate, nec tu illius detinere. Scripturarum autoritatibus, non quorumque proprijs, sed utrisque communibus testibus, Res cum re, causa cum causa, ratio cum ratione concertet. Respondet Bellarminus, Augustinum non velle id dicere, non teneri ullo modo Maximinum auctoritate Concilij Nicæni, sed non teneri in illa disputatione, quia Augustinus id promittebat. *Respondeo: At si ea Conciliorum legitimorum fides & autoritas sit ex iure divino, ut errare nullo modo possint, & si hoc dogma tunc temporis passim in orbe Christiano receptum fuisset; ne in illa quidem disputatione vel Maximinus hoc Concilium respuere ausus fuisset, vel Augustinus tale quicquam promittere debuisset, præsertim cum hoc Concilium omni exceptione maius esset.* Sed ait Bellarminus, Maximinum objecisse Nicæno Concilio Concilium Ariminense, & Augustino non visum esse opere precium, tunc tempus consumere in ostendēdo Conciliū Nicænum fuisse legitimum, & Ariminense illegitimum, cum haberet meliora argumenta ex Scripturis, idcirco omissis Concilijs ad Scripturas venisse. Sed respondeo:

pondeo : operæ precium fuisse Augustino, vindicare Concilij eam authoritatem, quam Scripturæ illis tribuunt, nec debuisse illi hoc molestum videri. Quanquam & hoc etiam illum aliqua ex parte præstitisse, nemini obscurum esse potest. Cum enim dogma illud Scripturis consentaneum esse doceat, quod in Concilio Nicæno definitum fuit, illud verò cum Scripturis pugnare, quod Concilium Ariminense decrevit, quis non videt ipsum haud obscure innuere, legitimum fuisse illud Concilium, hoc verò illegitimum? Sed ne videretur Adversarium nuda Concilij authoritate premere, & quidem eiusmodi Concilij, quod illius causæ manifestè præiudicaret, Scripturarū maluit quàm Concilij authoritate niti. Verum subiungit Bellarminus, Augustinum alioqui putavisse, Concilium Nicænum summæ fuisse authoritatis, & oportuisse omnes illi acquiescere, idque patere ex verbis præcedentibus; ubi sic ait. *Hoc est illud homousion, quod in Concilio Nicæno adversus hæreticos Arianos à Catholicis Patribus veritatis authoritate, & auctoritatis veritate firmatum est.* Quid enim est veritas authoritatis (inquit) nisi vera & certa autoritas? *Respondeo* : Quanquam magnam fuisse illius Concilii authoritatem negari non potest: tamen quis non videt, his verbis prædicari ab Augustino, non Cōcilij ipsius, sed Scripturæ authoritatem, qua freti Patres illius Concilii suum illud *ὁμοούσιον* cōtra Arianos hæreticos planissimè confirmârūt?
Nam

Nam cùm ait Augustinus, fuisse hoc dogma ab illis veritatis autoritate & auctoritatis veritate firmatum, quid aliud, quæso, per veritatem intelligit, quàm verbum illud divinum, sacrosanctum, & θεῖον λόγον. de quo Christus Ioan. 17. 17. ἐγώ σεον αὐτὸς ἐν τῇ ἀληθείᾳ σου, ὁ λόγος. ὁ ὁσὲ ἀληθεία ἐστίν. *Sanctifica eos tua veritate, sermo ille tuus veritas est.*

Aliud nostrum testimonium sumitur ex eodem Augustino in lib. 2. de Baptism. cap. 3. vbi ait Augustinus, Concilia plenaria priora à posterioribus emendari. Nec dici potest, eum loqui de plenarijs improprie, id est, nationalibus, quia paulò antea dixerat, Concilia Regionalia & Provincialia debere cedere plenarijs, & tunc subdit, inter ipsa plenaria, priora à posterioribus emendari. Quòd si priora illa antiquissima Concilia emendatione indigebant, quot erroribus scatebunt ista recentiora? vt rectè Hermānus lib. 2. cap. 16. Prolegom. Bellarminus tripliciter respondet. Primò ait, fortè loqui Augustinum de Concilijs illegitimis, quæ per posteriora legitima emendantur, vt accidit (inquit) Concilio Ephesino secundo, quod in Chalcedonensi emendatum est. Respondeo: Præclare sibi in hac responsione consuluisse videtur Iesuita, qui pro certo hîc aliquid asseverare nō audeat, sed cum hæsitacione loquatur. Verùm mihi licebit sine omni hæsitacione respondere, Augustinum hoc in loco de legitimis tantùm Concilijs loqui. Id quod ex eo facillimè evinci potest, quòd com-
para-

parationem instituat inter sanctas Scripturas
 Canonicas, tam veteris quam novi Testamen-
 ti, & Episcoporum etiam sanctorum & legiti-
 morum (qualis fuit Cyprianus, & collegæ eius
 in Concilio Carthaginensi congregati) tum li-
 teras privatas, tum etiam Cōcilia publica: quòd
 de his dubitari & disceptari possit, de illis mini-
 mè; in his, si quid à veritate deviatum fuerit, re-
 prehendi possit & emendari, in illis verò nihil
 tale reperiri possit, quod vel emendatione ege-
 at, vel reprehensionem cuiusquam mereatur. Iā
 verò Scripturas cum Conciliis illegitimis hoc
 modo comparare, quàm ineptum fuerit, omnes
 intelligunt. Nec tam emendanda quidem sunt
 Concilia illegitima, si verè & omni ex parte il-
 legitima fuerint, quàm infringenda prorsus, &
 abroganda, & si id fieri posset, è medio penitus
 tollenda. *Secundò* respondet Bellarminus, si de
 legitimis Conciliis loquatur Augustinus, tum
 agere eum de quæstionibus facti, non iuris, in
 quilibus quæstionibus (inquit) non dubium est
 Concilium errare posse. Et probat Augustinū
 videri posse de eiusmodi quæstionibus agere,
 quia præcipua quæstio Catholicorum cum
 Donatistis erat de Cæciliano, librosne sacros
 tradidisset hostibus fidei, an non? *Respondeo:*
 Mirum est Bellarminum, virum alioqui acu-
 tum satis & perspicacem, in re tam manifesta tā
 turpiter hallucinatum esse. Etsi enim hæc quæ-
 stio de librorum sacrorum traditione inter Ca-
 tholicos & Donatistas agitata diu fuerit: in his
 tamen

tamen libris Augustino minimè propositum fuit illam quæstionem attingere, sed aliam potius, de qua erat à Cypriano cum aliis Episcopis in Concilio Carthaginensi disceptatum, de iis scilicet rebaptizandis, qui ab hæreticis baptizati erant, quam esse fidei & iuris, non facti quæstionem, omnes intelligunt. Id verò ex eo constare potest, quod in ipso principio primi libri habetur, ubi sic scribit Augustinus. *In iis libris quos adversus Epistolam Parmeniani, quam dedit ad Ticonium, scripsimus, promissimus nos diligentius quæstionem Baptismi tractaturos. Quod etiam si nō ibi promitteremus, debitum tamen à nobis flagitantibus fratribus meminimus & agnoscimus. Quapropter in hoc opere, adiuvante Domino suscepimus non solū ea refellere, quæ de hac re nobis Donatistæ obicere consueverunt, sed etiam de beatissimi Martyris Cypriani autoritate, unde suam pervertitatem, ne veritatis impetu cadat, fulcire conantur, quæ Dominus donaverit dicere, ut intelligant omnes, qui non studio partium cæcati indicant, non solū eos non adiuvare autoritate Cypriani, sed per ipsā maximè convinci atq; subverti. Manifestum ergo est, Augustinum hoc in loco de quæstionibus fidei sive iuris potius quàm de quæstionibus facti agere. Hæc enim de hæreticorum Baptismo quæstio, fidei non facti quæstio fuit. Tertiò respondet Bellarminus, vel potius responderi posse ait (sic enim ille in suis responsionibus vacillare solet) si contendant adhuc Adversarii, Augustinum loqui de universalibus quæstionibus:*

bus: emendari priora Concilia per posteriora, quoad præcepta morum, non quoad dogmata fidei. Præcepta enim morum mutantur (inquit) iuxta temporum, locorum, & personarum mutationes, & illæ mutationes dicuntur emendationes, non quod res mala esset eo tempore, quo est instituta, sed quod mala esse cæperit mutatis circumstantiis. *Respondeo*: In re non obscura molestiam sibi facessit non necessariam Iesuita. Quæstionem enim illam de non repetendo hæreticorum Baptismo, de qua Augustinus in illo loco, atque adeo in toto illo opere agit, nec de facto, nec de moribus, sed de fide & doctrina institutam esse, omnes nôrunt. Sed subiungit Bellarminus, utramque solutionem suam, & hanc scilicet, & priorem, ex verbis Augustini confirmari, qui dicit tunc emendari Concilia, *quando experimento aliquo aperitur, quod clausum erat*. Experimento enim (inquit) aperiuntur quæstiones de facto, vel de moribus, non quæstiones iuris universales. *Respondeo*: Singularem Adversarij fraudem atque versutiam hoc in loco observare, operæ precium certe erit. Statim enim post hæc verba, ex quibus ille utramque suam solutionem confirmari posse putat, sequuntur apud Augustinum alia, quæ quia contra illum, eiusque defensionem maxime faciebant, consultò ressecanda & prætermittenda esse censuit. Ait enim Augustinus, non modò tunc emendari Concilia, *quando experimento aliquo aperitur, quod clausum erat*, ve-

rumetiam quando *cognoscitur*, quod *latebat*. Iam verò quemadmodum quæstiones de facto, vel de moribus, quæ prius clausæ erāt, possunt experimento postea aperiri: ita quæstiones iuris vniversales, sive quæstiones de fide & doctrina, quæ antea latebant, possunt postea, diligentiori adhibita disquisitione, cognosci. Ita hoc Augustini testimonium ab omnibus, vt spero, Adversarij calumnijs vindicavimus.

Tertium nostrum testimonium sumitur ex Leone, qui in Epist. 53. ad Anatolium, & 54. ad Martianum, & 55. ad Pulcheriam, agnoscit Chalcedonensem Synodum legitimam fuisse, & tamē non dubitat ei attribuere ambitionem, & inconsultam temeritatem: ergo putabat ille legitimum Concilium posse errare. Citatur hoc Leonis testimonium à Calvino in lib. 4. institut. cap. 9. parag. 11. Respondet Bellarminus, & ingenuè agnoscit, Concilium legitimum errare posse, in his quæ non legitime agit. Ita ille imprudens fatetur, Concilium etiam legitimum posse quædam non legitime agere, & in ijs quidem errare. Quasi verò quisquā vnquam dixerit aut somniaverit, Cōcilia etiam omni ex parte legitima, in ijs quæ legitime agunt, errare. Si enim errant, non agunt legitime, si legitime agant, non errant. Concilium enim legitime dicitur agere, non modò cū eos damnat, & anathematis fulmine perstringit, qui damnandi & anathematizandi sunt, verumetiam cū illa dogmata statuit & defendit, quæ cum Scriptu-

his sacris consentiunt, quemadmodum ē contra illegitimē agere dicitur, non modō cum eos dānat, qui damnandi non sunt, verumetiam cū ea statuit & decernit, quę cum Sacrarum Scripturarum sententia & auctoritate pugnant. Ergo cū errat Concilium legitimum, in ijs tantūm erret necesse est, quę non legitimē agit, in reliquis verō nullus aut esse potest error, aut agnosci debet. Quare hæc frivola & futilis Bellarmini responsio est. Sed sublungit, & disertē affirmat, hoc ipsum Concilium Chalcēdonense, quod fuit vñum ē quatuor primis, & precipuis, & generalibus Concilijs, errasse in decreto illo, in quo anteponebat Episcopum Constantinopolitanum Alexandrino & Antiocheno. Ergo Concilia generalia & legitima ex ipsius Adversarij cōfessione, falli, errare, labi, decipi possunt. Quanquam re vera nullus hīc huius Concilij error fuit, cū ista *oposita* Episcopo Constantinopolitano à Patribus huius Concilij concessa, ordinis tantūm non potestatis aut iurisdictionis esset. Et hinc quidem apparet, quā exigua olim Pontificis Romani potestas atque auctoritas fuit, quo etiam invito, valdeq; repugante, hoc tamen Concilij decretum obtinuit.

Quartum nostrum testimonium est Isidori apud Gratianum dist. 50. can. *Domino sancto*. Asserit Isidorus, Concilia aliquādo inter se dissentire, & tum standum esse antiquioribus, magisque probatis. Quę regula contraria est regulę Augustini, qui posteriora Concilia antepone-

bat prioribus. Et præterea ex ea colligitur, Concilia inter se aliquando pugnare, & proinde aliqua eorum errare. Respondet Bellarminus, Isidorum loqui de Conciliis, quorum non est certa autoritas, quæ videlicet non sunt à Pontifice expressè confirmata, quæ Concilia (inquit) inter se pugnare posse, & errare, non negamus. *Respondet*: Loquitur Isidorus eo in loco de Concilio Ancyrano, vel ut Gratianus scribit, Anchiritano, quod an expressè fuerit à Pontifice confirmatum, haud scio, inter illa verò Concilia, quæ vel omnino, vel ex parte reprobata fuerint, ne ab ipso quidem Bellarmino numeratur. Verum regulam illam Isidori de Conciliis legitimis, quorum certa est autoritas, intelligendam esse, ex ipsis Isidori verbis satis intelligi potest, quæ sic se habent apud Gratianum. *Quotiescunque in gestis Conciliorum discors sententia invenitur, illius Concilii sententia magis teneatur, cuius antiquior & potior extat autoritas.* Loquitur ergo Isidorus in genere de omnibus Conciliis, & disertè fatetur discordes sententias etiam in iis Conciliis inveniri posse, quorū est antiqua, legitima, probata, & certa autoritas, & tum demum sequendam esse ait illius Concilii sententiam, cuius præ reliquis, si plura fuerint, vel præ altero, si in duobus tantum hæc sententiarum dissensio reperiatur, antiquior sit & potior autoritas. Quid quòd glossator ipse in Gratianum asserat, tenere hanc regulam Isidori in iis Conciliis, quorum Canones & iustè in-

in

stituti, & instinctu Spiritus sancti promulgati sunt, quæ nullis, opinor, Conciliis tribuenda esse concedet Bellarminus, nisi quorum certa & legitima est authoritas? Hæc ergo Bellarmini responsio nullo certo fundamento, sed mera tantum coniectura nititur. Sed subiungit, Isidorum non pugnare cum Augustino, quia Isidorus loquitur de fidei doctrina, Augustinus verò de quæstionibus facti, vel morum præceptis. *Respondeo*: Isidorus in genere loquitur de omnibus quæstionibus, quæ in Conciliis definiri solent. Augustinum verò non tantum de quæstionibus facti, vel morum præceptis, verumetiam de quæstionibus fidei loqui, nos antea docuimus. Et de hoc testimonio satis multa à nobis dicta sunt.

Quintum nostrum testimonium fumitur ex Gratiano, qui sæpe docet, discordare inter se Conciliorum decreta, & apud quem decretum quoddam hoc titulo inscribitur, *concordantia discordantiarum*. Respondet Bellarminus, Gratianum loqui de discordantiis apparentibus, non veris. Nam si veræ essent (inquit) concordari non possent. *Respondeo*: Sunt in Conciliis non apparentes tantum, verumetiam veræ discordantiæ. Id ex Augustino patet, qui in lib. 2. de Baptism. cap. 3. disertè ait, Concilia etiam generalia sæpe corrigi priora à posterioribus, & emendari, quoniam in prioribus scilicet manifesti errores continebantur, qui neces-

sario corrigendi & emendandi sunt. Exempla si quaerantur, in promptu sunt. Concilium Carthaginense tertium cap. 26. (quemadmodum habetur apud Gratian. dist. 29. cap. *Prima sedis*) excommunicationem illi denunciat, qui se profiteatur Episcopum universalem, aut Pontificem supremum. E contra Tridentinum Concilium anathema ei pronunciat, quicumque Romanum Episcopum eiusmodi titulis non exornaverit. Vtrumq; Concilium legitimum fuisse, negare non possunt Adversarii, quia vtrumq; fuit à Pontifice Romano approbatum & confirmatum, hoc à Pio quarto, illud à Leone quarto. Præterea idem Concilium Carthaginense cum Concilio Laodicensi apertissime pugnat. Nam Concilium illud Carthaginense can. 47. in Canone Scripturarum libros Apocryphos numerat, Tobiam, Iudith, Baruch, Sapientiam, Ecclesiasticum, & libros Machabæorum. E contra Concilium Laodicenum cap. ult. istos omnes libros à Canone reiicit. Idem de Concilio Constantiensi & Basiliensi dici potest, quorum prius sess. 13. excommunicat omnes sub utraq; specie communicantes, posterius verò sess. 30. communicationem sub utraq; specie omnibus fidelibus, qui voluerint, concedit. Plura possent exempla cumulari, sed ista sufficiunt. Nostrorum libri huiusmodi exemplis passim abundant. Ex his evinci potest, Concilia etiam à Romano Episcopo confirmata, non

non apparenter tantum, & in speciem, sed verè etiam & reipsa inter se discordare.

Sextum & ultimum nostrum testimonium à Bellarmino citatum sumitur ex eodem Gratiano, qui dist. 18. can. 1. ait Concilia Episcopalia esse invalida ad definiendum & constituendum, non autem ad corrigendum. Nescio quis nostrum hoc testimonio in hac causa usus fuerit. Non magni certè momenti est. Tamen quid Bellarminus respōdeat videamus. Ait ille Concilia Episcopalia à Gratiano vocari, non quælibet Concilia, sed tantum provincialia, in quibus soli Episcopi, non Archiepiscopi, aut Patriarchæ conveniunt. Esto. Ista autem Concilia (inquit) ordinariè non instituuntur ad dogmata fidei constituenda (id enim proprium est generalium Conciliorum) sed tantum ad restituendâ disciplinâ Ecclesiasticâ, & mores corrigendos. Itaque ex se & ordinariè invalida sunt ad constituenda dogmata fidei. Si tamen, inquit, aliqua vrgēte necessitate definiât aliquid de fide, & eorū decretū à sede Apostolica approbetur, nihil obstat, quò minùs valida esse possint. *Respōdeo:* Ergo accedente Pontificis Romani auctoritate, eiusque approbatione & confirmatione adiuncta, quodvis Concilium etiam provinciale, parem etiam cum frequentissimis Concilijs generalibus auctoritatem habebit, pariterq; erit ab errore liberum. Hoc ille in capite quinto huius libri multis rationibus probat, ne particularia quidem Concilia, si fuerint à summo Pon-

tifice cōfirmata, in fide aut moribus errare posse. Quod si verum sit, quidni Episcopalia, hoc est, provincialia Concilia, æque valida sint ad fidei dogmata constituenda, ac generalia, cum ne generalia quidem quicquam statuere possint, quod vim legis habeat, aut extra erroris aleam positum sit, nisi Pontificis Romani autoritas accesserit. Atq; hæc sunt omnia nostra a Patribus desumpta testimonia, quæ à Bellarmino citantur, quibus nos vnum aut alterum adiungemus.

Hieronymus in Epist. ad Galatas hæc verba habet. *Spiritus sancti doctrina est, quæ Canonicis literis prodita est, contra quam si quid stantur Concilia, nefas duco.* Existimavit ergo ille Concilia posse aliquid statuere contra Spiritus sancti doctrinam in sacris Scripturis traditā, & tum quidem errare, & a veritate deviare. Ita Ambrosius in Epist. 32. Nicænum Concilium recipit, Ariminense repudiat, quia cum Scripturis illud congruebat, hoc verò pugnabat. Sic enim scribit. *Hanc fidem Gallia tenent, hanc Hispania, & cum pia divini Spiritus confessione custodiunt.* Et in lib. 1. de fide cap. 8. idem Ambrosius hæc verba habet. *Sic nostri secundum Scripturas dixerunt Patres.* Ergo existimavit ille Concilij cuiusque sententiam ex Scripturis esse disjudicandam, a quibus si tantillum deflexerit, in errorem incidat necesse est. Sed totam hanc quæstionem vno aut altero Augustini testimonio cōcludam. *Primum* Augustini testimonium habetur in Epist.

pist. 111. vbi hæc verba habentur. Neque quorumlibet disputationes, quamvis Catholicorum & laudatorum hominum, velut Scripturas habere debemus, ut nobis non liceat salvâ honorificentia que illis debetur hominibus, aliquid in eorum scriptis improbare, atque respuere, si forte invenerimus quod aliter senserint, quam veritas habet, divino adiutorio vel ab alijs intellecta vel à nobis. Talis ego sum in scriptis aliorum, quales ego volo esse intellectores meorum. Alterum Augustini testimonium habetur lib. 2. contra Crescon. cap. 21. vbi sic scribit. Quia Paulus dicit Ecclesiam esse subditam Christo, non igitur debet se Christo praponere, cum ille semper veraciter iudicet, Ecclesiastici autem iudices sicut homines plerumq; fallantur. Tertium Augustini testimonium habetur in Epist. 19. ad Hieronymum. Ego solis eis Scripturarum libris, qui iam Canonici appellantur, hunc timorem & honorem didici deferre, ut nullum eorum authorem scribendo aliquid errasse, firmissimè credam, alios autem ita lego, ut, quâtalibet sanctitate doctrinaq; prepolleant, non ideò verum putem, quia ipsi ita senserunt, sed quia mihi vel per illos authores Canonicos, vel probabili ratione, quod à veritate non abhorreat, persuadere potuerunt. Quartum & ultimum Augustini testimonium habetur in Epist. 112. ad Paulinam. Si divinarum Scripturarum, earum scilicet, que Canonice in Ecclesia nominantur, perspicuâ aliquid firmatur autoritate, sine ulla dubitatione credendum est. Alijs verò testibus vel testimonijs, quibus aliquid credendum esse suadetur,

detur, tibi credere vel non credere liceat, quantum meriti ea admonentem ad faciendam fidem vel habere vel non habere perpenderit. Ita Augustinus solas Scripturas sacras ab errore liberatas esse affirmat, illas solas eiusmodi esse, in quibus nihil improbari, aut respui debet, & à quibus provocare non liceat: Episcoporum verò vel seiunctorum, vel in Concilijs coniunctorum scriptis qui hæc tribuunt, ea Scripturis sacris & Canonicis æquant, quod sine blasphemia fieri non potest. Eant igitur nunc Adversarij, & Concilijs, si velint, æqualē cum Scripturis authoritatem tribuant, quod certè faciunt, cum Concilia errare non posse docent & defendunt, ideoque ad Scripturæ examen revocari minimè patiuntur. Et de hac Quæstione, deque hac tota Controversia, hæc dixisse sufficiat.

Quæstionis sexta finis.

PRÆ.



Prælectio habita Februarii 27.

*Anno Dom. 1594. coram honoratissimis Comitibus,
Essexio, Salopiensi, Rutlandiensi; illustrissimis Ba-
ronibus, DD. Montioy, Burroes, Compton,
Sheafielde, Riche: ornatissimis equitibus,
Guil. Bowes, Carol. Candish, Rob. Syd-
ney, Georgio Savel; & mul-
tis generosis.*

1. Tim. 2. 4.

*Ὅς πάντας ἀνθρώπους θέλει σωθῆναι, καὶ εἰς ἐπίγνωσιν
ἀληθείας ἐλθεῖν. Qui quosvis homines vult ser-
vari, & ad agnitionem veritatis
venire.*



Ocus insignis, sed notus ma-
gis quam intellectus. Si ve-
rò quod Clemens in *εὐσεβ-
ικῇ* scripsit, ijs qui discipli-
nas tradunt, *ἀπέρροια πρὸς θεὸν
ἐφ' ἑσάκτας*, *Genius quidam in-
fluit in animos*, mihi hodie, ut
precor & spero, cœlestis ille paraclētus magi-
ster autorq; veri, aderit, dabitque si non omnes
ex hoc dicto Apostolico difficultates sustulisse,
at mentem tamen Apostoli aperuisse. *Difficili-*

um verò facilis venia, Tertullianus inquit: quam
eo magis imploro hoc tempore, quo minus ip-
se mihi confido in hac tam inusitatâ coronâ, eâ-
que omnium, quas viderim, splendidissimâ di-
cturo. Locum meum hunc veterem agnosco,
sed novum genus auditorum, floremque ipsum
Curiae conspicio; quæ quando occurrit oculis
nova & tam plena maiestatis frequentia, per-
stringor animo, homo naturâ timidus, & toto
corpore collabor, meque loqui non in Academia,
sed in Curia, à qua semper refugi, censeo. Sed
nullus nunc aut subterfugij aut veniæ locus: nos
agamus quod nostrum est, quodque possumus;
cætera Deo curæ erunt.

Apostolus igitur sermonem de precibus in-
stituens, pro quovis hominum genere precan-
dum esse docuit: in primis autem & seorsim pro
Regibus & principibus viris, quos Deus ad
summum honoris atque authoritatis gradum
evexit, ut non modò trāquillitatis & pacis pub-
licæ custodes essent, sed honestatis etiam veræ-
que pietatis vindices; ne illorum functionem
omnem ad res duntaxat, forenses pertinere ex-
istimemus. Argumētum à fine ducitur. Hæ cu-
ræ, vigiliæ, artes debent esse Principum, provi-
dere, si poterint, ut populus non modo in pace
vivat, sed Deum sanctè casteque colat: ergo no-
strum est, Deo salutem Principum assiduus &
solicitis precibus commendare. Quod quidem
si ullus populus facere unquā debuit, nos max-
ime oportet, nisi ingratis simus, pro nostræ
optimæ

optimæ Principis, dicam, an parētis, incolumi-
tate, Deo sapius & studiosius, quàm pro capi-
tibus nostris supplicare : eoque nūc magis, quò
plures passim volitant ficarii & venefici emissar-
ij, mancipia Satanæ & Papæ, qui summam pi-
etatem in summo scelere ponunt, & sectæ suæ
esse putant, non modò viles animas ut pecudes
trucidare, sed Principes & viros primarios,
quos Pontifex aut proscribit, aut non amat, tol-
lere de medio, si possint. Apostolus autem lon-
gè aliter, adeo abesse à Principum personis vi-
olandis, ne dum interficiendis oportere, ut pro
illis perpetuò precandum esse doceat, idque pi-
um, Deoque nostro servatori gratum esse con-
firmet. Quod si pium sit, Deoque placeat, vota
facere pro vita Principum, certe impium &
Deo odiosum est, de illorum pernicie cogitare,
quicquid contra impij atque infesti Iesuite per-
suaserint. Sanctum enim est, non quod illi vo-
lunt, sed quod Deus mandavit : qui cum toti
mortalium generi favet, tum præcipuè Princi-
pes singulari quodam favore prosequitur, *ὅς
λαοὶς ὑπὲρ πάντων ἐν τοῖς μέλησι*, ut divinus Po-
eta, *ὅς δὲ διὰ βασιλεῖς*. Sed iā Apostolus assurgit
altius : & quia videri potuit frustra esse pro
Principibus precari, quòd tum quidem Evan-
gelio summâ contentione restiterint, & Christi
Ecclesiam furiosissimè vexârint, non tamen
proinde de illis desperandum esse monet, ar-
gumento à genere : Deus tam clemens est, ut
omnes homines salvari velit, & venire ad no-
titiam

titiam veritatis, quæ via est ad salutem: ergo non est putandum, Dei clementiam præclusam esse Regibus, qui certè inter homines Dij sunt; & si, ut Clemens ait, omnis homo est *ἡγεμὼν πύτων*, quantò magis Principes, quibus Deus tanquam ministris aut vicariis, aut quodammodo collegis suis utitur: quique ut ille sapiens Rex dixit, *πάντες ἀνδραγαθὴν* utantur, sed interim *ἐξουσίαν ἰσχύος* habent? Hos Deus salvos esse nolit, cui cordi est salus omnium? ut etiam in argumento maioris comparatio lateat.

Sed quemadmodum Deus salutem omnium velit, magna inter Theologos & dissensio & disceptatio est, de qua hodie mihi dicendum esse video. Quæramus igitur veritatem vero sincereque studio, cum multi mirentur, quo pacto eveniat, ut tanta hominum multitudo pereat, si verum dixit Apostolus, velle Deum servari omnes. Non potuit Deus servare quos voluit? Dei voluntas impediri possit? An aliquid fortius Deo? Quare cum tam multi non perveniant neque ad salutem neque ad veritatis agnitionem, aut non voluit Deus servare omnes, aut à scopo suo & proposito multum aberravit. Fatendum est igitur, non simpliciter & absolute Deum hoc velle de omnibus, ea voluntate quam Scriptura *ἐὺδοκίαν* vocat; quando impediri eam aut frustrari nulla ratio concedit. Si enim Deus quod cupiat, exoptet, expetat, efficere nequeat, omnipotens non est: si nolit, non igitur *ἐὺδοκίαν*. Absit à nobis, ut fieri non credamus, quod
Deo

Deo placuit, cum Scriptura fecisse clamat, quicquid voluit in cœlo terrâq; . Et Pontificij Theologi (Scotus & Occamus in 1. d. 46. & alij) nullam in Deo voluntatem beneplaciti reperiri affirmant, quæ non impleatur. Et certè qui non facit, quod ex animo desiderat, eum aut infirmitate aliqua prohiberi, aut contrariæ voluntati cedere necesse est: quorum neutrum de Deo cogitare fas est. Mox igitur obtinemus sine certamine, non sic Deum velle salutem omnium, ut quorundam. Certè enim Christus Luc. 12. 32. parvum gregem suum prohibet timere, quia *ἐνδεχεται ὁ πατήρ*, patri placuit visumq; est, illis regnū dare. Et Apostolus, Eph. 1. 5. ait nos prædestinatos esse ad adoptionem *καὶ τὴν ἐνδοξίαν τῆς δόξης αὐτοῦ, secundum beneplacitum voluntatis suæ*. Certum igitur est, sic horum placere Deo salutem, ut eā nihil Deo charius sit. Si sic omnes servari vellet, sollicitius in lapidem aut carbonem verteretur quàm quisquam homo interiret. Adhuc igitur pergamus, ut liqueat quomodo Deus servari velit omnes. Damascenus magnus Theologiæ magister lib. 2. cap. 29. de fide orthodox. distinctionem quandam adhibet, quam ipse finxit, non didicit, voluntatis antecedentis & consequentis: vocat *δίλημα προηγμένον & ἐπὶ μέλλον*. Velle Deum *προηγμένως* omnes servari, non *ἐπὶ μέλλον*. Sensus est, Deum omnes ad foelicitatem & salutem condidisse, & omnia ijs adiumenta ad hos fines necessaria subministrare, idque sibi ex animo proponere, ut omnes

omnes beatos faciat, nisi per ipsos steterit: sed multos hac benignitate abuti, & suæ salutis adversari, ideoque nolle eos servari. Hæc opinio salutem omnium ab ea conditione suspendit, si ipsi velint: posse omnes servari si velint, nullos damnari, nisi quod salutem respuerint, qua potiri in eorum arbitrio & potestate fuerat. Multi hanc sententiam ut omnium æquissimam, & iustitiæ divinæ convenientissimā amplectuntur, præsertim Papistæ, qui libero arbitrio plus tribuunt, quàm fides Catholica permittit. Vera ne sit, statim audietis. Nunc quid alij statuerint, exponamus. Thomas in hunc locum, eiusque discipulus Caietanus, & Marsilius in 1. d. 45. art. 1. multiq̃ue alij, aiunt Apostolum de voluntate signi loqui, non beneplaciti. Nam voluntatem beneplaciti in Deo esse formaliter: eamq̃ue impleri semper: signi non esse formaliter in Deo, sed esse effectum Dei proponentis omnibus hominibus præcepta salutis, doctrināq̃ Evangelij, quemadmodum Deus, quando punit peccatores, ijs irasci dicitur, cùm nulla in Deo ira formaliter potiunda sit. Illam dici iram, & hanc voluntatem, sed improprie. Velle ergo omnes salvos esse, quia omnibus proponit documenta salutis. Non hæc nupera, non pridiana distinctio est, à Petro Martyre, aut Iohanne Calvino excogitata, sed ab ipsis Scholasticis usurpata: utinam nullas nobis peiores reliquissent. De hac quid sentiam, mox expromam. Nunc quid Augustinus tradidit, audiamus, cuius non immerito

merito nobis gravissima authoritas videri debet in hac causa, in qua tantopere sese exercuerit, homo & ingenio præstans, & falsarum opinionum debellator strenuus. Is sæpe hunc locum tractavit, sed aliter atq; aliter exposuit, in re tamen non dissimiliter. Epist. 107. Enchir. cap. 103. Hypognost. lib. 6. De prædest. Sanctorum cap. 8. non de omnibus universim, sed de omnibus, qui servantur. Vt quando unus Pædagogus docet pueros in aliqua civitate, solemus dicere, illū docere omnes eiusdē civitatis pueros; nō simpliciter omnes, cum multi sint qui a nemine doceantur, sed qui docentur omnes. Et sic Rom. 9. 18. in uno omnes iustificari dicuntur, ut omnes in uno cōdemnantur. Certè non singuli iustificantur, sed qui iustificantur, in uno omnes iustitiam adipiscuntur. Hanc expositionem Anselmus Cantuariensis Archiepiscopus sequitur in Commentarijs in hunc locum. Idem Augustinus in Enchirid. cap. 103. & de correptione & gratia. c. 14. ait hoc in loco distributionem fieri pro generibus singulorum, non singulis generibus, id est non singulos omnium ordinū Deū servare decrevisse aut populorum, sed nullum statum hominum, nec populum à salute excludi. Sic Christus Matth. 23. *decimatis omne olivum*, id est, quāvis speciem oleris. Sic Christus Matth. 4. omnem morbum sanasse dicitur, & in Arca Noë, omnia animalia servata sunt: & tamen nec Christus ægrotos omnes restituit sanitati, & hominum pecudumque infinitæ myriades

In diluvio perierunt.

Istæ expositiones Thomæ & Augustini, in quibus pleriq; & graviores sanioresq; Theologi semper acquieverunt, terminis non sensu differunt. Sive enim dicamus, velle omnes servari voluntate signi non beneplaciti, sive omnes qui servantur, sive genera singulorum, huc rediit sensus, non esse in decreto aut proposito Dei, homines universos servare, ut quidam opinantur. Tum enim nihil posset universi generis humani salutem impedire: & si aliquid obsisteret, at facile esset Deo, si vellet, impedimenta omnia remove, atq; omnium salutem expedire. Sed vult Deus (inquiunt nonnulli) si nos volumus, & nisi defuerimus ipsi nobis, Deus nostrâ salutem ardentem expetit, nos salutem & felicitatē nostram sponte prodimus, quia servari volumus, quod si vellemus, facile possemus. Hæc nunc opinio increbrescit: quæ est penitus & pura puta Pelagiana. Et quidem negandum non est, nos magnopere deesse nobis in hoc negotio salutis: ut merito propter hanc incuriam damnemur. Nihil ferè minoris, quàm salutem nostram æstimamus, nullius rei tam prodigi sumus, quàm propriæ salutis. Sed dicendum tamē non est, esse in arbitrio nostro, servari si volumus, aut hæreditatem cēlestem nostræ voluntatis merito tributam esse. Hæc illa voluntas est antecedens, commentum Damasceni; hæc conditio divinæ voluntatis, à qua salus omnium pendeat; hanc doctrinam Rhemenses Papistæ, &

& Catharini; & multi præterea Iesuitæ amplexi sunt: & ea facile in aures omnium animosq; illabitur, & non videtur à ratione atq; æquitate abhorrere. Vult Deus, sed quia nolumus nos, à salute excidimus. Agè, rationes pauculas contrà proferamus, vt vulgaris huius opinionis, in qua nihil aut subtile aut reconditum, imò nec sanum aut solidum est, falsitatem redarguamus.

Igitur si hanc opinionē sequimur, vult Deus omnes servari, si velint omnes. *Primo*, dilutam admodum & frigidam voluntatem Deo tribuemus. Leviter vult, qui non vult, nisi alius velit: Absit ut salus nostra tam tenui nostræ voluntatis filo pendeat: aut Deus non magis velit salutem nostram, quàm ipsi nos. Quomodo igitur Propheta ait, inventum esse Deū ab iis, qui illum non quaerunt? *Secundo*, erit igitur incerta & mutabilis voluntas Dei: & in Deo formaliter mutatio. Nam certè nil mutabilius voluntate hominum. Ita Deus nunc vult, nunc non vult, servari homines, si Dei voluntas hominum voluntatem sequatur. Atq; hoc modo in Dei voluntate mille mutationes ponentur. Absurdum, indignum Deo, & naturæ divinæ contrarium. *Tertio*, aut nulla erit omnino prædestinatio, aut eius causa hominum voluntas erit. Vtrūq; iam dudum ex omnibus Theologorum scholis explosum est. Nam prædestinationem, eamq; certam, Scriptura, Augustinus, & nulli Theologi fortius quàm Scholastici cōfirmant.

Cuius nulla alia ratio afferri potest, præterquã voluntas Dei, vt Augustinus & Thomas mil-
lies. At si voluntas nostra ratio & conditio sit salutis nostrę, tũ nullã in Deo certa prædestina-
tio statui potest, quia tũ Deus vellet salutem nostram conditionaliter: aut si verbo prædesti-
natio ponatur, eam necesse est nostrę volunta-
ti accommodatę esse. Sed Augustinus & Tho-
mas invictis rationibus docent, adeo non esse voluntatem nostram prædestinationis divinę causam, vt contrã divina prædestinatio causa sit eius voluntatis, qua nosmetipsi salvos esse volumus. Quantum inter has opiniones inter-
valli est? *Quartò*, hæc opinio infantes omnes iu-
gulat, qui voluntate sua ad Christũ venire, & sa-
lutem oblatam amplecti nequeunt. Si ergo De-
us vult omnes servari, sed non nisi eã lege, ut ip-
si velint: tũ infantes omnes ab omni spe salutis exclusissimi sunt, cum nullam salutis suę aut voluntatem aut intelligẽtiam habeant. At Pau-
lus aliter, sanctorum liberos sanctos esse pro-
nunciat: si sancti, ergo ad Ecclesiã pertinent; ergo servari possunt; ergo illorum salus non à propria voluntate. *Quintò*, hoc est ponere libe-
rũ arbitrium, non ut Papistę modò solent, sed ut Pelagianĩ; esse in nobis, servari si volumus. I-
gitur & nos Papistas immeritò accusamus de libero arbitrio, & Pelagium Augustinus olim iniustissime hoc nomine damnavit. Forsan non hoc nomine damnatus est Pelagiũs. Hoc ipso inquam nomine & crimine. Augustinus epist.

107. contra Pelagium sententias quasdam proponens, *multi* (inquit) *salvi non sunt, non quia ipsi, sed quia Deus non vult.* Itane Deus non vult multos servari; quiq; aliter existimant, Pelagiani sunt, nec intelligunt omnino, qua locutione sit dictum, quod omnes homines salvos fieri Deus velit? Sic sane Augustinus, si non Pelagio potius quam Augustino assentiendum sit. Iterum ibi, quarta sententia est contra Pelagium, gratiam Dei non dari hominibus secundum aut opera aut voluntatem. At si Deus dat gratiam, quia homo gratiam recipere vult, gratia secundum voluntatem datur, quod Pelagianum est. Concilium Arausicanum secundum, quod contra Pelagianos certa capita promulgavit, 3. capit. ait, qui gratiam Dei posse conferri invocatione humana dixerit, eum Esaie Prophetæ contradicere: & quarto, si quis contendit voluntatem nostram expectare Deum, ut à peccato purgemur, non etiam ut velimus purgari, in nobis fieri per infusionem Spiritus sancti, eum Spiritui sancto resistere. Si Deus vult, quia nos volumus, tum Deus nostram voluntatem expectat, non infundit: quod in Pelagio Concilium damnavit, nos in Papistis & novis Pelagianis probare non possumus. Sextò & postremò, ineptum est dicere, Deum velle nos servari, si volumus nos, cum nos nec velle possimus, nisi ut velimus Deus faciat, & Deus non omnibus tribuit hanc voluntatem. Omnibus autem datâ esse hanc gratiam & voluntatem, usq; adeo Pelagianum

lagianū est, vt nil ipse Pelagius extulerit, quod Catholicos Ecclesiæ Patres magis offenderet, Augustinus epist. 107. cap. 4. *Scimus non omnibus hominibus dari gratiam.* Et illud celebre Augustini, *cur Deus trahat hunc, non trahat illum, noli velle diiudicare, si non vis errare.* Et de peccatorum merit. & remiss. lib. 2. cap. 18. *Bonam voluntatem Deus quibusdam dari voluit, quibusdam noluit.* Quare Thomas acutissimè de veritate, *Quod omnibus datur, id naturale esse.* Erit igitur gratia non iam gratia, sed natura, si omnibus data fuerit, si omnes trahantur a Patre, si vniversalis, id est, vniuersis communicata gratia sit. Et quid iam prohibet Pelagium ex inferis evocare, & laureatum in Divorum album referre? Augustinum, Prosperum, tam multos Ecclesiæ Patres, de cœlesti regno, vt malę fidei possessores detrahere, atq; ad inferos amandare? Sed iaceat Pelagius in puteo infernali cum putidissimâ hæresi suâ, nos vt Pelagij nomen odimus, ita Pelagij opiniones repullulantes refecemus.

Sed antequam hunc locum concludo, ex his quæ dicta sunt, propositiones, aut vt Scholarum verbo utar, corollaria sex deducam. *Prima propositio est.* Prædestinatorum certus est numerus, qui nec augeri nec minui potest. Augustini hæc verba sunt, de corrept. & grat. cap. 13. & Thomæ in primâ part. q. 23. art. 7. vbi etiam ait certum esse, nō modò ratione cognitionis, quia scit quot sit salvandi (sic enim certus est numerus Deo guttarum pluvie, & arenæ maris, & capil-

lorum

lorum nostrorum capitum) sed ratione electionis & definitionis. Non igitur salus nostra tam laxo vinculo nostræ voluntatis continetur. Solus Deus hunc numerum novit, nostrum est, ex regula charitatis de omnibus iudicare, donec Deus iudicia sua palam protulerit. *Secunda*, causam prædestinationis nullam posse nominari, præterquam Dei gratuitam, & liberam, & simplicem voluntatem. Sic Augustinus constanter, postquam est à Pelagianis benè exercitatus, & quodammodo politus: antè quidem paulò aliter, sed errorem suum agnovit. Nec Thomas ab Augustino latum vnguem discedit. Hic in 1. p. q. 23. art. 5. sic habet. Cur Deus quosdam elegerit, quosdã verò reiecerit, posse causam assignari extra Deũ, eius nempe gloriã: sed quare hunc elegerit, nõ illum, nullã causam afferri posse, præterquam Dei simplicem atque absolutam voluntatem. Vt qui ædificat, aliam materiæ partem in imo, aliam in summo collocat, quia perfectum opus instituit: sed si quæras, cur hunc lapidem in imo potius quàm summo posuerit, nõ aliud audies, nisi quòd ei sic placuerit; & ea ratione contentus esse debes. Nos Deum iniustum esse clamabimus, nisi de quaque actione nostræ morositati satisfecerit? Discurre in hoc labyrintho, & te fatiga plusculum: nil proficies, exitum non invenies. Ita etiam in 9. ad Rom. & contra Gentiles lib. 3. cap. 16. 1. & multis alijs in locis. *Tertia*, Deus sine iniustitia potest de hominibus univèrsis statuere,

Y 4

quicquid

quicquid ipsi placuerit, in alterutraque partem. Id Apostolus in 9. ad Roman. figuli exemplo probat, quod documentum Apostolicum tam est illustre, ut nullas elusiones patiatur. Quare Augustinus istis quaestionibus pressus, duo se dicit habere, quæ respondeat; non est iniquitas apud deum; & o altitudo! habet enim ille, vitæ necisq; ius. Nisses filium suum aratro cavit ne perstringeret. Et pie. Homini non licet hominem filium occidere: filius enim est, non creatura, non figmentum. At nos Dei κτισματα sumus, δαδματα, πεινματα. Ergo in nos absolutam potestatem habet. Quare si nos non servamus alium ab interitu, cum in nostra potestate sit, homicidæ sumus: Deus sine culpa perire innumerabiles permittit. *Quarta*, Nemo ad salutem aspirare potest, nisi ei divinitus data fuerit voluntas & facultas. Christus ait, *Nemo ad me venit, nisi ei datum fuerit*: iterum, *Nemo ad me venit, nisi pater meus traxerit eum*: & Paulus, *Nil operari bonum aut velle possumus ex nobis*. Rectè Prosper ad cap. Gal obiecit 8: *Sine Dei gratia nemo currit ad gratiam*. Pelagius olim contras sed convictus auctoritate Scripturarum, obmutescere coactus est. Taceant discipuli Pelagij, nec illi confutato magistro obstrepere ausint. *Quinta*, Deus non dat gratiam suam omnibus, non vocat omnes, non inspirat omnibus eam voluntatem, ut veniant: non omnes Christum, unicam viam ad salutem, cognoscunt. Paulus Act. 14. *Deo antebac frop omnes gentes in suis ipsarum vijs ambula-*

re: & Propheta, *Olim non populus, olim non dile-*
cta: & nunc tertia pars hominum adeo non est
 prædita fide & notitia Christi, ut ne famâ Chri-
 sti tenui rumore audierint. Augustinus adeo
 non dari omnibus gratiam ait, ut ne vocentur
 quidem omnes ad gratiam. Non vocari omnes
 homines ad gratiâ, Augustino Pelagiani quasi
 errorem invidiosum objiciebant. Sed Prosper
 ad capitula Gallorum obiecit. 4. *verissimum ef-*
se probat, quod Augustinus docuit. *Sexta*, De-
 us non vult omnes mortales in genere, volunta-
 te & *evadere*, servari: tum enim quenquam dam-
 nari esset impossibile. Quid? falsamne Scriptu-
 ram esse dicemus, quæ 1. Sam. 2. filios Eli sa-
 cerdotis testatur nō auscultasse pijs monitis pa-
 rentis, quia Deus voluit illos perdere? Hos De-
 us volens permisit ruere in exitium: frustra er-
 go fuit quicquid pater quotidie illis consilij da-
 bat, ut eos ad bonam frugē revocaret. Non au-
 scultabāt, imò nō poterant auscultare, quia illos
 Deus devoverat neci. Quos igitur servare vult,
 eorum mentes inclinat gratiâ suâ ad obsequen-
 dum vocibus divinis: cæteros in duritia & ne-
 quitia sua progredi finit: omnes nascimur iræ
 & exitij mancipia: nec possumus ex hac mise-
 ria liberari, nisi nos Deus extrahat gratiâ suâ,
 quam ille non impartitur omnibus, quia non
 vult. Rectè igitur Augustinus epist. 106. *Lau-*
det misericordiam Dei, qui liberatur, non culpet in-
dicium, qui punitur. Quare nunc concludo cum
 Augustino Epist. 107. hæc verba Apostoli,
Deus

*Deus vult omnes homines servari, & vivo ego, no-
lo mortem piscatoris, alio modo intelligenda es-
se, & posse intelligi, quam ut huic apertissima
veritati, multos nolente Deo salvos non fieri,
contraria sint. Lege August. de prædest. &
grat. cap. 20.* Hæc breviter dicenda habui, nobilissimi au-
ditores, sed loco difficili, de quaestione lubrica,
de re cum semper tum nunc necessariâ, contra
Pelagium, cuius opiniones ita populares sunt,
ingenioq; humano aptæ atq; amicæ, ut parum
abfuerit, quin Augustinus, quod Pelagium re-
futaret, in commune odium incideret. Nihil ego
proposui, nisi quod firmissimis Scripturis, &
enucleatissimis Augustini, veterisq; Ecclesiæ tes-
timoniis nitatur. Nec possum non resistere
Pelagio, qui quanquam olim ab Augustino e-
gregie refutatus est, subinde tamen non con-
quievit, & turbas dedit, atque in Academies,
vrbes, Aulas, irrupit. Quanquam autem non-
nulla sunt in hac hæresi ad fallendum accom-
modata, non tamen difficile erit sibi lum ser-
pentis agnoscere, si quis paulisper attenderit ad
Scripturas. Et certè verum Plutarchus dixit, τὸ
δὲ χρὴν ἀντὶ τῆς ψυχῆς, ἀντὶ τοῦ σώματος ἀγανα. Hic finio.

FINIS.

Index locorum S. Scripturæ,

QUI IN HOC LIBRO CI-

tantur & explicantur.

<i>Exodus.</i>	C. v. p.	C. v. p.
C. v. p.	23 1 55	<i>Daniel.</i>
18 25 15		9 26 257
28 1 177	<i>II. Chron.</i>	
	29 4 55	<i>Hoseas.</i>
<i>Deuteronom.</i>		2 19 156
17 9 177	<i>Proverbia.</i>	6 10 251
25 1	1 8 174	9 8 248
<i>I. Regum.</i>	<i>Esaias.</i>	<i>Michæas.</i>
2 35 178	6 9 257	3 6 250
8 1 55	59 10 248	
18 19 15		<i>Malachias.</i>
22 6 15	<i>Hieremias.</i>	2 7 252
25 4	3 15 82	
7 255	4 9 250	<i>Matthæus.</i>
22 254	6 13 248	7 15 229
	14 14 248	22 29
	26 8 255	12 33 271
<i>II. Regum.</i>	11 255	34 271
23 1 55		15 14 229
2 55	<i>Ezechiel.</i>	16 18 252
	7 26 250	19 274
<i>I. Chron.</i>	22 15 249	17 27 180
13 1 55	34 2 230	18 17 169
2 55	3 230	18 217

Index locorum S. Scripturae.

C.	v.	p.	C.	v.	p.	
19	30		5	43	29	100
	217		9	22	256	190
20	15		10	5	229	5 190
	17		11	43	256	6 190
	26		13	16	192	8 14 191
	28				193	10 34 185
	¶c.		14	14	30	11 3 193
	316			16	222	15 1 98
	¶c.				269	2 96
19	29	30		17	269	5 98
23	9	174		26	269	6 1 ¶c.
24	11	253	16	13	222	16
	24	253			247	95
26	65	259			269	96
28	19	116			270	7 98
	225				278	119
	20	116	19	11	180	264
			21	16	83	12 98
					115	101
					116	20 260
					152	261
						22 95
						98
						101
						225
						23 99
						227
						29 260
						261
						96
						20

Marcus.

14 64 256

259

16 17 29

Lucas.

1 3 246

6 45 271

22 32 274

Ioannes.

3 19 156

Acta Apost.

1 23 116

190

26 190

4 7 29

12 148

6 2 16

98

16 4

Index locorum S. Scriptura.

C. v. p.	<i>Ad Ephesios.</i>	C. v. p.
20 17 86	C. v. p.	5 148
28 83	1 21 148	3 15 252
86	22 148	5 19 160
29 253	4 11 82	
254	152	<i>Ad Hebraeos.</i>
25 11 181	12 16	1 2 149
	5 23 148	5 2 184
<i>Ad Rom.</i>	25 156	7 5 181
		13 17 230
7 3 287	<i>Ad Philip.</i>	20 149
13 1 56	1 1 87	
181	2 9 148	<i>I. Petri.</i>
	21 249	2 13 57
<i>I. Ad Cor.</i>	22 30	5 2 116
7 39 287		4 149
14 30 17	<i>Ad Coloss.</i>	
	1 18 148	<i>II. Petri.</i>
<i>II. Ad Cor.</i>	19 149	2 1 253
4 4 238	20 149	254
11 2 156		<i>I. Iohannis.</i>
	<i>II. Ad Thess.</i>	4 1 273
<i>Ad Galatas.</i>	2 4 253	<i>Apocalypsis.</i>
2 11 182	254	1 8 149
184	<i>I. Ad Tim.</i>	5 5 149
4 26 174	2 2 57	21 2 156

FINIS.

INDEX

Index Rerum.

Numerus paginam denotat.

- A** Eneas Sylvius po- Cani regula, quomodo
stea dictus Pius se- iudicandum sit de Conci-
cundus, 74. mutatu sen- liis non errantibus. 213.
tentiam de primatu Con- Karovičev tās dānānāci,
ciliū supra Papam. 74. 75. quid significat apud So-
Alexandria sedebat cratem. 44. 45.
unus ex quatuor Patri- Christus est Pater fa-
archis, 42. milias Ecclesie. 151. est
Antiochia erat Patri- Pastor Ecclesie. 152. 153
archatus. 42. est caput Ecclesie. 154. est
Appellationes olim Sponsus Ecclesie. 156. ut
cur facta Romano Ponti- homo, in terris agens, in-
fici. 163. non fiebant a ge- ferior erat Imperatore.
neralibus Cociliis ad Pa- 180. eius nomina nonnul-
pam. 164. interdū ad Im- la xoiw, 150. nonnulla
peratorem facta. Ibid. se- axoiwvota, 148, 149.
pe erant improbata ab a- Christianorum parti-
aliis Ecclesiis. 167. 195. tio. 78, 79.
198. Concilium unde nome-
Athanasius non fuit habeat, 5. quid sit. Ibid.
præses Concilii Niceni. quatuorplex, 5, 6. est vel ge-
125. 126. neralia, vel nationale, vel
C totius, 7. eorum parti-
Caiaphæ prophetia ver- tio iuxta Bellarminum,
ra non evincit Concilia 7, 8, generalia, sunt Eccle-
synagoga posse. 258. 259. sic representativa, 19.

INDEX.

102, 210, errare possunt Authores, 51. particula-
 in fide. 12, 215, 178, &c. ria à Papa approbata non
 & in facto, ex Papistarum posse errare iuxta Papi-
 confessione. 277, 278, eo- stas, 213, 214, tum gene-
 rum Catalogus 8, & c. eo- ralia tum particularia à
 rum authoritas non est Papa approbata posse er-
 negligenda, 15, eorum ne rare, 215, & c. iudicium
 cessitas qua 16, 17, 22, generalis Concilii, licet sit
 & c. & utilitas varia, 18, ultimum iudicium huma-
 19, 20, 22, 23, 84. nō pos- num, tamen falli posse, 23,
 sunt condere articulos fi- eius propriè loquēdo nul-
 dei, 19 sunt publica consi- lum est iudicium, 231, &
 storia, 21, ex Scripturis si sit, nō est infallibile, 244
 de Heresibus & Hereti- quare eorum decreta di-
 cis pronuntiare debent, cantur divina, 234, nō
 22, 226, A quo cogenda, dant authoritatem Scrip-
 27, & c. eorum convoca- turis, 242, 243, eorū de-
 tio est quiddam notatū, creta non sunt divina, 25,
 25, & humanum inven- 262, 263, legitima esse
 tum, 77, ex quibus perso- possunt sine approbatione
 nis constare debent, 78, Romani Pontificis, 281,
 79, & c. Eorum finis pra- Iudeorum ante Christum
 cipuus quis, 84, 85 an su- potuisse errare. 257
 pra Papā sint, dubium est Concilia varia. Au-
 inter Papistas, 141, 145, tiochenum quando habi-
 sunt supra Papam, 169, tum. 10
 & c. praescribent olim Ariminense quādo ha-
 leges Romano Pontifici, 191 bitum. 10. erravit. 278,
 Conciliū generale sumitur 279. eius authoritatem
 interdum pro Nationali elevat Augustinum. 282,
 non pro Oecumenico apud 283. ei interfuerunt plu-
 rimi

INDEX

- rimi Episcopi. 284 Papatu abdicavit. 202
 Basilienſe quando ce- eius errores. 309, 31
 lebratum. 17. decrevit
 Concilium eſſe ſupra Pa- Constantinopolitanum
 pam. 207 primum, tempore The-
 Capueneſe Concilium doſij. 1. 8. à quo indictum
 Provinciale. 206, 207 erat. 61. eius preſes Ne-
 Carthagenenſe tertiu- Elarius. 135. equavit
 um erravit. 294. &c. Constantinopolitanu Ep-
 Carthagenenſe ſextu- scopum Romano. 19
 cuſ preſuit Aurelius. 139 ſecundum. 8. eius preſes
 inſregit authoritatem Menas vel Eutichius
 Romani Pontificis, & 139
 fraudes eius retexit. 199, Constantinopolitanum
 200 tertium. 9. eius errores ad-
 Chalcedonenſe quan- liquor. 29
 do habitum. 8. à Martia- Constantinopolitanum
 no indictu. 63. eius ſum- quartum.
 mus preſes Martianus Constantinopolitanum
 Imperator. 138. equavit quintum. 11
 Patriarcham Constanti- Constantinopolitanum
 nopolitanum Romano: ſextum condidit decretu
 201. 293. in quem ſinem contra primatum Roma-
 convocatum. 285. etus er- ni Pontificis. 203, 204
 ror quidam. 293. huius de eius authoritate. 204
 nonnulla acta improbat 205
 Gelafius. 294 Constantinopolitanum
 Conſtantieneſe quando aliud, Bellarmino Qui-
 habitum. 17. decrevit ſeſextum. 11
 Concilium eſſe ſupra Pa- Ephesineum primum
 pam. 207. Iohannem. 23 ſub Theodoſio iuniore. 8
 à quo

INDEX

à quo indictum erat . 62, secundum. 9
 eius summus Praeses ipse Neocæsariense appro-
 Theodosius. 137 batum à Romano Ponti-
 Ephesium secundum, fice. 287. eius errores ali-
 10. erravit. 278, 279. ce- quot. 287, &c.
 lebre numero Episcoporum Nicenum primum, tē-
 284, 285, appellatur ab pore Constantini . 8. sub
 historicis aspiciunt, 10, 285 Iulio habitum. 13. 58. c-
 Florentinum. 10 rat primum generale
 Francofordiense, sub Concilium. 23. à Constā-
 Carolo Magno. 11 tino indictum. 59, &c. e-
 Hierosolymitanum tē- ius praeses Constantinus
 pore Apostolorum, qua Magnus. 130, &c. eius
 de causa congregatum. 1, error de rebaptizandis
 2. peculiare huius privi- hareticis. 289, 290. eius
 legium erat ob presen- alter error de Milu-
 Apostolorum ut non er- damnatā. 291, 292
 raret. 226 Nicenum secundum
 Iudeorum de proden- sub Irene. 9. erat Idolola-
 do Christo, quale. 257 tricum. 84. eius varij er-
 Lateranense primum. 9 rores. 295, 296, &c.
 secundum. 9 Pisannum decrevit Cō-
 tertium. 9. eius er- cilium esse supra Papā.
 ror quidam. 307 21. 207
 quartum. 9. eius er- Romanum sub Sylve-
 ror quidam. 307, 308 stro, dubia authoritatis.
 quintum. 10 160. eius error quidā. ibi.
 Lateranense sub Le- Romanum quartum
 one decimo. 10. eius er- coactū à Theodorico. 50
 ror. 312, 313 Romanum, sub Ste-
 Lugdunenise primū. 9 phano erravit. 299
 Z i Ro-

INDEX.

- Romaniam sub Nico-* 101
lao secundo erravit. 303. *Controversia cur non*
Sardicense. 11. *Con-* *componantur in Ecclesia.*
stantij & Constantis an- 238, 239
thoritate coactum. 65 *Cusanus Cardinalis*
Eius præsides Hosius Cor- *scribit 8 generalia Con-*
dubensis. 139 *cilia prima, ab Imperato-*
Seleuciense erravit. *re fuisse indicta.* 75, 76,
278, &c. *& ijs Imperatores præ-*
Sinuessanum an ullum fuisse. 139
fuit non est certum. 159 *Cypriani & Concilio-*
Sirmienſe. 11. *literas rum Africanorum eius*
mandatorias Felici scrip- *temporibus error.* 286
ſit de receptione Liberij, *Cyrillus quomodo na-*
195. 196 *Etus præſidentiam in E-*
Toletanum tertium di- *phesino Concilio,* 136
citur generale cum tan-
tum fuerit Nationale. 51 *D*
Viennense. 9, 10 *Damaſi ſolertia in E-*
Constantinopolis dice- *pistola ad Concilium Cō-*
batur nova Roma. 41, *stantinopolitanum.* 117
42, & *ſedes Imperij illuc magna ex parte ſuppoſi-*
erat translata. 202 *titie.* 52
Constantinopolitanus *Definire in Concilijs*
Patriarcha Romano ex- *quid ſignificet.* 83, 84
equatus. 198, 201, 202 *Δι' αὐτοῦ quinam olim di-*
Constantinus magnus *cebantur,* 288
Præſes fuit Nicani Con- *Dioſcorus quare dā-*
cilij. 130, &c. *natus in Concilio Epheſi-*
Conſuetudo peſſimus no. 47, 48, 162
Scriptura interpres, 99, *E*

INDEX.

E

runt.

332, 333

Ecclesia quomodo a

F

Repub. differat. 23. est mater fidelium. 174, 175

Fides humana quæ. 275 276, ex eo non certi su-

Episcopus nõ est supra Coepiscopum iure divino. rare.

mus Concilia nõ posse er- 276

57, 58 soli non habent suf- fragium decisivum in Cõ-

Formosi acta à Ste- phano irrita redduntur. 301, 302,

subscripserunt in Concili- is. 90. omnes sunt Vicarij

Generale Conciliũ a- pud Historicos interdum

Christi, iuxta Ambrosi- um. 167, ex Iesuitarum doctrina sequitur eos tã-

sumitur pro Nationali. 51

tum monitores non iudi- ces esse in Concilijs. 214,

Hereses optimè dam- nantur in Concilijs. 21

221, 222, 267, quibus ti- tulus in Scripturis exor-

Hofius Cordubensis vir magne authoritatis, 126,

nati & cur. 228, 229, nullo donantur privilegio

127, nõ fuit Legatus Põ- tificis Romani, in Conci-

non errandi in Concilijs. 273, 274

lio Nicano, 126, 127, 128 primus tamen subscripsit,

Epistole decretales, vid. 128

Decretales Epistole.

I

Eustathius Antioche- nus Episcopus non fuit

Iacobus Preses erat in Synodo Hierosolymitana.

Preses primarius in Cõ- cilio Niceno. 129, 130

de qua Act. 15. 120, 121, 193.

Excommunicati qua- re olim qui decretis Con-

Imperator quomodo Pastor & quomodo Ovis.

ciliorum non acquie-

34, eius erat olim cõgre-

Z 2 gare

INDEX.

gare Concilia 37, eius iū de exequando Episcopo
coarctatum imperiū. 38, Constantinopolitano Ro-
generalia prima (Concilia mano. 202, 234, 280, 281
ab eo indicta. 58, &c. 70, Lex de sanguine &
eius autoritas supra pa- suffocato de qua Act. 15,
palem olim. 66, eius est quamdiu duravit, 260,
præsidere Conciliis intra 261

fines imperij. 148 Liberius & Felix unā

Iulius Pontifex Ro- Pontificatū gesserūt. 196
manus tempore Concilij

Nicani primi. 12, 58, gra- Metropolis à quo cō-
viter reprehensus à Pa- stiti, 41, & quam ob cau-
tribus Antiochenis. 197, sam, 41, 42

eius fraus in Epistola ad Moderatores in Con-
Orientales. 45, 46 cilijs constituendi. 91, 93

Iurisdictio Ecclesiasti- Monachi antiquitus
ca primario competis Ec- in nullo ordine Ecclesia-
clesia toti, & secundario stico, 89
singulis Episcopis. 178

179, 210 Nazianzeni sententia de
generalibus Concilijs, 13,

Laici olim interfue- 14, 15, 314, 314

runt Conciliis. 96, 97, & Neōtarius præsides Cō-
subscripserunt definiēdo. cilijs Constantinopolitani
97, 104, &c. primi. 135

Leo primus, Papa am- Nitus Episcopus Thes-
brosus. 34, 37, 71, tribus salonicensis scripsit contra
it primas Imperatori in primatum Papa. 73

Concilijs congregandis, 71, Nomen Christi quid
semper restitit decreto significet in Scripturis.
Concilijs Chalcedonensis 29, &c. quid sit in nomine
Christi

INDEX.

Christi congregari. 29, nonico, 243, olim nullius
 &c. 219, 220, 266 authoritatis fuit prout
 O nunc est, 285
 Ordo in Conciliis cele- Patriarcha olim sin-
 brandis servandus, 91, 92 guli suarum provinciarum
 P episcopos congregabant 40
 Papa non est congre- equalem inter se habue-
 gare concilia iure divino. runt authoritatem. Ibid.
 36, non est Monarcha facti sunt sanctionibus
 Ecclesiasticus 39, 40. Imperatorum. 42, eorum
 lim erat primus Patri- erat Conciliis generalibus
 archa, 41, 42, eius non est interesse. 47.
 presidere Conciliis. 113, Petrus non fuit Pastor
 &c. hoc nomen commune Apostolorum, 34. non fuit
 olim reliquis Episcopis Preses Concilij Aposto-
 117, non est Paterfamili- lorum de quo Act. 15,
 as Ecclesie, 151, non est 118, &c. 193. Cur ei
 Pastor Ecclesie. 152, 153, data claves. 182. reliquis
 non est caput Ecclesie Apostolis simul sumptis.
 154, 187, 188, 189, non inferior erat. 194. de eius
 est sponsus Ecclesie, 156, succedere variant autho-
 157. a nomine indicandus res. 194
 iuxta Bellarminum. 147, Pontifex Romanus
 144, 170, non habet pri- cur primus Patriarcha
 mariam potestatem ligandi; 201
 & solvendi, sed ab Eccle- Populus olim interfu-
 sia, 178, potest in haresin it Conciliis, 96, 97, & in-
 incidere, 185, eius iudici- diciu interposuit Concili-
 um non est supremum in orum definitionibus, 67
 Ecclesia, 237, non dat au- Pralati soli non debet
 thoritatem ulli libro Ca- habere suffragium decisi-

INDEX

num in Concilijs. 80, 81, olim, 261
 &c. S

Presidentia in Concilijs pertinet ad Imperatores & principes, 114, &c. Sacerdotium Aaronicū stetit post adventum Christi. 257, 258

Presbyteri olim interfuerunt Concilijs. 95, & habuerūt suffragium decisivum. 96, 97, &c. Scriptura in Concilijs & norma iudicandi & index, 22, 226, 231, eius iudiciū est supremū, 238, ex hac hæretici refellendi

Principum Christianorum est Concilia congregare Nationalia. 56, & Oecumenicis convocandis opem suam prestare. 38, & presidere in iisdem 114, &c. 241 Spiritus S. nō alligatus ad Concilia. 245, 272, nō linguas tantū sed corda etiā docet. 269, 270 Subscribere idē olim erat quod definire, 104

Propheta apud Israelitas magis liberi ab errore, quā Sacerdotes, 255 Subscriptiones plurimorū Conciliorū dubie fidei. 131

R. Euvodoi romani qua. 6. xat' i' maxius, qua. ibid. dixu d' p' n' ai qua. 7

Reges apud Israelitas Concilia indicebant. 55, 56, eorum est Concilia convocare. 56 Sylvester Papa ante Nicanā Synodū mortuus est, 13, 58, 128

Respub. quomodo ab Ecclesia differat. 23 Symmachus Papa non Romanus Pontifex coegit Concilium Romanum primum Patriarcha num quartum. 50

FINIS.



ERRATA SIC CORRIGITO

Pag.	Lin.	Pro	Lege
56.	28.26.	κγ	κγ
78.	17.	qnorum	quorum.
83.	27.	præcibendi	præscribendi.
89.	14.	18.	28.
135.	18.	Theoderetus	Theodoretus.
147.	15.	Antichristi- nissimū	Antichristianissi- mum.
189.	10.	ὁρισμῶν	ὁρισμῶν.
261.	13.	Ceda	Beda.
261.	14.	Bryfostomus	Chrysostomus.
265.	30.	sanctns	sanctus.
296.	28.29.	<i>sic repone.</i> & alterum sub Constā- tino Copronymo, in quibus vtrisque imagines damnatae sunt. Et hoc po- sterius.	
298.	25.	<i>sic lege.</i> Constantinopolitanum se- cundum εἰκονόμαχον.	

Cætera benevolo lectori corrigen-
da relinquimus.